



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>




UNIVERSITEITSBIBLIOTHEEK GENT



071628

Digitized by Google



Phil. 202 C

Phil. 202 C



INITIA
P H I L O S O P H I A E
P L A T O N I C A E.

INITIA
P H I L O S O P H I A E
P L A T O N I C A E.

THE UNIVERSITY OF CHICAGO

LIBRARY


INITIA
P H I L O S O P H I A E
P L A T O N I C A E.

A U C T O R E
PHIL. GUIL. VAN HEUSDE.

VOLUMINIS SECUNDI
P A R S P R I M A.

PHILOSOPHIA VERI.
DE VERI AMORE.

TRAJECTI AD RHENUM,
APUD JOANNEM ALTHER.
1831.



DISQUISITIONUM SUCCESSIO
ET ARGUMENTA.

DE PHILOSOPHIA.
PROOEMIUM IN PHILOSOPHIAM
PLATONICAM.

V. L. P. 45

*Philosophia, de veterum
sententiâ, amor est cognoscendi,
sapientiae studium.*

P. 47

*Apud veteres philosophia
non doctrina est, sed parens et
procreatrix doctrinarum.*

P. 51

*Quo potissimum apud veteres
spectavit philosophia?*

P. 53

*Veterum philosophorum
de philosophiae vi et ubertate
sententiae.*

P. 60

*De philosophia Pla-
tonis.*

P. 69

Du-

*Ducit apud Platonem
philosophia ad pulcrum, ad verum,
ad justum, praecipue autem
ad verum.*

P. 70

DE ANIMO.

IPSIUS PHILOSOPHIAE PLATONICAE
PROOEMIUM.

P. 75

*De pristino animi et puro
statu.*

P. 84

*De animi in praesentem
conditionem lapsu.*

P. 89

*Per philosophiam animus
in pristinum est statum redu-
endus.*

P. 95

PHI-

PHILOSOPHIA PULCRI

SIVE

DE AMORE.

P. 97

DE AMORE.

PLATONIS DE HOC ARGUMENTO

PHILOSOPHANDI RATIO.

P. 99

De vulgari amore.

P. 100

*De amore uranio sive
coelesti.*

P. 106

*Virtutis auctor apud Platonem
coelestis amor est.*

P. 115

*Homines ἐνθαρδὺς adeo
ad virtutem efficit amor coelestis.*

P. 118

*Divino impetu optima
quaeque in hominum genere exstite-
runt: de ἐνθουσιάζει amoris.*

P. 125

De

*De amoris apud Platonem
et philosophiae necessitudine.* P. 130

DE ARTIBUS,
QUAE AD PULCRI DUCUNT AMOREM,
IN PRIMIS DE MUSICA. P. 140

*Quid illud est, quod in artium
studio reprehendit Plato?* P. 140

*Quo spectant potissimum apud
Platonem artes?* P. 148

De origine musices. P. 144

*De vi musices
ad excolendos puerorum animos.* P. 147

*De musica et gymnastica
in puerorum institutione recte
temperanda.* P. 156

*Ad excitandum alendumque
in animis pulcri amorem, cum musica
tum caeterae artes tractandae
sunt potissimum.* P. 158
De

*De pulcro, quod spectavit
Plato.*

P. 166

*Sublimis est apud Platonem maxi-
me disciplina pulcri.*

P. 165

*De dialogis Platonis, qui
ad pulcri philosophiam pertinent
proxime.*

P. 167

D E

PULCRI SCIENTIA.

P. 175

*De disciplinâ amoris,
quæ ad pulcri ducit scientiam.*

P. 176

*De amoris natura. Ex
indigentia oritur.*

P. 179

*Quænam potissimum
illa sunt, quæ appetit amor?*

P. 181

*De viâ et ratione,
quâ accedere hominem ad pulcri
scientiam oportet.*

P. 187

*de Sympositi Platonici forma
et ratione.*

P. 198

P H I.

PHILOSOPHIA VERI

SIVE

DE MUNDO NOHTΩ.

V. L. P. I. P. I.

DE

DE VERI AMORE.

P. 11

*Oratorum et sophistarum
de opinione et scientiâ placita.*

P. 13

*De insito naturâ homini
veri amore.*

P. 19

Quid est discere?

P. 29

*Pulcra in animo excitant
amorem veri.*

P. 35

*De mentis oculo,
quo uno cerni veritas potest.*

P. 40

*Quid est docere?
sive de παιδείᾳ Socraticâ.*

P. 52

De

*De dicendi ratione,
quam, per Platonem, Socrates peperit
disciplina.* p. 77

*De eo, quod in eloquentia
est summum.* p. 78

*De scribendi ratione, quae
prosit hominibus.* p. 100

*Quid scribendo spectavit
Plato? sive de Platonici dialogi
natura.* p. 170

*Omnis est philosophiae
principium summum amor veri,* p. 160

DE
DISCIPLINIS,
QUAE MENTEM ELEVANT IN MUNDUM
NOTION, IN PRIMIS DE
DIALECTICA. V. R. P. L. P. 1

*Quo valent maxime,
quid efficere disciplinae debent?* p.

De

De indole philosophæ.

P. 20

*De communi artium
ac doctrinarum vinculo et quasi
cognitione.*

P. 26

*Quinam proprie philosophi
sunt dicendi?*

P. 35

*Quibus maxime disciplinis
juvenes erudiri oportet, qui nati
sunt ad philosophiam?*

P. 43

De arithmetica.

P. 44

De geometriâ et astronomiâ.

P. 60

De harmoniâ.

P. 70

*De disciplinis ma-
thematicis justo proposito trac-
tandis.*

P. 74

DE DIALECTICA.

P. 75

*Dialecticæ apud Græcos
initia.*

P. 78

So-

Socratica dialectica.

p. 56

Dialectica Aristotelis.

p. 56

Socraticae dialecticae et Aristoteleae discrimen.

p. 55

Platonis dialectica. Quid Socrati debuit Plato?

p. 57

*De methodo Platonis,
quae cernendo jungendoque procedit,
sive de analysi.*

p. 102

*Inductionem complectitur apud
Platonem analysis.*

p. 115

*De analytica apud Platonem
definiendi ratione.*

p. 119

*De artium doctrinarumque
per analysin Platoniam distri-
butione.*

p. 129

*Ad inveniendum valet
potissimum dialectica Platonis.
Quid est invenire?*

p. 135

De

*De artis musicae et literarum
inventione.*

p. 145

*Quatenus Aristoteli, ad
syllogisticam tractandam, viam
munivit Plato?*

p. 148

*Characterismus dialecticae
Socraticae, Platonicae, Aristoteleae.
Quis proprie est Platonicae
character?*

p. 157

*Quare dialectica apud
Platonem ars dicitur et sepimentum
doctrinarum?*

p. 172

*De critica. Ut nata est
e dialectica Platonis, ita et refert
hanc et illustrat.*

p. 175

*De dialectica eloquentiae
adhibenda, sive de rhetorica
Platonis.*

p. 179

*De topicis Aristotelis.
E Platonis ducenda dialectica
videtur.*

p. 196

De

*De arte scribendi. Quid
cogitare est? Quid dicere? Quid
scribere?*

p. 199

*Congrua sunt plane
Platonicae dialecticae scripta
Platonis.*

p. 211

*De vi analyticae scriptiois
ad excitandum in legentium animis
explendumque veri amorem.*

p. 213

*De dialecticae Platonicae
fine.*

p. 220

*De disciplinarum
συμβολ.*

p. 222

DE
MUNDO NOHT Ñ
SIVE

DE VERI, ATTOT TOT ONTOΣ, SCIENTIA.

V. II. P. III. p. 2

*Quo spectat maxime
apud Platonem philosophia?*

Phi-

*Philosophiae in primis est,
ut ex ὁρατῶ nos mundo in νοητὸν educat.
Utriusque mundi imago.*

P. 5

*De hominis in mundum νοητὸν
escensione.*

P. 17

*De gradibus, quibus
id mundum νοητὸν, ad ideas
spectandas escenditur.*

P. 20

DE IDEIS.

P. 24

*Quo maxime spectat
omnis apud Platonem de ideis
disquisitio?*

P. 25

*Idae in philosophia
Platonis non sunt cum recentiorum
innatis ideis confundendae.*

P. 33

*Distinguere item recte
a Kantii ideis Platonicas oportet.*

P. 39

*De boni idea,
idearum omnium principe. Estne
Deus illa apud Platonem?*

P. 42

Dis-

*Discernere haec placita
Platonis ab Aristotelis metaphysica
oportet.* p. 4

*De metaphysicae apud Graecos
originibus.* p. 6

*Quid Platoni debuisse
Aristoteles, ad metaphysicam trac-
tandam, videtur?* p. 6

De metaphysica Aristotelis. p. 8

*Doctrinae Platonicae atque
Aristoteleae discrimen.* p. 8

*Metaphysicorum veterum de Deo
philosophandi ratio.* p. 9

*Non Deus est apud Platonem
idea boni, sed ad hanc ideam Deus
mundum formavit.* p. 9

*Platonicae de ideis doctrinae
sublimitas. Altiusne Plato, quam
hominem decebat, evolavit?* p. 9

♦♦

Ad

*Ad erudicendum perficiendum-
que hominem tota haec composita est
doctrina Platonis.*

P. 79

*Quid causae esse dicamus,
cur fere haec Platonis de ideis doctrina
multorum in reprehensionem
incurrerit?*

P. 100

*Παράδειγματα apud Platonem,
sive de idealibus.*

P. 120

*Deus homini est, secundum
Platonis hujus doctrinae rationem
ipsius veritatis παράδειγμα.*

P. 122

**DE HOMINIS AD VERITATEM
CIRCUMVERSIONE.**

P. 125

*Quid proprie est apud Platonem
mundus νοητός? Discernuntur a recen-
tiorum substantiis, monadibus, es-
sentiis, νοούμεναις, τὰ νοητά
Platonis.*

P. 128

*Ad hominem refertur
unice, non ad res, φιλοσοφία
Platonis.*

P. 132

Quae

*Quae vis proprie est
Platonici placiti de hominis ad
veritatem circumversione?* P. 117

*Socraticam refert rationem
nota haec Platonis cum de mundo νοητῷ
deque ideis, tum de hominis ad
veritatem circumversione
doctrina.* P. 121

*Quid maximo effecisse
difficilem doctrinae hujus Platonicae
interpretationem videtur?* P. 124

DE VERI APUD PLATONEM
SIVE ΤΟΤ ΟΝΤΟΣ SCIENTIA. P. 128

*Comparantur cum universa
hac Platonis doctrinā sophistarum
priscorumque philosophorum
de opinione placita.* P. 141

*Protagorae effatum:
omnium rerum mensuram esse
hominem.* P. 142

*Sententiae philosophorum,
quos Plato τῶν τεθειμένων φιλοσόφων
appellat.* P. 144
Pla-

*Placita illa de opinione non
prorsus rejecit Plato.*

P. 152

*Eleaticorum περί τοῦ ὄντος
effata. Quid in his probavit Plato?*

P. 156

*Quid sensibus tribuit
Plato? Quid tribuendum esse negavit?*

P. 162

*Scepticisme philosophis
Plato, an dogmaticis accensendus
est?*

P. 168

*Dogmaticae rationis, quam
Stoici usurparunt et Platonicae
diversitas.*

P. 172

*Mediamne igitur Plato
inter scepticos et dogmaticos viam
tenuit?*

P. 176

*Propria Platonis de
opinionem et scientiam philosophandi
ratio.*

P. 178

*De aestimandis recte
Protagorae similiumque sophistarum
ac philosophorum decretis.*

P. 182

Qua-

*Qualis est Platonis,
quae vulgo appellari hoc nomine
solet, metaphysica?* p. 187

*Qua ratione hanc Plato
sive metaphysicam sive veri doctrinam
tractavit?* p. 192

*De Cratylo Platonis,
sive de linguarum, quam. nos vocamus,
philosophiâ.* p. 194

*De metaphysico, quod dicitur,
linguarum studio.* p. 199

*Qua praestitit ratione Plato,
quod postulare a philosophis metaphysici
solent, ut a priori philosopharetur?* p. 204

*De metaphysicis Platonis
dialogis, sive de idearum disquisitioni
adhibendâ dialecticâ.* p. 207

*Quid tandem existimandum
nobis de veri, αὐτοῦ τοῦ ὄντος, scientiâ
videtur?* p. 219

*Quid veritas apud Platonem
est? Quidni scientiam nobis veri-
tatis tradidit?* p. 220
Cur

*Cur scientiae humanae terminos
non posuit Plato?*

P. 102

*De modestia philosophi,
cum sensu facultatis suae immensae
maximarumque rerum studio
coniuncta.*

P. 106

*De sententia Platonis,
Protagorae placito opposita, Deum
esse hominibus omnium rerum
mensuram.*

P. 108

*Philosophia apud Platonem,
sive ad pulcrum, sive universe ad verum
refertur, hominis reapse est ad
veritatem conversio.*

P. 111

Π Ε Ρ Ι

Τ Ο Τ Ο Ν Τ Ο Σ

PHILOSOPHIA VERI

SIVE

DE MUNDO νοητῷ.

Ἀλλὰ δεῖ, ὦ Γλαύκων, ἐκείσε
σκοπεῖν. — Ποιῖ ἢ δ' ἔς. — Εἰς
τὴν φιλοσοφίαν τῆς ψυχῆς, καὶ
ἐννοεῖν ὧν ἔπτεται καὶ οἷον ἐφίε-
ται —

Fuit sane magna et optimarum artium studiis sa-
lutaris, quae patrum memoriâ exstitit, philosophiae
commutatio. Nam quamvis haec antea, a renatis
inde literis, e scholastica barbarie caput extule-
rat, repudiatisque dialecticorum vanis [et absurdis
contentionibus, verum exquirere nullâ non viâ et
ratione coeperat, tamen, quae temporum illorum
fuerat ratio, doctis unice acutiorisque ingenii vi-
ris consuluerat, caeteris tantum non ignota man-
serat. A medio vero inde superiore saeculo com-
munis haec invaluit per universam fere Europam
philosophorum sententia, istis non finibus cohiben-

Δ

dam

dam esse philosophiam, sed procedere eam latius, adque omnis generis conditionisque homines pervenire oportere, ut cuncti ex ejus studio fructum caperent uberrimum. Quocirca, remotis impedimentis, quibus ejus aditus adhuc fuerat plerisque interclusus, philosophi et suâ quique linguâ scribere et suavius elegantiusque, quam fieri consueverat, in primis populariter philosophari instituerunt: argumentum autem, quod philosophando explorarent, illud sibi proposuerunt maxime, quo nullum tenere magis quosvis homines deberet, ipsum *hominem*. Hinc disquisitiones multae variaeque de historia humanitatis, quibus et hominis et generis humani natura ac varia variis locis temporibusque conditio exponebatur. Hinc eruditorum consuetudo, ut, quodcumque tractarent doctrinae genus, principia ejus ducerent ex hominis natura. Hinc studium praefertim philosophorum acerrimum, quo mentem humanam indagabant, ejusque discernere facultates diversas tentabant: unde criticae philosophiae et nomen exstitit deinde et auctoritas summa. Sed hinc etiam infinitus librorum numerus, qui ubivis prodierunt de recte excolendo homine, i. e., de puerorum educatione de optima docendi via et ratione, de doctrinis ad communem omnium usum et utilitatem adhibendis: omnino, ut rem paucis complectar, *scholam reliquit philosophia et versari in hominum luce et celebritate coepit.*

Sed

Sed quamvis praeclara fuerint parentum nostrorum in philosophiam merita, licetque adeo sponte in antiquorum incurrerent vestigia eosque superaverint subinde, sunt tamen multa, quae in eorum studiis cum reprehendenda sint nobis, tum caute evitanda. Nam, ne dicam de popularitate illa, cui cessit haud raro interior rerum inquisitio: quod Baco et Lockius antea instituerant, ut hominem explorarent, hoc ita persecuti sunt tum Angli plerique, tum Gallofranci philosophi, uti sensus attenderent diligentissime corporis humani, vim hominis internam, internum sensum, vix attenderent. Quo effecerunt, ut, partim homine eximie explorato, hac vero in parte praecipuâ neglecto prorsus, ipsum hominem, i. e. naturam moralem, aeternitati destinata, non tantum non explicarent, sed obscurarent prorsus. Exstiterunt adeo, qui plantae hominem, alii, qui machinae facerent similem, nonnulli, qui et hominem et rerum universitatem solis moveri mechanicis viribus legibusque contenderent. Quorum libri ipsâ illâ, qua perscripti erant, perspicuitate et popularitate, multis persuadebant opiniones hasce, eoque persuadebant facilius certiusque, quo majorem vulgo homines oculis habent fidem, quam internis, sed obscurioribus animi sensibus. Alieni ab hisce opinionum commentis manserunt melioris graviorisque indolis viri, nec exstitit apud Germanos Batavosve paulo quidem humanior celebriorque philosophus, qui

indigna haec homine placita sive proferret in lucem sive commendaret: sed eorundem Germanorum haud pauci fuerunt, posterioribus maxime temporibus hisce, qui inquirendi diligentiae severitati-que omnem, vix ullam perspicuitati, operam navantes, et suis ipsi placitis et toti philosophiae sic tenebras offunderent, ut ab ejus studio et cognitione, exceptis philosophis, caeteros homines excluderent omnes. Quam philosophandi rationem, ubivis hodie in dies invalescentem magis, tam artibus doctrinisque, quam ipsi philosophiae vehementer nocere, nemo est, quin sponte videat, et ipsi fatentur dolentque cultioris ingenii Germani.

Longum hoc, dicat aliquis, prooemium est: *μακρὸν τὸ προοίμιον τῷ ἐπιθυμοῦντι ἀκοῦσαι.* Verum nostrum non hoc unice propositum est, ut philosophiam Platonis interpretemur; illud spectamus item, quod jure quis ab interprete postulet, ut interpretandâ eâ praesentibus temporibus consulamus. Nemo est, quin optet ardentem, ut quam viam inivimus verae philosophiae, quae tam disceptandi diligentia, quam popularitate, omnibus esset mortalibus salutaris, hanc viam in neutram discedentes partem constanter persequamur. Prodesse autem huic studio, sane quam generosissimo, nihil poterit magis, quam si Socratem et Platonem, ipsius philosophiae in hominum genere parentes, sequi conemur: non ut, puerorum in-
star,

star, haud quidquam probemus, nisi quod illi dixerunt, aut, quae dixerunt, unice vera putemus. Misera esset profecto gentium Germanicarum conditio, si post tot tantosque exantlatos ad verum inveniendum labores, constaret tandem, frustra ipsas per tot saecula laborasse, vanaque esse et falsa summorum celeberrimorumque philosophorum placita. Sed id nobis agendum est, ut discamus ab illis philosophiae auctoribus, quid sit philosophia, quo pertineat maxime, qua sit tractanda ratione: tum vero eorum secuti exemplum, et eleganter philosophemur simul et subtiliter, tantamque evidentiae et popularitatis, quantam interioris disquisitionis, rationem habeamus: caveamus autem praesertim, quod illi caverunt prudentissime, ne hominis externam sive physicam conditionem exploremus unice: quo fit, ut excellens natura, tantis instructa dotibus et facultatibus, bestiae nobis instar videatur; sed hominem consideremus totum, quoque sit suâ ipse naturâ et pulcri et veri et justi, imo vero immortalitatis rerumque divinarum studio et ardore. His primum perceptis germanae philosophiae principiis, tum porro licebit nobis ex praeclaris proficere recentioris aevi inventis, ut e suae aetatis priscique saeculi inventis ipsi profecerunt; Socrates et Plato. Sic autem, et hac una ratione, ad communem generis humani salutem philosophiam adhibebimus. Nam ita profecto se res habet: decet *philosophiam*
non

non in scholae umbra, sed in mediâ versari hominum societate; sed, hoc ut fiat, philosophos oportet rite esse in schola eruditos, Socratis maxime et Platonis institutione.

Et huic quidem communis omnium salutis provehendae proposito cum illa jam quodammodo apta esse poterunt, quae supra ex Platone de insito mortalibus pulcri bonique studio attulimus, tum haec proderunt, ut speramus, maxime, quae, eodem duce et auctore, de veri studio et inquisitione nunc sumus disputaturi. Abest sane multum, ut novam nos, quam vocant, inducere philosophiam instituamus: non sumus nos philosophi, sed esse cupimus philosophiae, certe antiquae, interpretes: antiquam hanc autem restaurare interpretando, revocare in naturae viam philosophos, si qui ab ea discesserunt, omnesque incendere veri studio et amore, id nos in animum induxisse maximeque habere in votis, non diffitemur.

Non *pars* quaedam nova philosophiae est, quam nunc sumus tractaturi. Haud magis Plato, quam Socrates, de dividenda in partes philosophia cogitasse videtur. Sed erit haec nobis veri disquisitio, in studio sapientiae *progressio* quaedam. Nam ita fert ratio ingenii humani, ut a pulcro ad verum, ab artibus ad doctrinas, ab iis, quae sensibus, ad ea, quae sola mente et cogitatione percipiuntur, progrediatur. Quod iter ut et hominis est cujusvis praestabilioris, qui ad cultum
pro-

procedit suum, et gentium fuit cultiorum omnium, ita in primis philosophiae sit necesse est: quippe quae ante caetera omnia hominis, sive animi humani, naturam, studia, perfectionem explorat, tum etiam dux esse homini debet, ut naturae viâ ad sapientiam accedat. Est autem ejusmodi progressio haecce, ut nunc demum in ipsum philosophiae regnum, quod idem est veritatis, simus perventuri. Nam, pulcri tradenda scientiâ, praeparavit nos quodammodo Diotimae sermo, ut verum a specie distingueremus; nunc vero, quid ipsa scientia sit, diligenter datâque operâ exquiremus. De uno pulcro egimus hactenus, nec est sane ad haec studia inchoanda blandius efficaciusque invitationem; nunc vero de rebus omnibus qua sit ratione judicandum, dispiciemus. Relinquendus omnino nobis *δρατος* hic mundus erit, errorum falsarumque opinionum plenus: escendendum autem in mundum *νοητόν*, ubi lucent ideae omnes, quas qui non animo perspexit, veritatem in iudicando assequi nullâ ratione potest.

Est magnum sane illud et sublime, quo tendimus. Verumtamen quid homini utilius, quid magis in vita necessarium est, quam recte judicare verumque cernere? Id autem in rebus maximis gravissimisque assequi, nemini mortalium licet, nisi cui mens animusque ab his rerum umbris et simulacris, quibus per sensus decipimur, totus sit ad res ipsas, ad veri ideas perfectas conversus.

Nec

Nec vero ita ardua est nobis in philosophiâ Platonis via, ut in caeterorum plerorumque philosophorum doctrinis. Naturae is viam tenet. Nam ut fecit in superioribus de *pulcro* disceptionibus, ita nunc in hac *veri* inquisitione, *οἷον ἐπεὶ ἀρχαίμενος*, ut Socrates vocabat, *nos ipsos* nos primum, quaeque insunt nobis studia exquirere Jubebit: in quibus amorem, principiorum omnium summum et efficacissimum, insitum nobis *veri amorem*, attendet nobiscum potissimum: unde profectus, quomodo optime his studiis, huic amori, his veri appetitibus satisfacere possimus, quaeret, *disciplinasque* explorabit, quibus ad verum homo, ut *artibus* ad pulcrum, adducitur, *dialecticam* in primis, disciplinarum principem. Tum vero demum, perquisitis his omnibus, in ipsum nos evehere mundum *νοητὸν* ex hac inscitiae errorumque sede ad scientiam et veritatem ducere aequabili ratione conabitur. *Naturae* haec, inquam, via est, quamquam eam pauci tenuerunt. Nam ad finem quis recte tendit, apud quem de principiis non constat? Quis *pervenire* ad finem, perficere quod cupit, potest, nisi viam edoctus, quâ debeat procedere, ususque instrumentis, quibus opus perficiat? Unde in omni disciplinâ haec tria memorantur vulgo, *principia*, unde inchoandum, *officia*, quibus fungendum, *finis*, quo tendendum est ⁽¹⁾. Sed in veri philosophia phi-

loso-

{1} Cic. de Invent. I. 1. fine et c. 5.

losophi ad finem festinant citius vulgo, quam par est, statimque disserere de vero, de mundo νοῦς, de metaphysicae, quam vocant, principiis solent: certe principium, quod diximus, Socraticum et Platicum, *amorem*, negligentius attendunt.

Quo magis nos continuo, ut Plato fecit, innatum hunc nobis veri amorem explorabimus: et primum quidem puerorum observandis sive adolescentum studiis, in quibus, ut ait Cicero, ipsa natura elucet in primis: tum maxime quaestionibus explicandis gravissimis, quid discere sit, quid docere, quae vera sit eloquentia, quae justa scribendi ratio: quae recte explicari, nisi ex veri amore nostro, non possunt, sic autem explicitae, ad idem hoc omnis cognitionis philosophiaeque principium interius percipiendum, vim habiturae maximam videntur. Nec deerunt nobis in his exquirendis opportunitates, quibus in omnem exspatiemur antiquitatem: quod nec injucundum erit et perutile, immo vero ad rem, quam indagamus, reperiendam necessarium. Nam Plato philosophiam suam, non, ut systematis auctor aliquis, libro cuidam inclusit, sed hunc scilicet in modum scripsit, ut veritatis virtutisque studio ad dicendum scribendumque excitaret quam plurimos. Unde in omni literarum, praesertim oratorio, genere, auctoritas ejus antiquo aevo summa fuit: nec plene percipi hodie multorum, ipsius adeo Demosthenis et Ciceronis, scripta possunt, nisi lectis accurate Platonis

nis dialogis. Sed hinc factum item est, ut, quo magis nosmet ipsos in omnem antiquitatis cogitandi, disserendi scribendique rationem insinuaverimus, quoque scripta cognoverimus interius palmaria, quae ex fonte Platonis manarunt, eo nobis Platonicae philosophiae principia appareant dilucidius. Inde autem capiamus disquisitionis nostrae de veri amore initium, unde totam duximus superiorem disputationem, a Socratis apud Platonem in amorem encomio.

D E

VERI AMORE.

Pulcerrimus est sane et dignus Platone Socratis ille in amorem hymnus, quem disceptionibus suis interioribus praemisit auctor: nos autem appellare philosophiae Platonicae sublime *prooemium* non dubitavimus. ⁽¹⁾ Argumentum hymni (nam juvat reminisci) pristinus erat et praesens animorum status. Beata celebrabatur Deorum immortalium vita, talis illa, qualis una et Deos decet et dici *divina* potest, quae non voluptatibus, sed idearum, sed ipsius veritatis contemplatione cernitur. Divinae felicitatis hujusce participes fuisse aliquando animi humani dicebantur: Deos hi secuti in coelesti itinere, spectaculo delectati sunt omnium pulcerrimo, quippe pulcri, boni, justi, sancti perfecta intuiti exempla. Lapsi deinde in terram, sic pergebat Socrates, indutis corporibus hisce, beatam illam divinamque vitam cum abjecto
hoc

(1) Vol. I, p. 86.

hoc et misero statu commutarunt, ut, quae hodie conditio nostra est, pro veritate falsas imagines amplecterentur coecorumque instar oberrarent. Verum, quamvis exclusis Deorum choro, superest tamen nobis eorum, quae tum adspeximus, reminiscencia quaedam, levis illa quidem et perobscura, sed reminiscencia tamen: qua fit, ut facultas homini sit cum veri inveniendi, tum percipiendae denuo, quam tum percepit, felicitatis: modo instituat rite, quod philosophiae munus est. Sed hymno recitando Socrates *amorem* celebraverat imprimis. In hac pristinae vitae recordatione, pulcrum maxime, dicebat, mentem subit, quippe quod fulgebat illic splendidissime: hinc amor: hinc furor amoris, cui optima debemus eorum, quae praesens continet vita nostra. Caetera quid persequar? Nam sponte meminit, qui haec semel percepit, et nos ea in superioribus cum illustrare singulatim, tum ad ipsam illustrandam philosophiam pulcri adhibere studuimus. ⁽¹⁾ Illud hoc loco memorandum unice est, *veri* non minus Platonem, quam pulcri philosophiam sublimi hoc *μῦθος* expressisse. Nam per amorem philosophiam dixit ad pulcrum nos continuo, veruntamen ad caeterarum simul idearum ipsiusque veritatis spectaculum reducere. ⁽²⁾ — Sunt haec pulcerrima sane, et hebes sit necesse est, qui eorum vim adger-

(1) Vol. I. p. 87 sqq. (2) Phaedr. 247. D.

germanam philosophandi rationem non ultro perspexerit; vaticinatus his fere Socrates est, qui lateant in puerorum animis igniculi, quid discere sit, quid effici docendo debeat, quod veri sit oratoris scriptorisque, quod omnis philosophiae munus gravissimum; sed, quo id fiat omnibus evidentius, quo id perspicere interius cultiores doctioresque possint, ex caeteris Platonis scriptis diligentiores petemus plenioresque harum rerum disquisitionem. Diligentiam scilicet in omni argumento tractando postulat philosophia; sed tum in primis, ubi ad ipsam nos ducere veritatem conatur.

*Oratorum et Sophistarum de opinione
et scientia placita.*

Sed ingressuris hanc disquisitionem, ecce! simile nunc nobis accidit atque in superioris disputationis ingressu. Tum Lysiam Plato objecit nobis, qui ab amore praeciperet caute esse abstinendum, quippe insaniae pleno et noxio mortalibus. Simillimae indolis homines sunt, pariter *ἀνοητοί*, omni pariter destituti sublimitatis sensu, quibuscum hinc nobis agendum erit: *oratores* vocantur item, accedunt autem *sophistae*: similiterque hi nobis, verum nunc petentibus, aditum
stu-

student occludere. Nam ut frigent, ubi nos arde-
mus veri amore, ludibrio habent et amorem,
quem loquimur, et ipsam veritatem. Esse verita-
tem negant, quam colimus uniceque propugna-
mus: suum, ajunt, cuique, quod *optatur*, ve-
rum esse, aliud aliis longe diversum: colere nos
speciem igitur, haud quidem spernendam, pul-
cerrimam adeo omnibusque perutilem, sed spe-
ciem tamen. ⁽¹⁾ Quae ipsis sententia sic placet, sic
probari hominum vitā et consuetudine videtur,
ut eam crepent ubivis, imo vero in res humanas
gravissimas, in civitatem moderandam, in juven-
tutis adeo institutionem, qua nihil est in re pu-
blica gravius, conferendam adhibendamque existi-
ment. ⁽²⁾ Ducendam esse affirmant multitudinem
veri *specie*, quam qui ostenderet maxime probabi-
lem, hunc oratorem optimum, qui informare ad sum-
mum civitatis emolumentum potest, optimum appel-
lant rei publicae rectorem. Juvenes autem generosos
tantum abest, ut rite excolant aptosque reddant,
qui praeesse aliquando, certe prodesse possint ci-
vitati, ut eos corrumpant plane. Nam cum li-
berare eorum animos oporteret vanis praejudicatis-
que opinionibus, quo verum assequantur facilius;
non liberant, sed suis insuper opinionibus op-
plent.

(1) Theaet. 152. D. Cratyl. 586. C. (2) Gorg. 485.
A. sqq. V. de his sententiis de Geor Diatr. in Polit.
Plat. princ. p. 15. sqq.

plent. Cum excitare in iis deberent; qui intus naturā adest, quamvis lateat istos, amorem veri, eoque excitando incendendoque efficere, ut ipsi per se sponte sua ad veri scientiam contenderent; restinguunt hunc amorem in animis, impediunt saltem, ne inflammetur. Nam quidni impediant, quoties longis infinitisque habendis orationibus speciem illis rerum ostendunt, res occultant, speciem autem sic commendant, sic veritati fingunt similem, ut illi per totam deinceps vitam, umbris falsisque simulacris, *opinionibus* omnino delectentur; veritatem vero non tantum non ament, sed esse adeo, excepta specie, negent. Quid faciamus hominibus istis? Nam haud sane negligendi videntur esse, aut contemnendi. Confirmare haec placita summorum cum poëtarum, tum philosophorum, auctoritate nituntur: quippe perquam sunt et docti et acuti et praesertim disertī. Ab Homero igitur exorsi, quod reconditae ipsis videtur sapientiae plenum:

Ὀδυσσεὺς τε θεῶν γένεσιν καὶ μήτερά Τηέων·

Sic placuisse sapientissimis viris, ajunt, ut fluere mutarique semper omnia, nil esse stabile vel firmum contenderent: contendisse igitur et ipsos videri, in hac rerum fluctuatione verum esse nihil, sed id dici verum, quod videtur: hoc autem aliis hominibus, aliis temporibus, aliud esse. In quibus Heracliteum afferunt in primis: ὅτι δις εἰς

τὸν

τὸν αὐτὸν ποταμὸν οὐκ ἂν ἱβάλῃς. ⁽¹⁾ *In idem flumen bis non descendas*: nam, praeterfluente aqua, aliud semper flumen est. Sic, ajunt, in hoc quasi flumine rerum omnium, quo agitatur, nomine dicuntur singula *eadem* esse, re autem non sunt. Quid? quod homo ipse, mens adeo hominis, quae inquit in verum, mutatur semper? Influunt in eam extrinsecus res, quod *discere*, effluunt inde pariter, quod *oblivisci* vocamus. Quid igitur relinquitur, quod esse statuamus *verum*? Sic illi: et profecto, nam quid diffiteamur? non plane absurda proferunt, et sententias emittunt subinde, sapientiae, ut videtur, plenas: in his Protagoras, Sophisticae pater, qui non pueris, non vulgo, non credulis hominibus, ut caeteri plerique, inventa sua probare, sed doctis et philosophis studuit: ⁽²⁾ pronunciavit is et libris consignavit effatum: πάντων χρημάτων μέτρον εἶναι ἄνθρωπον. *omnium rerum mensuram hominem esse*. Quod non sane carere verisimilitudine videtur. Quae enim aliis dulcia videntur, amara videntur aliis: aegrotis eadem aliter, quam sanis, apparent: eidem adeo homini idem alio tempore placet, alio displicet. ⁽³⁾ Fit hoc, ait, ita, quia in rebus judicandis homo sibi ipse quasi mensuram praebet

(1) Cratyl. 265 A. et Theaet. 118 F. Explicuit sententiam maxime Seneca, Ep. 58. V. Wytttenb. ad Plut. de S. N. V. p. 76. (2) Protag. 316 D. (3) Theaet. 152 B.

bet, ad quam eas exigit et alio tempore aliam : ut autem sic homo omnium sibi rerum, ipsius veritatis, mensura sit, efficitur mentis hacce omniumque rerum mutatione perpetua; a fortuito rerum cum mente concursu judicia pendent. Ingeniose omnia et partim recte. Ast, veritate sublata, quid rebus humanis fiet? quid moribus? quid ipsi Deorum cultui? Quod Deos attinet, hos scilicet illi esse negant simpliciter, vel num sint, ut Protagoras, in medio relinquunt. ⁽¹⁾ Et hercle! quid Deos, quid sanctitatem, pietatem, verecundiam, quid justitiam loquerentur? Tollunt haec ipsi decretis suis. Tria esse pronunciant in hac rerum universitate, φύσιν, τυχὴν, τέχνην, naturam, casum, artem; his autem fieri omnia. ⁽²⁾ Quo effato naturae et casui pleraque, nihil divinae providentiae tribuunt; leges autem ipsamque justitiam ab arte, a solertia hominis repetunt: a solertia? imo vero a tyrannorum haec repetunt dolis, astutiâ, insolentiâ, ut contendere ausus Thrasy-machus est; ipsam legem adeo tyrannum appellant civitatis, quippe a tyrannis ad commodum suum civiumque detrimentum excogitatam et inductam. ⁽³⁾ Unde ejusdem Thrasy-machi dictum, quo sibi iste placet mirifice, acutum sanè, sed nefandum, esse justitiam ἀλλότριον ἀγαθόν, οἰκείαν βλάβην; quo quid dici turpius, quid moribus, quid

(1) Theaet. 162 E. (2) De Legg. X. 838 E. — 890 E.
(3) V. de Geer. l. l. p. 17 sqq.

quid vitae perniciosius, quid rebus divinis humanisque indignius potest? His igitur hominibus, haec nobis placita, haec dicta implia in ipso itineris nostri ingressione objectantibus, quid faciemus? Scilicet, nostrā nos viā, ut coepimus, progrediemur placide, nec illorum impugnantes sententiam, nec vero propugnantes nostram, sed quærentes, explorantes, si forte, ut pulcrum conspicati sumus, ita veritas nobis alicubi appareat. Num illud, quod quaerimus, tale reperturi simus, quale jam autumavimus quodammodo, incertum est; nec vero id spectamus: nam si in alia quacunque tandem, in hac certe ipsius veritatis disquisitione, non quod opinionibus nostris consentaneum, sed quod verum est quaerimus, sive conveniat illis, sive repugnet. Quidquid igitur clamitant isti, nihil moramur nunc quidem. Quodsi quaerendo reperisse nobis aliquando non nihil visi fuerimus, tum scilicet non aspernabimur, sed redibimus ad illos hilares, sed eorum inventa diligentius considerabimus, illisque haec nostra comparabimus; si praestabunt illa, laudabimus, accipiemus: nam neminem odimus, minime omnium illos scilicet, qui sapientiae sunt et virtutis doctores; sin vero non videbuntur praestare, illi quid faciant, ipsi videbunt: nos speciei veritatem, opinioni praeferemus scientiam. Caeterum scientiam nos, si non consecuturos, certe cuiusmodi sit assecuturos esse, confidimus, speramus saltem: quam nobis spem alit consideratio

tio, justam nos instituere quaerendi rationem, quippe a nobismet ipsis, ab homine, a veri amore homini imato proficiscentes; firmat autem spem illam maxime hic ipse noster veri amor, cujus nobis, ut vitae ipsi nostrae, consci sumus. Sed sequamur ducem nostrum.

*De insito natura homini
veri amore.*

Plato in Politia ejusmodi nobis disputationem reliquit, quae ex ipsa petita hominis indole, una valere maxime ad veritatis vindicandam auctoritatem possit; et sane adolescentes, quos illic colloquentes cum Socrate fecit, tales proposuit nobis, quales suo ipsi ingenio insitum mortalibus proderent amorem veri. ⁽¹⁾ Sed hoc idem aliis conscribendis dialogis, in primis Theaeteto, data operam egit: utque apparent fere hominis studia facultatesque eo illustrius, quo sit praestantius ingenium, in quo ea exploramus, ita in hoc nobis dialogo perfectae naturae adolescentem conspiciendum explorandumque dedit. Fecit scilicet philosophus in his de vero disquisitionibus, quod in sermonibus de pulcro et amore perfecerat. Illic nos in mediam continuo transtulit pulcri philosophiam, imagine nobis Phaedri proponenda, pul-

cer-

(1) De Rep. VI.

ceffimi adolescentis et perquam amabilis, cujus cum Socrate de pulcro et amore sermones id effecerunt, ut esse fateremur amorem non noxium mortalibus, ut Lysiae placebat, sed maximorum illis bonorum auctorem. Pariter nunc nobis adolescentem proponit indole divinâ, non formosum, Socrati adeo simillimum, qui a forma profecto non commendabatur magnopere; sed talem, qualem hoc postulat argumentum, flagrantem sapientiae amore, naturâ philosophum, cujusque in animo Socrates insitam discendi cognoscendique facultatem sic excitat sermocinando, ut, quae hominis sit ad veritatem inveniendam indoles nativa, quaeque indolis sit hujus promovendae corroborandaeque ratio optima, sponte simus assecuturi. Nam Plato, quod diximus, quae mente excogitaverat, oculis haec fere lectorum subjicere studet, utque tum nobis Phaedrus apparuit ὁ φιλόκαλος, ὁ φιλόμουσος, ὁ ἐρωτικός: ita nunc Theaetetum explorabimus, τὸν εὐμαθεῖ, τὸν φιλομαθεῖ, τὸν φύσει φιλόσοφον; pariterque nunc nobis Theaetetus hicce philosophiam veri recludet, ut tum nos duxit in pulcri philosophiam Phaedrus.

Dialogus, quem significamus, Theaeteti nomine inscriptus, ejusmodi habet exordium, ut, quam eximiam Theaetetus a teneris indolem prodiderit, ex Euclidis cum Terpsione sermonibus intelligamus continuo. Nam Megaris ille in hunc incidens, in portu se narrat Theaetetum vidisse, moribundum fere, quum vulneribus, quae in acie

ac-

acceperat, et magis etiam dysenteria laborans, Corintho Athenas transveheretur. Hic Terpsion: Quem vero, inquit, virum in mortis periculo versari dicis! καλόν τε καὶ ἀγαθόν, o Terpsion, reponit Euclides; et sane comitatus eum prosecutusque ad Erineum ⁽¹⁾ usque, cum huc redirem, in mentem mihi Socratis venit, admiratusque sum, quam vere ille et de aliis alias et de hoc inprimis vaticinatus sit. Videtur enim mihi paucis ante mortem diebus illi, adolescentulo etiam tunc, obviam factus, cum fuisset cum eo collocutus, perquam ejus indolem admiratus esse: mihi autem Athenas venienti cum sermones enarravit, quos cum eo habuerat, dignos auditu sane, tum addidit, praestantem hunc virum, si adoleverit, sine dubio futurum. ⁽²⁾ Haec in exordio; sed nobis qualis illa aetate Theaetetus fuerit, ex his ipsis maxime, quos Euclides memorat, sermonibus, intelligere licet. Nam horum facta mentione, rogat eum Terpsion, ut secum eos communicet: ille vero id facile amico recipiens, postquam ambo opportuno loco consederant, servo librum tradit, quo eos ipse conscripserat olim, et legere jubet. Habiti autem a Socrate fuerant cum Theodoro, Cyrenaico et primum quidem de Theaeteto, tum absente; mox vero ipse accesserat adolescens. Et sic quidem exorsus Socrates fuerat. „ Si Cyrenaei prae caeteris mihi curae essent, o Theodore,

de

(1) Loci in Attica nomen, ut e Pausania efficit Heindorf. ad h. l. (2) Theaet. 142 C.

de rebus eorum te deque ipsis rogarem, num qui illis adolescentes in geometriam aliaque studia incumberent; nunc vero minus illos, quam hos nostros amo, magisque novisse aveo, quinam apud nos adolescentes virtute videantur insignes futuri. Hoc ego et ipse exploro pro viribus et alios rogo, quibuscum juvenes video lubenter esse una; te autem haud pauci sectantur; nec immerito; nam dignus eorum studio et omnino es et geometriae gratia; si quem igitur nactus es memoratu dignum, lubenter audiam." Cui Theodorus „ atqui, o Socrates, respondet, et me referre et te audire maximopere decet, qualem e vestris civibus adolescentem invenerim: qui si formosus esset, laudare eum vererer, ne cui forsitan illius amore captus viderer; nunc autem, ne mihi succenseas, nec pulcer est et tibi similis, simo naso et prominentibus oculis quamquam minus ille, quam tu, modum in his excedit. Libere dico equidem: id scito, omnium, quos ego reperi, adolescentum, usus autem permultis sum, multum me vidisse tam admirabili naturae felicitate insignem: docilem enim aliquem, ut aliis esse difficilis molestusque solet, perquam contra facilem esse simulque generosum fortemque apud quemlibet, talem quem esse nec arbitratus fueram, nec qui essent, vidi. ⁽¹⁾ Acuti enim, ut hicce, et sa-
ga-

(1) Sic locum interpretando mihi visus sum expedire, quem variâ ratione tentarunt interpretes. Graeco sic se ha-

gaees ac memores in iracundiam fere praecipites sunt, subsultantes prouunt, uti naves non saburratae, ac furiosiores sunt quam fortiores. Grauiiores contra segnes quodammodo ad discendum procedunt, atque obliuiosi sunt. Ὁ δὲ οὕτω λεῖως τε καὶ ἀπταίσως καὶ ἀνυσίμως ἔρχεται ἐπὶ τὰς μαθήσεις τε καὶ ζητήσεις μετὰ πολλῆς τῆς πραότητος οἷον ἐλαίου βεῦμα ἀποφθιτὶ βέοντος, ὥς τε θαυμάσαι τὸ τηλικούτων ὄντα οὕτω ταῦτα διακράττεσθαι. Ille vero ita aequabiliter, ita sine offensione, ita efficaciter ad disciplinas ac disquisitiones multa cum facilitate accedit, prouti olei fluentum sine strepitu profluentis, ut mirari subeat, tantilla cum actate ista peragere. ⁽¹⁾

Hac ita describenda philosophi ingenii indole, apte nos Plato ducit in Socratis cum Theaeteto de scientia sermones. Nec vero quidquam in his praetermisisse videtur, quod ad declarandam plane in lucemque proferendam talem indolem posset conferre. Nam inducitur Theaetetus non indole eximius, caeterum vero rudis, sed puerili disciplinā, imo geometriae excultus studio, quo uno maxime eruditur acuiturque ingenium: induci-

habet: τὸ γὰρ εὐμαθὲς ὄντα, ὡς ἄλλω χαλεπὸν, πρῶτον αὖ εἶναι διαφερόντως, καὶ ἐπὶ τούτοις ἀνδρεῖον παρ' ὄντινόν. ἔγὼ μὲν οὕτ' ἐν ᾧδμην γενέσθαι οὕτως ὁρᾷ γινόμενους. Est breuiloquentia, quae, ut in familiari sermone, ita apud Platonem frequens est nec displicet,

(1) Theaet. 144 A. B.

citur autem una cum Theodoro praeceptore, qui unus potuit optime de ejus ingenio judicare. Et vero argumentum, de quo agitur, *scientia* est, quo ut nullum in philosophia gravius est vel majus, ita nullum philosopham indolem cum advertit magis, tum excitat vehementius. Sed ipsam jam attendamus Theaetetum, quum is cum Socrate colloquens ad hoc argumentum accedit. In ipso horum colloquio tota nobis apparebit adolescentuli indoles.

Vixdum haec de Theaeteto Socrati nunciaverat Theodorus, quum, ecce! ipse forte adolescens cum aliis accedit. Nam stadio exierant, ut ungerentur, nunc uncti adsunt paratique ad certamen; ille autem medium inter illos locum tenet. Quo conspecto, atqui, inquit Socrates, cognovi juvenem, quamvis nomen excidit: Euphorionis est filius, viri sane, o amice, talis plane, qualem tu hunc descripsisti. Sed age, hunc jube nobis hic assidere. Quod ut fecerat Theodorus nomine pronuntiato pueri, huc omnino, Theaetete, adjicit Socrates, huc ad nos accede, ut ego memetipsum conspiciam. Nam dixit Theodorus, vultu me tibi simillimum esse. Veruntamen ut constet, vere hoc dixisse Theodorum, nonne quaerendum nobis est, num pingendi is artem teneat, nec ne? Nam pictoris est, de formis formarumque similitudine judicare, ut musici, de similitudine sonorum. Pictorne igitur est Theodorus? — Non est, respondet Theaetetus, quod sciam. — Nonne geo-

me-

metricus etiam? — Et maxime quidem, o Socrates. — Nonne item astronomiae, arithmeticae, musicae, artium omnino peritus, quae institutionis sunt propriae? — Videtur mihi quidem. — Quando igitur in corporis parte aliqua nos similes dicit sive laudans sive reprehendens, non magnopere ei fides habenda est; quodsi ingenium alterutrius a virtute et sapientia laudaverit, nonne eum, qui hoc audivit, laudatum illum explorare oportet, alterum autem deceret semetipsum ostendere explorandumque praebere? — Omnino, o Socrates. — Tuum igitur est, mi Theaetete, mihi temet ostendere; meum autem, te considerare. Nam scito, cum multos me coram Theodorus et hospites et cives laudaverit, neminem eum tantum laudasse, quantum nunc quidem te. — Pulcre seres haberet, o Socrates, ita si esset; sed vide, numquid per jocum id dixerit. — Non hic sane mos est Theodori; sed quae concessisti, tu ne subterfugas, praetexens per jocum illum hoc dixisse, ne testari cogatur: nam qui falsi cum testimonii accuset, erit omnino nemo; sed age, in concessis persiste. — Id vero agendum, si ita tibi videtur. ⁽¹⁾ Quibus dictis, quo magis se palam ostendat adolescens, rogat eum Socrates, numquid de geometria, de astronomia, de harmonia, de arte supputatoria a Theodoro didicerit. Ille vero tam simul et ingenue et veracunde placideque respondet, ut, quae de eo ante fue-

(1) Theaet. 145 A. B. C.

fuerant dicta, plane ipse loquendo referat exprimatque. Tum a disciplinis sermone ad sapientiam et scientiam traducto, quaerit de scientia Socrates, quid tandem sit. Hic Theaetetus geometriam memorare aliasque doctrinas, quae scientiae vocantur; Socrates vero reponere: generose tu quidem et liberaliter, Theaetete, unam rogatus scientiam, multas nobis et varias largiris; ego vero non, quot sint et quales scientiae, rogavi, quasi enumerandae essent nobis, sed ipsa scientia quid sit.

Quibus excitatus Theaetetus, statim se totum et explicat et ostendit. Quaerere mihi, inquit, videris, Socrates, tale quid, quale cum hoc commilitone meo, tecum cognomine, de potestatibus in arithmetica quaerenti, in mentem mihi venit: cum sint illae numero infinitae, conandum esse, ut in unam comprehenderentur speciem, qua appellarentur cunctae. ⁽¹⁾ Quod postquam apte doctaque exposuit, Socrates admirans, optime vos omnium, inquit, o pueri: quocirca Theodorus mihi videtur non falsi esse testimonii reus. — Hic solers adolescens, atqui, inquit, non possum ego ad ea, quae de scientia quaesivisti, sic respondere, ut de potestatibus mihi licuit in geometricis; quamobrem falsus apparet denuo Theodorus. — Tum ille, quid? ait, si is te a currendi velocitate laudans, nullum se diceret adolescentem vidisse, qui tam cito curreret; tu vero currens veloci-

(1) Theaet. 147 D.

citer, ab adulto tamen et omnium velocissimo victus esses, minus tu hunc diceres vere te laudasse? — Haud equidem. — Scientiam vero, quam modo memoravi, invenire, leve quoddam negotium esse putas, non maximum? — Per Iovem equidem, et vero omnium maximum. — Confide igitur viribus tuis, et Theodorum existima vere dicere; annitere autem omni studio cum de caeteris, tum etiam de ipsa scientia, rationem, quid sit, consequi. — Si studium agitur, o Socrates, patebit profecto. — Age igitur: pulcre coepisti enim; da operam, ut, quemadmodum potestates, quae multae sunt, una specie comprehendisti, nunc, temetipsum imitans, scientias pariter una definitione complectare. Quibus verbis a Socrate monitus, nunc maxime Theaetetus non doctrinam suam, sed proprium sibi doctrinae studium amoremque prodit. Scito vero, inquit, o Socrates: saepe numero illud equidem perspicere conatus sum, quum has a te institui quaestiones audirem; verumtamen nec ipse mihi potui persuadere, me recte ad eas respondere, nec ab alio mihi accipere licuit, qui sic, ut tu jubes, responderet; nec vero tamen a spe potui decedere, fore, ut illud assequerer. ⁽¹⁾ Tum vero Socrates, animum adol-

les-

(1) Οὐ μὲν δὴ πῦ οὐδ' ἀπαλλαγῆναι τοῦ μέλλειν. Fuit cum tentarem τοῦ μελετᾶν. Ficinus: *desistere a hac meditatione*. Sed exquisitioris est apud Graecos usus μέλλειν, quam ut mutare quidquam ausim. V. Heind. ad h. l.

lescentis perspicuens, optimarum rerum studiis plenum et quasi gravidum: Ὡδινεῖς γὰρ, inquit, ὃ φίλε θεαίτητε, διὰ τὸ μὴ κενὸς ἀλλ' ἐγκύμων εἶναι. *Parturis scilicet, o amice Theaetete, propterea quod non vacuus es, sed praegnans.*

Sic sermo procedit ille, totus ad excitandum pueri ingenium accommodatus; ac profert deinceps Theaetetus et quasi parit ingenio varias identidem scientiae definitiones. Sed nobis hīc paulisper subsistendum. Sententia enim haec Socratis, paucissimis verbis quam plurima et gravissima continens, ejusmodi est, ut, quid efficiat in pectore hominis *veri amor*, percipiendum nobis praebeat, tum inducat nos sponte in Socraticae disciplinae rationem, nobilissimam philosophi *μαθηματικὴν*, quam ipse mox Socrates et expositurus Theaeteto est et praegnanti juvenis ingenio adhibiturus. Verum sponte hīc quaerimus: unde hic in puero veri amor? unde hausit, quae edit, responsa? omnino quid *discere* est? sive, qua homo ratione per semet ipse, veri ductus amore, ad cognoscendum procedit? Haec prius videntur exploranda, quam, quid sit docere, sive, quae *μαθηματικῆς* ratio sit, investigemus. Relicto igitur cum Theodoro et Socrate Theaeteto, gravissimas has quaestiones, in quibus ipsum agitur cognitionis humanae omnis principium, datā operā exploremus.

Quid

Quid est discere?

Proferendum hīc nobis placitum Platonis est, quod nostrae sane philosophandi rationi minime conveniat. *Discere* statuit ille *nihil aliud esse nisi reminisci*. Cujus sententiae vis ex sublimi, quem modo memoravimus iterum, amatorio hymno percipitur. Reminiscentiae illic mentio fiebat, quae superesse hominis animo etiam nunc dicebatur, postquam coelo lapsus in hanc demersus terram est, locum scientiae et veritati contrarium. Nec vero hoc temere ita posuit, quo scilicet fabulam suavissimam commendaret magis: serio id idem in haud uno sermone cum memoravit, tum probavit adeo; et vero sic rem persecutus est, ut, si minus persuadeat nobis, ea tamen dixisse videatur, quae cum veritate conjuncta censeantur. Quocirca sermones illos Cicero lubenter citavit. In illo Platonis libro, ait, qui inscribitur *Menno*, pusionem quemdam Socrates interrogat quaedam geometrica de dimensione quadrati: ad ea sic ille respondet, ut puer; et tamen ita faciles interrogationes sunt, ut gradatim respondens eodem perveniat, quo si geometrica didicisset. Ex quo effici vult Socrates, ut discere nihil aliud sit nisi recordari. ⁽¹⁾ Dialogi illius quae sit forma et ratio, deinceps identidem explorabimus: hīc animadvertis-

(1) Cic. *Tusc.* I. 24.

tisse sufficit, probasse eo scribendo auctorem, inesse hominis animo notiones naturales, easque interrogando elici: quod aptissime effecit cum *servo* inducendo, quem Socrates interrogaret, rudi omnium rerum et ignaro homine, tum quaestionibus instituendis de *geometriae initiis*, quae propriis mentis facultatibus congruunt unice. Sed id ipsum interius etiam in Phaedone Socrates inquit elegantiusque exponit, ut eidem visum Ciceroni est. Quem locum, ait, multo etiam accuratius explicat in eo sermone, quem habuit eo ipso die, quo excessit e vita. Docet enim, quemvis, qui omnium rerum rudis esse videatur, bene interroganti respondentem declarare, se non tum illa discere, sed reminiscendo recognoscere; nec vero fieri ullo modo posse, ut a pueris tot rerum atque tantarum insitas et quasi consignatas in animis notiones, quas *ἐνvolὰς* vocant, haberemus, nisi animus, antequam in corpus intravisset, in rerum cognitione viguisset. ⁽¹⁾ Sermones illic Socrates cum Simmia inprimis et Cebete de pristina quadam animi vita habet, quam postquam ex geometriae disciplina effecit, quodsi, inquit, o Simmia, non hoc modo tibi rem persuades, alio consideranda est; et primum quidem quaerendum, quid sit recordari, tum maxime, num alia ratione ulla, quam recordando, ad rerum possimus scientiam pervenire. Hic Socrates rem continuo exemplo

(1) Cic. eod. l.

plo illustrat, ex amantium, ut solet, amicorumve consuetudine petito. Id constat, inquit, si quis alicujus negotii recordabitur, necesse esse, ut illud cognoverit antea. Fit autem hoc ita, quando, sensibus perceptâ re aliquâ, aliam simul percipit, cujus non eadem notio est, tum eum ⁽¹⁾ dicimus ejus rei reminisci, cujus perceperat notionem. Alia, ut hoc utar, hominis, alia lyrae notio est; scimus vero amatoribus, quando lyram, vel vestem, vel aliud, quo utuntur ipsorum amasii, vident, id evenire: agnoscunt lyram et mente sibi simul amasii formam repraesentant, cujus est lyra; id recordatio est, prouti item, quando quis, Simmia conspecto saepe, Cebetis recordatur. Sed ut dissimilia instaurant apud nos rerum vel hominum reminiscentiam, ita etiam similia. Fit ut quis equo conspecto picto vel lyra conspecta picta, hominis, ac, Simmia conspecto picto, Cebetis recordetur: fit item, ut quis, Simmia conspecto picto, ipsius recordetur Simmiae. Quodsi similia movent apud nos rei vel hominis recordationem, accidit nobis necessario, ut, utrum desit aliquid ad similitudinem, nec ne, reputemus. ⁽²⁾ Quod ut animadvertit Socrates sagaciter, sponte sic ad ideas procedit, quas nobis in mentem revocare, nisi per res sensibus subjectas et similes, non possumus.

Ve-

(1) Phaedone 75 C. ἄρα οὐχὶ τοῦτο δικάως λέγομεν, ὅτι ἀνεμνήσθη οὗ τὴν ἔννοιαν ἔλαβεν. Legendum putamus et expressimus vertendo *τεῦτον*. (2) Phaedone I. 1.

Veluti aequale esse, inquit, dicimus, esse etiam res aequales, ut lapides, ligna, alia: haec videri nobis alio tempore aequalia, alio inaequalia possunt: non item aequale: ipsum aequale non esse inaequale potest. Perfectum hoc est, illis, quominus perfecta sint, aliquid deest. Hoc autem idem, ipsum aequale, αὐτὸ τὸ ἴσον, unde percepimus? Ex rerum profecto aequalium consideratione, sive oculis illas sive alio quocumque sensu percepimus; deesse iis aliquid sentientes, ad ipsum illud perfectum exegimus. Verumtamen facere hoc non potuimus, nisi antea cognovissemus illud, nunc autem essemus ejusdem recordati. Quid igitur? Scilicet superiore quadam vita animo id percepimus necesse est, nec aequale tantum, quod nunc unice diximus, sed ipsum pariter et pulcrum et bonum et justum et sanctum, omne illud omnino, quod perfectum verumque est, cuique signum ejus, quod *est*, quasi imprimimus; horum nos scientiam amisimus, quum in hanc procederemus vitam: nam si retinuissemus, sciremus nunc, non opinaremur, non falleremur, quae nunc conditio nostra est. Quamobrem danda nobis opera est, ut, quo cogitemus, judicemus, ratiocinemur melius, perfecta illa et vera, quae dicere τὰ ὄντα licet, quippe quae sunt, non videntur, haec igitur, quoad ejus fieri potest, repraesentemus animo: id enim discere est: nam sic licet unice ad rerum scientiam pervenire: verbo, *recordari* oportet hominem: nam sic demum et dis-

discere et verum videre et pristinam, quā destituti sumus, felicitatem obtinere possumus de-
nuo.

Abhorret, fateor, hoc placitum Platonis, ut modo dixi, a nostra philosophandi ratione, atque, ut ducta ex *μυθῶ* illo de animi conditione pristina est, ita poëseos habere magis, quam philosophiae, colorem videatur. Sed habent poëtae multa, ut ipse animadvertit Plato, quae qualicumque tandem, veritatem tamen contineant. *Θεῖον δὲ, αἶτ, τὸ ποιητικὸν καὶ ἐνθεαστικὸν ὃν γίνεσθαι ὁμνῶντο πολλὰ τῶν κατ' ἀληθείαν γιγνομένων ξύν τισι Χάρισι καὶ Μούσαις ἐφάπτεται ἐκάστοτε.* ⁽¹⁾ Quod in hoc sane ipsius placitum quadrare videtur maxime. Nam sive poëtica sive philosophice, naturam certe hominis declaravit eo philosophus: non esse ipsius animum per se vacuum, quasi scilicet, quidquid haberet, id corporis deberet sensibus: sic enim si res se haberet, non ita apte vereque ad propositas interrogationes cum servum in Menone, tum in Theaeteto puerum respondere potuisse; sed animum nostrum, ac si nutritus fuisset antea ac veluti pastus in veritatis campo, eo nunc esse vigore, eā discendi cognoscendique facultate, ut, admonitus aliunde et excitatus, ipse per se veritati studeat. Ipsum adeo placitum ita naturae congruit mentis humanae, ut in recentioribus fuerint Platonici, qui Home-

ro

(1) Leg. III. 682. A.

ro illud tribuerent, apud quem Phemius in Odyssea haec dicens inducitur:

αὐτοδίδακτος δ' εἰμι· θεὸς δέ μοι ἐν φρεσὶν οἶμας
παντοίας ἐνέφυσεν. ⁽¹⁾

Ceterum de pristina illa vita num sibi persuaserit Plato, nolim dirimere: quodsi haec finxit ~~omnia~~ ingenio ut fabulam sublimem, asseverare equidem non dubito, fingere eum haud facile quidquam potuisse, quod et aptius conveniret praesenti mentis conditioni, et nativam, insitam nobis veri cupiditatem cognoscendique facultatem declararet evidentius. Quod quo diligentius ejus scripta perlustramus, eo admirabimur magis. Nam in Phaedone hoc placitum eo consilio expositum probatumque invenimus, ut, ante fuisse animos nostros, quam nasceremur, pateret; in Phaedro autem et in universa Platonis philosophia arcte idem cum placitis de pulcro et amore conjunctum est, ut non solum, quid sit *discere*, sed item, unde repetendus *ardor* sit ille *discendi*, quo flagrat homo, efficiatur: quod perspicit sponte qui hymnum Platonis in amorem, quaeque nos de eo diximus, memoria tenet; sed quo ea facilius jam in veri philosophiam adhibeamus, age, hymnum illum attendamus denuo, missisque poëticis imaginibus, sive, quod malim, explicitis illis, ut, quid contineant, intelligatur, rem ipsam ex
ip-

(1) Odyss. XXII. 347 V. Max. Tyr. diss. XVI. Vol. I. p. 295 ed. Reisk. ubi V. Intpp.

ipsa Platonis mente et philosophia declarare nitamur.

*Pulchra in animo excitans
amorem veri.*

Sensus, prouti modo vidimus, licet non verum, sive id quod *est*, conspiciendum nobis praebeant, tamen efficiunt, ut percipiendis rebus pulchris, bonis, iis omnino quae esse *videntur*, instauretur in animis nostris ipsius pulchri, boni, eorum quae *sunt*, quaeque illic fuimus contemplati, memoria. Id autem nullus efficit sensus efficacius pleniusque, quam visus noster. Est enim hic ad *pulchra* conversus: pulchris autem nihil est, quod tangat mentem acrius vehementiusque moveat. Nam habent caeterae ideae in rebus hisce nostris simulacra quaedam, ut bonum in bonis, justum in justis, sanctum in sanctis tam negotiis, quam hominibus ac facinoribus; sed simulacra tam clara, tam illustria, quam pulchrum, non habent. Et vero ideae illae, quales sint, cogitando assequimur aegre: nam sensibus non patent bona, justa, sancta: nec videmus illa, nec audimus ullove sensu percipimus; *pulchrum* quale sit, ipso visu assequi licet: oculis enim patent pulchra, estque hic sensus omnium sensuum longe acutissimus. Pulchra iccirco in hac conditione nostra vim habent praecipue, ut superioris reminiscamur vitae, quaeque illic vidimus, mente

nobis repraesentare denuo possimus, exardescatque ita in animis nostris scientiae ipsiusque veritatis cupido. ⁽¹⁾

Scilicet non ita nobis de vero existimandum, quasi diversum sit plane a pulcro, a bono, a justo, vel quasi sic distinguatur ab hisce, ut haec a se invicem distinguuntur. Apud Platonem, quod cui forte mirum acciderit animadvertenti, in ideis non censetur *verum*, ut pulcrum, bonum, similia. Sexcenties memorantur αὐτὸ τὸ καλὸν, αὐτὸ τὸ ἀγαθόν; nusquam occurrit αὐτὸ τὸ ἀληθές, sed dicuntur illa universe *ὅντα*, quae sunt et uno nomine τὸ ὄν, id quod est, i. e. *verum* appellantur. Etenim communis omnium idearum quasi τύπος est veritas: veritatem si cogitando sustuleris, nullae relinquuntur ideae. Quamobrem qui pulcrum animo vidit aliquando, id vidit, quod verum est: idemque quo plenius omnes percepit ideas, eo propius ad omnis veritatis cognitionem accessisse putandus est. Idcirco, quem *pulcri* dicimus *amorem*, haud fingere eum oportet a *veri amore* alienum; sed efficit ille, ut et bonum et justum et sanctum, omnino ea, quae sunt, ipsam veritatem, pari studio cum cernere mentis

ocu-

(1) Phaedro 250. Cf. supra Vol. I. p. 129. Platonis de ἀναμνήσεως doctrinam arcte esse cum doctrina de pulcro conjunctam, docte accurateque, ut solet, posteriorum item scriptorum auctoritate demonstravit Creuzer. ad Plot. de pulcr. p. 166 sqq. N. item Ast. ad Phaedr. 249. C.

oculo, tum animo percipere nitamur: utque pulcri amor, semel in animo accensus, nos rapit furore quodam et enthusiasmo ad ipsum pulcrum plene penitusque cognoscendum, ita haud alius existimandus enthusiasmus est, quo verum appetimus.

Sunt illa sublimia sane multorumque videantur captum superare; sed, ut Platonica fere, ita haec, in sublimitate summa, parem habent simplicitatem: quippe naturae consentanea humanae, cujus hoc proprium est, ut pulcra appetat primum, tum veri ducatur amore. Parvulos videmus continuo appetere pulcra i. e. quaecumque lucent, splendent, oculos afficiunt maxime. Nec tamen his spectandis sunt contenti, manum extendunt identidem, ut ea tangant, contrectent, corripiant: cognoscere cupiunt quae admirantur: veri studium cum pulcri admiratione conjungunt; quod iis pulcrum est visum, id, quid sit et quale, scire avent. Infantiae haec et pueritiae ratio est: maturiore aetate homo altius spectat: verum nunc potiore loco, quam pulcrum, habet: quod *specie* se commendat pulcri, pueris relinquit, ipse *verum* in rebus omnibus, in pulcris adeo, admiratur unice. Verumtamen, nisi idem a puero admiratus pulcra fuisset, nisi haec in ipsius animo suscitassent aluissentque veri amorem, verum sic amare, sic unice diligere et admirari non coepisset. Natus homo est ad inquirendum, cognoscendum, veritatem assequendam,

dam: quo qui destitutus studio est, vix homo appellandus videtur; sed hoc fert item hominis natura, ut, quantosvis in rerum scientia progressus fecerit, pulcri admiratione eo adductus primum fuerit. Quo fit, ut vera disciplina ab artibus ducatur continuo. Eo haec spectat, ut doctrinarum ope ad veritatem et sapientiam perveniamus; sed quo illuc aptius faciliusque progrediamur, artibus primum colendis ad pulcri ducimur amorem. Amasse quem oportet pulcrum, si quidem pari amore verum sit prosecuturus: tum vero demum et veritatem ut virtutem, ut amasios suos amatores, colet et propugnabit, proferetque ingenio et quasi pariet, quae veritati et virtuti sunt congrua. Sic, ipsa naturae lege, ad rerum scientiam et sapientiam, per pulcri philosophiam, aditus homini patet. ⁽¹⁾

Illustrari hac forte populari ratione Platonikum illud, *pulcra nos ad verum ducere verique incendere amore*, quodammodo possit; sed ipsius reminiscendum Platonis est, ubi sublimia haec sublimi oratione et ex ipsa amoris vi, quo ardet adolescentia, explicuit. Itineris recordemur demum, quo ad pulcri scientiam simulque in mediam veri philosophiam nos duxit Diotime. Ordendum nobis praecepit a formis spectandis pulcris,

(1) Accommodare haec temporibus nostris studui in oratione de *pulcri amore*, quae exstat in *Annal. Acad. Rheto-traj. A.* 1817 et 1819.

cris, quae vi pulcritudinis capiant teneantque mentem nostram totam: hinc, missa formae commendatione, ad pulcros animos, inde ad studia et officia pulcra et praeclara procedendum: esse enim nobis per hos quasi gradus ad illud accedendum pulcrum, quod nec oculis nec auribus nec ulla sensu percipitur, una mentis vi, uno *veri ardore* cognosci potest. ⁽¹⁾ Sed Socratis recordemur item, quom amantium nobis furorem describeret; ⁽²⁾ nam elucet in medio illo furore, ullis vix frenis regendo, veritatis amor. Quodsi, dicebat, fit aliquando, ut quis, divino conspecto vultu, qui ipsam ei pulcri imaginem perfectam instaureret, hoc igitur quis conspecto, incredibili incendatur divinae formae amore, tum vero naturalia ipsius et pulcri et boni et justi omnisque veritatis amor in ejus mente subito accenditur, quoque amasium prosequitur ardore, quo eum colit honore, divino plane, eodem pulcrum ipsum et bonum et justum, veritatem omnino, prosequitur et colit: quod patet e sermonibus continuo amantium, quos crebros et sensu affectuque plenos de pulcro, justo et vero miscent, tum vero ex tota illorum vita: nam veri assequendi in rebus omnibus amorem omnia eorum studia, omnia proposita, facinora omnia produnt ac spirant. ⁽³⁾

Explicare haec omnia diligentius studuimus,
quum

(1) Symp. 210. D. — 212. A. Cf. supra V. 1. p. 187 sqq.

(2) Phaedr. 251 sqq. (3) Phaedr. 251 sqq.

quum in pulcri versaremur philosophia: hñc autem eorum reminisci, ut veri persequamur philosophiam, necessario oportet. Nam quo haec saepius accuratiusque legerimus ac perpenderimus, eo magis ipsi assequemur cogitando et sentiendo in primis percipiemus, quam sublime sit in homine principium idem ille *veritatis amor*. Vim autem divini principii ad parienda inque lucem proferenda optima quaeque et hominum generi saluberrima, haud facile quis philosophorum sic, ut Plato, in luce posuit. Nam pulcra apud Platonem quasi invitamenta sunt ad veri eliciendum amorem, et quamvis animum sic inflamment, ut furor inde et insania oriatur, hoc ipso fit furore, ut, quae homini inest ad omnia praeclara, ad vere pulcra, vere bona et justa indoles naturalis, quaeque hac indole homo studiisque his sublimibus concepit animo a tenera inde aetate, haec igitur non lateant diutius in imo pectore, sed prodeant in lucem et quasi partu emittantur. Non perspiciebat continuo Socrates, quid sibi vellet Diotime, quum amoris aperiens naturam, obscure satis pronunciatet: *ἔστι γὰρ τοῦτο τόκος ἐν καλῷ, καὶ κατὰ τὸ εἶμα καὶ κατὰ τὴν ψυχὴν.* ⁽¹⁾ *Partus hoc est in pulcro, cum corpore tum animo*; nunc nos, ni fallimur, obscurae sententiae et quasi vaticinationis vim et sensum assequimur. Nam sunt naturā homines tam animo, quam corpore praegnantes, conceperunt

(1) Symp. 206 B.

runt naturalibus his optimarum rerum, sinceræ scientiæ veritatisque appetitibus, virtutum omnium et sapientiæ semina: quibus pleni refertique et quasi exuberantes gestiunt parere aliquando et procreare. His autem quidni pulcrum esse dicamus quasi Lucinam quamdam? quidni amorem iis esse fateamur ipsum *in pulcro partum*? Sed nunc nos item sensus non latet eorum, quæ de foetibus divinorum virorum eadem pronunciavit mulier philosopha. In quibus leges memoravit Lycurgi, quæ Spartæ fuerunt et universæ fere Græciæ servatrices, leges item Solonis et celeberrima quæque clarissimorum virorum inventa, propter quos natos, ingenio partos, adjicit, templa iis et sacra dicata sunt plurima; propter humanos vero, nulla. In his enim omnium maxime, quæ iis intus inerat divina indoles, pulcris spectandis diligendisque, tota est excitata ad ipsum persequendum pulcrum, imo vero inflammata est ad ipsum, quod per se et bonum est et justum et civitati utile, ad civitatum salutem adhibendum. ⁽¹⁾

In quibus placitis, si quis poëticum aspernatur colorem, qui a philosophia alienus putatur, illud cogitemus, haud abhorrire ista a naturalibus mentis humanæ notionibus, quæ linguis dicendique usu expressæ et quasi consignatæ sunt. Quis enim populus, paullo quidem cultior, suâ non linguâ has ipsas, quibus nos usi sumus, voces dictio-

nes-

(1) Symp. 209. Cf. supra Vol. I. p. 185.

nesque usurpat? Dicentes audimus homines, qui dudum consilia quaedam mente agitarunt, his se consiliis *plenos gravidosque* fuisse ⁽¹⁾: quod dicunt non docti, non philosophi tantum, Socratem et Platonem imitati, sed minus culti item, quibus numquam sane innotuit horum philosophorum nomen. Cultiores in familiari vitae consuetudine de ingeniis judicantes, ingenia memorant *fecunda*, item *sterilia*. ⁽²⁾ Omnes tam docti, quam indocti, libros vocant *ingeniorum foetus* ⁽³⁾, *scriptorum prolem*, quod vetustissimi Graeci, necdum exculsi doctrinâ, de sapientia usurpabant, Minervam fingentes Iovis capite cerebrove partam. Quid dicam de *amoris* notione, quae non minus in linguis, quam in Platonis philosophiâ, cum *discendi* notione conjuncta et quasi cognata est. Exprimunt utramque formulae: *amare literas, literarum capi ardore, discendi amore flagrare*, tum hoc ipsum *discendi amor* et vox adeo illa Graecorum illustis, *φιλοσοφία*, cujus si originem spectamus, quod Cicero jam vidit, quid aliud est, quam *veri amor*? ⁽⁴⁾ Appellet quis igitur *poëtica* Platonis ista, sed idem velim ne ea putet a naturâ aliena: hanc enim exprimunt linguae. Sed, ajunt, hoc ipsum, quod tu usurpasti aliquoties, omnesque frequenter usurpant *veritatis studium*, quidni id

Pla-

(1) *Zwanger gaan van ontwerpen*. (2) *Uberem et fecundum* Periclem vocat Cicero Orat. c. 4. (3) *Hersenvruchten*. (4) Cic. *de legg.* l. 22.

Plato usurpavit? Sic loqui praestabat simpliciter, quam poetice *amorem* omni opportunitate celebrare. Atqui vos, o boni, id ipsi. agitis in vitae consuetudine, quod in Platone reprehenditis: vocem usurpatis identidem sermone, linguis Germanicis propriam, *waarheidsliefde*, *wahrheitsliebe*: quod pariter exprimere caeterae linguae student, quamvis hujusmodi vocabulo carentes. Sic inest ingeniis nostris, quorum linguae dicuntur specula esse, *amoris* notio, quum de veritate ejusque studio cogitamus ac disserimus. Quocirca, quando rem rite perpenderit, ultro fatebimur, id egisse in hac tota quaestione Platonem, quod unum maxime philosopho agendum est, ut naturalem hanc mentis nostrae notionem philosophando explicaret. Potuisset sane aliis vocibus uti, ut fecerunt inscriptis posteris, in quibus occurrunt *ἀρετής*, *δρμή*, *ἐπιθυμία*, et opportune, suis locis, his etiam usus est Plato; sed disserens idem de hoc philosophiae longe gravissimo et principe loco, nisi, quid sit amor, quidque ad explicandum hominis ingenium animumque valeat, explicuisset, mentem ipse suam sententiamque exprimere frustra tentasset. Et vero nos ipsi, quoties de eodem hoc argumento sive loquimur sive scribimus, quo tandem vocabulo et crebrius et lubentius utimur, quam eodem illo nostro *waarheidsliefde*? ⁽¹⁾

Pon-

(1) Ex linguis qui haec eruere diligentius velint, Graecam attendant praesertim. Nam *μᾶν*, unde *μαθῆναι*, *μα-*

Fontem indagavimus, duce Platone, et ni fallor reperimus, cognitionis nostrae. Quaerentes enim, *quid sit discere*, insitum naturae humanae attendimus cognoscendi studium verique amorem, quo homo, sensibus admonitus, in primis visu, ipse per se ad pulcri primum, tum universe ad veri cognitionem procedit, patuitque nobis, quae sit et quanta ad hunc inflammandum amorem pulcri vis et efficacia. Non attenderunt haec veteris et recentioris, superioris inprimis saeculi philosophi, qui sensus corporis diligentissime explorantes, ut, quae et qua ratione singula extrinsecus animo afferrent, constaret aliquando, de ipso animo, certe de insitis ei studiis et facultatibus vix cogitarunt. Apprime in hos convenit, quod ait Plato: *δεινὸν γὰρ που, εἰ πολλαὶ τινες ἐν ἡμῖν, ὥσπερ ἐν δουρείοις ἵπποις, αἰσθήσεις ἐγκάθηνται, ἀλλὰ μὴ εἰς μίαν τινὰ ἰδέαν, εἴτε ψυχὴν εἴτε ὃ δεῖ καλεῖν, πάντα ταῦτα ξυντείνει, καὶ διὰ τούτων οἷον ὀργάνων αἰσθανόμεθα ὅσα αἰσθητά. Miserum sane esset, si multi nobis sensus, quemadmodum ligneis equis, insiderent, non vero haec omnia in unum quod-*

θημα, μάθησις, μαθητής, proprie notat *cupio, desidero*, *απο*, imo vero ipsum est hocce Latinorum *a m o*, quod transpositis literis inde formatum est. Non latuerunt haec quidem Etymologos, sed inprimis adhibenda philosophiae videntur.

quoddam negotium, siue id animus siue quocunque tandem nomine dicendum sit, una contenderent, quo, per sensus hosce, tamquam organa, sentiremus quaecunque sensu percipiuntur. ⁽¹⁾ Nam sic omnino se res habet: admirabilis est quaedam singulorum sensuum vis, ut, quae extra sunt, intro annuncient menti; sed nisi mens suâ ipsa naturâ cognoscendi esset cupida, omnis esset supervacanea nunciorum illorum diligentia. Nunc vero, cum haec sit mentis indoles et natura, ut veri cupiditate, imo vero amore ducatur, ipsa per se exquirat omnia, sensibusque, ut verissime dicit Plato, tamquam ὄργανοις i. e. instrumentis ad cognoscendum utitur. Quod vidisse jam vetus philosophus videtur, siue is Anaxagoras siue Epicharmus fuerit, quum sic pronuntiaret: νοῦς ὁρᾷ καὶ νοῦς ἀκούει, τὰλλα δὲ κωφὰ καὶ τυφλά. ⁽²⁾ *Animus cernit, animus audit, reliqua surda et coeca sunt.* ⁽³⁾ Et quod modo de linguis monebamus, exprimere eas notiones interioris cuiusdam philosophiae, id item probat hoc ὄργανον Platonium, evidentiusque etiam patefacit nostrum illud de sensibus externis vocabulum, *zintuigen*, quo plane *mentis* ad cognoscendum *instru-*

(1) Theaet. 184 D. Eleganter Max. Tyr. XVI. 8. p. 303.

Ἄτα οὖν ἐν προθύροις τῆς ψυχῆς αἱ αἰσθήσεις ἰδρυμέναι, ἐπειδὴν τινος ἐφάψονται ἀρχῆς καὶ παραδῶσι τῷ νῷ, ἐπιλαβόμενος (ἰνα ὁ νοῦς) ταύτης, διορᾷ τὰ λοιπὰ —

(2) V. Plutarch. de Alex. virt. Cf. Wytt. ad Phaedonem p. 151. (3) De Tertulliani versione de anima p. 271.

strumenta indicantur. Quo sane argumento et multo magis etiam conscientia nos ipsi nostram nobis persuadebimus, multum sensibus, sed plurimum ipsi menti innatoque nobis discendi studio, ad cognoscendi facultatem tribuendum esse. Sed missis novitiis istis philosophis, qui, divinam non perspectam hominis indolem, totam hanc de sensibus disquisitionem ad materialismum, quem vocant, et atheismum contulerunt, *antiquos* hic potius attendamus, qui a Socrate et Platone profecerunt, Academicos maxime et Peripateticos germanos, quorum sententias de cognitionis nostrae fonte cum aliis locis Cicero, tum maxime in opere de Finibus diserte exposuit. Vim illi hominis internam explorabant maxime, quam infantes produnt continuo. „ Est enim natura sic generata vis hominis, ut ad omnem virtutem percipiendam facta videatur: ob eamque causam parvi virtutum simulacris, quarum in se habent semina, sine doctrina moventur; sunt enim prima elementa naturae: quibus auctis, naturae quasi carmen ^(a) efficitur. Nam cum ita nati factique simus, ut et agendi aliquid et diligendi aliquos, et liberalitatis et referendae gratiae principia in nobis contineremus, atque ad scientiam, prudentiam fortitudinemque aptos animos haberemus, a contrariis rebus

(a) Eleganter Ernesti de *concentu virtutis* accipit. V. Clav. Cic. Intelligere autem formulam sive *legem* *malam naturae*, qua virtus nititur. V. Goerenz. ad h. l.

bus alienos: non sine causa eas, quas dixi, in pueris virtutum quasi scintillas videmus, e quibus accendi philosophi^o ratio debet, ut eam, quasi Deum, ducem subsequens, ad naturae perveniat extremum. Nam, ut saepe jam dixi, in infirma aetate imbecillaque mente vis naturae per caliginem cernitur.”^o Quod diligentius etiam in his exponitur: „Parvi primo ortu sic jacent, tanquam omnino sine animo sint; cum autem paulum firmitatis accesserit, et animo utuntur et sensibus: conitunturque, ut sese erigant et manibus utantur: et eos agnoscunt, a quibus educantur. Deinde aequalibus delectantur: libenterque se cum his congregant, dantque se ad ludendum: fabellarumque auditione ducuntur, deque eo, quod ipsis superat, aliis gratificari volunt: animadvertuntque ea, quae domi sunt, curiosius, incipiuntque commentari aliquid et discere: et eorum, quos vident, volunt non ignorare nomina: quibusque de rebus cum aequalibus decertant, si vicerint, efferunt se laetitia: victi debilitantur animosque demittunt.”^o Tum vero ipse commemoratur *veritatis amor*. „Tantus est innatus in nobis cognitionis amor et scientiae, ut nemo dubitare possit, quin ad eas res hominum natura nullo emolumento invitata rapiatur. Videmus-

(1) Forte leg. *philosopho*. Sic certe sententia minus dura erit, ut videbatur Ernesto. (2) De Fin. V. 15.

(3) De Fin. V. c. 15.

musne, ut pueri ne verberibus quidem a contem-
plandis rebus perquirendisque deterreantur?
ut pulsi requirant et aliquid scire se gaudeant?
ut aliis narrare gestiant? ut pompâ, ludis atque
ejusmodi spectaculis teneantur, ob eamque rem
vel famem et sitim perferant? Quid vero? Qui
ingenuis studiis atque artibus delectantur, nonne
videmus, eos nec valetudinis nec rei familiaris ha-
bere rationem? omniaque perpeti, ipsâ cognitione et
scientia captos? et cum maximis curis et laboribus
compensare eam, quam ex discendo capiant, volup-
tatem?" ⁽¹⁾ Quamquam Academici illi veteres et Pe-
ripatetici non, ut Plato, hæc omnia ex naturâ
amoris repetierunt. Id, si quid aliud, Platoni-
cum est, expressumque in Phaedone. Philoso-
phos illic ait eo duci cognoscendi ardore, ut
mortuos se esse, quam vivere malint. Nam ferre il-
los moleste; verum se, cujus ardente flagrant stu-
dio, in hac quidem vitâ assequi non posse, im-
peditos quippe corporis vinculis, in quo, tam-
quam in carcere, degunt: contemnere igitur mor-
tem, imo vero mortem expetere, quo doctrinas,
quas unice amant, tamquam delicias suas et vo-
luptates, libere totasque amplectantur. Hæc vero
unius est amoris vis, quod eleganter supra me-
moravit Phaedrus. Orpheum reprehendit quod vi-
vus uxorem ex orco reducere studuit, mortem
pro ea subire non sustinuit: hoc enim unice
aman-

(1) De Fin. V. 18.

amantis esse. ⁽¹⁾ Negat adeo in Phaedone Socrates, naturā quem esse philosophum, qui mori discendi caussa non cupiat vehementer. Nonne absurdum sit, ait, si non libenter philosophi illic proficiscantur, quo cum pervenerint, spes est fore, ut, quod amarunt per vitam totam, obtineant, amarunt autem sapientiam: — ἡ ἀνθρωπίνων μὲν παιδικῶν καὶ γυναικῶν καὶ υἱῶν ἀποθανόντων, πολλοὶ δὴ ἐκόντες ἠθέλεσαν εἰς ᾧδου ἐλθεῖν, ὑπὸ ταύτης ἀγόμενοι τῆς ἐλπίδος, τῆς τοῦ ὀψεσθαι τι ἐκεῖ ἢ ἐπέθυμον καὶ ξυνέσεσθαι; Φρονήσεως δὲ ἄρα τις τῷ ὄντι ἐρῶν, καὶ λαβὼν σφόδρα τὴν αὐτὴν ταύτην ἐλπίδα, μηδαμοῦ ἄλλοθι ἐντεύξεσθαι αὐτῇ ἀξίως λόγου, ἢ ἐν ᾧδου, ἀγανακτήσει τε ἀποθνήσκων καὶ οὐκ ἄσματος εἶσιν αὐτόσε; *an vero amasiis, uxoribus, liberis defunctis, mulieribus sponte sua in orcum voluerunt descendere, hac spe ducti, fore, ut illic quid essent eorum quae amaverant adspecturi; sapientiae autem verus amator, eadem spe ductus vehementer, se eam nusquam assecuturum alibi esse, nisi in orco, hic igitur aegre mortem feret, non eo migrabit libenter?* ⁽²⁾

*De mentis oculo,
quo uno cerni veritas potest.*

Sed quo magis illuc pergo, quo contendimus continenter, ad nobilem Socratis *μαιευτικὴν*, eo mi-

(1) Symp. 179. D.

(2) Phaedone 68. A.

nihil plura gravioraque occurrunt, quae prius videantur ex Platone explicanda, quam illuc perveniamus. Tantum abest, ut statueret Plato, quod, a Lockio inde, recentioribus philosophis quam plurimum placuit, nihil esse in animo, quin per corporis sensus intraverit, ut sensum quemdam interiorem, ipsius animi sensum, in scriptis suis memoraverit identidem. ⁽¹⁾ Quod placitum alii alia maximeque diversa ratione explicatumiverunt. Nam patres ecclesiae de animi facultate acceperunt, qua divina natura percipitur, placitumque ad religionem accommodarunt: ⁽²⁾ recentiores fere *organum*, quod dicunt, *morale* intellexerunt, quo mundum moralem perspicimus: neutri quidem id dicentes, quod abhorreret plane a philosophia Platonica; verumtamen Plato nec religionem spectavit proprie, nec interiores nostros animi sensus: *mentem* respexit, τὸν νοῦν, et mundum νοῦτον, *verique* in hoc cernendi facultatem hac voce expressit. Sed rem nos accuratius et ex ipsis philosophi principiis explicemus.

Sensibus ille, ut vidimus, hoc tribuebat, ut de rebus externis monerent certiolemque facerent animum; ⁽³⁾ vim autem quamdam praecipuam, huiusque negotii facultatem singularem visui inesse censebat, quippe qui acumine sensus caeteros super-

(1) Rep. VII. 527. E. 533. D. (2) V. Wyttenb. ad Plut. de S. N. V. p. 95. (3) Cf. Rep. VII. 523. D. 524. D.

peraret. Declaravit ita apte, quamadmodum animus insitum sibi veri amorem per sensus, tamquam nuncios, tamquam cognitionis suae instrumenta, explere conaretur; verumtamen hoc nondum patefecerat inquirenti, quo tandem modo *illa* percipiamus mente, quae uni menti, non sensibus patent, pulcrum, bonum, justum, omnino, τὰ ὄντα, quae non esse *videntur*, sed *sunt*. Nam quamvis sit acer videndi sensus ille, quantumvis accedat ad ea sentienda, quae mente percipiuntur, tamen cernit quae videntur, quae cogitantur non potest cernere. Quo magis igitur hanc propriam mentis facultatem declararet, quoque nobis evidentius patefaceret, quid agendum philosopho sit, qui veritatem adspicere, non imagine expressam, sed ipsam, sed integram, sed purâ in luce splendentem cuperet, oculum memoravit animi subinde, ὁμμα τῆς ψυχῆς, sexcentis oculis potiore, quippe quo uno cerneretur veritas. Hunc autem oculum, mentis ὄργανον, ut negligitur a plerisque et coecum fit ac perit fere, disciplinis monuit a tenerâ inde aetate, maximeque mathematicis et dialecticis disquisitionibus cum suscitandum esse in mente, tum purgandum. Nam sic demum fieri posse, ut quod ardentissime amamus uniceque amplecti totum cupimus, ipsum dico verum, id quod est, nec falsis nos ludit imaginibus, hoc igitur intueamur plane, cum eoque congressi non falsa et inania, sed vera pariamus, quae veram provehant humani generis

felicitatem. Sublime hoc sane est placitum Platonis, significatum jam in Phaedro, sed in Poliria ad optimam institutionem diligenter adhibitum: nobis vero prudenter est accipiendum, ne importuna diligentia inanique inquisitione de sensus huius sede et ratione, vim ejus sublimem tollamus plane. Accipiendum, ut interpretatus Aristoteles est: *ὡς ὅψις ἐν ὀφθαλμῷ, νοῦς ἐν ψυχῇ*.^ω Plato lectoribus verbo saepe significavit, quae ipsi sentirent, adverterent, quoque melioris essent ingenii, eo plenius perciperent: nec quidquam magis interpreti cavendum est, quam ne explicare studeat, quod ipse philosophus explicare vel non potuit vel etiam data opera noluit. Relinquenda est lectoribus in multis caussis, quam iis Plato reliquit prudenter, sentiendi, suspicandi, divinandique libertas, quae res sane philosopho plena est voluptatis. Sed haud scio equidem, an idem illud, in toto hoc negotio nostro, omnium sit difficillimum.

*Quid est docere?
sive de παιευτικῇ Socratica.*

Post longam hanc de discendo cognoscendoque disputationem, redimus tandem ad Socratis et
Theo-

(1) Topic. p. 288. Ed. Sylb. V. Wyttenb. ad Plut. de S. N. V. p. 94.

Theodori cum Theaeteto sermones; sic autem redimus, ut rite nunc instructi paratique *μαθητι-
κῆν* Socraticam, quam tūm erat Socrates traditurus, nunc possimus interius perspicere. Nam, ne haec tota nos lateret, constare debebat de naturā animi nostri. Qui sane si, ut multis placuit, vacuus esset ipse, extrinsecus autem per sensus, tamquam infundibula, omnes omnium rerum notiones acciperet, Sophistarum probaremus studia, qui ipsi doctrinam in juvenum animos infundere pollicebantur, Socratis vero disciplinam, non dico non probare aut admirari, sed ne intelligere quidem possemus. Nunc nos Socratem et Platonem secuti, aliter de animo nostro existimare didicimus, non *tabulam* illum *rasam* esse, sed, agri instar, naturā uberem et foecundum: plenum enim esse pulcri, boni, justī, ipsius veritatis sive reminiscentiis, sive notionibus, sive sensibus studiisque. Et profecto talis est prorsus, quem Plato nobis spectandum dedit, Theaetetus, foecundo ingenio adolescens, ut perspiceret Socrates, veritatis illum amore ardentem multa dudum animo concepisse jamque parere gestire. Nos vero, qui spectavimus puerum, quidni fateamur, nisi eidem, cum veri amore, *δρᾶνον* illud sive facultas inesset veri intuendi quodammodo, progressus ejus in rebus geometricis nec Theodorum praedicare nec ipsum probare potuisse? Sed ad ipsos sermones accedamus denuo.

Theaetetus, quid istud esset, quod Socrates dixerat:

rat: *parturis scilicet, Theaetete, propterea quod non vacuus es, sed praegnans: non tenebat.* Ego, inquit, quid mihi acciderit, dico: me autem parturire, hoc quid sit ignoro. Tum Socrates: *tune vero, o bone, ignoras, Phaenaretae me esse filium, obstetricis generosae perquam et severae?* — *Audivi sane.* — *Numquid item, eandem me artem tractare, audivisti?* — *Hoc nequaquam.* — *At scito ita esse: ne me tamen apud caeteros prodas: nam latet omnes, o amici, hanc me artem callere; illi vero, quippe ignorantes, hoc quidem de me non dicunt, sed ineptissimum me esse hominem et alios in angustias adigere colloquendo.* Hoccine audivisti item? — *Id omnino.* — *Visne tibi caussam hujus rei dicam?* — *Quidni velim?* — *Reputa igitur tecum totum obstetricum negotium, quomodo se habeat, et facile id, quod volo, assequeris.* Scis enim, nullam earum, quamdiu concipit ipsa et parit, aliis opitulari parturientibus, sed hoc facitare eas, quae jam parere non possunt? — *Omnino.* — *Caussam hujus rei Dianam esse ferunt, quae non pariens ipsa partuum curam suscepit. Sterilibus quidem obstetricandi munus non dedit, quia non fert hominis natura, ut res arte tractet, quarum ipse sit expers: dedit vero illis, quae per aetatem non possent concipere, earum secum similitudinem honorans.* — *Verisimile hoc quidem.* — *Nonne vero hoc item et verisimile et necessarium, quae praegnantibus sint, quaeque non sint, ab obstetricibus dignosci magis, quam a*
cae-

caeteris ? — Omnino. — Quin etiam possunt obstetrices et medelis praebendis, et adhibendis incantationibus, cum excitare parturientium dolores, tum, quarum volunt, sedare, efficere item, ut pariant quae aegre parturiunt: eademque, si quando abortu opus est, abortum efficiunt. ⁽¹⁾ — Est sane ita. — Numquid et hoc de illis animadvertisti, esse easdem sagacissimas matrimoniorum conciliatrices, quippe perquam prudentes incernendo, qualis mulier quali viro juncta optimos pariat liberos ? — Id non satis novi. — Scito vero, hoc eas magis gloriari, quam umbilici incisione. Nam reputa: ejusdemne, an alius artis esse existimas, colere ac colligere qui e terra nascuntur fructus; et rursus dignoscere, quod in solum quam plantam, quodve semen jacere deceat ? — Non sane, sed ejusdem est. — In foeminis autem, o amice, alterius facultatis hoc, alterius illud existimas ? — Non videtur. — Haud sane; sed propter injustam ineptamque maris et foeminae conjunctionem, cui *lenocinium* nomen est, conciliandi matrimonii officium fugiunt obstetri-

(1) Graeca manifesto corrupta sunt: καὶ εἰς νέον ὃν δόξῃ ἀμβλίσκειν, ἀμβλίσκουσιν. Fuit, cum mihi mirifice placerem conjiciendo: καὶ εἰς ἀνεμιᾶτον δόξῃ, ἀμβλίσκειν, eo sensu, ut οὐ γένιμον notaret, prouti 157 D. V. Spec. crit. p. 28. Sed rejecit juvenilem temeritatem aetas provectior. Nunc quidem haec verti de Heindorfii conjecturâ: εἰς δὲ δὲ δόξῃ.

trices, quippe castae severaeque, verentes scilicet, ne per hanc artem in lenocinii vituperium incidunt: quamquam obstetricibus, quae vere dicuntur, solis item convenit mares foeminasque recte jugare. — Pater. — Obstetricum igitur negotium tantum est; minus vero, quam meum. Nam mulieribus non accidit, ut subinde simulacra pariant, nonnumquam vera, sitque difficile haec dignoscere: quod si accideret, maximum pulcerrimumque obstetricum munus esset, verum a falso discernendi. Tu vero quid sentis? — Idem profecto. — Meae autem arti caetera propria sunt, quae illarum; differt vero, quod maribus, non foeminis parturientibus succurrit, tum etiam animos spectat parientium, non corpora; maximum autem hoc inest arti meae, posse videlicet diligenter explorare omni modo, simulacrumne et falsum, an nativum et verum quiddam juvenis animus pariat. Caeterum id mihi etiam, quod obstetricibus, est: non pario sapientiam: quodque objecerunt mihi multi, alios me interrogare, ipsum vero de nulla re respondere, quia nihil habeo quod sapienter respondeam, vere objiciunt illi. Causa autem rei haec est: parturientibus succurrere Deus me cogit, generare prohibuit: sum ipse quidem non magnopere sapiens: nec est mihi ullum inventum sapiens, ex animo meo natum; qui vero colloquuntur mecum, primum quidem videntur, nonnulli non solertes, ⁽¹⁾ alii perquam

(1) οἱ δὲ μοι συγγινόμενοι τὸ μὲν πρῶτον φαίνον-
ται,

quam adeo rudes, omnes autem, procedente usu et consuetudine, quibus quidem Deus favit, mirum in modum proficientes, uti et sibimet ipsis et caeteris videntur. Id autem liquet, a me illos nihil umquam didicisse, sed ipsos per semet ipsos multa et praeclara invenisse atque in se habere recondita: obstetricationis autem Deum et me auctorem esse: quod hinc maxime patet. Multi jam hoc ignorantes et semet ipsos increpantes, me autem contemnentes, vel ipsi per sese, vel ab aliis adducti, citius, quam par erat, abierunt: remoti autem a me, cum caeterorum propter pravam consuetudinem abortum fecerunt, tum ea, quae ego obstetricia ope ex iis protuleram, male alentes perdiderunt, falsa et simulacra majoris habentes, quam vera, pretii: tandemque hi et sibimet ipsis et caeteris rudes visi sunt. Quorum unus fuit Aristides Lysimachi filius et plurimi alii: quorum, si quando redeunt ad me, expetentes congressus meos atque ut obtineant nihil non molientes, nonnullis meum me daemonium interesse prohibet, aliis sinit: hi autem tum continuo proficiunt denuo. Hoc vero etiam cum parturientibus foeminis commune habent qui me utuntur: partus doloribus laborant et noctes atque dies magis etiam

ται, ὅτιοι μὲν καὶ πάνυ ἀμαθεῖς, πάντες δὲ — Excidisse nonnihil videtur. Forte scripsit auctor ὅτιοι μὲν οὐκ εὐμαθεῖς, ἄλλοι δὲ καὶ πάνυ ἀμαθεῖς, πάντες δὲ — Sic verti.

etiam illis, anxietatibus replentur: hos autem dolores ars mea et excitare potest et sedare. Atque ita quidem isti se habent; aliquando vero, o Theaetete, si qui mihi non esse praegnantem videntur, sciens ego nihil me iis prodesse posse, aliis eos benevole despondeo, et, quod non sine Dei numine dico, satis praesagio acute, quibusnam illi usi proficiant. Quorum multos Prodicus tradidi, multos aliis sapientibus et divinis viris. Haec tibi, optime, hac de causa fusius enarravi, suspicatus scilicet, te, quemadmodum ipse putas, praegnantem parturire. Committe te igitur mihi, ut filio obstetricis et ipsi obstetriciae artis perito, quaeque rogo, ad haec pro viribus responde. Quodsi forte eorum, quae dices, explorans aliquid, simulacrum esse, non verum, existimavero, deinde sustulero atque abjecero, ne irascaris oro, prouti primo partu puerperae prole rejecta solent. Multi jam enim, mirifice adolescens, sic in me affecti sunt, ut plane ad mordendum sint parati, quando ipsis nugas quasdam detraham, nec putant id a me benevolentia fieri. Multum abest, ut sciant, nullum esse Deum hominibus malevolum, nec vero me quidquam tale malevolentia facere: mihi vero falsum admittere atque abscondere verum, nullo modo licitum est. ⁽¹⁾

Nolui interpellare Socratem, haec ita Theaeteto et Theodoro enarrantem, ut rem ex ipso totam per-

(1) Theaet. 148 E - 151 D.

perciperemus: quamquam sunt nobis singula fere, quae dixit, ex ipsius Platonisque philosophia uberius declaranda. Veluti quod lenoni se comparavit, qui alia ingenia cum aliis conciliaret, ut ex eorum consuetudine et congressibus optimarum rerum studia, tamquam foetus, ederentur. Similiter id praedicat de sese in Xenophonteo Symposio. Nam cum caeteri illic rem memorassent, qua gloriarentur maxime, Callias Socratem intuens, οὐ δὲ δὴ, ἔφη, ἐπὶ τίνι μέγα φρονεῖς; καὶ ὁ, μάλα σεμνῶς ἀνασπάσας τὸ πρόσωπον, ἐπὶ μαστροπείᾳ εἶπεν. *Tu vero qua te maxime re effers? Tum ille, contracto ad gravitatem vultu, lenocinio, respondit.* Est autem hoc totum, quamvis jocosè dictum, ex placitis Platonis de animi natura explicandum. Scilicet non machinae esse simile censebat ingenium hominis, non e lapide aut ligno informatum, ut moveretur mechanicis legibus, semetipsum non moveret; sed αὐτοκίνητον ⁽¹⁾ appellabat, moveri autem maxime statuebat spiritu illo, quem diximus, qui intus alit omnia, *amore*. Hinc pulcri appetitus, qui apparet in infantibus cum cognoscendi studio conjunctus: hinc amor veri cum pulcri conjunctus amore, quo ardet juvenus. Itaque amasium anquirat adolescens optimarum rerum studio flagrantem, quocum semper sit una misceatque sermones de virtute deque eo, quod

VC.

(1) Xenoph. Symp. c. 3. §. 10. Cf. ab. §. 4. et c. 4. §. 56. (2) Phaedr. 245 C.

vere sit pulcrum, vere sit bonum justumque, et qualem esse oporteat virum bonum et sapientem. Quaerit quidem ille formosum continuo: nam quid pulcro est amabilius? et vero pulcri adspectu veritatis virtutisque amor inprimis accenditur; sed qualicumque sit ille forma, etiamsi vel Socrati sit similis, suffecerit, dummodo, ut Socrates, intus sit pulcer. Nam turpis animus non corpore fit formosus, sed animus si sit pulcer, taetrum etiam corpus formosum reddit. Quidni igitur hoc agat data opera philosophus, cui hominum cultus curae cordique est, ut conciliet adolescentibus amasios, si quidem ipsi reperire dignos suo studio non potuerint? Conciliandi autem illis tales sunt, quales ipsorum naturae convenient, ut ex studiis sermonibusque mutuis, ex communi ingeniorum commercio et consuetudine inventa, tamquam foetus, optima nascantur. Sic, indole perspecta adolescentiae, lenonem se ferebat Socrates ingeniorum. Nam hoc tenebat, quod nobis Eryximachus exposuit, ⁽¹⁾ optimum esse medicum, qui corporis appetitibus bonis indulgeret alimentumque praeberet, malos tolleret: pariter autem animo illum prospicere optime philosophum, qui, pravis libidinibus alimento sublato, amoris insito veri pulcrique unice gratificaretur: fierique hoc aptissime certissimeque bonis cum bonis jungendis et suo cuique amasio conciliando. Sed idem Socrates, ut hac ingenio-

(1) Symp. 187 D.

niorum conciliatione vim iis insitam promovebat maxime, ita hoc efficiebat simul et suâ fere sponte, ut ipsum discipuli miro amore prosequerentur. Erant quidem, ut modo nos monuit, qui ipsam citius, quam par esset, desererent, aliosque secuti corrumperentur; sed legentibus nobis germanos ejus constantesque discipulos, Xenophontem et Platonem, attendentibus inprimis, quos in scriptis hi suis dicentes fecerunt Socraticos, quavis fere paginâ patet, quo eum quantoque dilexerint coluerintque amore. In Phaedonis cum Echecrate colloquio sic Phaedo: καὶ γὰρ τὸ μεμνησθαι Σωκράτους καὶ αὐτὸν λέγοντα καὶ ἄλλου ἀκούοντα ἔμοιγε αἰεὶ πάντων ἡδιστὸν· εἰ γοῦν, *Socratis meminisse, sive ipse dicam, sive alium dicentem audiam, mihi semper omnium suavissimum est.* ⁽¹⁾ Sed audiamus Apollodorum, qui furore plane amabat Socratem: ἀφ' οὗ δ' ἐγὼ, familiari narrat cuidam, Σωκράτει συνδιατρίβω καὶ ἐπιμελὲς πεποιήμαι ἐκάστης ἡμέρας εἰδέναι ὅ τι ἂν λέγῃ ἢ πράττῃ, οὐδέπω τρία ἔτη ἐστὶν· προτοῦ δὲ περιτρέχων ὅπη τύχοιμι καὶ οἰόμενός τι ποιεῖν, ἀθλιώτερος ἦν ὄνουσιν ⁽²⁾ *Ex quo vero tempore Socratem ego sector, idque mihi agendum summo studio ratus sum, ut quid dicat singulis diebus, quid agat, cognoscerem, nondum tres sunt anni: antea vero quacumque fors ferebat, oberans, putansque me aliquid agere, omnium eram misererrimus.* Cui familiaris: αἰεὶ ὁμοίος εἶ, ὦ Ἀπολλό-

(1) Phaedone 58 D.

(2) Symp. 172 E.

ἀδελφε, — σιωπῇ τε καὶ τοῖς ἄλλοις ἀγριαίνεις, πλὴν Σωκράτους: *semper tui similis es, o Apollodore,* — *in te caeterosque acerbe invehis, uno excepto Socrate.* ⁽¹⁾ Talem autem in se amorem ut in discipulis excitaret Socrates, cum mores effecerunt viri, tum effecisse videtur maxime haec ipsa, quam explicamus, *μαίευτική*. Nam erat illa cum incredibili quadam benivolentiā et caritatis significatione conjuncta: *ἔρως αὐτέρωτα τίκτει: amor vicissim amorem parit.* Sed ipsi disciplinae hoc proprium erat, ut pareret amorem. Nam primum, sublatis opinionibus falsis et praeoccupatis, amorem veri, diu istis oppressum et fere suffocatum, tamquam e cinere suscitabat, ut exardesceret in animo: hoc autem quis est qui incenditur, quin eodem praeceptorem studio et amore, quo ipsam veritatem, prosequatur? Est enim hic ipsi non summi tantum beneficii auctor, sed exemplum etiam, quod assequi studeat, ipsa est illi veritatis virtutisque imago, qua contemplanda colendaque, amatoris plane instar, satiari non potest. Vero, sic plane divinum praeceptorem amabant Socratici, sic eum post mortem venerati sunt et coluerunt. Deinde, qui hac disciplina a Socrate perpurgabantur, primum quidem aegre ferebant, auferri sibi ea, quibus unice gloriabantur, quaeque ut parta ingenio suo paternā caritate diligebant et osculabantur. Erant, ut ait Socrates,

qui

(1) *Symp.* 173 D.

qui ipsum has illis nugas auferentem rejicientemque, tantum non morderent. Sed iidem, postquam plane erant perpurgati, tanto semetipsos odio habebant, quanto illum colebant amore. Indignabantur enim, tamdiu se torpuisse, vitamque se adhuc degisse indignam ingenio suo. Quo vero abjectius de semetipsis sentiebant, eo de Socrate magnificentius existimabant: quoque minus sibi esse videbant, quod ipsis sufficeret, eo ardentius amplectebantur eum, ut hoc explerent desiderium, eoque illum amabant vehementius: amorem enim, de Diotimae sententia, indigentia parit. Hujusmodi est et hinc proficiscitur discipulorum erga praecceptorem amor, qualis Socrates fuit: sic certe ipsum Socratem amavit, ut modo confessus est, Apollodorus, qui ab hoc amoris furore plane et enthusiasmo *μανικός* appellari solebat. ⁽¹⁾

Quodsi jam de eo quaerimus, quod item Socrates in illa *μαρτυρικῆς* descriptione memoravit, qui accederent ad ipsum, horum primum nonnullos perquam visos esse ignaros, omnes vero, procedente usu et consuetudine, si quidem daemonium sineret, mirabiles fecisse progressus, *θαυμάσιον ὄσον ἐπιδιδόντας*: ⁽²⁾ hoc item ex Socratica naturae humanae observatione efficitur facile. Nam purgando animo liberandoque perversis opinionibus, cum viam recludebat adolescentibus omnis scientiae et virtutis, tum ipsi in hac via non po-

te.

(1) *Symp.* 175 D. (2) *Theaet.* 150 D.

terant non celerrime progredi. Hoc item et ipsi tribuendum Socrati, qui mirā valebat incitandi, τοῦ προτρέπεσθαι facultate naturali, tum ex discen-
tium naturā et ingenio intelligitur. Et primum quidem rudes videri et indocti debebant, quibus quippe Socrates omnem doctrinae speciem sic in-
terrogando adimeret, ut ipsi cogerentur fateri, quique aderant faterentur sponte sua, esse illam reapse speciem inanem, doctrinam inesse, i. e. re-
rum scientiam, nullam. Sed iidem his vanis fal-
sisque opinionibus liberati, quibus verae exclude-
bantur, suscipiebant jam sponte sua doctrinas om-
nes, quae ad rerum scientiam ducerent. Nam in-
est naturā homini amor veri. Quod vidit acute
Plato, et, nos ut videremus, summā evidentia
explicuit. Νομιζοντες, αἰ, οἱ καθαιρόντες αὐτοὺς,
ὥσπερ οἱ περὶ τὰ σώματα ἰατροὶ νενομίκασι, μὴ πρό-
τερον ἂν τῆς προσφερομένης τροφῆς ἀπολαύειν δύνα-
σθαι σῶμα, πρὶν ἂν τὰ ἐμποδίζοντα ἐν ἑαυτῷ τις ἐκ-
βάλῃ, ταυτὸν καὶ περὶ ψυχῆς διενόηθησαν ἐκείνοι· μὴ
πρότερον αὐτὴν ἔξειν τῶν προσφερομένων μαθημάτων
ἐνησι, πρὶν ἂν ἐλέγχων τις τὸν ἐλεγχόμενον εἰς αἰ-
σχύνην καταστήσας, τὰς τοῖς μαθήμασιν ἐμποδίσας δό-
ξας ἐξελών, καθαρὸν ἀποφήνῃ, καὶ ταῦτα ἡγούμενον,
ἅπερ οἶδεν, εἶδέναι μόνον, πλείω δὲ μὴ. Existiman-
tes enim, qui hos purgare nituntur, ut de corpo-
ribus existimant medici, non posse corpus allato
cibo nutriri, antequam impedimenta quis ejecerit,
eisdem ratione et illi de animo judicarunt, non
prius hunc ex allatis disciplinis fructum esse cap-
tu-

iturum, quam redarguens quis eum, qui redarguitur, postquam erubescere fecit, sublatiis opinioni-
bus vanis, disciplinarum impediens, purum effe-
cerit, haec se scire putantem sola, quae novis,
plura vero se non scire. (1) Medetur igitur animo
μαιευτική, ut totus penitusque persanatus, pos-
sit deinceps doctrinarum suscipere alimenta, pos-
sitque idem, bene his nutritus et corroboratus, gra-
vissimos suscipere ac perdurare ad inveniendum ve-
rum inque usum vitae conferendum labores. Vē-
rum haec μαιευτική cum salutari arte compara-
tio, ut frequens est apud Platonem, quippe pro-
sus naturae congrua, ita diligentissime est ab eo
in *Sophista* instituta: quam disputationem eo, quod
procedit, ordine apponemus, quo magis ex illō
dialecticam Platoniam, quam deinceps tractabimus,
hic jam quodammodo degustemus.

Κάθαρσις animi ἑλεγχος est sive ἡ μαιευτική:
quod animo cum corpore collato sponte appa-
ret. Nam duplex est perversa corporis conditio:
cum νόσος, quum intus corruptum est, tum
αἰσχος, quum externo habitu male se habet.
Utrique vitio corrigendo ars accommodata est,
illi ιατρική, huic γυμναστική. — Duplex item ani-
mi malum est: est vel ἀδικία, vel ἀμαθία. His
si quaerimus quatenam medeantur potissimum,
injustitiae adhibenda κολαστική sive δίκη est, insci-
tiae διδασκαλική. Verum διδασκαλική vel ad δη-
μιουργ-

(1) *Soph.* 250 C. D.

μουργικὰς refertur διδασκαλίαι, vel παιδεία est, i. e., διδασκαλικὴ ἐν ταῖς λόγαις: haec autem duplex est, severior vel lenior: vel κενερατικὴ est, ἀφ' ἧς ἀφαιρούμεν τι πάτριον, ἢ πρὸς τοὺς πατέρας μάλλον ἐχρῶντό τε, καὶ ἔτι πολλοὶ χρῶνται ταύτῃ, ὅταν καὶ τοῖς ἐξαμαρτάνουσι, τὰ μὲν χαλεπαίνοντες, τὰ δὲ μαλθακωτέρως παραμυθούμενοι: ἀπὸ τοῦ πατρίου, quo in liberos sua maxime utitur et utitur ciuitatis multae, quomodo delinquunt, partim graviter obiurgantes, partim lenius admonentes: vel, quem nunc quaerimus maxime, ἔλεγχος, ὁ περὶ τῇ μετακτὶν δοξασίᾳ γιγνόμενος ἔλεγχος, vanae doctrinae, quae opinionis carnalis, redargutio ⁽¹⁾, i. e. μαευτική, quam qui animo adhibet, καθαρτὴς dicendus est, δοξῶν ἐμποδίων μαθήμασι περὶ ψυχὴν ⁽²⁾. Ergo, ut vis μαευτικῆς ad verum hominis cultum percipiatur, prouti medicus corpori, sic animo iudex prospicit; sed corpori non sufficit, ut intus se bene habeat, accedat necesse est habitus motusque constantis: quod efficit gymnastica. Similiter non satis est animo, si nec pravus sit nec poenis videatur coercendus, esse eum nec turpem aut tætrum, ρυμνῆτα esse decet. Eo autem διδασκαλικὴ valet, nec illa tantum, quae patris auctoritate exercetur, sed praesertim, quae intus totum penitusque perpergat animum, ut, sublatis opinionibus vanis, integer sit et vigeat. Τὸν ἔλεγχον λεπτὸν δὲ ἄρα

(1) Soph. 251 B.

(2) Ibid. 251 E.

μέγιστη καὶ κυριωτάτη τῶν καθάρσεων ἐστὶ καὶ τὸ ἀνέλεγκτον αὐ νομισέον, ἃ καὶ τυγχάνῃ βασιλεὺς ὁ μέγας ὢν, τὰ μέγιστα ἀκάθαρτον ὄντα· ἐπαίδευσθαι τε καὶ αἰσχρὸν γεγονέναι ταῦτα, ἃ καθαρύτατον καὶ κάλλιστον ἔπρεπε τὸν ὄντως δούμενον εὐδαίμονα, εἶναι.

Redargutio dicenda est maxima et principi purgationum omnium; ille vero qui non redarguitur est, etiamsi ipse esset rex Persarum, indoctus habendus est et turpis iis in negotiis, in quibus qui reapse futurus est felix, purissimas palcerimus debet. (1)

Sed nondum explicimus satis, quod dicit de hac disciplina in Theaeteto Socrates, admirabiles esse eorum, qui sic excoluntur, progressus: sed vero praesertim est ex hominis indole et Socratis philosophia declarandum. Nam id studebat unus philosophus, ut animus liberaretur timore, vanitate, falsis opinionibus, quae maxima sunt cogitandi libereque inquirendi impedimenta: his autem tanquam vinealis solutus, ipse jam porro per se cogitaret et exquireret. Simplicior fingi disciplina nulla potest, sed nulla est etiam ad accedendum juvenum progressus aptior efficaciorque. Nam hac ratione expedius quis difficultatibus, quae coercent progressum omnem, suoque ipsi indulgens instinctui i. e. veritatis amori, non poterat non, quae vis est naturae, tendere ad veritatem oclerrimo cursu, et, si quis aliud, perveni-

(1) Soph. 230 et 231.

venire. Erant Athenis Socratis aetate, qui in eo excitandorum ingeniorum facultatem agnoscerent atque admirarentur, perducendorum desiderarent: quod Xenophon testatur in Memorabilibus ⁽¹⁾, qui ipse Socrati suo parem utriusque negotii facultatem tribuit. Non est, quod nos hoc loco rem dijudicemus: nam et negotium difficillimum est, et minus nunc Socratem, quam ejus disciplinam disciplinaeque in philosophia Platonis auctoritatem spectamus. Sed hanc nobis judicantibus, eo sane praestabilius uberiusque videtur, quo minus ingenuis suam monstrabat progrediendi viam. Aperiebat ille juvenum animos, eliciebat inde facultates, quae inessent, singulas, easque alebat et corroborabat: ut vero hae in aliis erant aliae, maximeque diversae, ita quam quisque pro hac naturarum diversitate et ingrediebantur viam et tenebant, quam disciplinae praestantiam et quasi fertilitatem certissimo documento probat historia philosophiae. Nam ex nulla prodierunt tanta varietate, non dico philosophi, sed philosophorum sectae et familiae, quam ex Socratica hacce. Secuti sunt Zenonem Stoici, Epicurum Epicurei, ut, quae magister praeceperat, maximam partem diligenter servarent: unde communi omnes nomine Stoici et Epicurei dicti sunt. Sed Socratem qui audiverunt, sic ab eo singuli singulari ratione exculti sunt, sic semetipsos suo quique modo explicuerunt, ut pro suo

(1) Mem. L. I. c. 4.

suo quique ingenio philosopharentur, suum quique iter instituerent, plerique novarum essent sectarum auctores. Fons fuit Socratica disciplina uberrimis, unde sectae in omnes partes magnaque numero et majore etiam placitorum varietate, tamquam rivuli, dimanarent: eademque disciplinae hujus fecunditas in Platonis disciplinam quasi propagata est, quae et Academicos protulit et Peripateticos et Neoplatonicos, imo vero ipsi Stoicis et Epicureis, quamvis aliunde ortis, alimmentum praebuit sane quam saluberrimum. Nam quod Socrates monendo cohortandoque et sermonibus instituerat, id perfecit Plato cum simili, quamvis diligentiore, disciplina, tum scriptis maxime, quibus Socratem posteris nobisque etiam hoc tempore disserentem philosophantemque, veluti vivum etiam nunc, repraesentavit: idemque institutioni doctrinas adjunxit, praesertim mathematicas, non quo viam definiret, quae cuique esset anxie servanda, sed ut magis etiam insitum homini veri amorem et excitaret aleretque et prudenter regeret.

Sed agimus de progressuum celeritate, qua insignem esse *μαθητικὴν*, ipse nobis praestantissimae disciplinae auctor modo affirmavit. Nolim hic cogitent lectores celeritatem illam discendi, quae hodie praesertim, ubivis fere incultioribus Europae populis, commendatur, cujus praestantia brevitate temporis censetur, non ubertate, non diligentia, non rerum addiscendarum gravitate, non fruc-

fructu etiam, quem inde res publica capiat. Laudanda est celeritas illa, quatenus ad legendi, scribendi, supputandi facultatem refertur: quodsi excolenda adolescentia videatur non his artibus puerilibus, quae animum non movent, vix adeo ad iudicium pertingunt; sed, ut censuerunt maiores nostri, ingeniis animisque erudiendis, non tantum non laudanda, sed quam maxime cavenda est. Quam Socrates cogitabat discendi proficiendique celeritatem, non brevi temporis spatio deficiebat: nam beatum praedicat illum, qui vel senex in virtute nonnullos fecisset progressus; sed exiebat illam ad difficultatum copiam et magnitudinem, quae discenti essent superandae. Id scilicet spectabat, non ut in homine singularis quaedam mentis facultas acueretur, memoriae, inveniendi solertia, ratiocinandi subtilitas, enunciandi communicandique facilitas, similes: id si spectasset, intra triduum, ut ita dicam, admirabiles fecisset discipulos: nam si quis, caeteris missis consopitisque mentis facultatibus, unam excitat, unam acuit et uni illi acuendae, firmandae, corroborandae omnem adhibet mentis animique vim et vigorem, nae ille et ipse admirabitur stupendos discipulorum tamque subitos progressus, et vulgus miraculum suspicabitur, acclamabit certe: *δαίμων Διόδοτος!* Sed alia omnia spectabat Socrates: totum excolere hominem studebat, ut non arte aliqua aut doctrina excelleret, caeterum esset rudis et agrestis, sed ut sensus omnes et facultates, quae tam-

tanquam igniculi in ipsius mente naturâ laterent, sublati impedimentis, moverentur, suscitarentur, reviviscerent, atque ipse ita homo quasi novam suamque vitam ingressus, talis fieret, qualis esse naturâ ipse suâ et indole posset atque deberet. Huic institutioni, sanequam naturae convenientissimae, unam esse *μαθημην* accommodatam, quivis unius ex dictis perspicit; sed nemo est etiam, quin item perspiciat, absolvi eam paucis vel diebus, vel mensibus, vel annis etiam non posse, praeclearamque esse ejus fortunam, qui a puero sic orsus, sub vitae finem, quod spectaverat, sit assecutus. Sed quamvis non miracula produceret, hoc habebat Socratis disciplina, ut per eam quis unice sic procederet, celeresque faceret pro studiorum gravitate progressus. Nam ut homo sic totus penitusque excoleretur, addiscenda ars erat una omnium longe difficillima, ut semetipsum cognosceret. Socrates autem interrogando proponendisque quaestionibus gravioribus intrus sollicitabat in adolescentibus animum, ut amor excitaretur veri, convertebatque eos ad semetipsos intuendos et judicandos: unde pudor, quem oboriente subito in genis rubor prodebat identidem. Semel autem ita et studio discendi inflammati et ipsi semetipsos corrigentes, perque semetipsos optimis quibusque et artibus et doctrinis studentes, cum progrediebantur facile, tum illos faciebant progressus, qui, qualescunque tandem, ipsorum indoli naturaeque essent congrui. Cavissem autem
vide-

videtur Socrates magis, ne corrumperet ingenia in tempestivo emendandi studio, quam, ut eximiiis quibusdam facultatibus elucerent, studuisse. Καὶ τοῦτο ἐναργῶς, ait in praeclara illa μαριεντικῆς descriptione, ὅτι παρ' ἐμοῦ οὐδὲν πρόποτε μαθόντες, ἀλλ' αὐτοὶ παρ' αὐτῶν πολλὰ καὶ καλὰ εὐρόντες τε καὶ κτερόντες. *Illud manifestum, discipulos a me accepisse nihil, sed ipsos a se et multa et praeclara didicisse.* ⁽¹⁾ Videtur hanc cautionem, hanc abstinentiam; qua profecto nihil est docenti difficilius, divinitus sibi datam esse, existimasse: certe sua ipse genio retinendi avertendique, non concitandi vim tribuebat. ⁽²⁾

In tota hac Platonis de vera institutione doctrina, quae sint Socrati, quae ipsi Platoni propria, quae item e Pythagorae et Pythagoreorum placitis ducta, tum nobis quaerendi erit locus, quando criticam sumus philosophiae Platonicae disquisitionem instituturi. Nunc id agimus unice, ut lectores in hujus philosophiae interiorem rationem inducamus; quo illa pertinebunt maxime, quae de eloquentia, quam probavit Plato, monebimus. Animadvertendum autem hoc loco videtur, eorum, qui in philosophando Platonem secuti sunt, vix quemquam fuisse, quin hanc philosophi doctrinam cum probaret vehementer, tum exponere et illustrare conaretur. De reminiscencia
ani:

(1) Theaet. 150. D. (2) Theaet. 151. A. Theag. 128. D. Max. Tyr. diss. XIV et XV.

animi suscitandisque rationibus olim perceptis, festive Maximus Tyrius sic disputat, ut praesentem conditionem nostram nocti, mentem autem imperatori conferat, milites dormientes e somno excitanti. Homerum sequamur, ait; fingamus noctem esse, quietemque in castris profundam, ahosque omnes ordine somno sepultos altissimo jacere:

Ἄλλ' οὐκ Ἀτρεΐδην Ἀγαμέμνονα, ποιμένα λαῶν,
ὕπνος ἔχεν·

Hic autem ordine omnes excitat, aciemque instruit. Τριῦτον ἡγοῦ καὶ περὶ τὴν ψυχὴν γίνεσθαι, νύκτα πολλήν, καὶ ὕπνον βαθὺν τῶν τῆς ψυχῆς νοημάτων· τὸν δὲ λόγον αὐτὸν, τὸν ἐρατηγὸν ὄντα ἢ βασιλέα ἢ δ, τι περ ἀνυμᾶζων χαίρεις, ἐπιόντα τούτων ἕκαστον καὶ ἐπεγείροντα καὶ συντάττοντα. Κάλει δὲ τὸν μὲν ὕπνον, λήθην, τὴν δὲ ἀνάσσειν αὐτῶν ἀνάμνησιν, μνήμην δὲ τὴν φυλακὴν καὶ τὴν σωτηρίαν τῶν συνταχθέντων. Tale quid existima et in animo fieri nostro, noctem videlicet somnumque in eo, qui cogitationes ejus opprimit, oboriri profundum: rationem autem imperatorem esse, aut regem vel quodcumque eam appellare velis, qui singulos adeat, sopitos excitet, excitatos ordine disponat. Somnum ipsum obliuionem, excitationem e somno reminiscen-
centiam voca; curam vero conservationemque eorum, quos jam ordinavit ratio, memoriam. (1) Obstetricandi autem artem ut ingeniose idem cum jura

(1) Max. Tyr. diss. XVI. p. 299.

ta disciplina comparat ⁽¹⁾, ita Plutarchus hanc
 comparisonem ex ipsa Platonis mente in Platonis-
 cis quaestionibus explicat. „Vide vero, ne nulla
 opera studioque digna fuerint reliqua et carmina et
 doctrinae, et orationes oratorum, et decreta Sophis-
 tarum, quae gignere Socratem Deus prohibuit:
 quam vero solam existimabat Socrates sapientiam,
 quae in rebus divinis et intelligibilibus versatur,
 quamque amatoriam appellabat, hujus in homini-
 bus nulla sit generatio nec inventio, sed remi-
 niscentia. Ὅθεν οὐδὲν ἐδίδασκε Σωκράτης, ἀλλὰ
 ἐνδιδόντες ἀρχὰς ἀποριῶν, ὥσπερ ὠδὴναι, τοῖς νέοις;
 ἐπέγειρε καὶ ἀνεκίει καὶ συνεξήγαγε τὰς ἐμφύτους νοή-
 σεις· καὶ τοῦτο μαιευτικὴν τέχνην ἀνόμαζεν, οὐκ ἐν-
 τάλαιον ἔξωθεν, ὥσπερ ἕτεροι προσεποιούντο, κοῦν τοῖς
 ἐντυχχάνουσαι, ἀλλ' ἔχοντας οἰκεῖον ἐν ἑαυτοῖς, ἀτελεῖ
 δὲ καὶ συγκεχυμένον καὶ δεδμένον τοῦ τρέφοντος καὶ
 βεβαιούντος ἐπιδεικνύουσιν. Quapropter nil docuit
 Socrates, sed causas dubitationum, tamquam dolo-
 rum partus, juvenibus adhibens, excitabat, commo-
 vebat, provocabat insitas notiones: eamque obstet-
 riciam vocavit artem, quippe quae non extrin-
 secus, quod alii prae se ferebant, intelligentiam
 discantibus inferret, sed ostenderet eam ipsis insti-
 tata esse, sed imperfectam, confusam, indigere
 nutrire et confirmatore. ⁽²⁾ Caeterum tres enu-
 merare Platonis disciplinas solebant Platonici, τὴν
 ἐρωτικὴν, τὴν μουσικὴν, τὴν διαλεκτικὴν: has qui-
 dem

(1) Ib. p. 292. (2) Plat. Quaest. Plat. I. p. 500. E.

dem Plotinus. ⁽¹⁾ Proclus autem τῇ μαθητικῇ substituit τὴν μαιευτικὴν. Nec sane inepte iis singulis in philosophiae progressionē suas partes tribuit hoc modo: διὰ μὲν γὰρ τῆς ἐρωτικῆς πρὸς τὸ καλὸν ἀγαγεῖται· διὰ δὲ τῆς μαιευτικῆς σοφὸς ἄκατος ἡμῶν ἀναφαίνεται περὶ ὧν ἐστὶν ἀμαθής, τοὺς ἐν αὐτῷ προβάλλων περὶ τῶν ὕτων λόγους· διὰ δὲ τῆς διαλεκτικῆς καὶ μέγιστον τοῦ ἀγαθοῦ εἶναι ἀποδοῦν εἰσὶν. Φησὶν ὁ ἐν τῇ Πολιτικῇ Σωκράτης τοῖς φιλοθεάμοις τῆς ἀληθείας ⁽²⁾. Per obstetriciam enim accipit ad pulcritudinem educantur: per obstetriciam sapiens uniusquisque mensuram in iis evadit, quorum est ignarus, quæsitioque mibi proponens de iis, quæ sunt: per dialecticam vero ascensionem ad summum bonum esse, Socrates dicit in Politia iis, qui verum spectare amant. Quod quale sit, patebit nobis deinceps.

Duas explicare studuimus in philosophia veri quaestiones sane quam gravissimas, alteram, *quid sit dicere: quid sit docere*, alteram: quarum illa nos duxit ad veri amorem, animis nostris insitum, omnis cognitionis fontem: haec nobis

(1) Plot. de pulcr. p. 19. ed. Creuz. Cf. Editor praepar. ad Plot. p. CIV. seq.

(2) Procl. in Alcib. I. 27. de ἀναμνήσει et μαιευτικῇ V. Creuz. ad Cic. de N. D. III. 22. et ad Plot. de pulcr. p. 106. 107. 579.

bis percipiendam praebuit Socraticae disciplinae libertatem, quae tota item ex eodem hoc fonte ducta est. Nam utriusque explicationem quaestionis non aliunde, sed, duce Platone, e nobismet ipsis, ex animi nostri naturâ hauriendam putavimus. Quibus explicitis tandem, suspicari jam nobis licet, quae sit secundum Platonem eloquentia vera, quae justa scribendi ratio, hominum generi fructuosa: ducendam enim utramque ex iisdem esse Socraticae disciplinae principiis, intelligimus facile. Sed eo priusquam progrediar, respicere juvat in durum istud et *ἐμμενές* hominum genus, qui ingredientibus nobis hoc iter ad veritatem, ipsum aditum occludere conabantur. Clamitabant isti, nec veritatem esse nec veritatis amorem: opinionibus nos duci et studio opinionum, quas qui eloquentissime et multitudini et juventuti proponeret, hunc de utraque optime mereri. Nos vero haud morati illorum cavillationes, iter nostrum placide constanterque persecuti sumus, et huc jam progressi, quid de scientiâ et opinione, quid de Protagorae effato, mensuram omnium rerum hominem esse, existimandum sit, nondum perspicimus; sed hoc et perspicimus et inimo animo persentiscimus, esse nobis naturâ inditum veritatis amorem: et quamvis sit magna et praeclara cum eloquentia istorum, tum disserendi subtilitas, nisi hunc excitent in animis amorem, sic juvenes efficiant, ut sua sponte progrediantur, vanam illam esse et supervacaneam.

In-

Indignamur autem, imo vero ridemus hominum illorum absurditatem. Nam similes sunt iis, qui contendere audeant, coecis se oculis visum imposituros esse: quo sane nihil fingi ineptius absurdiusque possit. Nos vero, homine interius explorato, ut veri amorem in ejus animo, ita *ἀγασθαι*, sensum quemdam veri agnovimus, oculum mentis, quo uno veritas, id quod est, conspici potest. Illis igitur cedimus, ut infinitis habendis orationibus et sibi et auditoribus placeant, frustra que laborent, ut hac ratione discipulis sapientiam, ut coecis visum, imponant: nos mentis curabimus oculum, ut, hoc purgato restitutoque, mens per illum scientiam et veritatem adsequatur: quo doctrinae valebunt maxime, cum aliae, tum geometria et dialectica. — Sed in itineris confecti recordatione lubentissime sane cum Platonis attendimus in explorandâ naturâ hominis sagacitatem, tum singularem inprimis Socratis rationem. Unus ille in tota Atheniensium civitate ei se obiciebat studio, quo omnes ducebantur vehementissime: erat hoc autem studium eloquentiae. Nam quicumque vel literis doctrinisque operam navabant, vel in republica ad honores contendebant, per unam maxime eloquentiam ad principatum in his studebant pervenire. Ipse adeo populus cum in foro, tum in castris nihil habebat suavius potiusque, quam oratores audire copiose ornateque dicentes. Quo fiebat, ut duceretur plane ab his, aptissimoque hi nomine *δημαγωγία*.

γῆρας appellarentur. Socrates autem tantum aberrat, ut abripetetur hoc studiorum cursu cum ceteris omnibus, excellentissimis etiam hominibus, ut unus subsisteret, unus huic flumini et quasi torrenti resisteret, unus auderet contendere, perniciosum esse rei publicae hoc eloquentiae studium, eoque perniciosius, quo majus, quo excellentius haberetur, unus ipsos adoriretur et demagogos et sophistas, quamque intus essent praeuli corruptique, publice aperiret. Sed, quod nobis quidam magis etiam admirabile videtur, unus fuit idem ille Socrates, qui ipsi, quam contemnere videbatur, eloquentiae, suam maxime et vim inde-ret et auctoritatem conciliaret: imo vero id efficeret, eo certe valeret plurimum, ut in Demosthenis eloquentia vis illa aliquando et *deivótēs* existeret, qua is totam Graeciam commovit virtutisque ardore incendit. Id autem ut explicetur plene, ut disciplina Socratica, quā fuerit ubertate, et in ipsa republica, in gravissimis reipublicae negotiis auctoritate, pateat, simulque quam Socrates, quam Plato praesertim *veram* esse *eloquentiam* duxerit, intelligatur, ex altioribus quibusdam principiis res repetenda nobis et declaranda est. Patebit vero in hoc in primis tractando argumento, quippe ampliore et illustriore, qualem quantamque habet in rebus humanis vim et efficacitatem *veritas*.

De

*De dicendi ratione,
quam, per Platonem, Socratis peperit
disciplina.*

Eloquentia, nisi a philosophia quasi succum et sanguinem duxerit, ipso Platone iudice, ⁽¹⁾ inane est et ludicrum negotium, verbis constans, destitutum rebus. Itaque tum demum effloruit vigintique Athenis, postquam Periclis aliorumque ingenium sapientiae studio imbuerat Anaxagoras, sublimis philosophus, cui et Socrates debuit munus et hoc debuit Euripides, ut una cum eloquentia philosophiam in scenam produceret. Quod iam et Plato vidit et comprobant posteri. Videatur, ait in Phaedro Socrates, haud sine causa Pericles in eloquentia perfectissimus existisse. Πᾶσαι ὁμοί μεγάλαι τῶν τεχνῶν προσδόνται ἀδούλευσθαι καὶ μετεωρολογίας φύσεως περὶ τὸ γὰρ ὑψηλὸν οὐκ οὐτὸ καὶ τὸ πάντα τελεσιουργικὸν ἐντεῦθεν ποδὶς διείδεται ὁ καὶ Περικλῆς πρὸς τῷ εὐφυῆς εἶναι ἐκτῆσά το' προσπεσὼν γάρ, οἶμαι, τοιοῦτῳ ὄντι Ἀναξαγόρῃ, μετεωρολογίας ἐμπλησθεὶς καὶ ἐπὶ φύσιν τοῦ τε καὶ ἀνθρώπου ἀφικόμενος, ὃν δὴ περὶ τοῦ πολλοῦ λόγου ἐκείνῳ Ἀναξαγόρῃ, ἐντεῦθεν εἴληκυσεν ἐπὶ τῇ τῶν λόγων τέχνῃ τὸ πρόσφορον αὐτῇ ⁽²⁾. Magnae quælibet artes uberioribus indigent ac sublimioribus de naturæ disceptationibus: hinc enim mentis sublimitas

(1) et

(1) Phaedro 269 et 270. Cf. Cic. Orat. c. 4. (2) Phaedr. 270. A. Cf. Plat. in Pericle init. et Cicero Orat. c. 4.

et vis efficax in quavis re perficiendâ obtingere homini videtur: quod Pericles ad ingenii acumen adjunxit. Nam incidens, credo, in hujusmodi rerum indagatorem, Anaxagoram, sublimium rerum studio imbutus atque ad naturam mentis amentiaeque procedens, in quibus multus erat in sermonibus Anaxagoras, hinc ad dicendi artem traxit, quaecunque ei essent consentanea. Sed Pericles sic est a philosopho institutus, ut singulare et inusitatum inveniret dicendi genus, cujus quae forma fuerit, ex orationibus intelligitur, quae apud Thucydidem exstant ⁽¹⁾; quae vero fuerit in civitate, belli Peloponnesii temporibus, auctoritas, ipsa hujus belli historia docet ⁽²⁾. Haud dissimilis fuisse ratio videtur, quae deinde Demosthenes ad novum, sed illustrius etiam, dicendi genus pervenerit. Socratem non vidit: audiverint Platonem, incertum est; sed hoc constat, Platonis eum scripta legisse, quibus sane legendis non minus, quam ipso audiendo Socrate, *μακρυτέρως* Socraticae rationem percipere potuit. Legit autem eum summo studio, admiratione summâ, ut Cicero testatur. Lectitavisse, ait, Platonem studiose, audivisse etiam Demosthenes dicitur: idque apparet ex genere, et granditate verborum: dicit etiam in quadam epistola hoc

(1) Wyttenb. praef. Selector. p. XII. (2) Thucydides II. 55-65. Cf. Cic. Orat. c. 9. Ab Aristophane poeta fulgere, tonare, permiscere Graeciam dictus est.

hoc ipsum de sese ⁽¹⁾. Nec vero id, nostro quidem judicio, ex *granditate verborum* tantum, sed multo etiam evidentius ex toto Demosthenis apparet dicendi genere, quod mirum in modum Socraticum est et Platicum. Nam quum principis hujus Oratoris scripta cum caeterorum, qui praecesserunt, orationibus comparamus, in illis quidem naturae vim et persuasionem agnoscimus, admiramur etiam rerum humanarum perspicacitiam, interiorum naturae humanae pervestigationem: admiramur cum his conjunctam orationis vim singularem et sublimitatem; sed quascunque tandem legamus sive in Thucydidis historia, sive apud ipsos oratores orationes, ne vel Aeschine etiam excepto, Demosthenis aemulo, desideramus in illis omnibus, quam ipsa desideravit antiquitas, *δεινότητα* illam, quam vocabant Graeci, quaeque uni fuisse propria Demostheni videtur. ⁽²⁾ Erat haec autem in Demosthene ejusmodi, ut Socratis referret *παρρησίαν*, libere sententiam diceret de gravissimis reipublicae causis, nec principibus in civitate viris nec ipsi populo parceret, si quidem sive dolo illi, sive hic ignorantia et levitate peccasset, salutem omnino publicam spectare unice, suam aliorumque vix cogitare videretur. Sed accedebant alia, inprimis Socratica. Non libere tantum et patriae ductus amore dicebat publice, sed pa-

(1) Cic. Bruto c. 31. Cf. Orat. c. 4. Plut. in vita Dem. c. 2. (2) Dionys. Hal. *περὶ τῆς Δημ. δεινότητος*.

pari cum prudentiâ et vero *benivolentiâ*. Movebat ille penitus Atheniensium animos, perscrutabatur, quibus maxime vitiis laborarent, quibus item virtutibus excellerent: ista reprehendebat omni opportunitate, has identidem celebrabat. Falsis eos præjudicatisque opinionibus liberabat, ut ipsi viderent, quid civitati, quid ipsis maxime esset utile: quoque magis hoc sequerentur, veri amorem, qui inest hominibus, inest in primis hominum concionibus, suscitabat et alebat. Est in virtutibus Demosthenis talis omnino simplicitas, qualis in omnibus est Socratis sermonibus. Nullus orationis ornatus, studium nullum commendandae probandaeque sententiae suae: ut mirentur multi, qui recens ab aliorum lectione oratorum, recentiorum maxime, ad eum accedunt, mirentur igitur, nec flosculos se apud illum, nec imagines, nec illa omnino reperire, quibus lucet splendetque unice multorum oratio. Haec autem simplicitas ipsius veri habet significationem: *ἔλαος γὰρ μῦθος τῆς ἀληθείας ἔφην*: et valet magnopere ad veri in animis studium excitandum: valet vero maxime, quo pertinet inprimis eloquentia, ad persuadendum. Sed uti sic mentem hominum veritatis luce illustrabat, ita *benivolentiâ* eorum animos movebat sibi conciliabat. Invehitur subinde in totum populum Atheniensem et tanto impetu et ardore, ut indignationi ira videatur accedere; nec tamen odisse eum poterant cives sui. Oratores quidem et demagogi vindictam spirabant.

Ig-

Ignorabant enim vel videre volebant, benivolentia cum in cives ductum, sic in hos succensere: quod dixit Socrates in *μαιευτικῆς* descriptione, sophistas illos respiciens, quibus frustra mederi studuerat; πολλοὶ γὰρ ἤδη πρὸς με οὕτω διατέθησαν, ὥστε ἀτεχνῶς δάκνειν ἔτοιμοι εἶναι, ἐπειδὴν τινὰ λήρον αὐτῶν ἀφαιρώμαι, καὶ οὐκ οἶνται εὐνοίᾳ τοῦτο ποιεῖν· πρόβω ὄντες τοῦ εἰδέναι, ὅτι οὐδαίς θεὸς δύνουσι ἀνθρώποις, οὐ δ' ἐγὼ δυσνοίᾳ τοιοῦτον εὐδὲν δρῶ· ἀλλὰ μοι ψεῦδος τε συγχωρῆσαι καὶ ἀληθὲς ἀφανίσαι, οὐδαμῶς θέμις. ⁽¹⁾ Hoc plane fuit Demostheneum et hinc illa virtutum *παρρησία*, tum in primis *δεινότης*. Nam *δεινός* videbatur eratque audientibus non vultu, non voce, non verbis, non sententiis, non impetu, non studio permovendi et contentione: hæc aures oculosque tangunt; sed effectum orationis in audientium animis, sed aculeis quos in iis relinquebat, sed sensibus quos intus in unoquoque commovebat, quibusque incallescere se incedique sentiebant qui adstabant audientes. Itaque commovebat hac eloquentia civitatem Atheniensium totam, et, una cum hac, totam fere Græciam. Nam quiescere nemo poterat, qui sit in-

(1) Theæt. 151. C. Hanc *εὐνοίαν* lubens abivis in orationibus proficitur Demosthenes, in primis de Corona initium. Propriam hanc Demosthenis in dicendo virtutem nuper in populari descriptione, *Brieven over het Hooger Onderwijs, explicatie stadui*, p. 261.

intus afficiebatur, sic oculis fere videbat pessime se egisse socordiâ, sic imo pectore et patriae amore et praeclarorum facinorum studio inflammabatur. Quo factum, ut solus Demosthenes sola eloquentiae facultate plus per complures annos efficere ad tuendam et servandam Graeciâ, quam ad domandam Philippus astutiâ, dolis, praemiis, pecuniis, exercitibus, classibus diceretur. Quodsi jam sit, qui quaerat, unde haec divina sit in Demosthene dicendi vis et facultas repetenda, sibi eam debuit profecto oratorum princeps, ut sibi omnes debent excellentes viri excellentiam suam: et, nisi sic ille natus ad eloquentiam fuisset, ut fuit ad philosophiam Socrates, tantam habere in rempublicam vim, quantam hic habuit in philosophiae studia, non potuisset. Sed Socrati debuit orationis disciplinaeque exemplum, quâ unâ efficacissime, quidquid intus in homine est, suscitatur, idemque ad hoc exemplum videtur naturalem eloquendi facultatem acuisse, excoluisse et vero uni adhibuisse reipublicae salutis.

Non imitatus dicendo est sive Socratem sive Platonem Oratorum summus: id in tantum ingenium non cadebat; sed quod colloquendo cum juvenibus in ipsorum animis effecerat Socrates, ut apud Platonem reperiebat, id ille, his ipsis imbutus Socraticae disciplinae principiis, quum ad dicendum se dedisset, in universi populi animis efficiebat sponte. Erat hoc autem ejusmodi, ut pude-

ret

ret audientes ignorantiae atque socordiae suae, quaeque generosi pudoris vis est, excitarentur virtutis studio, ipsoque hoc studio ad praeclara suscipienda facinora adducerentur. Spectaverat disciplina Socratica honestatem, verecundiam, liberalitatem, omnino, quod appellare solebat, τὸ καλὸν: quodsi legimus Demosthenem, vix ullam absolverimus orationem, quin nosmetipsos sentiamus pulcri honestique amore inflammatos: quod et sensisse veteres videntur, cum eas legerent, et causam habuerunt vis illius et efficacitatis stupendae, quam ejus eloquentia in Athenienses, in ipsos adeo Thebanos habuit. Panaetius, sic scriptas esse plerasque ejus orationes, animadvertit, ὥς μόνον τοῦ καλοῦ δι' αὐτὸ αἰρετοῦ ὄντος, ⁽¹⁾ ut qui decernat, honestum propter se ipsum esse expetendum: duxisse eum cives οὐ πρὸς τὸ ἡδιστον ἢ ῥᾶστον ἢ λυσιτελέστατον, non ad illud, quod aut iucundissimum, aut facillimum, aut utilissimum esset, ἀλλὰ πολλαχοῦ τὴν ἀσφάλειαν καὶ τὴν σωτηρίαν οἴεται δεῖν ἐν δευτέρᾳ τάξει τοῦ καλοῦ ποιεῖσθαι καὶ τοῦ πρέποντος, ⁽²⁾ sed identidem securitatem atque salutem postponendam censet honesto et decoro. Quo quantum valuerit apud homines etiam timidos, ignavos, quique animos desponderent plane, quales Thebani erant post belli Phocensis clades, Theopompus enarrasse diserte videtur, cujus haec verba servavit Plutarchus: ἡ δὲ τοῦ

(1) Plutarch. vita Dem. c. 12. (2) Eod. l.

τοῦ ῥήταρος δύναμις ἐκρίπτευσεν τὸν θυμὸν αὐτῶν καὶ διακαίεται τὴν φιλοτιμίαν, ἐπεσκόπησε τοῖς ἔλλοις ἔπασι, ὥστε φόβον καὶ λογισμὸν καὶ χάριν ἐμβαλεῖν αὐτοῖς, ἐκθουσιῶντα ὑπὸ τοῦ λόγου πρὸς τὸ καλὸν. *At hujus vis oratoris, quae excitabat animos eorum et incendebat ad gloriam, obstruxit oculis reliquis: ut quasi lymphati, ab oratorio ejus rapti ad honestum, metum, rationem, gratiam abjicerent.* ⁽¹⁾ Scilicet id imprimis e Socratica disciplina hominum animis adhibebat, ut non tantum gratificaretur eorum sensibus studiisque, sed ne vitiis adeo eorum parceret: fateretur adeo palam: ἡμεῖς ἐμοί, ὦ ἄνδρες Ἀθηναῖοι, συμβούλῳ μὲν, κὰν μὴ θέλητε, χρήσεσθε· συκοφάντῃ δὲ, οὐδὲ ἐὰν θέλητε. *Vos me, Athenienses, consiliarium habebitis, etiamsi nolitis; calumniatorem vero, etiamsi vel maxime velitis, non habebitis.* ⁽²⁾ Omnino, ut Socrates, ita ille, quod ait Plutarchus, in omni oratione apparet μετὰ παύσεως μάλιστα τῷ δήμῳ διαλεγόμενος, καὶ πρὸς τὰς ἐπιθυμίας τῶν πολλῶν ἀντιτείνων, καὶ τοῖς ἁμαρτήμασιν αὐτῶν ἐπιφύμβιος: *libere praesertim ad populum egisse, reluctans plebis libidini, peccataque ejus insectans.* ⁽³⁾ Sed nos haec accuratius exploranda lectorum studiis relinquimus, qui hinc sum sponte intellexerint Anaxagoreae et Socraticae philosophiae diversam plane in eloquentiam efficacitatem,

(1) Plat. I. L. c. 18.

(2) Plat. I. L. c. 14.

(3) Plut. I. L. c. 14.

tem. Sublimior erat illa: haec popularior; illa excellentis ingenii hominibus conveniebat: haec placebat omnibus. Ex illa profecti sunt oratores, qui acumine ingenii iudiciiue subtilitate excellerent, sed ea essent eloquentia, quae rerum gravitate magis, quam copia orationis et perspicuitate commendaretur: cuius rei testis est tota Thucydidis historia. E Socratis vero disciplina Xenophontae fluxerunt orationes, quae exempla omni aevo habitae sunt perspicuitatis, suavitatis, elegantiae: fluxerunt historica scripta cum Xenophontis, tum eorum, qui hujus imitari dotes studuerunt, Ephori, Arriani, evidentia sane singulari Thucydidem superantia. Fluxerunt, quae omnium primum et maxime memoranda erant, Platonis scripta, quem omnium qui umquam scripserunt, eloquentissimum iudicavit Cicero. Sed Socraticae scholae eloquentia ut plane in lucem prodiret, Oratore erat opus, qui, instar Periclis, vel praecisset civitati, vel totus certe esset in rebus civilibus versatus. Talis plane Demosthenes fuit, idemque sic toti excitandae commovendaeque Graeciae Socraticam adhibuit philosophiam, ut ante eum Atheniensium regundae civitati Anaxagoream adhibuerat Pericles.

Eloquentiam nunc ipsam spectamus: de Rhetorica alius nobis deinceps erit dicendi locus. Verumtamen ne hoc etiam loco haec prorsus omitenda videtur. Nam, nisi artis intercedat studium, exsistere e philosophia eloquentia non potest. Itaque

que quae ex Anaxagorae philosophia manavit eloquentia, ad artis formam diligentiamque ab Antiphonte adacta est, Thucydidis praeceptore, cui gratus discipulus debitas laudes retulit: Ἀντιφῶν, ait, ἀνὴρ Ἀθηναίων τῶν καθ' ἑαυτὸν ἀρετῇ τε οὐδενος ὕστερος, καὶ κράτιστος ἐνθυμηθῆναι γενόμενος καὶ ἃ ἂν γνοίη εἰπεῖν ⁽¹⁾ Exstitit similiter Platonis aetate, qui ex novo, quod sophistae pepererant, philosophandi genere novam dicendi rationem informaret, Isocrates, Gorgiae discipulus ⁽²⁾: magnus item orator, omnium vero, qui artem eloquentiae tractarunt, longe princeps et celeberrimus. Hujus viri quam late patuerit vis in omne literarum genus, e Cicerone intelligitur. Ecce tibi exortus est, ait, Isocrates, cujus e ludo, tamquam ex equo Trojano, meri principes exierunt; sed eorum partim in pompa, partim in acie illustres esse voluerunt. Itaque et illi, Theopompi, Ephori, Philisti, Naucratae multique alii naturā differunt: voluntate autem similes sunt, et inter sese, et magistri: et ii, qui se ad causas contulerunt, ut Demosthenes, Hyperides, Lycurgus, Aeschines, Dinarchus aliique comp'ures, etsi inter se pares non fuerunt, tamen sunt omnes in eodem veritatis tutandae genere versati ⁽³⁾. Quod idem aliis ver-

(1) Thuc. VIII. c. 68. Cf. Ruhnk. Opusc. Vol. I. p. 149.

(2) V. Cic. de Senect. c. 5. (3) Cic. de Orat. II. 22. de Ruhnkenii conjectura Opusc. Vol. I. p. 555. Vulgo legitur *in eodem veritatis imitandae*. Cf. id. ad Rutil. II. 6. p. 92.

verbis iterat: Exstitit igitur jam senibus illis Isocrates, cujus domus cunctae Graeciae quasi ludus quidam patuit atque officina dicendi, magnus orator et perfectus magister, quamquam forensi luce caruit, intraque parietes aluit eam gloriam, quam nemo quidem, meo judicio, est postea consecutus ⁽¹⁾. Scilicet Isocrates non totus erat a sophistis ad philosophiam informatus, erat in ipsius ingenio philosophia quaedam. Quod Socratem, certe Platonem non fugit, unde hic illum in Phaedro sic de eo vaticinantem facit: Νέος ἔτι, ὦ Φαῖδρε, Ἰσοκράτης· ὃ μέντοι μαντεύομαι κατ' αὐτοῦ, λέγειν ἐθέλω. — Δοκεῖ μοι ἀμείνων ἢ κατὰ τοὺς περὶ Λυσίαν εἶναι λόγους, τὰ τῆς Φυσίως· ἔτι δὲ ἥθει γεννικωτέρῳ κεκράσθαι ὥς οὐδὲν ἂν γένοιτο θαυμαστὸν προΐούσης τῆς ἡλικίας, εἰ περὶ αὐτοὺς τε τοὺς λόγους οἷς νῦν ἐπιχειρεῖ, πλεόν ἢ παιδῶν διενέγκοι τῶν πρόποτε ἀψαμένων λόγων· ἔτι τε εἰ αὐτῷ μὴ ἀποχρήσαι ταῦτα, ἐπὶ μείζω δὲ τις αὐτὸν ἔγοι ὁρμὴ θειοτέρα. Φύσει γάρ, ὦ φίλε, ἐνεστὶ τις φιλοσοφία τῇ τοῦ ἀνδρὸς διανοίᾳ ⁽²⁾. Quem locum praeclarum sic Latinis verbis expressit Cicero ⁽³⁾. *Adolescens etiam nunc, o Phaedre, Isocrates est; sed quid de illo augurer, lubet dicere. Quid tandem? inquit ille. Majore mihi ingenio videtur esse, quam ut cum orationibus Lysiae comparetur. Praeterea ad virtutem major indoles: ut minime mirum fu-*
tu-

(1) Cic. Bruto. c. 8.

(2) Phaedro 278 E. 279 A.

(3) Orat. c. 13.

turum sit, si, cum aetate processeris, aut in hoc orationum genere, cui nunc studet, tantum, quantum pueris, reliquis praestet omnibus, qui umquam orationes attigerunt, aut, si contentus his non fuerit, divino aliqua animi motu majora concupiscat. Inest enim naturae philosophia in hujus viri mente quaedam. Profecit ab hoc excellentissimo dicendi magistro Demosthenes. Nam, quamvis Isaacum audivit, τὰς Ἰσακίδους τέχνας, ut ait Plutarchus ⁽¹⁾, clanculum nactus est: et hinc in ejus orationibus apta illa partium distributio, sententiarum elegans forma, numeri oratorii, dotes caeterae, quibus ipsae se commendant superstitices Isocratis orationes. Verumtamen animadvertissae haec nobis e Rhetoricae historia sufficit ad judicandum dicendi genus, quo usus est Demosthenes, ad ipsum Oratorem judicandum, ad declarandam δεινότητος illius causam, qua movit civitates Graecas virtutisque amore inflammavit, non sufficit. Si, ut Aeschines caeterique fere oratores omnes, e solis profecisset rhetorum scholis, his cunctis similis orator exstisset, certe hanc, qua omnibus praestitit, vim et virtutem in ejus oratione non admiraremur. Id efficere nec Isocratis τέχνας, quamvis elaboratae, nec placita sophistarum, quamvis ingeniosa, potuerunt, una effecit potissimum Socratis philosophia, ut traditam expressamque in Platonis scriptis reperiebat, quae

(1) Plut. vita Demosth. c. 2.

quae argutis sophistarum et cavillationibus tota esset opposita, et vero sanae incorruptaeque eloquentiae exemplum praeberet. Dicam quod scitio: quae scripta a Platone est ad causam Socratis defendendam *Socratis Apologia*, τῷπος haec plane est eloquentiae Demosthenaeae.

Videtur jam Plato ipse vim percepisse philosophiae Socraticae ad veram eloquentiam, quum producere eam in tribunal tentaret faceretque Socratem pro iudicibus dicentem. Forma dicendi sermonem refert plane familiarem, quamquam perpicua est, et, licet ornamentis haud commendata oratoriis, apta, elegans, unaque in paucis ad animos hominum tenendos efficacissima. Nam ab ipso inde exordio amor veri, quo vel inviti capiuntur mortales, in oratore apparet. Isti, ait, nihil veri dixerunt, ὑμεῖς δ' ἐμοῦ ἀκούσατε πᾶσαι τὴν ἀληθείαν. Videmur nobis hominem audire candidum, probum, mirae simplicitatis; sed acerrimum eundem veri justique vindicem, justam propositique tenacem: benivolum in primis in cives suos, nec tamen adulantem illis, immo reprehendentem graviter, si quid socordia commiserunt, quod civitatis ipsorumque saluti noceret: per totam se vitam, ait, in mediis civibus viventem, ad honestatis eos studium excitasse, iisque, ut equis magnis et generosis, sed paullo inertioribus calcar adhibuisse: id enim se sibi mandatum a Deo fuisse arbitratur. Refert nobis tota oratio virum, quem propter veri justique amorem et erga
cives

cives benivolentiam amemus; admiremur autem simul et suspiciamus propter excelsos pectoris sensus animique constantiam, quam ut factis probaverat turbulentis reipublicae temporibus, ita nunc verbis profitetur. Sic enim se res habet, Athenienses, ait, ἀληθείᾳ οὐ ἂν τις ἑαυτὸν τάξῃ ἢ ἡγησάμενος βέλτιον εἶναι, ἢ ὑπ' ἀρχοντος ταχθῇ, ἐνταῦθα δαί, ὥς ἔμοι δοκεῖ, μένοντα κινδυνεύειν; μηδὲν ὑπολογιζόμενον μήτε θάνατον μήτε ἄλλο μηδὲν πρὸ τοῦ αἰσχροῦ ⁽¹⁾. Quo quisque in loco vel semetipsum constituit, arbitratus id optimum esse, vel a superiore iubetur consistere: in eo, ut mihi videtur, permanere cum oportet periculumque subire, nec mortem, nec aliud quidquam magis, quam, quod turpe est, reformidantem. Quamobrem; ἐγὼ, inquit, ὑμᾶς μὲν, ὧ ἄνδρες Ἀθηναῖοι, ἀσπάζομαι καὶ φιλῶ, πείσομαι δὲ μᾶλλον τῷ θεῷ ἢ ὑμῖν, καὶ ἕως μὲν ἐμπνέω καὶ οἶός τε ὧ, οὐ μὴ παύσομαι φιλοσοφῶν καὶ ὑμῖν παρακελευόμενός τε καὶ ἐνδεικνύμενος, ὅτῳ ἂν ἀεὶ ἐντυγχάνω ὑμῶν, λέγων οἷά περ εἶωθα ⁽²⁾. Ego vos quidem, Athenienses, diligo et amplector, Deo vero magis, quam vobis, parebo: et quamdiu spirabo viresque suppetent, philosophari non desinam; adhortans vos et praecipiens, in quemcunque incidero vestrum, quas dicere consuevi. Quid plura? Ita Socratem, ut ille ait, pro se ipsum dicentem audimus, ut non supplex aut reus, sed magister aut dominus videretur

(1) Apol. Secr. 28 D.

(2) Id. 29 D.

tur iudicium. Quid alii sentiant, ignoro; sed ego, quotiescumque et hanc lego Socratis apud Platonem orationem, et lectâ illâ, Demosthenis reputo dicendi genus, quod pariter subinde dialogum refert et sermonis familiaris imitationem habet ⁽¹⁾ et vero spirat ubivis pariter honestatem et virtutem: toties Platonicae et Demostheneae si minus artis, certe eloquentiae admiror similitudinem: in Socrate apud Platonem, cives suos monente, averte a vitiis, excitante et convertente ad virtutis studium, imaginem mihi conspiciere videor, quam dicendo expressit Demosthenis: spirare adeo dicam

(1) Exempla hujus rei in proximis afferemus. Quodsi Aeschines alique id similiter factitarunt, in Demosthene vincte patet Socratica in his et Platonica ratio. Platoni item Cicero debuit, quod in Catilinariis tantam fere in legentium animos vim habet ac plane est Platonicum, *Nunc te patria — odit et metuit — quas tecum, Catilina, sic agit et quodammodo tacita loquitur: nullum aliquot jam annis facinus exstitit, nisi per te. — Superiora illa, quamquam ferenda non fuerunt, tamen, ut potui, tuli; nunc vera me totam esse in metu propter te unum — non est ferendum. Quamobrem discede atque hunc mihi timorem eripe.* — Haec si tecum, ut dixi, patria loquatur. — Simile enim in Platonis Critone legum et τοῦ κεινῶ τῆς πόλεως cum Socrate colloquium exstat 50. A. Quod autem candorem illum Socraticum attinet, operae pretium est cum Critone et Apologia comparare Demostheneae orationis de coronâ prooemium.

cam in Demosthenis orationibus Socraticæ Platoniceque philosophiæ genium.

Verum redimus ad singularem illam et minorem profecto, quam memoravimus, Secretis rationem, qui idem maxime et eloquentiæ se opposuit studiis et studia eloquentiæ excitavit, pariterque ob invectus est in oratores, et oratores summos, ipsum Demosthenem, disciplinâ suâ excoluit. Scilicet perversam exagitatæ sæculi sui cum sophistarum, tum oratorum eloquentiam, qui nullum habentes veritatis, nullam justitiæ rationem, quod maxime esset falsum injustumque, id oratione multitudini proponere ut verissimum justissimumque contenderent. Quorum propositis opinionibusque confutandis proprios sibi insitosque veri justique sensus explicuit: quo sponte ejus oratio copiosa fiebat et persuasionis plena. Pectus enim est, quod disertos facit. Itaque sic loquitur in Platonis Gorgia, ut, quod Cicero animadvertit, in oratoribus irridendis ipse esse orator summus videretur. (1) Sed ut in eosdem sophistas et oratores *ἐλεγκτικὴν* suam adhibebat, qua oculis omnium subjiciebat vanitatem horum hominum et impudentiam, ita artem docuit oratores germanos, qua populo repræsentarent intimos quosque demagogorum et tyrannorum sensus, unde mirabiliter sane profecit Demosthenes: cumque eo inprimis hæc ars valeret, ut veritatis

vire

(1) De Oret. I. c. 11. -

virtutisque amorem in hominum animis excitaret, ex hac profecto unâ omnium maxime fructum capere eloquentia debuit. Hoc sibi munus dicit in Apologia Socrates, ut modo audivimus, a Diis esse datum, ut in Atheniensium civitate populum quasi stimulis et calcaribus ad optimarum rerum studia excitaret: quibus verbis expressit et quasi vaticinatus est philosophus, quid summus ex ejus schola orator in eadem aliquando civitate esset factururus. Sensit sane aliquando Macedo, quis esset quamque efficax ad excitandos adversus tyrannos cives Demosthenae orationis stimulus et calcar.

Num temporibus istis convenerit eloquentia Demosthenis: quid item de hujus et Phocionis politicis consiliis existimandum sit, hic non quaerimus. De eloquentiâ viri et δεινότητι agendum erat. Miretur autem aliquis, non ita haec perspexisse Dionysium Halicarnassensem ⁽¹⁾, nec ipsum adeo Ciceronem sic, ut fecimus, a caeteris oratoribus distinxisse Demosthenem. Sed aliter fere rhetores de scriptis judicant, aliter oratores et philosophi: illi orationis formam attendunt, hi vim interiorem exquirunt diligentius. Itaque in Demosthene Socratem et Platonem agnoscere, Dionysio erat difficillimum; facilius Ciceroni, quippe qui et orator et philosophus erat. Et vero in illo ad
Bru-

(1) Περὶ Δημ. δεινότης. cf. in Ep. ad Pomp.

Brutum de perfecti oratoris forma libello idem haud obscure significavit. Nec latius, ait, nec copiosius de magnis variisque rebus sine philosophia potest quisquam dicere. Si quidem etiam in Phaedro Platonis hoc Periclem praestitisse caeteris dicit oratoribus Socrates, quod is Anaxagorae physici fuerit auditor: *quod idem de Demosthene existimari potest: cujus ex epistolis intelligi licet, quam frequens fuerit Platonis auditor.* ⁽¹⁾ Caeterum quantum ipse Platoni debuerit, ubivis fateatur, tum in eodem hoc libello. Ego autem, ait, et me saepe nova videri dicere intelligo, cum pervetera dicam, sed inaudita plerisque: *et fateor, me oratorem, si modo sim, aut etiam quicumque sim, non ex rhetorum officinis, sed ex Academiae spatiis exstitisse.* Illa enim sunt curricula multiplicium variorumque sermonum, *in quibus Platonis primum impressa sunt vestigia.* — *Omnis enim ubertas et quasi sylva dicendi ducta ab illis est.* ⁽²⁾ Veruntamen rhetorum Graecorum lectio, quibus a teneris imbutus fuerat Cicero, alio videtur ejus mentem abduxisse.

*De eo, quod in eloquentia
est summum.*

Eo pertinuit tota haec disputatio nostra, ut,
quam

(1) Orat. c. 4.

(2) Orat. c. 3.

quam maxime cum Socrates, tum praesertim Plato probaverit eloquentiam, perspicetemus. Quod sane, nisi Socraticâ perspectâ disciplinâ intelligi non potest: patere autem eo manifestius videtur, quo ipsam apud Graecos eloquentiae historiam exploraverimus diligentius. Sed licet nobis ex eadem disputatione alia item efficere. Efficimus, quid Cicero spectaverit, quum esse contenderet oratorem perfectum, sine studio philosophiae, non posse: ⁽¹⁾ efficimus, quid caussae esse praecipue videatur, ut, prouti Demosthenes apud Graecos, ita apud Romanos idem hicce Cicero eloquentiae principatum obtinuerit. Est scilicet omnino arcta quaedam, ut illę vidit, philosophiae et eloquentiae necessitudo: ipse autem a tenerâ aetate praestantissimos Athenis philosophos audiverat, et vero, unde fructum percepit ad bene dicendum uberiores etiam, nocturnâ diurnaque manu scripta versaverat Platonis: quibus sic captus est, ut Socraticum se et Platonium fateretur, sic, iisdem legendis, Socraticâ et Platonîcâ philosophiâ imbutus est, ut, si quis Romanorum alius, ipse nobis dicendus Romanorum Plato videatur. Hunc in modum institutus, his quasi alimentis pastus et corroboratus, quum inesset ei naturâ facultas dicendi admirabilis quaedam, superare facile caeteros oratores, quamvis disertos, potuit, quibus talis defuisset institutio. Sed,
quo

(1) Cic. Orat. c. 3 et 4.

quo plenius id intelligamus, quo perspiciamus interius, quae de Platonis sententiâ vera eloquentia, quid omnino in ipsâ eloquentiâ summum sit, vis nobis philosophiae ad bene dicendum ex ipsis philosophiae principiis declaranda est: erit autem ipse nobis Plato, in hac praesertim disquisitione, dux et magister optimus.

Nam ut Apologiâ ille scribendâ, scribendo item Menexeno, exemplum dedit sanae incorruptaeque eloquentiae, ita in Phaedro praesertimque in Gorgia ex intimâ philosophiâ eloquentiae principia eluxit. In Gorgia autem datâ operâ demonstravit, nisi insit oratori philosophia, propositumque is in dicendo habeat magnum, praeclarum tantâque arte dignum, levem inanemque esse, quin etiam abjectam et civitati perniciosam eloquentiam omnem. Itaque ut haberet, quorum sententiae suam ipse sententiam opponeret, principes quosdam sophistas cum Socrate colloquentes induxit, Gorgiam, Polum, Calliclem, qui nec veri nec justitiam ullam habentes rationem, vulgi solum auram captare dicendo studerent. Et primum quidem Gorgiam de artis natura disserentem fecit. Nam postquam more suo Socrates, quid esset eloquentia, quidque is profiteretur, qui se eloquentem diceret, quaesiverat, sic Gorgias ad has quaestiones respondet, ut esse dicat artem dicendi *πειθοῦς δυνάμειον* ⁽¹⁾, *persuasionis effectricem*, oratores autem ap-

(1) Gorg. 455 A.

appellet, qui verbis possint cum in iudicio iudicibus, tum in senatu senatoribus, tum in comitiis et in quibuslibet concionibus civium auditoribus persuadere ⁽¹⁾. Hic Socrates, quo magis de hac viri opinione artisque natura et proposito summo constaret, visne, inquit, duo ponamus persuasionis genera, alterum sine scientia fidem praestans, alterum vero scientiam? — Sit ita. — Utram vero persuasionem eloquentia affert in iudiciis aliisque coetibus de justis iniustisque rebus? ex qua homines sine scientia credant, an ex qua scient? — Patet: ex qua audientes ad fidem adducantur. — Ergo, ut videtur, persuasionis artifex eloquentia est, quae credulitatem potius quam scientiam de justo et iniusto praestat ⁽²⁾. Haec et alia similia ut concesserat Gorgias, Socrates deinde, quodsi, inquit, nihil habet cum scientia eloquentia commune, ars non est, sed sit oportet *ἐμπειρίαν τῆς περὶ τὰς quaedam*, uti v. c. coquinaria res non ars est, sed peritia ejus quod gratiam voluptatemque habet. Sic eloquentia, quam vos vocatis, gratiam quidem voluptatemque hominibus parit, ars vero appellari non potest. Non dico, idem esse rem coquinariam et eloquentiam; sed ejusdem studii particulas esse aio. Quodsi quaeritis, cujusnam sint studii particulae, pudet referre, ne Gorgiae ego artem comicorum videar ratione ridere. Δοκεῖ τάλυν μοι, ὦ Γοργία, εἶναι τι ἐπιτήδευμα, τεχνικὴν μὲν οὐ, ψυχ

246

(1) Gorg. 452 E.

(2) Gorg. 454 E. 455 A.

χῆς δὲ τοῦχοιτικῆς καὶ ἀνδρείας καὶ φύσει δεινῆς
 προσομιλεῖν τοῖς ἀνθρώποις· καλῶ δὲ αὐτοῦ ἐγὼ
 τὸ κεφάλαιον, κολακεῖαν ⁽¹⁾. *Videtur mi-*
hi esse studium quoddam, non quidem arte con-
tentum, sed ingenii sagacis, artisque naturā et po-
tentis ad hominum sibi consuetudinem concilian-
dam: summam autem ejus et caput ap-
pello adulationem. Hinc efficit, tantum
 abesse, ut, quae summis in coelum laudibus ef-
 ferri solet dicendi ars, digna his laudibus sit,
 ut ne ars quidem dici debeat et vero ad gravis-
 simum pertineat hominis detrimentum. Nam quid-
 ni pertineat, ait, cum studii pars sit omnium vi-
 lissimi abjectissimique, *adulationis*? Fingit, his
 ita explicitis, Socrates sive *μυθῶν* sive apologum
 de adulatoria arte, quo totam in luce ponit So-
 phistarum calliditatem ac perversitatem. Sunt qua-
 tuor sive artes sive res, inquit, rebus humanis
 perutiles et necessariae, quarum duae corpori,
 duae animo prospiciunt: illae sunt *gymnastica* et
medicina, hae, illis *ἀντίστροφοί*, *legislatoria* et *jus-*
titia: unum est harum omnium commune consti-
 lium, ut hominem efficiant omni parte perfectum
 absolutumque. Quod sentiens Adulatoria, haud
 sciens quidem, nam nihil habet cum scientia com-
 mune, sed conjectans, in quatuor semet partes
 divisit, induitque has res artesque singulas, ut
 esse singulatim videretur, quarum omnium spe-
 clem assumserat. Ita accidit, quod nunc fieri vi-
 de-

(1) Gorg. 462 B. 463 A.

demus, ut ab hominibus usurparetur pro gymnastica *fucatrix*, pro medicina *coquinaria* peritia, in primis vero et ad summum hominis detrimentum pro legislatoria coleretur σοφιστική, pro justitiā *ῥητορική*.⁽¹⁾

Hac Plato festivissima disputatione vulgarem sui aevi perversamque eloquentiam perstrinxit: nec vero pepercit in eodem dialogo superioris etiam saeculi oratoribus, Miltiadi, Themistocli, Cimoni, ne ipsi adeo Pericli, quem in Phaedro laudaverat. Quod ut quis miratur forte, mirata certe rem antiquitas est, ita quaeramus necesse est, quae tandem illa eloquentia sit, quam, de ipsius sententia, oratorum adhuc attigisset nemo. Vulgo duci oratorum vituperatio illa, quam datā operā orationibus refutavit Aristides Rhetor, ex odio Platonis in politicos viros solet; ego vero rem paullo altius et ex ipsis Platonicae philosophiae principiis repetam. Haud aliis equidem caussis tribuo, quod praestantissimos hos oratores vituperavit philosophus, quam iisdem illis, quibus adductus, in civitatem non admisit Homerum. Quod quo diligentius exploraverimus, ita de perfectō oratore Platonis existimabimus verius.

Audivimus Gorgiam, qui, quam inane, quam homini perniciosum esset, quo dūcebatur, eloquentiae studium, a Socrate coactus est confiteri; nunc Calliclem audiamus, qui suā sponte in
phi-

(1) Gorg. 464 B.

philosophiam invehitur, ut rem utilem pueris, sed viris qui res acturi in civitate gravissimas sunt, cum inutilem prorsus tum indecoram. Venusta res philosophia est, o Socrates, ait, si quis eam modice in ipsa adolescentia tractat; quod si diutius in ea, quam necesse est, versatur, hominum est perniciēs ⁽¹⁾. Nam quamvis sit quis bono naturā ingenio praeditus, tamen, si per proveciorem etiam aetatem philosophatur, necessario omnium rerum inperitus fiet, quarum peritum esse oportet virum, qui moribus honestus et clarus in civitate erit. Nam et legum illi ignari sunt reipublicae, et sermonum, quibus uti in consuetudine hominum publice privatimque decet, et vero cupiditatum voluptatumque, quibus trahuntur homines, verbo, morum qui in aliis hominibus alii sunt, et ingeniorum: horum omnium prorsus sunt ignari. Quocirca quoties ad aliquam rem gerendam sive publicam sive privatam procedunt, ridiculi sunt, uti et politici sunt, credo, quum in vestras disputationes exercitationesque descendunt. — Sed optimum esse puto, utriusque esse participem: philosophiae quidem, disciplinae causam, nec sane adolescentem philosophari deducet: quod si quis aetate jam provecior philosophatur, ridiculum id prorsus negotium est. Ego te, o Socrates, benivolentiā et amicitia pro-

36.

(1) Convenit Attici apud Nepotem dictum: *philosophandum paucis: nam omnis non placet.*

sequor: ne igitur aegre feras velim, si libere sententiam dixerō. Nonne turpe tibi esse existimas, ita comparatum esse, quemadmodum et ceteros se habere arbitror, qui diutius, quam par est, philosophiam persequuntur? Nam si acciderit, ut vel te vel alium tui similem in carcerem quis duceret, dicens, te injusta peregrisse, quamvis non peregrisses, tu sane, quid ageres, quo te converteres, non haberes; sed, acsi vertigine laborares subito et oscitares, haud invenires quod diceres: tum in tribunal escendens, actorem nactus hominem vilem abjectumque, capitali, si ipsi videretur, supplicio plectereris. Atqui id, o Socrates, quomodo dici prudens sapiensque possit, si qua ars ingenuae mentis nacta virum, reddit deteriore, ut nec sibi ipsi ferre opem possit nec e gravissimis periculis se aut alium expedire, ab inimicis vero opibus spoliatur, prorsusque infamis in civitate vivat? Tali viro, nisi dictu sit agrestius, vel colaphum infligere impune licet. Sed mihi crede, o bone: cessa argutari et decora rerum studia capesse, quibus sapere videaris. ⁽¹⁾

Haec Callicles ingeniose sane, sed acerbe: cui mirā quadam ironiae vi respondet Socrates. Si aureum essem animum nactus, o Callicles, inquit, nonne putas lubenter me reperturum aliquem ex his lapidibus, quibus explorari aurum solet, optimum,

(1) Georg. 484 C. 486 D.

mum, ad quem animum exigens meum, si ab ipso recte cultus institutusque probaretur, scirem, mihi sufficere, nec alia opus esse probatione? — Quorsum haec, o Socrates? — Dicam tibi equidem: nempe arbitror, cum te nactus fuerim, me jam desideratum istud negotium invenisse. — Quam ob causam? — Scio scilicet, si quidem tu mihi assenseris de iis, quae animus meus opinatur, haec jam unice esse vera. Nam sic iudico, eum, qui recte cujus animum exploraturus est, utrum bene vivat an male, tria tenere oportere, quae in te omnia sunt, *scientiam, benivolentiam, dicendi libertatem*. In multos enim ego incidi, qui explorare me non possent, quod non essent, prouti tu, sapientes; alii sapientes quidem sunt, sed nolunt mihi veritatem dicere, quod non ita, ut tu, curam mei gerunt. Hospites autem hi, Gorgias et Polus, sapientes quidem sunt mihiq; benevoli, sed deest iis dicendi libertas, suntque verecundiores, quam deceat: nam quidni sint, quippe qui eo processerunt verecundiae, ut, per pudorem, audeat uterque eorum sibimet ipse multis coram hominibus, idque de rebus maximis, contraria dicere. Tu vero haec omnia tenes, quibus destituti sunt caeteri: esque rite excultus, ut multi facile dicant Atheniensium, mihiq; benevolus. Quod qua sim conjectura assecutus, dicam. Vos esse, Callicles, novi quatuor sapientiae socios, te, Tisandrum Aphidnaeum, Andronem Androtonis, Nausicydem Cholargeum. Clam

au-

autem vobis interfui, quum quatenus sapientiae studendum esset, inter vos consuleretis, novique, huiusmodi apud vos vicisse opinionem, non contendendum esse in philosophando ad ἀκριβειαν, *diligentiam*: adhortabamini vos invicem adeo, ut caveretis diligenter, ne ultra, quam deceret, sapientes facti, imprudentes corrumperemini. Ut igitur te audiavi haec mihi suadentem, quod amicissimis tibi hominibus suasisti, indicium id mihi idoneum fuit, verissime te mihi benivolum esse. Caeterum libere te loqui nec verecundari, et ipse dicis et sermo tibi tuus, quem modo habuisti, assentitur. Sic igitur in hisce se res nunc habet: si quid tu mihi in sermonibus assensus fueris, exploratum hoc jam satis a te ac me esse, nec illud ad aliud esse examen exigendum: non enim assensus tu id esses neque sapientiae indigentia, neque verecundiae abundantia, neque vero decipiendi causa: amicus enim mihi es, ut ipse ais. Revera igitur meus tuusque consensus veritatis habebit summum. Est autem pulcerrima rerum consideratio, Callicles, de quibus me reprehendisti modo, qualem esse virum oporteat, quid studere et quatenus, cum seniore, tum iuniore. Ego enim si quid in vita mea minus recte ago, scito non sponte me lubenterque errare, sed prae inscitia scilicet mea. Tu igitur, ut monere me coepisti, ita ne desinas velim, sed plane mihi demonstra, quid illud sit, in quod mihi incumbendum videatur et qua illud via consequar. Quod-

si

si me nunc quidem tibi assentientem habueris, postea vero non haec deprehenderis agentem, de quibus consensimus, stupidum me plane esse existima, nec umquam me deinceps, quippe perditum hominem, mone iterum. Sed ab initio rem repetamus. ⁽¹⁾

Haec Socrates ironice; sed idem deinceps serio et pro argumenti gravitate sententiam aperiens suam, sic veritatis justitiaeque, adde et philosophiae, causam agit, ut, quam vanae sint istorum hominum cavillationes, quam contra gravis, quantae in civitate auctoritatis illa eloquentia sit, quae cum philosophiae sit studio conjuncta, cuiusvis persuadeat facile. Nam postquam sic Socrates hujus viri sapientiam, admirabilem scilicet illam, summis laudibus extulerat, ad hanc eum necessitatem interrogando cogit, ut decere fateatur oratores, meliores dicendo efficere cives. Ars nobis, ait, ⁽²⁾ haud visa est res coquinaria: est enim *ἐμπειρία* quaedam, *ἀρεχνος* *τριβή*: sed hoc demum artis nomine *medicina* dicenda est, quippe quae ejus curam habet, ejusdem et naturam explorat et causas agendi exquirat, et horum omnium rationes sibi reddere potest: altera vero illa horum nihil inquit, quippe unice voluptati inserviens. Sed vide, num sint quaedam alia similia studia, quae vero non corpus, sed animum spectant, partim cum arte conjuncta, ut animi

82-

(1) Gorg. 486 D. — 488. E. (2) Gorg. 500. E.

salutem provehant, partim hanc negligentia prorsus, animi solummodo oblectationem respicientia? Mihi quidem, adjicit, esse quaedam, Callicles, videntur: statuo autem totum hoc negotium *κολακασίαν*, *adulationem* esse, sive animum, sive corpus, sive aliud quodcunque spectat, cujus voluptas respicitur, salus vero negligitur plane. Hinc de artibus quibusdam quaerit. Primum, ait, tibicinariam consideremus. Nonne haec tibi talis esse videtur Callicles? voluptatem persequi solum, aliud curare nihil? — Videtur. — Quid vero citharistica? quid chori? quid dithyrambica poësis? numquid tibi ea proferre videntur, unde qui audiunt meliores sint futuri? — Non videntur. — Quid vero praeclara illa atque admirabilis tragoediae poësis, quo spectat? cone contendit, ut spectatoribus gratificetur tantum? an vero, si quid illis gratum sit ac placeat, sed noceat, hoc ne dicat, cavet: si quod vero illis ingratum accidat, sed utile sit, sive eo delectentur sive displiceat illis, id tibi palam dicere et canere videtur? — Istud manifestum, o Socrates, ad voluptatem spectatoribus conciliandam inservire tragoediam. — Atqui omne illud modo, Callicles, *adulationem* esse pronunciavimus. — Omnino. — Age vero, si quis ex tota poësi cum cantum, tum metrum, tum etiam rhythmum sustulerit, quid erit illud, quod restabit? nonne sermones? — Nihil aliud. — Hi autem sermones nonne ad turbam populumque habentur? Nonne poësis ait
ic-

iccirco oratoria quaedam popularis? nonne forensis sit adeo eloquentia? An vero tibi aliud quid agere in spectaculis videntur poëtae, quam *ῥητορεύειν*? — Non aliud. — Nunc igitur invenimus nos eloquentiam, quae talem spectat populum, qualis pueris foeminisque pariter ac viris, et servis pariter ac liberis hominibus constat: quam non magnopere admiramur: *κολακικὴν γὰρ αὐτὴν φασὶν εἶναι*: *adulatoriam enim esse pronuntiavimus*. Quid vero illa eloquentia, quae ad populum Atheniensium caeterosque in aliis civitatibus populos, ingenuis civibus constantes, usurpatur, quid nobis haec est? Numquid tibi videntur oratores optimo dicere proposito, illuc intendentes aciem, ut quam optimi fiant per ipsorum sermones cives? An vero hi item gratificari civibus nituntur, et salutis suae studiosi, publicae negligentes, ut pueris utuntur populis, atque indulgere illis durat et placere conantur; utrum vero meliores ita an deteriores fiant, nihil curant? — Hic Callicles, aegre haec concessurus, non simplex est, inquit, quod nunc rogas: sunt enim, qui, quidquid dicunt, ad salutem civium dicunt: sunt vero etiam, quales tu narrasti. — Tum Socrates: at sufficit, ait: nam si et hoc genus duplex est, alterius totum negotium *adulatio* erit turpisque concionatio: alterius vero res pulcherrima, studere videlicet, ut quam optimi futuri sint civium animi, certatimque optima dicere, sive grata accidunt audientibus sive ingrata.

Sed

Sic Socrates, rejectis vilioribus quibusvis dicendi propositis, id, quod in eloquentia summum est, et distinguit ab his diligenter et unice laudat: quo sponte jam ipsi intelligimus, cur de pristinis Atheniensium oratoribus, de ipso adeo Pericle, minus praeclare existimasse videatur Plato. Hujusmodi, ait, orator nec hodie est, nec unquam fuit; quodsi quaeris, qualis sit, age, bonus vir, quique optimo consilio dicit, nonne procul abest, ut temere loquatur, sed aliquid respicit? Prouti caeteri artifices omnes, ad suum quisque opus respicientes, non temere eligunt, quod operi suo adhibituri sunt, sed ut speciem formamque habeat quamdam id, quod elaborant, enituntur: veluti, si pictores vis attendere, architectos, navium constructores, caeteros artifices omnes, quivis eorum in ordinem disponit singula, quae disponit, cogitque alia aliis quadrare et congruere, donec totum negotium apte ordinatum exornatumque constiterit. Id omnes artifices, et, quos modo diximus, puerorum educatores et medici agunt perpetuo, corpus fingunt ac componunt: sic autem et domus et navis et corpus hominis ut formam habitumque idoneum accepit, bene se habebit. Quid vero animus hominis? Corpus, quod bene se habet, *sanum* vocatur et *robustum*. Nonne ita animus, ordinem ornatumque consecutus, νόμου *legis* normam obtinebit, unde νόμιμος dicuntur et νόμοι: id autem est *justitia* et *temperantia*. Huc igitur respiciens orator ille, arte
in.

insignis et bonus, animis adhibebit sermones quoscunque dicit et facta sua omnia: idemque sive concedat quid sive neget, illuc semper intentam mentem habebit, ut civium animis iustitia insit, absit iniustitia, temperantia insit, absit intemperantia, caeteraeque virtutes insint omnes, discesserint vitia. ⁽¹⁾

Huiusmodi est, quem Plato quaerebat, orator verus, qui non gratificaretur civium lubricinibus, sed ipsos efficeret dicendo meliores: non dicendi quadam dote se commendaret, sed totus esset per germanam philosophiam ad virtutem et sapientiam conformatus. Ad cuius speciem cum principes, quos Athenae tulerant, oratores exigeret, tales non reperiebat. Pericles, ait, mores civium non tantum non emendavit, sed corripit: caeteri, Miltiades, Themistocles, Cimon, si non corruerunt, tamen non emendarunt Athenienses: nam si cives suos reapse, quod boni politici et oratoris officium est et munus, meliores fecissent dicendo, haud sane ab iis vel poenae affecti vel e civitate eiectioni fuissent: ⁽²⁾ quamobrem ministri civium, civitatis διακονοι fuerunt seduli et diligentes, sed πολιτικοι, quales esse oportet qui civitatem dicendo agendoque bonam iustamque efficiant, non fuerunt.

Quid ad perfectum informandum Oratorem conferre debeant, auctore Platone, disciplinae gravio-

(1) Gorg. 501. A. — 504. E. (2) Gorg. 607. C. 616. D.

viores, praesertim dialectica, infra docebimus; sed hoc loco, ubi de veri amore agimus, qui cum justitiae veraeque virtutis studio conjunctissimus est, interiora perspicere Platonis consilia conemur, quum eloquentiam informaret cogitando, quae et regeret rempublicam totam et ad veram praestantiam felicitatemque esset provectura. Haud recepit in eam, ut supra vidimus, celeberrimos poëtas, ne ipsum adeo poëtarum principem, Homerum; nam frustra in eorum carminibus vitae quaesiverat rationem, quam secutae civitates ad virtutem honestatemque proficerent. (1) Similiter in optimis, qui adhuc fuerant, oratoribus sapientiam desideraverat, quae ad optimam civitatis administrationem postularetur. Scilicet, ut poësin, ita *eloquentiam* Plato *novam* inducere studuit, quae, si inter mortales appareret aliquando, summorum illis bonorum fons esset futurus uberri-
mus. Illam spectabat, ut modo diximus, quae non adlaretur civibus, sed eos emendare nitetur, non gratiam apud eos inire et gloriam reportare studeret, sed suam esset virtute contenta, quaeque tantum abesset, ut, quod Callicles spectare sive solum sive maxime videbatur, ipsius prospicere oratoris cum famae tum saluti studeret, ut hic vel a civibus ad mortem condemnatus, nec mortem timeret, et, in ipso vitae periculo, ad emendandos illorum animos pro veritate
et

(1) De Rep. X. Cf. quae diximus, Vol. I. p. 142.

et iustitiâ dicere sustineret. Hac nobis Socratem utentem proposuit Plato, ut vidimus supra, ⁽¹⁾ quum pro iudicibus diceret: eandemque eundem in Gorgia hoc dialogo sic describentem fecit, ut, quid ipse sentiret, ipsius verbis exprimeret. Amens sim re vera, o Callicles, ait Socrates, nisi putarem, in hac unumquemque civitate id subire, quod ipsi forte eveniat; illud autem certo scio, si quando in iudicium venero, de rebus periclitaturus, quas tu dixisti, improbum esse futurum, qui me accusaverit. Nam insonstem hominem quis tandem accuset probus? Nec vero esset mirum, si condemnarer morte. Visne tibi dicam, quam ob causam haec ita exspectem? Arbitror, me cum paucis Atheniensibus, ne dicam solum, vere incumbere in res politicas easque solum eorum, qui nunc sunt, tractare. Quamobrem, cum non ad gratiam apud cives in-eundam dicam, quoties dico, sed spectem quod optimum, non quod dulcissimum est, nec velim praeclara illa, quae modo enarrasti, facere, haud sane habeo equidem quod in iudicio dicam. Idem de me usurpandum, quod Polo dixi: iudicabor scilicet, ut a puerulis iudicaretur, accusante *coquo*, *medicus*. Vide enim, quid huiusmodi homo tales nactus iudices, diceret, si coquus eum in hunc modum accusaret: *multis vos, o pueri, vir hicce gravissimisque malis affectit:*
cum

(1) p. 98.

eum vosmet ipsos, tum natu minimos e vobis cor-
rumpit, quippe secando, urendo, attenuando,
suffocando efficit, ut quo quis se vertat, quid
respondeat, nesciat: tum vero amaros praebe- po-
tus: esurire vos et sitire cogit: non, prouti ego
multa vobis suavia et varia praebens, pascio vos
et oblecto. Quid putas medicum, his circumven-
tum periculis, dicturum esse? Dicetne, quod ve-
rum est: haec ego omnia vobis, pueri, ut salutifera,
adhibui? At vero quantum putas iudices is-
tos reclamatu- ros esse, nonne vehementer? —
Vehementer sane. — Nonne igitur eum putas,
in summa trepidatione consilii- que inopia, quo se
modo defendat, non reperturum esse? — Om-
nino. — Idem vero mihi, scio, si in iudicium
traheret, eveniret. Nam voluptates, quas judi-
cibus prae- buissem, quasque illi beneficia utilitates-
que vocant, commemorare non possem: ego adeo
nec qui prae- bent illas laudo, nec quibus prae-
bentur. Quodsi quis vel iuniores me diceret cor-
rumpere, ad angustias eos colloquendo adigen-
tem, vel seniores reprehendere, acerbius in eos
sive privatim sive publice dicentem, ne hic etiam
mihi, quod verum est, dicere licebit: ego haec
omnia juste, iudices, et dico et ago, vestrum
in his commodum, non aliud respiciens. Quamob-
rem haud sine caussa, quicquid fors tulerit, id
patiar. Hic Callicles, videturne vero tibi, o So-
crates, bene se habere in civitate homo, qui si
bimet ipse esse praesto nequit? Cui Socrates,

H

mo-

modo hoc habeat, o Callicles, reponit, quod tu saepius mihi es assensus, ut in eo sibi praesto fuerit semper, quo neque in homines neque in deos sive dictis sive factis injustus fuerit. Sic sibi praesto esse, saepe mihi assensus es praesidium esse optimum. ⁽¹⁾ Si quis igitur convincat me, non posse me hoc praesidio vel mihi vel aliis praesto esse, puderet me mei, sive inter multos, sive inter paucos, sive etiam solus a me ipso, hujus rei convincerer. Hujus si praesidii jactura, mortem subire cogeret, rem ferrem aegre; sin vero *κολακικῆς ῥητορικῆς adulatoriae istius eloquentiae* imperitiâ morerer, certo scio equidem, facile me mortem subiturum. Mori enim veretur nemo, qui quidem non plane est rationis expertus vecorsque, sed injuste is agere veretur: nam animo peccatorum referto in orcum migrare, omnium est malorum summum. ⁽²⁾

Constat hinc, opinor, satis, quae sint eloquentiae, auctore Platone, principia vetissima; sed perspicitur simul, qualem is spectaverit, quae eloquentiae vim et impetum daret, *philosophiam*. Illa est, quae veri justique amore continetur, nec tantum ad vitae cultum sive ad vitam bene beateque agendam, sed ad mortem adeo, immortalitatis spe, contemnendam pertinet. Hanc spiritus phi-

(1) ————— *Hic murus abeneus esto:
nil conscire sibi.*

(2) Gorg. 521 D. — 522. E.

philosophiam cum totus hic dialogus Platonis, cujus vim et propositum declarare studuimus, cum *μῦθος* in primis, quem is dialogo adjecit. Nam Socrates his dictis, audi jam, inquit, o Callicles, quod ajunt, pulcherrimum sermonem: quam tu quidem esse fabulam existimaveris, ego autem verum sermonem habeo: nam sunt verissima, quae tibi sum enarraturus. Narrat igitur de alio quodam judicio, longeque ab illo diverso, quod unum memoraverat Callicles, in quo res judicantur non viventium, sed mortuorum, nec tanta obtinet eloquentia adulatoria, qualem praedicant vulgo in Atheniensium judiciis, sed ipsa auditur veritatis justitiaeque vox. Fuit, ait Socrates, cum in illo item judicio male judicaretur. Nam haec quidem antiquitus sub Saturno de hominibus lex fuit, vigetque ea etiam nunc apud deos, ut quisquis hominum juste sancteque vixisset, postquam esset mortuus, in beatorum insulas migrans anima illic felicitate, malorum experta, viveret: qui vero injuste impieque, in vindictae suppliciique carcerem quem tartarum vocant, abiret; sed hujus judices judicii sub Saturno nuperque etiam sub Jove cum *viventes* erant, tum *viventes* judicabant, eo judicantes die, quo hi morituri erant: quamobrem illi injuste judicabant. Quod cum Pluto quique insulis beatorum praesunt, animad-

(1) V. de hoc dialogo, quae super prodiit, elegantis dissertationis Sybrandi. Harlem. 1829.

madvertissent, adierunt Jovem conquestique sunt, homines ad se in utrumque locum ventitare hac conditione indignos. Ad quos sic Jupiter: ego vero, inquit, finem his imponam. Nunc enim male judicia administrantur: nam vesiti, non nudi, judicantur homines, quippe qui vivi judicantur. Multi iccirco, inquit, pravos habentes animos, corporibus sunt pulcris, itemque genere et divitiis induti, et, quum instituitur judicium, crebri ipsis testes adsunt, testimonio probaturi, juste illos vixisse. Judices igitur percelluntur hisce: tum vero ipsi judicant vestiti, oculos quippe auresque et totum corpus tamquam animi tegumenta habentes: haec igitur illis omnia judicandi impedimenta sunt, cum ipsorum, tum eorum, quos judicant, tegumenta. Primum igitur, inquit, huic rei finis imponendus, ut ne mortales mortem suam praevideant: nunc enim praevident: mandatum hoc autem jam Prometheo est, ut huic rei finem imponat: tum vero judicare eos oportet his omnibus nudos: nam mortui judicandi sunt: judicem item nudum esse decet, mortuum, ipso animo ipsum animum hominis, simulac mortuus est, explorantem, quum is cognatis omnibus destitutus est, omnemque illum apparatus in terra reliquit, ut justum sit judicium. ^o

Haec Jupiter: — sed nobis non enarrandum
por-

(1) Gorg. 522. E. — 523. E. V. Heindorf ad h. l., qui eum recte interpretatus videtur.

porro est, quod fecit Socrates, quo modo in his judiciis disposuerit pater deorum omnia: perspexisse nobis ex his suffecerit, unius agi veritatis justitiaeque causam in Socratis et Platonis philosophia. Verum quo magis, quam illi hinc duxerint eloquentiam, quidque in ea summum sit, videamus, adjicimus hinc Socratici sermonis finem. Ego igitur, o Calicles, ait, hisce sum rationibus commotus, idque specto, quemadmodum integro sanoque animo coram iudice appariturus sim. Repudiatis igitur vulgi honoribus, veritatem respiciens unice, operam dabo, ut, quoad ejus fieri possit, o ptimus hominum et vivam, et, quum moriendum est mihi, moriar. Cohortor autem et caeteros homines, quantum possum, et vero te vice mea, ad hanc vitam, hoc certamen ineundum, quod ego omnibus praestare certaminibus dico. Exprobroy autem tibi mollitiem, si quidem tibimet ipse non esse praesto potueris, quando iudicium instabit et dijudicatio, quam modo dixi; sed veniens tu ad iudicem, Aeginae filium, postquam ille te in jus rapuerit, oscitabis ac laborabis vertigine, non minus quam ego hinc, ita tu illic: forteque quis tibi ad summum dedecus alampam infliget omnique contumelia afficiet. Haec tibi forte narrari, ut fabulae seniles quaedam, videntur, tuque haec contemnens: nec vero mirum sit, nos ea contemnere, si quidem quaerendo possimus his meliora et veriora invenire. Nunc
ve-

vero vides, cum tres viri sitis, omnium qui sunt Graecorum sapientissimi, tu videlicet et Polus et Gorgias, non posse vos tamen demonstrare, aliud esse ratione vivendum, quam ea, quae illuc conducere videtur. Imo vero in tot sermonibus, cum caeteri redanguti fuerint, solus hic remanet firmus, cavendum esse magis ne faciamus, quam ne patiamur injuriam, idque viro prae caeteris omnibus spectandum, ut bonus non videatur, sed sit, tam publice quam privatim: si quis autem malus quodammodo fuerit, esse puniendum, idque secundo loco bonum esse, fieri castigatione meliorem poenasque injustitiae luere: omnem praeterea *κολακίαν* *adulationem* erga ipsum et alios sive paucos sive multos, fugiendam esse: καὶ τῇ ρητορικῇ οὕτω χρηστὸν ἐπὶ τὸ δίκαιον αἰεὶ καὶ τῇ ἑλλή κώσῃ πράξει· *arte denique dicendi omnique alio actionis genere justis semper causis utendum esse.* Mihi tu igitur fidem habens, sequere me illuc: quo cum perveneris, et vivus et mortuus beatus eris, quemadmodum sermo hic noster probavit. Contemnat te autem aliquis, ut stultum, et summā si velit injuria afficiat: tu vero, per Jovem, aequo animum vel colaphum, infamem plagam, perferas: nihil enim grave patieris, si revera honestus bonusque sis virtutemque exerceas. Postquam vero sic una eam exercuerimus, tunc, si tibi operae pretium esse videbitur, ad publica nos negotia conferemus, aut ad quod-

quodcunque nobis deliberantibus tum, quum melius deliberare poterimus, visum fuerit. ⁽¹⁾

Talis cum esset philosophia, qua et ipse imbutus Plato erat et scribens de eloquentia imbute oratores studebat, haud mirabimur profecto, vim in ejus scriptis exstare singularem plane, indeque oratores omnium gentium principes ad publice dicendum, ad causam veritatis ac justitiae propugnandam, ad vindicandam a tyrannorum consiliis patriae libertatem, profecisse maxime. Hinc profecto eloquendi facultas, quam in eo Quintilianus admiratur, *divina illa, ut non hominis ingenio, sed quodam videretur oraculo Delphico instinctus.* ⁽²⁾ Hinc autem pariter cum Demosthenis, tum Ciceronis in dicendo vis et auctoritas, quum uterque in civitatis suae hostes capitales, ille in Philippum, hic in Catilinam et Antonium, pro patria et virtute, haud sine vitae periculo dicerent. ⁽³⁾

De

(1) Gorg. 526. D. — 527. D. (2) Quint. Inst. Orat. L. X. c.

(3) Demonstravit nuper docte Bakius, errare, qui sive a Thucydidis sive a Platonis dicendi acribendive ratione genus dicendi Demostheneum ducerent. *Bibl. crit. nov.* Vol. V. P. I. p. 188. Rectissime vero ille. Nam ego in his *philosophiam* praecipue Socraticam et Platonicam spectavi; genus vero dicendi oratoris nec attigi nec attingam deinceps in proximis; nisi quatenus e philosophia illa fluxit. Monendum id duxi, ne dissentire a viro amicissimo videretur, quocum consensio lubentissima.

*De scribendi ratione, quae
prosit hominibus.*

Fuse egimus de eloquentiâ Platonis non unam ob causam. Nam, primum, locus hic est in ejus philosophia gravissimus, quoque idem perpurgatur diligentius, ita interius perspicui ejus philosophia potest: tum vero eloquentia apud eum proxime est cum Socraticâ disciplinâ conjuncta, ut, ritè hinc ducta, lucem ei vicissim affundat. Sed id praeterea spectavit Plato, ut novum induceret eloquentiae genus, quod totum a veri justique amore repetitum, hunc amorem in hominibus excitaret aleretque, et sic unice esset civitatibus utile et salutare. Progrediendum nunc nobis ad disciplinas est, quibus idem ille amor veritatis indagandae arte excolendus est; verum ut dicendi, ita *scribendi* etiam principia nova quaedam Plato protulit, pertinentque haec inprimis eo, ut purissimos philosophiae, quae verum spectat, fontes indagemus. Quamobrem non committendum nobis est, ut hunc locum negligamus: tractandus adeo summâ diligentia videtur, cum propter ipsius in philosophia Platonis gravitatem auctoritatemque, tum etiam propterea, quod Platonicae doctrinae amantibus haud leves continuo difficultates objicit.

Nam occurrunt in scriptis Platonis nonnullae, huc spectantiae, quae miretur quis continuo et ve-

ro absurda putet: in his ipsius scribendi artis vituperatio, nocuisse eam hominum generi magis, quam profuisse: tum hoc praesertim, fateri Platonem in epistola, quae ipsi tribuitur, se nihil scripsisse, quae vero ipsius nomine ferrentur, Socratis esse. Disertis id verbis dicitur: *διὰ ταῦτα οὐδὲν πώποτε ἐγὼ περὶ τούτων γέγραφα· οὐδ' ἔστι σύγγραμμα Πλάτωνος οὐδὲν οὐδ' ἔσται· τὰ δὲ νῦν λεγόμενα, Σωκράτους ἐστὶ, καλοῦ καὶ νεοῦ γεγονότος* ⁽¹⁾. Et quamvis hanc epistolam quis habeat non ab ipso Platone, sed a Platonico homine scriptam, unde id ille hauserit, quidque eo spectaverit, quaerendum videtur. Obstupescunt his homines, qui Platonem legunt, ut Aristotelem solent et hodiernos philosophos: dissertationes se tractare, quum dialogos legunt, arbitrantur, confunduntque cum cujusvis scriptoris rhetorisve divinum Platonis ingenium. Nos vero, age, novum illud exquiramus, (quod diximus), scribendi genus, quod unice probavit Plato, cujusque ad exemplum non dissertationes nescio quas, sed dialogos scripsit. Suppeditabit autem nobis illud, ni fallimur, Phaedri dialogi pars postrema. Sed primum de artis scribendi reprehensione disceptandum.

Utilis, ait Socrates illic, scripta oratio est admonitionis causa; quodsi ad cognoscendum destinatur, omne erit scribentis studium non inutile aolum, sed noxium legentibus. Colloquio hoc effa-

(1) Epist. ad Dionys. II. 314. C.

effatum illustrat, quod habitum esse sive finxit sive accepit a Thamo, Aegyptiorum rege, cum literarum inventore, Theuth. Ut hic inventa praedicaverat sua, tamquam *sapientiae et memoriae remedium*, alter, o artificiosissime Theuth, inquit, alius quidem ad artis opera perficienda idoneus est, alius vero ad judicandum promptior, quid emolumenti damne sint utentibus allatura. Atqui et tu, literarum pater, propter benivolentiam erga illas et caritatem, contrarium, quam efficere possint, affirmasti, Nam illarum usus, propter recordationis negligentiam, oblivionem in animo discentium pariet: quippe qui externis literarum confidentes monumentis, res ipsas intus animo non revolvent. Quamobrem non memoriae, sed admonitionis, οὐ μνημῆς, ἀλλ' ὑπομνήσεως Φάρμακον invenisti. Sapientiae quoque opinionem potius, quam veritatem discipulis tradis. Nam cum sine institutione multa perceperint, πολυγνώμονες esse videbuntur; erunt vero vulgo ἀγνώμονες et in consuetudine molesti, pro sapientiā speciem sapientiae habentes, δόξασοφαι γεγονότες ἀντὶ σοφῶν. Expressit hoc Thami sermone Plato magistri sui de sophistarum studio sententiam, qui libris scribendis sapientiam suam commendare studebant, ut ex iis intelligitur, quae his proxime apud eum adjicit Socrates. Ergo, ait, quicumque se putat ita artem aut mandare literis, aut mandatam suscipere, ut certum quid et firmum ex literis sit futurum, admodum ineptus est, si quidem plus in scriptis esse credat,

dat, quam ut scienti res ipsas, quae literis significantur, in memoriam revocent. Mirum id habet, o Phaedre, scriptura et picturae revera simile. Picturae enim opera tamquam viventia exstant; si quid vero rogaveris, verecunde admodum silent: *σαμῶς πάνυ σιγῇ*. Eadem est orationis scriptae ratio: putes aliquid ipsam tamquam intelligentem dicere; verum si sciendi avidus ab ea dictorum aliquid sciscitaberis, idem semper et unum significat, omnis praeterea sermo cum semel scriptus est, passim volvitur tam apud intelligentes, quam apud alios, quibus minime convenit, et nescit, quibus dicere oporteat, quibus non oporteat. — His adductus rationibus reprobasse videtur Socrates sophistarum in scribendo temeritatem, ipseque scripsisse nihil. Quodsi quaerimus, quid ille agendum philosopho putaverit, et quomodo Plato ad scribendos dialogos accesserit, id ex proximis huius sermonis locis patet. Scilicet in animis hominum scribere, non in libris, ut in tabulis, id philosophi putabat munus esse Socrates, alterum sophistae cuiusdam sive rhetoris. Audiamus ipsum porro. Quid? ait, praeter scriptum sermonem nonne alium cernis, huius geminum, sed meliorem, potentiorum? — Quem tandem illum? — Eum, inquit, qui in animo discantis cum scientia scribitur: is demum sibi ipse auxiliari potest et dicere et tacere apud quos oportet. Hic Phaedrus: *τὸν τοῦ εἰδότης λόγον λέγεις ζῶντα καὶ ἐμψυχον· οὗ ὁ γεγραμμένος εἰδῶλον ἔν τι λέγειτο*

γῶρτο δικάλας. *Scientis sermonem dicis viventem et animatum, cujus scripta oratio simulacrum aliquod non inepte nuncupabitur.* E qua sententia origo dialogi sponte ducitur. Sed pergat Socrates quod animo sentit explicare. Sermonem deinde, quem dixit, *viventem et animatum*, agricolae comparat per agros semina spargenti. Id mihi dic, quae-so, ait, mentis compos agricola, si quae habet semina, quae ipsi curae cordique sunt, quorum-que fructus capere avet, numquid in Adonidis hortulis quasi arans sedulo ⁽¹⁾, gaudebit hos spectans hortulos intra dies octo jam pulcros factos? An vero id festi cujusdam diei ludique gratia faciet, si quidem faciat: at, ubi serio agens, agriculturae studium adhibuerit, seret, ubi convenit et satis sibi consecutus videbitur, si octo mensium intervallo satio ipsius fruges protulerit? Hic Phaedrus: ita prorsus, o Socrates, ait, illa quidem ludens jocoque, ut dicis, haec autem serio faciet. Cui Socrates: hominem vero, justique scientiam possidentem, agricola ineptiorem ad semina sua spargenda putabimus? — Omnium minime. — Non igitur studiose quasi in aqua scribet, atramento per calamus serens et usus oratione, quae nec sibimet ipsa auxiliari ratione, nec alios

(1) Sic exprimere vulgatam lectionem studui, quam tuetur Ast. ad Phaedr. p. 388. Forte pro ἀπὸν legendum ἀπὸν irrigans, ut sententia sit: *agricola — numquid ea serio in Adonidis hortis irrigans, gaudebit —*

alios docere verum potest. — Haud sane est consentaneum. — Hortos quidem literarum, ludi caussa, ut videtur, seret atque sribet; sed multo in his mea sententiâ praeclarius est studium, ubi quis arte dialectica utens, ingenium nactus idoneum, sermones cum scientia plantat et seminat, οἱ ἑαυτοῖς τῷ τε φυτεύσαντι βοηθεῖν ἱκανοὶ τε καὶ οὐχὶ ἄκαρποι, ἀλλὰ ἔχοντες σπέρμα, qui et sibi ipsis et satori suo afferre opem possunt, nec fructibus destituti sunt et semina reddunt. Ὅθεν ἄλλοι ἐν ἄλλοις ἥθεσι φυόμενοι τοῦτ' αἰεὶ ἀθάνατον παρέχουσιν ἱκανοὶ. Unde in aliis ingeniis alii crescentes id cum summa varietate in perpetuum praestant, atque eum qui haec habet, beatissimum, quoad homini licet, efficiunt.

Sic Socratem inducere de summo philosophi munere disserentem germanum ejus discipulum decebat, qui quidquid identidem ab aliis suscepit, ad magistri id sententiam accommodavit. Dubito, magisne ex his verbis Socratica philosophia, an Platonis de scribendi arte sententia ducenda explicandaque sit: illud non dubium, quin, his lectis, quid de scriptionis apud eum vituperio, quid de effato illo, quod ei tribuitur, absurdo, ut videtur, se nihil scripsisse, quae vero ipsius nomine ferrentur, Socratis esse, existimandum sit, pateat jam nobis facillime.

Erat hoc Socrati proprium, ut vix quidquam sibi perficiendum susciperet, perficeret autem gravis-

γοιτο δὴ αὐτῷ. *Scientis sermonem dicis viventem et animatum, cujus scripta oratio simulacrum aliquod non inepte nuncupabitur.* E qua sententia origo dialogi sponte ducitur. Sed pergat Socrates quod animo sentit explicare. Sermonem deinde, quem dixit, *viventem et animatum*, agricolae comparat per agros semina spargenti. Id mihi dic, quae-so, ait, mentis compos agricola, si quae habet semina, quae ipsi curae cordique sunt, quorum-que fructus capere avert, numquid in Adonidis hortulis quasi arans sedulo ⁽¹⁾, gaudebit hos spectans hortulos intra dies octo jam pulcros factos? An vero id festi cujusdam diei ludique gratia faciet, si quidem faciat: at, ubi serio agens, agriculturae studium adhibuerit, seret, ubi convenit et satis sibi consecutus videbitur, si octo mensium intervallo satio ipsius fruges protulerit? Hic Phaedrus: ita prorsus, o Socrates, ait, illa quidem ludens jocoque, ut dicis, haec autem serio faciet. Cui Socrates: hominem vero, justique scientiam possidentem, agricola ineptiorem ad semina sua spargenda putabimus? — Omnium minime. — Non igitur studiose quasi in aqua scribet, atramento per calamus serens et usus oratione, quae nec sibimet ipsa auxiliari ratione, nec alios

(1) Sic exprimere vulgatam lectionem studui, quam tueretur Ast. ad Phaedr. p. 388. Forte pro ἀρῶν legendum ἀρδων irrigans, ut sententia sit: *agricola — numquid ea serio in Adonidis hortis irrigans, gaudebit —*

alios docere verum potest. — Haud sane est consentaneum. — Hortos quidem literarum, ludi causa, ut videtur, seret atque scribet; sed multo in his mea sententia praeclarius est studium, ubi quis arte dialectica utens, ingenium nactus idoneum, sermones cum scientia plantat et seminat, οἱ ἐαυτοῖς τῷ τε φυτεύσαντι βοηθεῖν ἱκανοὶ τε καὶ οὐχι ἄκαρποι, ἀλλὰ ἔχοντες σπέρμα, qui et sibi ipsis et satori suo afferre opem possunt, nec fructibus destituti sunt et semina reddunt. "Ὅθεν ἄλλοι ἐν ἄλλοις ἡθεσι φυόμενοι τοῦτ' αἰεὶ ἀθάνατον παρέχειν ἱκανοί. Unde in aliis ingeniis alii crescentes id cum summa varietate in perpetuum praestant, atque eum qui haec habet, beatissimum, quoad homini licet, efficiunt.

Sic Socratem inducere de summo philosophi munere disserentem germanum ejus discipulum decebat, qui quidquid identidem ab aliis suscepit, ad magistri id sententiam accommodavit. Dubito, magisne ex his verbis Socratica philosophia, an Platonis de scribendi arte sententia ducenda explicandaque sit: illud non dubium, quin, his lectis, quid de scriptionis apud eum vituperio, quid de effato illo, quod ei tribuitur, absurdo, ut videtur, se nihil scripsisse, quae vero ipsius nomine ferrentur, Socratis esse, existimandum sit, pateat jam nobis facillime.

Erat hoc Socrati proprium, ut vix quidquam sibi perficiendum susciperet, perficeret autem gravis-

vissima omnia. Infinitae numero et varietate edebantur ejus aetate philosophorum sophistarumque scripta, quibus ingenium sapientiamque suam stupenti multitudini ostendere et probare studebant: ipse scribebat nihil. Resonabat quotidie forum politicorum hominum orationibus, quibus ad summos in republica auctoritatis gradus escendebant: ipse, nisi coactus, numquam dicebat publice. Quae quo minus aggrederetur, non intempestivâ retinebatur modestiâ, quae civem dedecet: quotiescumque ipsius vocem postulabat respublica, uti illo tempore, quo insana multitudo, a demagogis concitata, in cives insontes iudicium erat pronuntiatura, tum ille in senatu, in tota civitate unus erat, qui dicere pro justitia auderet. Sed pudebat virum magnum et ferme singularem, sponte ad dicendum prodire, quasi solus esset dignus, qui, tacentibus omnibus, audiretur: pudebat imitari sive sophistas, qui vendita- rent populo doctrinam suam, sive oratores, qui verum justumque, ipsamque rempublicam flocci facientes, dicendo inservire suae auctoritati, suae avaritiae quaerebant. Esse bonus et excellens virtute, non videri, volebat, nec vero detrectabat rempublicam. Non erat civis in totâ civitate, qui civium saluti provehendae prospiceret magis. Alii peregrinari in alias terras, sive cognitionis, sive quaestus, sive oblectationis gratia: ille domi manere et ne excurrere quidem animi causa in terras vicinas: arbores, dicebat, nolunt me quidquam

quam docere, sed volunt hominum mores ⁽¹⁾. Itaque per totum ille diem versari in foro, in palaestris, in portu, in locis, ubi plurimi adessent: cum his confabulari de rebus civilibus et communibus, sed maxime de iis, quarum ipsi scientiam profitebantur. Haec vita erat: sic autem sophistarum vanitatem, politicorum hominum consilia recondita, omnium errores et vitia in lucem proferebat: sic vero omnium maxime juventuti consulebat. Nam quod in Phaedro dicit, agendum esse philosopho, ut non libros edat, sed scribat in hominum animis, id ita factitabat, quasi ad hoc peragendum divinitus esset ad homines missus. Qualem autem quantumque inde fructum et ipse ceperit et in civitatem contulerit, illi norunt, qui ejus *μαθησιαὴν* perspexerunt et copiam attenderunt maximorum virorum, sectarum adeo illustrissimarum, quae ex ejus disciplina et sermonibus provenerunt.

Talis viri cum discipulus fuerit Plato, non est, quod miremur, alienum eum a dicendo scribendoque fuisse, negasse adeo, se quidquam scripsisse. Non quaerimus hoc loco de epistolae auctoritate, qua id negaverit: sive cui germana videatur, sive supposititia, id nemo dubitat, quin Platonice plane virum auctorem habeat: qui unde id duxerit, quid eo voluerit, nobis est quaerendum. Expresit autem prorsus et Socratis et Platonis sententiam

(1) Phaedr. 230 D.

tiam. Scilicet scribere intelligebat Plato illud, quod philosophi, quod rhetores, quod sophistae factitabant: librorum intelligebat scriptiōnem, quibus illi sapientiam scilicet suam includere et continere nitebantur. Id se perficere non potuisse fatetur: si potuisset, τί τούτου κάλλιον, ait, ἐπέπρακτ' ἂν ἡμῖν ἐν τῷ βίῳ ἢ τοῖς τε ἀνθρώποισι μέγα ὄφελος γράψαι καὶ τὴν φύσιν εἰς φῶς πᾶσιν προαγαγεῖν; *quid hoc nobis in vita praeclarior actum esset, quam et hominibus scribendo magnam utilitatem praestare et naturam omnibus in lucem proferre?* Illud scilicet ρητὸν οὐδαμῶς ἐστὶν ὥς ἄλλα μαθήματα· ἀλλ' ἐκ πολλῆς συνουσίας γιγνομένης περὶ τὸ πρᾶγμα αὐτὸ καὶ τοῦ συζῆν, ἐξαίφνης οἷον ἀπὸ πυρὸς κηδήσαντος ἐξαφθὲν φῶς, ἐν τῇ ψυχῇ γεγόμενον αὐτὸ ἑαυτὸ ἤδη τρέφει. *Non est illud ullo pacto verbis exprimendum, ut aliae disciplinae, sed diuturna circa id ipsum consuetudine vitaeque conjunctione, subito tandem, quasi ab igne micante accensum lumen, in animo exoritur seque ipsum alit* ⁽¹⁾. Divina sententia, Socraticae congrua philosophiae, et, si qua alia, digna Platone. Nam haec proprie dialectica est, ut et re et nomine intelligitur, quam adhibere Atheniensium juventuti Socrates et Plato Dionysio studuit. Nec habet commentariis opus haec una verissima disciplina, quae communibus procedit sermonibus, scintillasque in animo suscitāt. Οὐδὲν γὰρ δεῖνόν, μή τις αὐτὸ

(1) Ep. VII. 341. C.

αὐτὸ ἐπιλάβηται, εἰάν ἅπαξ τῇ ψυχῇ περιλάβῃ πάντων γὰρ ἐν βραχυτάτοις κεῖται. *Non enim verendum, ne quis illud obliviscatur, si semel conceperis animo: nam omnium paucissimis continetur.* Commotis enim in animo, qui latent, igniculis, ardor, qui inde existit et quasi ignis semet ipse alit.

Sed dicat hic aliquis: scripsit tamen dialogos Plato, quos nunc legimus. Id vero, o bone, non negat in epistola illa auctor: dixit adeo, quae *ipsius* nomine scripta ferrentur, haec Socratis esse. Quod et vere pronunciavit: nam sunt omnino quae nobis scripta reliquit, Socratici sermones: et sane sic pronunciavit, ut, quid de ejus dialogis existimandum sit, declaraverit. Nam res profecto ita se habet: quae sive a Socrate sive ab aliis acceperat sive pepererat ipse, hac scribendi ratione posteris tradidit. Qua in re, quod de magistro diximus, nihil eum magni aggressum pollicitumque, maxima perfecisse, eandem agnoscimus in discipulo et simplicitatem et virtutem. Nam hunc in modum scripsit Socraticos sermones, ut, quam in Phaedro commendavit scribendi rationem, cum ipso scribendo Phaedro, tum caeteris scriptis expresserit: quodque effici dixit familiari vitae consuetudine mutisque sermonibus, id iis scribendis in animis lectorum effecerit. Quo factum, ut nullus fuerit in antiquitate philosophus, cujus scripta ad quodvis genus hominum veritatis virtutisque amore inflammandum valuerint magis, in

clarissimos autem scriptores oratoresque, in Demosthenem adeo et Ciceronem, tantam, quantam diximus, vim habuerint. Quo intelligitur, quid de novo scribendi genere, quod et invenit et frequentavit, augurandum sit. Sed hoc declarandum pluribus videtur; utque supra de eroticis philosophi sermonibus egimus, infra autem de dialecticis data opera sumus acturi, ita hoc loco universos juvat disceptando complecti, ut quid Plato scribendo spectaverit effeceritque, perspiciamus.

*Quid scribendo spectavit Plato?
sive de Platonici dialogi natura.*

Scribendis dialogis Platonem novam inducere possum studuisse, quae Musam *Uraniam* spiraret, tum diximus, quum toti in pulcri philosophia versabamur ⁽¹⁾. Unde patuit nobis continuo, haud eum vulgari sophistisque usurpato scriptionis genere contentum fuisse, sed majora omnia et praeclariora spectasse. Ut vero, qua id ratione perfecit, assequamur, spectanda nobis interius Platonici dialogi natura videtur.

Est dialogus *familiaris sermonis imitatio*, ut vulgo vocatur, vel, ut modo dicentem Phaedrum audivimus, *vivi animatique sermonis simulacrum* quoddam. Quodsi talis hujus scribendi generis ratio est, intelligimus sponte, nullum eo magis Pla-

(1) Vol. I. p. 167. 171.

Platonis consiliis aptum accommodatumque fuisse. Nam destinatum ita naturā est, ut, quos colloquendo cum aliis exprimimus effundimusque sensus, hos scribendo cum absentibus, cum posteris adeo communicemus. Verum idem spectasse omnes dici possunt, qui dialogos scripserunt, Xenophon, Aeschines, alique Socratici, tum Aristoteles, quique postea floruerunt Lucianus, Plutarchus, Athenaeus, tum vero celeberrimus apud Latinos dialogorum scriptor, Cicero. Quamobrem distinguendus ab his omnibus Plato est, si quidem propriam privamque dialogorum Platoniorum virtutem assequi velimus. Et vero sic intelligemus accuratius etiam, quid de novo sive poëseos sive scriptionis sive eloquentiae genere, quod invenit ac frequentavit Plato, existimandum sit. A Socraticis autem ordiamur.

Cum ante Platonem fuerunt, tum extitisse, dum viveret, permulti videntur, qui item dialogos scriberent. Quorum si superessent scripta, his apponendis inprimis, Platonis characterem exprimeremus, quippe quae Socratica fuerunt magnam partem et Platoniciis iccirco haud dissimilia. Nunc praeter dialogos, qui Aeschini, ab aliis Simoni tribuuntur, nec formam propriam magis habent, quam qui falso Platonis nomine feruntur, Xenophontis exstat Symposium, dialogus, qui multis placuit vehementer, displicuit nonnullis, mihi fere probare visus est, hoc non fuisse scribendi genus, quo scriptor Cyropaediae et Anabaseos ex-

celleret maxime. Legenti certe et haec viri opera palmaria et Memorabilia item, vix mihi quidquam occurrit, quin admirer; in illo vero opusculo non pauca exstant, in quibus vix agnoscere integrum illum Xenophontis incorruptumque elegantiae sensum, licet. Videtur auctor, quod in Luciano animadvertemus praesertim, levitatem comicorum cum Socratica ratione conjungere voluisse: quod nec voluit nec fecit Plato. Utinam vero Aristotelis superessent dialogi, quos hic multos et egregios scripsisse dicitur! Hos operae pretium esset cum Platonice conferre. Nam, ut sua usus est in philosophando et ratione et oratione, ita, cum scriberet dialogos, probabile est, si non melius, peculiare hunc certe dialogorum genus induxisse. Non enim subtilitas ingenii, ut sunt qui putent, prohibuit, quo minus eleganter simul et acute scriberet. Contrarium nobis persuadet Cicero, qui nil eo esse acutius, nihil politius statuit: idem adeo in celebranda ejus oratione, non minus quam in Platonis, sibi placuisse videtur. Incredibilem esse, ait, in Aristotele dicendi copiam et suavitatem: fundere eum plane flumen orationis aureum: neminem eo in scribendo nervosiores fuisse: aemulatum adeo cum ipso Isocrate fuisse et lacesivisse hunc orationis ornatum. Haud ita rari apud antiquos, ut apud nos, erant, qui cogitandi subtilitatem cum scribendi elegantia jungerent: hac laude prisci Academici ac Peripatetici fuerunt fere omnes: ipse Aristote-

toteles ille, quem nemo nunc suavitatis oblectationisque causa legit, cum totus legeretur, quae Ciceronis fuit felicitas, mirabiliter commendatus eloquentiae laude fuit. Et facto probavit Cicero iudicium suum, quum *Aristoteleo more*, prouti ad Lentulum scribit, tres de Oratore libros conscriberet ⁽¹⁾. Sed nihil hinc ad nos Aristoteles: de Platonis quaerimus dialogis eorumque ab Aristotelicis diversitate. Hanc autem ex eo ipso, quod modo dixi, efficere licet, Ciceronem imitatum Aristotelem fuisse. Deperditis igitur hujus dialogis, ex illo effici quodammodo eorum ratio et comparari cum Platonica possit ⁽²⁾. Nec vero toti perierunt dialogi Aristotelis. Servatum a Plutarcho ex ejus Eudemo fragmentum est: ex quo, ut fragmento, divinare magis dialogi rationem, quam cognoscere, licet: id tamen percipimus, aliam

(1) Cic. Ep. ad Famil. I. 9. §. 67. (2) Loco in Ep. ad Fam. quem modo citavi, repugnare videtur, quod ad Atticum scribit Cicero L. XIII. 19. Negat hinc, libros de Oratore *Ἀριστοτέλειον* morem habere. V. Wyttenb. in Ep. ad me p. L. Sed hoc loco morem Aristotelis significat, quo solebat ille in dialogis semetipsum inducere loquentem: illo vero universe *more Aristoteleo* disgerendi et dialogi formam intelligit: quod ex ipsa loci ratione efficitur: scripsi igitur *Aristoteleo more*, quemadmodum quidem volui, tres libros *in disputatione et dialogo* de Oratore: ubi *quemadmodum quidem volui* evincit, aliud eum hinc, quam in Ep. ad Att., spectasse. Nam se ipsum inducere loquentem, id scilicet omnes, qui volunt, possunt.

aliam plane Aristotelis in dialogis, quam in caeteris scriptis, dictionis formam fuisse, *reputandum*, ut Wyttenbachius iudicat, *grandem ac poese tragicam* ⁽¹⁾. Unde duxisse videri Cicero potest, certe auxisse copiam illam et maiestatem, quae in dicto dialogo inprimis insignis est. Sed, ut ipsi iudicemus, fragmentum, quamvis longiusculum, hic videtur totum adscribendum. „Δέπτερ, ὁ κρᾶτιστε πάντων καὶ μακαριστότατε, καὶ πρὸς τῷ μακαρίους καὶ εὐδαιμονας εἶναι τοὺς τετελευτηκότας νομίζειν, καὶ τὸ ψεύσασθαι τι κατ' αὐτῶν καὶ τὸ βλασφημεῖν οὐχ ὅσιον, ὡς κατὰ βελτιόων, ἡγούμεθα, καὶ κρείττόνων ἤδη γεγονότων· καὶ ταῦθ' οὕτως ἀρχαῖα καὶ παλαιὰ διατελεῖ νομομισμένα παρ' ἡμῖν, ὥστε τὸ παράπαν οὐδεὶς οἶδεν οὔτε τοῦ χρόνου τὴν ἀρχὴν, οὔτε τὸν θέντα πρῶτον, ἀλλὰ τὸν ἄπειρον αἰῶνα τυγχάνουσι διὰ τέλους οὕτω νομομισμένα· πρὸς δὲ δὴ τούτοις διὰ στόματος ἐν τοῖς ἀνθρώποις ὁρᾶς, ὡς ἐκ πολλῶν ἐτῶν, ἐκ παλαιοῦ χρόνου περιφέρεται θρυλούμενον. Τί τοῦτ'; ἔφη. Κἄκεῖνος ὑπολαβὼν, Ὡς ἄρα μὴ γίνεσθαι μὲν, ἔφη ⁽²⁾, ἀριστον πάντων, τὸ δὲ

(1) Anim. in Plut. Vol. II. p. 765. (2) Legendum videtur. Τί τοῦτ'; ἔφη. Κἄκεῖνος ὑπολαβὼν, ὡς ἄρα μὴ γίνεσθαι μὲν, ἔφη. Forte in hoc dialogo Aristoteles aibi ipse partes dicendi dedit, qui ejas mos fuit, ut ait Cic. Ep. ad Att. l. 1. : quamquam aliam inducere, qui sermonem enarraret, potuit, ut fecit Plato in Politia et aliis dialogis. Sed in fragmentis, quae Stobaeo debemus, dialogi παρὰ τὸν γενομένης similiter occurrit subinde ἔφη: hic autem ipse auctor loqui videtur. V. Stob. Serm. 84 et 86.

δὲ τεθνᾶναι τοῦ ζῆν ἔστι κρεῖττον· καὶ πολλοῖς οὕτω
 παρὰ τοῦ δαιμονίου μεμαρτύρηται· τοῦτο μὲν ἐκείνῳ
 τῷ Μίδᾳ λέγουσι δῆπου μετὰ τὴν θήραν, ὡς ἔλαβη
 τὸν Σειληνὸν, διερωτῶντι καὶ πυθασομένῳ, τί ποτὲ
 ἔστι τὸ βέλτιον τοῖς ἀνθρώποις, καὶ τί τὸ πάντων
 αἰρετώτατον, τὸ μὲν πρῶτον οὐδὲν ἐθέλειν εἰπεῖν, ἀλλὰ
 σιωπᾷ ἀβρίητως· ἐπειδὴ δέ ποτε μόλις πᾶσαν μηχανήν
 μηχανώμενος προσηγάγετο φθέγγεσθαι τι πρὸς
 αὐτὸν, οὕτως ἀναγκασζόμενος εἰπεῖν· Δαίμονος ἐπιπό-
 νου καὶ τύχης χαλεπῆς ἐφήμερον σπέρμα, τί με βιά-
 ξεσθε λέγειν, ἃ ὑμῖν ἄρειον μὴ γινῶναι· μετ' ἀγνοίας
 γὰρ τῶν οἰκείων κακῶν ἀλυπότατος ὁ βίος· ἀνθρώποις
 δὲ πάμπαν οὐκ ἔστι γενέσθαι τὸ πάντων ἄριστον, οὐ-
 δὲ μετασχεῖν τῆς τοῦ βελτίστου φύσεως· ἄριστον γὰρ
 πᾶσι καὶ πάσαις τὸ μὴ γενέσθαι· τὸ μέντοι μετὰ τοῦτο
 καὶ τὸ πρῶτον τῶν ἄλλων ἀνυστὸν, δεύτερον δὲ, τὸ γε-
 νομένους ἀποθανεῖν ὡς τάχιστα. Δῆλον οὖν ὡς οὗτος κρείτ-
 τονος τῆς ἐν τῷ τεθνᾶναι διαγωγῆς ἢ τῆς ἐν τῷ ζῆν, οὕτως
 ἀπεφῆναιτο.” *Itaque, praestantissime omnium et bea-*
tissime, cum felices censemur esse et beatos, qui vitam
hac defuncti sunt, vitam nefas putamus, quicquam de
his falso aut contumeliose dicere: quippe qui mello-
ris jam praestantiorisque naturae facti sint com-
protes. Atque haec nostra sententia ita vetusta
est, ut ejus et initium et auctor prorsus ignoran-
tur, sed ab infinita usque aeternitate continentur
et sic est propagata. Ad haec vides, in ore ho-
minibus esse omnibus jam inde a multis annis tra-
ctum illud. Quodnam? inquam. Ille vero, quod
 om-

omnium optimum, inquit, est, non nasci: praestat autem mori, quam vivere: ejusque rei multis sunt divinitus perhibita testimonia. Atque huc pertinet, quod narratur, Silenum a Mida isto captum, et a venatione ei sciscitanti, quidnam optimum homini maximeque expetendum esset, principio respondere noluisse vocemque compressisse: tandem cum urgendi, ut aliquid diceret, finem nullum Mida faceret, in haec invitum erupisse verba:

„Aerumnosi genii et difficilis fortunae semen in diem durans, quorsum me cogitis ea vobis dicere, quae vobis nescire erat melius? Maxime enim vacantes dolore vivunt, qui sua ignorant mala. Homini-
 bus autem omnino optimum est, non nasci neque participem fieri praestantioris naturae; optimum enim omnibus utriusque sexus hominibus hoc est: proximum huic, et inter ea, quae consequi homo possit, primum est, quam celerrime mori. Manifestum vero est, sic eum pronuntiasse, quod melior sit mortuorum, quam vivorum, conditio.

Ut vero perierunt nobis fere Aristotelis dialogi, ita supersunt, quos apte cum Platoniciis comparemus, dialogi Lucianei. Cognovi equidem, qui utrorumque non magnopere discrimen suspicarentur, vel, si vel maxime suspicarentur, quale illud sit, haud perspicierent. Et profecto sunt item hi, ut Platonici, non colloquia, sed dramata: sunt item philosophiae, quae veritatem virtutemque spectat, pleni, et, quamvis, quod mi-

re-

remur, ipse in iis exagitetur Socrates,⁽¹⁾ haud deest tamen iis ironia Socratica cum Atticae dictionis humanitatisque gratia conjuncta. Operae pretium videtur, ad naturam investigandam Platonici dialogi, de his paullo accuratius agere. Explicabimus ita simul, quod modo de Xenophontis symposio verbo significavimus.

Ex quo fonte Plato plurimum hausit, ex eodem hausit Lucianus: utriusque dialogi multis locis comicorum referunt, in primis Aristophanis, fabulas. Verumtamen Plato cum leporibus salibusque Atticis eam inde venustatem gratiamque delibavit, quae mire decebat Socraticam philosophiam; Lucianum vero dicas ipsius Aristophanis habitum personamque induisse. Comicus hic esse simul et philosophus voluit, et Stoicam usurpans in res humanas despicientiam, festive illas et Aristophaneo more exagitavit. Quod ipse in Prometheo ingenue confessus est, quo loco dialogi et comoediae discrimen notavit. Neque enim omnino, ait, consueta inter se atque affinia ab initio *Dialogus* et *Comoedia* fuerunt. Si quidem ille domi et seorsum, mehercle, in ambulacris cum paucis quibusdam disputationes suas habebat: haec vero se Baccho toram tradens, in theatris versabatur, simulque ludebat, et risum movebat, gaudebatque

52-

(1) *Dial. mort. dial. X.* De mortuorum dialogis hic agimus solum. Nam exstant in ejus scriptis, quorum forma plane ex Platone ducta est v. c. Demosth. *elog.*

salibus et dicacitate, et ad numeros tibiae incedebat: interdum etiam anapaesticis versibus prorsus vecta, dialogi sectatores ut plurimum subannabat, *Φροντισὰς καὶ μετεωρολέσχας* et id genus alia vocitando: eique id cordi erat, ut eos sugillaret et Dionysiacam istam libertatem in eos effunderet, nunc *ἀεροβατοῦντας!* καὶ νεφέλαις *ξυνόντας* illos exhibens, nunc *φυλλῶν κηδήματα διαμετροῦντας*, ut qui de aëreis et sublimibus istis rebus nimis exiliter argutarentur. *Dialogus* vero gravissimas disputationes habebat, de naturâ rerum deque virtute philosophans, ita ut musicorum illud, bis per omnes chordas, ab acutissimo ad gravissimum usque, inter eos esset. Καὶ ὅμως ἐτολμήσαμεν ἡμεῖς τὰ οὕτως ἔχοντα πρὸς ἄλληλα *ξυνάγαγεῖν καὶ συναρμόσαι*, οὐ πάνυ πειθόμενα οὔδε εὐμαρῶς ἀνεχόμενα τὴν κοινωνίαν. *Et tamen ausi fuimus nos, hacc ita sese habentia inter se conjungere et coaptare, non admodum obsequentia neque facile societatem sustinentia.*" ⁽¹⁾ Gravissimus sane hic locus Luciani est, ad genus dialogorum, quo usus est, notandum, tum etiam, ut quid in eo novi protulerit, exquiramus. Vereri se, ait deinceps, ne, uti Prometheus facti poenituit, quod foeminam cum mari conjunxisset, sic ipse, disparibus commixtis scribendi generibus, poenas lueret. Non vero erat quod vereretur. Nam ex hac comoediae cum dialogo conjunctione parta proles est,

(1) Lucian. *Prometh.* Vol. I. p. 38.

est, quae perplacuit recentioribus, novum scribendi genus, *dialogi mortuorum*. Quos uti ingenio debemus auctoris, ita haud facile is tali protulisset, quali sunt, formâ et ratione, nisi et eâ vixisset aetate, qua Stoica philosophia terrarum orbem occupaverat, et vero Aristophanem inprimisque ejus *Βατραχούς* legisset. Continet haec fabula judicium Euripidis in inferis. Subjiciuntur autem quasi oculis, quae in orco sunt insignia, Cerberus, Stygiae undae, Charon mortuorum portitor, ipsi mortui, tum judices, qui de mortuis judicium pronunciant, alia. Quorum descriptiones ductae videntur ex iisdem poetis, e quibus et Plato mox et postea Virgilius desumsit; sed apud Aristophanem dramatis est forma, tum jocorum sunt omnia et facetiarum plena, chorus auditur ranarum *βρεκεκεκὲξ, κοῶξ, κοῶξ*: (1) ridicula plane Charontis persona est. Peculiarem hinc Lucianus, Promethei cujusdam instar, dialogorum informavit rationem, qua umbrae in orco inducerentur secum invicem colloquentes: quamquam hujusmodi illa fuit, ut nec comoediam legentibus antiquam illam, nec vero philosophiam repraesentaret integram.

Haec de Luciano. In dialogis Platonis exstant, quae plane sint Lucianeis similia, cum in moribus perstringendis mortalium, tum in vitae praeceptis; sed nusquam philosophus comicum agit. Placide
apud

(1) Arist. Ran. vs. 203.

apud eum sermones profiunt, in neutram partem insignes: nec crepat ubivis vitae austeritatem, ut propriam virtuti, nec vero levitate ipse ac petulantia exsultans comici, id committit in moribus opinionibusque exagitandis, quod fere commisit Lucianus, ut ne illis etiam parceret, quae cum sensibus essent excelsis rebusque sanctis conjuncta. Socrates, ut paucis dicam, in ejus dialogis partes habet, non Menippus. Orcum Lucianus totum et fabulas de diis et heroibus sic nobis proposuit, ut legere nobis poëtam comicum videamur, ac rideamus identidem, ut plebs ridere Atheniensium solebat, comoedias spectans. Tangit easdem fabulas Plato, ut modo in Gorgia dialogo vidimus, et vero celebratissimorum in republica virorum ineptias exagitat; sed sic facit utrumque, ut prodesse civibus, Socratis instar, non placere, non gratificari, non risum movere studeat. Absurdis fabellis meliorem substituit simul de inferis divinâque naturâ doctrinam, in perstringendis autem viris praeclaris haud spectat uni-ce, quod comicorum est, *ridendo dicere verum*, sed veri justique, sed sancti, in ipsâ ironiâ causam et patrocinium tuetur. Nam ironia dominatur in ejus dialogis Socratica, non comici protervitas aut contumacia: risum nobis excitat inter legendum Lucianus, haud secus atque Aristophanes: in Platone legendo subridemus.

Est igitur alia quaedam longeque ab Aristotelis et Luciani ratione diversa Platonici dialogi natura. Quod

au-

autem formam attinet dramatis, magis ille Sophro-
nem, quam comicos imitatus videtur. Hunc quanto
loco habuerit, testantur veteres. E Sicilia ejus mimos
Athenas detulisse dicitur eosque sic probasse, ut oc-
togenario major suppositos pulvinari habuerit,
in quo obdormientis os illud divinum, ut ait Val-
kenaerius, *reclinabat*.⁽¹⁾ Et sane placida ho-
rum mimorum inprimisque dialogis apta ratio ex
Theocriti intelligitur Pharmaceutria et Adonia-
zosis, quae inde informata sunt. Sed, qualiscun-
que tandem dialogi Platonici a Comicorum et Lu-
ciani dramatibus diversitas sit, illud de Aristotele
animadvertamus maxime, *dialogos* eum destinavis-
se argumentis popularibus, interiori vero doctri-
nae *commentationes*, quum Plato dialogis comple-
xus omnia fuisset. Unde in primis Platoniorum
scriptorum non dos et commendatio, sed *natura*
efficitur. Quae enim dramatis forma apud eum
allexit ad legendum philosophandumque 'elegan-
tioris ingenii homines, talis haec scilicet erat,
ut res item caperet abstrusissimas. Respondet illa
plane ipsi Socratis philosophiae, quae doctis non
alia, alia indoctis fuit, sed pariter utrisque con-
veniebat. Sermo vix cogitari simplicior et familia-
ri vitae consuetudini convenientior potest, quam
quo in Phaedro de dicendi scribendique arte agi-
tur: amplectitur autem idem sermo sublimem illam
de pulcro et amore doctrinam, quae ipsa continet
uni-

(1) Valck. ad Theocr. Adoniaz. p. 194.

universae philosophiae principia. Res non abstrusior interiorisque indagationis in philosophia exstat, quam quae Philebi est, quaeque Parmenidis argumentum: eadem tamen, qua Phaedrus, formā scripti hi dialogi sunt: et quamvis non eadem hos legamus, qua Phaedrum aut Symposium, oblectatione: delectantur videlicet lectores fere pulcro magis et amore, quam metaphysicis disquisitionibus: tamen non carent hae ipsae, quamvis metaphysicae quaestiones, Atticā venustate, qua se in Phaedro Socratis commendant sermones. Haec scilicet ars illa summa est, quam uni maxime Platoni fuisse propriam putamus.

Quod autem suspicati sumus, singulare quoddam suumque Aristotelem induxisse dialogorum genus, non ejusmodi est, quasi dotibus quibusdam superaverit Platonem. Si superavit, quae fuerint illae dotes, nos latet: nam copia illa orationis et tragica dictio non decet proprie dialogum. Imo vero desiderabatur in ejus dialogis, quae deesse iis minime debebat, dramatica ratio. Cujus rei testis est Basiliius: ⁽¹⁾ τῶν ἑξωθεν φιλοσόφων οἱ τοὺς διαλόγους συγγράψαντες, Ἀριστοτέλης μὲν καὶ Θεόφραστος εὐθὺς αὐτῶν ἤψαντο τῶν πραγμάτων, διὰ τὸ συνειδέναι ἑαυτοῖς τῶν πλατωνικῶν χαρίτων τὴν ἔνδειαν. Πλάτῳ δὲ τῇ ἐξουσίᾳ τοῦ λόγου ὁμοῦ μὲν τοῖς δόγμασι μάχεται, ὁμοῦ δὲ καὶ παρακωμῶδει τὰ πρῶτα

(1) III. 187 C.

ῥητορικῆς. ⁽¹⁾ Unde princeps illa Platonis dos intelligitur, dramatica facultas, qua ingenium moresque personarum expressit. Sed peculiarem Aristotelis rationem intelligimus hancce, ut philosophiae dialogum, tamquam formam quamdam, adhiberet, qua scilicet commendaret legentibus placita sua. Id certe post eum, qui dialogos scripserunt, spectarunt fere, Plutarchus, Athenaeus, ipse Cicero et paucissimis exceptis, recentiores omnes: quae tamen haud probanda ratio est. Nam sic factum imprimis videtur, ut tot hodieque hoc genus scribendi facile, amoenum nec inutile, haud vero necessarium et viro indignum censeant. Et profecto quae in Plutarchi *Symposiacis*, in *septem sapientum convivio*, quae in Athenaei *deipnosophistis* legimus, brevius haec commentatione, nec minus simul perspicue pleneque tradi potuissent. Esset forte quod formam desideraremus in Plutarcheo libello *de sera numinis vindicta*, si commentatio, non dialogus esset; verumtamen, si philosophia spectatur ipsa, huic videatur perinde esse, hac an vulgari ratione scriptus fuerit. Quod idem de ipsis affirmare Ciceronis dialogis non dubito. Commendationem a forma insignem habent, quae quanta ait, collatio facile demonstraverit librorum *de inventione* cum dialogis *de oratore*, et *de claris oratoribus*. Et vero ars illa in eloquentia

(1) Sic locum Basilii interpretatur Wyttenb. in Epist. ad mp p. LII.

tia, ut putabatur, summa, in utramque partem de eodem argumento copiose probabiliterque disse-
rendi, quam ut docuit Aristoteles, ita factitasse dialogis suis videri potest, hanc quomodo Cicero in aliis scriptis, tum inprimis *de finibus* tam mirabiliter explicare potuisset, nisi dialogos scripsisset? Sed artem hanc ipsam reprobatur philosophia, si quidem audientium studia, quam veri inquirendi diligentiam, magis spectet. Nec est quin fateatur, plus eloquentiae in dialogis tribuisse Ciceronem, quam simplici veritatis indagacioni. Alia est longeque diversa Platoniorum dialogorum conditio, naturae ipsorum, quam diximus, congruens. Eam habent cum auctoris philosophia necessitudinem, ut una haec esset scribendi ratio, qua et sensus suos omnes explicare et explere scribendi propositum suum posset. Id autem effici intelligique, nisi ex propria eorum et Socratica plane ratione, non potest.

Nam quae distinguendo hactenus de scriptis Platonis animadvertimus, eo valent, ne haec cum aliorum dialogis confundamus; ut vero privam eorum propriamque virtutem percipiamus, satis valere non videntur. Est autem talis illa, qualem ipse in Phaedro spectavit, quum de optimo uniceque vero scribendi genere praeciperet. Nam paucis exceptis, partes in iis omnibus praecipuas habet Socrates: inducitur autem ille, quod scribendo inprimis efficiendum ratus Plato est, excitans in hominum animis pulcri bonique, praec-

ser-

sertim *veri* amorem, omninoque quod vocabat, quasi *in animis hominum scribens*. Id similiter instituit Xenophon, quum scribendis Memorabilibus Socratis enarraret cum variis hominibus colloquia: et hinc inprimis aurei libelli praestantia: nam sic demum nos in mediam Socratis philosophiam potuit inducere. Si memorasset doctoris sui placita praecipua, haud male fuisset de philosophiae historiae meritis: haberemus certe quo Socratis effata cum caeterorum decretis philosophorum compararemus; sed novam, quam is induxit, philosophandi arguendique rationem, quā unā maxime, non placitis aut formulā doctrinae, e coelo devocavit philosophiam, et in urbes domosque induxit, et coëgit de vitā et moribus loqui, hanc non magis ex tali compendio cognosceremus, quam nunc cognoscimus ex historiae philosophicae scriptoribus. Xenophon vero per sermones illos ipsum nobis Socratem quasi viventem spirantemque proposuit et novam illam rationem non exponentem subtiliter, sed quaerendo, ut solebat, arguendo, monendo, hortando usurpantem. Sic item Plato; sed hic cum Socratis colloquia non traderet tantum scribendo, sed, ut dramatici solebant poëtae, dramatibus exprimeret, plenius nobis et Socratem et Socraticae philosophiae vim et ubertatem repraesentavit: idemque cum sub Socratis persona suam ipse philosophiam cum lectoribus communicare studeret, ipse loqueretur adeo cum omnis generis hominibus, quum So-

K

cra-

cratorem faceret loquentem, factum est, ut *scribenda* efficeret in lectorum, quod *sermonibus* ille in auditorum animis effecerat, *scriberet* plane, quod dixit, in *animis hominum*, nec praesentium tantum et aequalium, sed posterorum omnino, hujus adeo aetatis nostrae hominum. Haec ratio, haec vis et efficacia, haec in primis *natura* est dialogorum Platoniorum: et vero legentes eos non videmur nobis tantum ipsis Socratis sermonibus interesse, sed, qui optimi cuiusque dramatis saluberrimus effectus est, vim in nos habent Socratis dicta, ac si nos ab eo petitos putaremus. Sophistae nam his legendis ingenio animoque emendati sint, dubito: nam hoc genus hominum propter praejudicatas opiniones omni aetate insanabile habitum est; sed quis unquam generosae indolis adolescens Phaedrum legens vel Theaetetum, non sibi ipse visus est Phaedrus esse aliquis aut Theaetetus, et, prout illi, a Socratis ore pendere, animoque recondere quae acceperat? Quis unquam senex, qui juvenis legit Platonem in ipsa senectute non confessus est, hac se inprimis lectione, propter et dramatis et Socraticae suavitatis vim, una cum Sophistis sophisticam omnem aversari, veros philosophos amare didicisse? Dialogis scribendis Plato idem egit plane, quod ipse de agricolis dixit. Non librum edidit, quo, tamquam in Adonidis hortulo quodam, arctis finibus, sapientiam scilicet suam, ut faciunt systematum auctores, includeret; sed ut gnari solent agricolae, Socraticis scri-

scribendis sermonibus, plane ut ipse Socrates, semina sparsit in hominum, praesertim adolescentum, ingenia, quae pro ingeniorum temporumque varietate, varios omni aevo, sed optimos fructus proferrent. Id fecit Plato, et facere hac scribendi formâ potuit, aliâ usurpandâ non potuisset. Sed illud animadvertamus item. Ut Xenophontis Memorabilia, ita scripta Platonis non artis cujusdam aut doctrinae, non argumenti peculiaris expositionem, sed fontem continent ipsum, unde omnes haurire oportet, qui rerum scientiam appetunt. Exquiritur in omnibus, quid nobis maxime agendum videatur, ut, quid verum sit, quid falsum, quid appetendum, quid fugiendum, sciamus: nec friget disputatio, ut in caeteris plerisque libris, sed qui inducuntur colloquentes de gravissimis his rebus, ut fert familiaris ratio sermonis, cum animi sensu affectuque exquirunt singula, interque loquendum veritatis virtutisque amore incalescunt identidem. Hoc est, quod *φιλοσοφῆν*, *philosophari*, appellabat Plato, idemque efficere in lectoribus scribendo studuit. Et sane quis legens Symposium, ut hoc utar, et ipse quasi praesens convivis illis, non eodem, quo illi, ardore effervescit, quum eos amorem audit et una cum amore fortitudinem, honestatem, virtutes omnes celebrantes? Quid plura? Si quis umquam scriptor, Plato certe, quicumque latebant in lectorum animis virtutis igniculi, hos scriptis suis excitavit aluitque.

K 2

Et

Et sic quidem, diligenter his omnibus de Platone aliisque dialogorum auctoribus animadversis, interius nobis perspicere licet, quam ille Musam spectaverit, cum novam inducere poësin conaretur. Explorare id supra jam coepimus, quum de *pulcro* ageremus; ⁽¹⁾ sed nunc, ni fallor, e philosophiae principiis, quae *verum* spectat, plenius intelligimus. Non erat illa Musa Platonis vel comica vel tragica: *δημώδη* harum musicam vocabat; sed *τὴν μεγίστην* respiciebat *μουσικὴν*, i. e., philosophiam illam, quae nec placere hominibus nec gratificari nec vero adulari studeret: qui poëtarum vulgo ac sophistarum oratorumque mos fuit; sed hoc sibi haberet unice propositum, ut, rejectis inanibus, quae ab his commendarentur, rerum simulacris, ipsas res i. e. *veritatem* in lucem produceret ejusque amore incenderet mortales. Hanc Plato *Uraniam* Musam vocare solebat, quam qui colerent, sive carminibus, sive orationibus, sive cuicunque tandem scribendi generi operam navarent, hos unice scribere in generis humani emolumentum contendit. Cumque nemo adhuc poëtarum scriptorumque, de ejus sententiâ, digna hac Musâ opera edidisset, Socraticis ipse sermonibus scribendis, artem scribendi excoluit, quae tantum vulgaribus artibus, quantum Uranius amor vulgari amor praestaret. Iniquius cui forte ille de scriptis aliorum judicasse videatur;

sed

(1) Vol. I. p. 167. 174.

sed nos, ne in ipso iudicando iniqui simus, id attendamus diligenter, praeclaro eundem proposito haec nova fuisse molitum, nec vero fructu ejus studia caruisse. Diximus de Luciani aliorumque Graecorum, tum etiam de Ciceronis dialogis, ut, institutâ comparatione, dotes virtutesque Platonis cognoscerentur accuratius. In qua disquisitione illorum item dotes virtutesque exploravimus. Quodsi nos, sic exposita dialogi Platonici naturâ, porro velimus quaerere, quid illi ad scribendos dialogos Platoni debuerint, haud frustra sane hicce nova illa scribendo molitus videbitur.

„Credibile est, ait Wyttenbachius, jam ipsius Platonis aetate lectionem librorum ejus frequentatam multum valuisse ad conversionem veteris comoediae, ut sal Atticus, quem *Eupolis atque Cratinus Aristophanesque poëtae*, — *Atque alii, quorum comoedia prisca virorum est*, — multum quidem et acrem, sed acerba suffusum bile, gerebant, paulatim per mediae poëtas comoediae, tum novae in primis Menandrum, ab his labibus purgaretur, et ad germanam Atticam festivitatem elegantiamque redigeretur.” ⁽¹⁾ Constat autem, colorem ab eo duxisse, quotquot post eum dialogos scripserunt, Plutarchum praecipue, Platonis amantissimum, ipsum item Lucianum in scriptis quibusdam, tum vero Ciceronem, qui, quamvis se scribere Aristoteleo more diceret, quanto-

pe-

(1) Epist. Spec. meo praem. p. XLIV.

perere ad informandos rite dialogos è Platonis imitatione profecerit, omnes norunt, qui attentius utrumque legerunt, nosque ipsi jam animadvertimus in superioribus. (1) Et fuit sane Cicero ipse dole et institutione Platonicus plane, ut in omni descriptionis genere, in oratorio etiam, certe quam pro Archia diceret, sponte et inscius forte Platonem exprimeret suum. Unde sententiae celebratissimae illae de literarum studiis, de poetis, de communi in primis artium vinculo. Sed de his tum agemus, ubi ad hoc ipsum artium vinculum pervenerimus. Nunc juvat animadvertere, quod huius praesertim loci est, ad reducendam ad naturae simplicitatem eloquentiam, vim habuisse mirificam dialogos Platonis. Docuerant Rhetores antea et docebant Platonis aetate, quemadmodum oratio rite esset excolenda, ut evidentia, suavitate, gravitate cum caperet audientes legentesque, tum teneret ac moveret: unde ~~texta~~ *texta* existerunt, studiose elaboratae, quales Isocraetis aliorumque memorantur et supersunt etiam nunc multae. Sed Rhetores, uti novimus, *artem* fere magis, quam *naturam* spectarunt, effecitque omni aevo Rhetorica, ut diceretur, quemadmodum scribi oporteret: non vero, ut scriberetur, quemadmodum loqui solemus. Contemnitur hoc praecipuum in artis regulis, certe negligitur fere, ut vulgare omnibusque notum, raroque omni aetate elo-

(1) Vol. I. p. 134.

eloquentiae adhibitum est: quo factum, ut innu-
merae exstiterint orationes, quas admirarentur au-
dientes, paucae, quibus moverentur intus melio-
resque fierent. Itaque principes oratores, qui non
arte, sed indole disertis fuerunt, quo magis natu-
ram exprimerent dicendo et sic persuaderent ho-
minibus efficaciter, tragicos, comicos, optimos-
que dialogorum scriptores summo studio legerunt:
in his quippe maxime naturalem loquendi ratio-
nem, excultam illam quidem et politam, sed na-
turalem tamen agnoscebant. Eo autem quid valē-
re magis potuit, quid reapse ad rite informandam
Demosthenis orationem magis valuit, quam dia-
logorum Platoniorum lectio? Sunt illi prorsus,
ut apud ipsum est, vivi animatique sermonis si-
mulacra: inest illis familiaris colloquii facilitas et
quasi candor natus: insunt facetiae, joci, sensus
varii affectusque, sublimes illi subinde, sed spon-
te prolati: inest vero iisdem et multo sane ma-
gis, quam in comicorum tragicorumque fabulis,
philosophia, verae eloquentiae procreatrix. Egi-
mus jam satis fuse de eloquentia Demosthenis,
attigimus item simul dramaticam dictionis ratio-
nem, quae frequens apud eum est; sed *dramati-*
cae hujus *rationis* vim, quae hujusmodi est,
ut non scriptam nobis legere orationem videa-
mur, sed ipsum audiamus oratorem loquentem,
hinc colloquentem interrogando respondendoque
cum audientibus, hanc si quaerimus unde duxē-
rit, fontem, unde hausit, non alium reperio,
quam

quam dialogi Platonici rationem. Exstant in ejus orationibus colloquia formā et ratione prorsus Platonica. „ Φέρε γὰρ, ait in oratione de rebus Cherrhonesi, ubi socordiam exagitat civium suorum: Φέρε γὰρ, πρὸς Διός, εἰ λόγον ὑμᾶς ἀπατή-
σειαν οἱ Ἕλληνες ὧν νυνὶ παρείκατε καιρῶν διὰ ῥαθυ-
μίαν, καὶ ἔροινθ' ὑμᾶς, „ ἄνδρες Ἀθηναῖοι, πέμπετε
„ ὡς ἡμᾶς ἐκάστοτε πρέσβεις καὶ λέγετε ὡς ἐπιβου-
„ λεύει Φίλιππος ἡμῖν καὶ πᾶσι τοῖς Ἕλλησι, καὶ
„ ὡς φυλάττεσθαι δεῖ τὸν ἄνθρωπον” καὶ πάντα τὰ
τοιαῦτα, ἀνάγκη φάσκειν καὶ ὁμολογεῖν· ποιούμεν
γὰρ ταῦτα. „ Εἴτ', ὦ πάντων ἀνθρώπων φαυλότ-
„ τοι, δέκα μῆνας ἀπογενομένου τάνθρώπου καὶ νόσφ
„ καὶ χειμῶνι καὶ πολέμοις ἀποληφθέντος ὥς μὴ
„ ἂν δύνασθαι ἐπανελθεῖν οἴκαδε, οὔτε τὴν Εὐβοίαν
„ ἡλευθερώσατε, οὔτε — καὶ Φανερόν πεποιήκα-
„ τε, ὅτι οὐδ' ἂν δεκάκις ἀποθάνῃ, οὐδὲν μᾶλλον
„ ὑμεῖς γε κινήσεσθε. Τί οὖν πρεσβεύεσθε καὶ κατη-
„ γορεῖτε καὶ πράγμαθ' ἡμῖν παρέχετε;” ἂν ταῦτα
λέγωσι, τί ἐροῦμεν ἢ τί φήσομεν, ὦ ἄνδρες Ἀθη-
ναῖοι; ἐγὼ μὲν γὰρ οὐχ ὄρω. *Age vero per Jovem,*
si rationes vos reddere Graeci juberent opportuni-
tatum, quas per socordiam nunc neglexistis, ac ro-
garent vos: „ mittitis, o Athenienses, identidem
„ ad nos legatos, dicitisque Philippum nobis cae-
„ terisque Graecis omnibus insidias struere, caven-
„ dum autem ab homine esse” et similia omnia:
vos quidem affirmare et confiteri oporteret: faci-
mus id enim. „ Atqui, reponerent, o omnium ho-
„ minum vilissimi, quum per decem menses abesset
„ ho-

„ homo et morbo, tempestatibus ac bellis impediretur,
 „ quo minus domum posset reverti, vos neque Euboeam
 „ in libertatem vindicastis neque — imo vero pate-
 „ fecistis, etiamsi vel decies moreretur iste, non ma-
 „ gis vos motum iri: quid igitur legatos ad nos mīt-
 „ titis et istum accusatis et nobis molestias facitis?”

Id si dicerent, quid nos haberemus, o Athenienses, quod diceremus ac responderemus? Equidem non video. ⁽¹⁾

Similiter et in aliis orationibus et in Philippiciis passim, veluti ubi Aristodemum demagogum exagitat: colloquitur cum eo eādem plane, atque apud Xenophontem et Platonem Socrates, ratione. Oratorum, ait, nonnullos video non eodem modo et vobis et sibimet ipsis consultando prospicere: vos enim ajunt oportere acquiescere, si quis vos injuria afficit, ipsi autem acquiescere aut silere non possunt, etiamsi a nemine laedantur. Καὶ τοι λοιδορίας χωρίς, εἴ τις ἔρετο „ εἰπέ μοι, τί δὴ „ γινώσκων ἀκριβῶς, Ἀριστόδημε, (οὐδεὶς γὰρ τὰ „ τοιαῦτ' ἀγνοεῖ) τὸν μὲν τῶν ἰδιωτῶν βίον ἀσφαλῆ „ καὶ ἀπράγμονα καὶ ἀκίνδυνον ὄντα, τὸν δὲ τῶν „ πολιτευομένων φιλαίτιον καὶ σφαλερὸν καὶ καθ' „ ἐκάστην ἡμέραν ἀγώνων καὶ κακῶν μεστόν, οὐ τὸν „ ἡσύχιον καὶ ἀπράγμονα, ἀλλὰ τὸν ἐν τοῖς κινδύ- „ νοις αἰρῆ;” τί ἂν εἴποις; εἰ γὰρ ὁ βέλτιστον εἶπεῖν ἂν ἔχοις, τοῦτό σοι δόξῃμεν ἀληθὲς λέγειν, ὥς ὑπὲρ φιλοτιμίας καὶ δόξης ταῦτα πάντα ποιεῖς, θαυμάζω τί δήποτε σαυτῷ μὲν ὑπὲρ τούτων ἅπαντα ποιη- τέον

(1) Dem. περὶ τῶν ἐν χερσὶν 98. D.

τόν εἶναι νομίζεις καὶ πονητέον καὶ κινδυνευτέον, τῇ πόλει δὲ προσέσθαι ταῦτα μετὰ ῥαθυμίας συμβουλευείς. οὐ γὰρ ἐπεὶνὸ γ' ἂν εἴποις, ὥς σὲ μὲν ἐν τῇ πόλει δεῖ πινὰ φαίνεσθαι, τὴν πόλιν δ' ἐν τοῖς Ἑλλησι μηδεὶς ἄξιον εἶναι. *Missio convitio, si quis te roga-*
ret, „dic mihi quaeso, Aristodemus, quid tu, pro-
be sciens, privatorum vitam tutam, otiosam,
periculorumque immunem, politicorum vero ho-
minum criminationibus periculisque obnoxiam es-
se et certaminum ac malorum plenam, quid tu
tandem tibi met ipse non placidam atque otiosam,
sed periculosam eligis?” Quid dicerēs? Nam si
quod optime dicere posses, id tibi vere dicendum
largiremur, te honoris gloriaeque causa haec
omnia facere, mirarer, quid tandem tibi eorum
gratia haec omnia facienda, perferenda, periculi-
tanda, civitati vero ea per socordiam contem-
nenda suadeas. Illud enim haud facile dicerēs,
te quidem oportere in civitate aliquo loco, civita-
tem vero in Graecia ingloriam esse ⁽¹⁾. Non e-
τέχναις Rhetorum haec desumuntur, sed sumsit
Demosthenes e Socraticorum sermonum ratione,
quos apud Platonem reperiebat. Ego vero, cum
similes locos cum amicis legerem, his fere ani-
madverti, vehementissime nos moveri. Tum ve-
ro qui locus in prima Philippica ab omni-
bus celebratus maxime est, qui studiosissime le-
ge-

(1) Dem. Phil. IV. 150 A. Platonice similiter rationem
expressit Fr. Hemst. Oeuv. phil. Vol. II. p. 50.

gerunt Demosthenem: πότε ἂν χρὴ πράξετε; ἐπειδὰν τί γένηται; ἐπειδὰν νῆ Δ' ἀνάγκη τις ᾖ. νῦν δὲ τί χρὴ τὰ γιγνόμενα ἡγεῖσθαι; ἐγὼ μὲν γὰρ ὁλομαι τοῖς ἐλευθέροις μεγίστην ἀνάγκην τὴν ὑπὲρ τῶν πραγμάτων αἰσχύνην εἶναι. ἢ βούλεσθε, εἰπέ μοι, παρμόντες αὐτῶν πυνθάνεσθαι κατὰ τὴν ἀγοράν; λέγεται τι καινόν; γένοιτο γὰρ ἂν τι καινότερον ἢ Μακεδῶν ἀνὴρ Ἀθηναίους καταπολεμῶν καὶ τὰ τῶν Ἑλλήνων διοικῶν; τέθηκε Φίλιππος; οὐ μὰ Δ'; ἀλλ' ἀσθενεῖ; τί δ' ὑμῖν διαφέρει; καὶ γὰρ ἂν οὗτός τι πάθῃ, ταχέως ὑμεῖς ἕτερον Φίλιππον ποιήσετε, ἅνπερ οὕτω προσέχητε τοῖς πράγμασι τὸν νοῦν· οὐδὲ γὰρ οὗτος παρὰ τὴν αὐτοῦ βώμην τοσοῦτον ἐπηύξηται ὅσον παρὰ τὴν ἡμετέραν ἀμέλειαν. *Quandonam, Athenienses, quando tandem id quod oportet facietis? Quid fieri ante debet? — „Postquam per Jovem necessitas exstiterit quaedam.” Nunc vero quae exstiterunt qualia putanda sunt? Ego enim ingenuis hominibus necessitatem agendi maximam puto, rerum gestarum pudorem. Vultisne vos per forum ambulantes sciscitari ab aliis alii: „dic mihi, novi quid accidit?” Accidere vero quid magis novum potest, quam hominem Macedonem Athenienses bello premere ac res administrare Graecorum? „Mortuusne est Philippus?” — „Non est, per Jovem.” — „Aegrotat vero?” Quid autem hujus rei vestra interest? Nam si isti quid acciderit, vos brevi alium Philippum facietis, si quidem sic ut soletis, in res publicas incumbitis ⁽¹⁾. Hunc*

igi-

(1) Dem. Phil. I. 45 A. Cf. Phil. IV. 138 B. C.

igitur locum quis legit, quin videat, quid illud sit quod diximus, dicendum non esse ut scribitur, sed scribendum ut loqui solemus, fateaturque idem, hac arte summā excelluisse omnium maxime Demosthelem, eamque Platoni debuisse praecipue?

Hanc vim *forma* dialogi Platonici in scriptores oratoresque, in principem adeo oratorum omnium, habuit; sed ipsam hīc *veri philosophiam* spectamus, quam Plato formā illā maxime, suo illo ipsique proprio scribendi genere expressit. Infinitum sit demonstrare, quantum ex hoc fonte hauserint, quicumque post eum dialogos scripserunt. Sed hīc juvat iterum, ut rem uno exemplo declaremus, Luciani memorare dialogos mortuorum. Comicum ille simul poētā et philosophum Stoicum egerit, et Aristophanem imitans, ipsum Socratem, virorum sapientissimum, ut sophistam nobis aliquem proposuerit ⁽¹⁾, illud Socraticae non minus, quam Stoicae philosophiae, praesertim vero Platonici dialogis debuit, ut mortuorum hos, quos scripsit, dialogos tanto semper studio legerint philosophi. Hinc enim in illis graves illae de rerum humanarum vanitate sententiae: tum vero placitum ipsum, quod dominatur in illis, in inferis esse aequalitatem omnium hominum, unius virtutis rationem haberi, quis est quem lateat, e Gorgia illud Platonis, quem modo

(1) Lucian. Dial. mort. XX et XXI. p. 417 et 420.

do legimus, ductum esse? In memoriam revoce-
mus dialogum, qui *Χάρωνος καὶ Ἑρμοῦ* inscribi-
tur ⁽¹⁾. Advenerunt mortui tanto numero, ut,
nisi reliquerint in litore superflua omnia, de ipso
navigio, ne immergatur, metuat Charon. Jubet
hic igitur illos *nudos* ingredi ac Mercurio prae-
cipit, ut ne accipiat, nisi qui omni sit onere
vacuus. Facit Mercurius, atque ad scalam nava-
lem adstans, ut primus prodit Menippus, tu,
inquit, quis es? Menippus sum, respondet: ecce
vero pera mihi, Mercuri, baculusque in paludem
abjecta sunt: pallium autem recte feci, qui ne
tulerim quidem mecum. Cui Mercurius: inscen-
de, Menippe, ait, virorum optime, primamque
sedem juxta gubernatorem in alto obtine, ut in-
spicias omnes. Hic alii et perquam a se invicem
diversi, identidem procedunt, Charmolaus conti-
nuo, formosus ille, cujus osculum binis talentis
aestimabatur, tum Lampichus, Geloōrum tyran-
nus, Damasias athleta, Crates, dives ille, arma-
tus item aliquis, qui tropaeum affert. Aegre hi
omnes, quod ipsis in vita insigne fuit, quoque
unice gloriari solebant, deponunt: tyranno vero
maxime molestum accidit, regia insignia abjicere:
quid? inquit, mene decet, Mercuri, nudum in-
gredi, qui tyrannus sum? Cui Mercurius, haud
tu quidem hic, reponit, tyrannus, sed omnino
mortuus es. Ut vero ingressi hi omnes scapham
sunt,

(1) Dial. X. p. 363.

sunt, ac tyrannus quo vix potuit adduci, diadema etiam et purpuram deposuit, ecce! philosophus venit, habitu abscondens vitia gravissima, rixandi lubidinem, vanam gloriam, quaestiones impeditas, nugas et quisquilias, tum numos item aureos, voluptatem, arrogantiam, eamque de se opinionem, quasi melior esset caeteris omnibus. Quae omnia postquam is, jubente Mercurio habitu deposito, patefecit, prohi Jupiter! hic exclamat, quantum iste vanissimarum rerum ostentationem affert! Mitte tu haec omnia, ait: nam si cum istis cunctis conscenderes, vix te quinquaginta remorum navis acciperet. Nolim haec porro persequi: ridiculum negotium barbae praesertim istius est, qua perquam sibi placuerat philosophus: non tondet eam Menippus, sed securi amputat nautica, pro codice usus scala navali. Sed, missis illis, quae pueri jam cognovimus, hac nostra aetate reputemus, quam vim dialogi Platonici in Lucianos habuerint. Comicorum in his agnoscimus sales dotesque admirabiles; sed *philosophiam veri*, ut eam Plato in Gorgia, eo in primis loco, ubi mortuorum judicia enarrat, expressit, quis est qui non simul et agnoscat et revereatur?

Sunt nobis multa etiam de quaestione, quid scribendo spectaverit Plato, deque Platoniorum naturam dialogorum exquirenda: exploranda praecipue est *dialectica* eorum ratio; sed hac de re deinceps. Hic non possumus non literarum aman-

tes

tes etiam atque etiam hortari, ut, quod in his
tentavimus, persequantur porro, ac philosophiae
Platonicae ubertatem sublimitatemque non e Pla-
tone tantum, sed e posterioris etiam aevi scrip-
toribus efficiant atque in lucem producant. Nam
quotus quisque est sive philosophorum sive lite-
ratorum hominum, qui id data opera et pro rei
dignitate perficere aggressus est? Valet autem
idem hoc studium ad ipsos illos scriptores etiam
cum intelligendos rite, tum interpretandos. Ex
quo Ruhkenius, edito Timaeo, hoc stadium
aperuit, patuit deinceps, duce in primis Wytten-
bachio, omnibus, imitatos fuisse *ditionis Platon-*
icae elegantiam, quotquot Alexandrino aeo,
aetate Trajani et Antoninorum, apud Christianos
etiam scribere elegantius conati sunt. Sed hic
non subsistendum, ut ipsi illi dumviri saepius
monuerunt. Non dictio solum, sed *philosophia*
etiam *Platonis*, cum sensibus illis excelsis et
sublimibus conjuncta, dominata deinceps in scrip-
tis sectisque Graecorum est, ut, nisi hac per-
cepta penitus, frustra quis scriptores posterioris
aetatis interpretari studeat. Verissima enim Wyt-
tenbachii sententia est, quoque majores fecerimus
in studio Platonis Platonicaeque philosophiae pro-
gressus, eo lubentius ei assentiemur: *non solum*
per se ipsum fructuosum esse studium Platonis ad
mores, animum, ingenium, orationem, disserendi
elegantiam, interiorum philosophiae et literarum
Graecorum cognitionem; sed vera longe idem fruc-
tuo-

tuerisimum esse ad omnes posteros et Graecos et Latinos scriptores recte intelligendos, quippe per hos omnes et per universum antiquarum doctrinarum orbem longe lateque diffusum. (1)

*Omnis est philosophiae principium
summum amor veri.*

Ad finem perduximus disquisitionem, quam primum postulat philosophia veri, ut *principia* teneremus cognoscendi. Orsi a Socratico, imo divino praecepto γινῶθι σεαυτὸν, in nobismet ipsis ea quaesivimus: et, hercle! undenam haec tandem, nisi ex hoc fonte, repeteremus? Repetimus autem, princeps eorum et summum esse *amorem veri*, nobis naturā insitum: qui qualis sit quamque vim in rebus humanis habeat, ipse nos Plato in disputationibus docuit de nativa cum discendi tum docendi ratione, deque eloquentiā verā et justo scribendi proposito modoque: nos autem efficere item e novo hoc dicendi scribendique genere conati sumus, quod ipse commendavit et secuti sunt posterī. Satisfacere ita Socratis apud eum monito studuimus, quod hujus initio disquisitionis praemisimus: ἀλλὰ δεῖ, ὦ Γλαῦκων, ἐκεῖσε βλέπειν — Ποι; ἢ δ' ὅς — Εἰς τὴν φιλοσοφίαν τῆς ψυχῆς, καὶ ἐννοεῖν ὧν ἄπτεται καὶ οἶον

(1) Wytt. vita Ruhnk. p. 150 Opusc Vol. I. p. 664.

ἐὼς ἐπλεῖται. — Sed illuc, o Glauco, spectare oportet. — Quo tandem? — In ipsam, quae inest animo philosophiam et qualia sint, quorum animus desiderio tenetur ⁽¹⁾. Cujus moniti si nunc quidem lectores vim ac propositum perceperunt, vel hoc uno nos putabimus operae pretium scribendo fecisse. Sophistis reliquimus tam hujus quam veteris aevi, ut externos ante omnia hominis sensus explorarent: nos haud contemnendos illos duximus, sed internos maluimus primū attendere, ut hanc perciperemus continuo, quam Plato vocat, τῆς ψυχῆς φιλοσοφίαν, pateretque nobis, qualia animus appetat. Licoet nobis nondum, quae isti invenerunt explorando, cum nostris inventis comparate: nam in principiis versamur etiamnunc. Verumtamen quid fateri dubitemus, viam nobis nostram, quam inivimus, perquam placere? Nam sic profecto explorare animum nostrum ex ejus studiis appetitibusque naturalibus, ex propriā ipsi philosophiā, quam optima quaeque referunt, quae in lucem emisit, jucundum negotium est: videturque id ante instituendum, quam ad sensus accedamus. Nam quid illi prodesse ad cognoscendum possunt, nisi inest homini, quo per eos, tamquam nuncios, res externas cognoscamus? Νοῦς ὁρᾷ καὶ νοῦς ἀκούει. — Et vero exquirere, quid discere sit, quid docere, quae omnis sit eloquentiae scriptionisque optima

12-

(1) Rep. X. 611. D.

ratio, non iucundum id tantum est, sed durum sit vel hebes ad haec studia necesse est, qui his cum Platone et ex Platone inquirendis, attendendoque in iis *veri amore*, ipse hoc amore non incalescat continuo. Age, persequamur nos porro hanc viam nostram. Tendimus in mundum ~~regnum~~ in quo lucet, una cum ideis omnibus, ipsa veritas; huc autem quo facilius certiusque perveniamus, disciplinas quaeramus, quarum ope maxime ex hac inscitiae errorumque sede in regnum illud veritatis escendamus. Nam huic insitiae nobis philosophiae ut satisfaciamus, ut quod appetimus naturā, assequamur, erigendus animus, imo convertendus totus penitusque est a rebus his incertis et fallacibus ad ea quae vera sunt et immutabilia. Hoc autem ipsum disciplinarum munus est.

INITIA
PHILOSOPHIAE
PLATONICAE.

INITIA
P H I L O S O P H I A E
P L A T O N I C A E.

A U C T O R E
P H I L. G U I L. V A N H E U S D E.

V O L U M I N I S S E C U N D I .
P A R S S E C U N D A .

P H I L O S O P H I A V E R I
D E D I S C I P L I N I S .

TRAJECTI AD RHENUM,
APUD JOANNEM ALTHEER.

1831.

D E

DISCIPLINIS,

QUAE MENTEM EVEHUNT IN MUNDUM
νοητὸν, IN PRIMIS DE DIALECTICA.

τί ἂν οὖν εἴη, ὃ Γλαύκων, μά-
θημα ψυχῆς ἀλλόθεν ἀπὸ τοῦ γιγνο-
μένου ἐπὶ τὸ ὄν;

In disciplinis, quas peperit antiquitus philoso-
phia, nulla est facile, quae ipsi philosophiae et
potuit prodesse magis et magis saepenumero ob-
fuit, quam princeps disciplinarum omnium, dia-
lectica. Ut enim primum haec in lucem prodie-
rat, a Socrate continuo et Platone eo consilio
exculpta est, ut mentem hominis et purgaret fal-
sis opinionibus et ad verum perspicendum prae-
pararet: quod summum est sane ipsius philoso-
phiae munus. Quodsi hinc convertimus oculos
ad ejusdem disciplinae medio aevo conditionem,
aberrasse eam videmus a proposito fine, et vero

A

sic

sic aberrasse, ut repugnaret philosophiae. Nam aberat tantum, ut liberaret hominem falsis opinionibus, ut has contra ratiocinando argumentandoque ac syllogismorum auctoritate probare cerneretur et confirmare. Sed conjuncta haec disciplina omni aevo cum eloquentiae fuit studio, cui sic dedit auctoritatem ad persuadendum, ut vicissim ab illa persuadendi invitamenta et illecebras accipiebat: eloquentiam autem constat tam ad pessima omnia posse, quam ad optima, hominem adducere, nec raro sane illud efficere magis, quam hoc, studuisse.

Est sane haec temporum nostrorum felicitas, ut quae olim celebrari summis laudibus solebat, eloquentiae facultas illa, qua quis inferiorem causam dicendo superiorem efficeret, dialecticaeque artibus, quocumque vellet, audientium animos deduceret, haec contemnatur per universam Europam; gravioribus autem doctrinis tantum absit ut adhibeatur, ut contra ad veritatis amussim opiniones doctorum hominum et inventa exigantur unice. Non audiretur hodie sive philosophus sive orator, qui, ut Romae Carneades, de iustitia disputaret copiose, sed idem disputationem suam postridie contraria disputatione subverteret, et iustitiam, quam pridie laudaverat, tolleret ⁽¹⁾. Pueris relinquendum hoc ludicrum negotium putamus; Platonis vero laudamus sententiam, hoc esse

(1) Lactant. V. 14.

esse in eloquentia summum, ut dicendo homines cum ad veritatem ducat, tum ipsos emendet. Et quamvis vulgus indoctum, ut solet semper, sic etiam nunc inanibus simulacris capiatur: quamvis sint item hodie, qui, ut errare humanum est, ita errores suos, specie ipsi veritatis decepti, omni commendare et tueri eloquentiae arte student: quamvis haud desint his nostris etiam temporibus, qui, ut Gorgias olim et Polus, auram vulgi dicendo scribendoque captare avent: tamen haud facile quisquam reperiatur, qui publice probare sophisticas has artes, easque dialecticae et eloquentiae nomine commendare sustineat. Sed quo majores ita fecisse ad maturitatem suam progressus genus humanum videtur, eo nos dialecticam veram, quaecum conjuncta esse vera eloquentia debet, indagare oportet diligentius: eam dico, quae, ut primum inducta a Socrate est, ita ad praepudicatas deponendas opiniones, verumque in omni causa cum inveniendum solenter, tum naviter propugnandum pertinet, uniceque valere ad philosophiae tuendum decus, tum vero etiam ad provehendam per philosophiam humani generis salutem et felicitatem et potest et debet. Quam si quaerimus, Plato nobis, hoc item proposito, legendus maxime diligenterque explicandus videtur. Is enim, ut artem invenit scriptisque suis celebravit, quae, ut supra nos vidimus ⁽¹⁾, una maxime pulchri amorem

(1) Vol. I. p. 174.

tem in puerorum animis suscitaret, *coelestem musicam*, artium principem, cujusque ipse studio ductus, ut nobis modo patuit ⁽¹⁾, novum dicendi scribendique genus induxit: sic *dialecticam* a Socrate acceptam eum in modum cum informavit, tum ad veritatis amorem in puerorum animis alendum adhibuit, ut nova videretur plane, certe ad nullas non provehendas doctrinas, ipsam illustrandam tuendamque philosophiam, una esset omnium efficacissima. Et vero hac idem disciplinā, ut caeteris item gravioribus, sed hac tamen potissimum, illud efficiendum censuit et quomodo efficeretur demonstravit, ut animus ab his umbris falsisque veri speciebus, quibus delectari vulgus hominum videmus, averteretur, totusque ad ipsum verum contemplandum rebusque hominum adhibendum converteretur, omninoque e mundo hoc spectabili in eum, qui solā mente et cogitatione percipitur, *νοητὸν* vocabat, educeretur.

Ut hunc omnis philosophiae finem assequeremur aliquando, versati diu in principiis sumus, quo *veri amorem*, principiorum omnium ad veritatem indagandam longe princeps et efficacissimum, exploraremus diligentius. Consecuti autem inde, opinor, et hoc sumus, ut, quae nobis nunc continuo exponenda sunt sive officia sive adminicula sive *media*, quae vulgo dici solent, ad finem illum attingendum, i. e. disciplinae majores imprimisque illa,

(1) Vol. II. P. I. p. 148.

illa, quam laudavimus, dialectica, has simus longe facilius exploraturi. Haud facile enim, quomodo hae valere ad verum cognoscendum debeant, assequeremur, nisi de propria nobis cognoscendi facultate constaret: nos autem et nosmet ipsos et veri amorem, quo naturā ducimur, explorantes, sensum internum, animi oculum, quem Plato vocavit, qualis sit, quid efficere ad verum cognoscendum debeat, quodammodo jam exploravimus. Tum vero frustra deinceps de dicendi scribendique arte, quae sine dialectica nulla est, agere institueremus, nisi quo studio, quo proposito, quem in finem hae nobis artes excolendae sint, investigassemus. Quid? quod *μαλειυτικὴν* Socraticam, quae sine dialectica adhiberi hominum ingeniis animisque non potest, ipsiusque est dialecticae pars quaedam, jam datā operā explicare et hinc ducere veram eloquentiam omnemque docendi rationem quae justa sit, conati sumus? Haud ita difficile igitur nobis iter erit, quod nunc deinceps instituemus, nec vero tum etiam, ubi ad ipsum jam finem sumus perventuri, tam erit illud asperum aut arduum, quam vulgo putatur. Nam aequabilis est, ut ab initio diximus et satis jam nobis patet, philosophiae Platonicae progressio. Non extemplo nos Plato, quae aliorum est, recentiorum in primis philosophorum consuetudo, in metaphysicae nescio quem labyrinthum ducit, unde qua nos possimus ratione expedire, non reperiamus: non ille nos continuo per hanc scilicet
me-

metaphysicam in altos nubium tractus evehit, ubi nos suspensi et quasi *ἀετέων* firma cognoscendi principia habemus nulla, sed vagamur tenebre. Lente ille quidem, sed firmo gradu constanterque procedit, et nos profecto, postquam semel per disciplinarum disquisitionem, cum aliarum, tum praesertim dialecticae, in mundum *νοῦρον*, ad ipsas ideas pervenerimus, erit nobis haec sive dialectica sive metaphysica sive quocumque tandem nomine haec disciplina vocanda sit, non labyrinthus, in quo coecorum instar oberremus, sed quasi specula erit quaedam, unde prospiciens in omnes partes philosophus

*Hinc hominum errores longe lateque per orbem
Despicere, atque humiles possit contemnere curas.*

Sed vana est omnis de disciplinis disquisitio, nisi illos consideraverimus item, quibus eas tradituri sumus, eorumque indolem atque ingenium perspexerimus. Hac item in re Plato non, quod postea factum, abstracte, ut vocatur, philosophatus est, sed hominis praecipue humanaeque naturae rationem habuit. Patuit id nobis in superioribus, quum de musica et gymnastica ageremus. Custodibus civitatis has artes adhibuit, ut excolerentur rite atque ad fortitudinem simul atque humanitatem adducerentur. Quod fecit illo in opere, quo perfectam reipublicae conditionem adumbravit. Similiter nos hoc loco de disciplinis disquisituri, non eas solas, ipsas per se tantum consi-
de-

derabimus, sed una spectabimus custodum illorum optimos, qui regere aliquando civitatem illam debunt. Illum secuti duem nostrum, ex eodem opere palmario, ex iisdem illis suavissimis Socratis cum Glaucone et Adimanto sermonibus, futuros hos civitatis perfectae gubernatores, quales esse debeant, et quomodo per disciplinas gravissimas ad tantas res suscipiendas agendasque erudiendi provehendique sint, declarare studebimus. In qua gravissimarum rerum disquisitione, priusquam ad ipsam dialecticam perveniamus, continuo nobis, *quo valeant, quid efficer e maxime disciplinae debeant*, explorandum erit: tum tria considerabimus hand sane levia: primum, quod disciplinas spectat, *num sit earum commune quoddam, quo naturae conjunguntur, vinculum*: quo perspecto facilior nobis erit generosorum juvenum, quibus tradendae erunt, institutio: deinde, quod juvenes hos ipsos attinet, *quidnam proprie dicendi philosophi sint*: id enim tenendum, ut ad illud eos adducamus, quod in philosophia summum est: tandem, quo et disciplinas et juvenum studia complectemur, *quibus hi disciplinis erudiendi praecipue sint, ut et adsequantur veritatis scientiam, et, adsecuti, conferre illam deinceps in republicae salutem possint*.

*Quo valent maxime,
quid efficere disciplinae debent?*

Ut igitur disciplinarum vim ad aperiendam veritatem

ritatem percipiamus penitus, praesens haec animi nostri conditio rite est ex iis, quae jam dicta sunt, efficienda. Expressit eam Plato aptissime, quum ejusmodi esse diceret, ut somniantium nos instar, videre nobis videamur, quae non sunt; quae vero sunt, non videamus. ⁽¹⁾ Nam postquam hoc corpus induimus, non licuit nobis τὰ ὄντα, *ea quae sunt*, i. e. ideas ipso animo intueri, corporis uti sensibus coacti sumus, quibus idearum in his terris non nisi simulacra quaedam et obscura illa et fallacia contemplaremur. Hinc fit, ut opinemur, non sciamus: videamur cognoscere, non cognoscamus: fluctuemus omnino incerti inter inscitiam et scientiam. Est enim *opinionis* haec natura, ut non sit inscitia: opinantes enim videntur scire: nec scientia sit etiam: qui scit, opinari se non facile dixerit; sed sit inter inscitiam et scientiam intermedium quid: id autem et somniorum et praesentis item vitae nostrae plane est proprium. Crebri sunt hominum sermones de rebus pulcris, bonis, justis, in quibus discedunt fere a se invicem in diversas, subinde in contrarias partes. Quod placet aliis et pulcrum dicitur, id aliis displicet ut turpe: quod celebrant nonnulli ut bonum civitati et perquam utile, id ab aliis ut malum vituperatur et noxium civitati: quae caussae aliis videntur iudicibus justae uniceque vindicandae, ab aliis injustae judicantur et

poe-

(1) Rep. V. 476 G.

poenis dignae. Judicant igitur de his omnibus homines opinionibus suspensi, non scientiam adsecuti, judicant, ut qui somniant dormientes, imo vero hi *vigiles* somniant, ὑπὸν δνειπῶντας: nec magis vigiliae suae, quam somni ad sapientiam fructum capiunt. Scilicet simulacra sectantur, non res: pulcra, non pulcrum ipsum: bona, justa, sancta, non ipsum bonum, ipsum justum, ipsum sanctum: non quaerunt veritatem in his omnibus, sed speciem, non τὸ αὐτὸ καὶ αὐτὸ ὅντως ἐν, quod ipsum per se reapse est pulcrum, bonum, justum, sanctum, sed quod id esse videtur. Illud si spectarent ac possent adsequi, sic demum expergiscerentur e somno, quo jacent sepulti, cessarent opinari, scire inciperent, et omnium esset controversiarum istarum, ad summam humani generis felicitatem, finis impositus. Sed somniantes hoc item habent: quod simile est alicui rei, non simile, sed ipsum esse censent illud, cui est simile. Id autem nobis in hac conditione nostra gravissimum est malum. Simulacra illa, quae nunc sola percipimus sensibus, non simulacra esse, sed res ipsas, opinamur: sunt autem illa, ut monuimus, fallacia magnam partem, cuncta vero, si quidem cum veritatis luce et splendore conferuntur, perquam obscura. Ergo bona persequi, quae bona videntur, sed *sunt* mala, justa propugnare, quae *justi* habent speciem, sed *sunt* injusta, vera asseverare, quae habentur vera, sed *sunt* falsa, simulacra

om-

omnino sectari fallacia, iisque sectandis non bonas horas, sed totam vitam impendere, haec est hominis, praesente hoc statu, misera sane conditio.

Ut autem ex hoc quasi somno expergiscantur mortales, adhibendae ipsorum menti disciplinae sunt. Nam valent hae potissimum, ut ne videamus nobis videre, quae *non sunt*: perficere adeo hoc debent, ut quae *sunt*, sed latent hominum vulgus, quod opinionibus ducitur, haec videamus interiusque nitamur cognoscere. Scilicet ad internum sensum nostrum, externis illis longe potiore, naturam pertinent, quo quidem per eas et purgato rite et aperto, et vero ad res ipsas, ad ipsam veritatem converso, tum demum quis destinet somnare, ὕπνα ζῆν, vigilare vereque vivere incipit. Id Plato efficiendum disciplinarum opem censuit; sed quales sunt illae? quae mutua earum ratio est? estne, quo naturam coniunguntur, vinculum commune? Haec ut recte exploremus, de indole philosopha, quam vocat Plato, praemittere nonnihil juvat. Inde enim maxime ad tria illa explicanda, quae modo memoravimus, ducendum exordium est.

De indole philosopha.

Audiamus Platonem continuo, sive Socratem potius, quem Plato fecit in Politia cum Glaucone et Adimanto de sublimi argumento disserentem. Hoc, ait, continuo manifestum est, eligendos

dos nobis e custodibus esse, qui prae caeteris
sint optime musicâ et gymnasticâ exculti: sed quae-
rendi praecipue sunt, qui naturâ videantur philo-
sophi; hi autem quales sint, quaeque vero no-
mine dicatur φύσις φιλόσοφος, *natura philosopha*,
id scilicet, Adimante, non ita est manifestum,
atque, ut suam philosophiae vindicemus in ci-
vitate auctoritatem, si quid aliud, hoc nobis
patere debet. Sed age, in memoriam tibi revo-
cabo, vel ipse potius recordare, si quem di-
cimus aliquid amare, hunc nobis videri oportere
non partim illud amare, partim non, sed totum
amore complecti. Cui Glauco, sane, respondet,
o Socrates, in memoriam id mihi revocandum: nam
ego, fateor, non reminiscor. Tum Socrates,
alium, inquit, dicere decebat quae dixisti; virum
vero amoris haud expertem non decet non remi-
nisci, τὸν φιλόπαιδα καὶ ἐρωτικὸν ab omnibus, quot-
quot in ipso sunt aetatis flore, moveri quodam-
modo et stimulari, viderique huic illos observan-
tiâ et amore dignos. Nonne ita vos erga for-
mosos agitis? Alius, quod simus est, *gratiae ple-
nus* dicitur et hoc celebratur nomine: alium, cui
aquilinus nasus est, *regium* appellatis: si quis au-
tem inter hos medius est, *concinnum* esse dicitis.
Nigros *viriles* vocatis *specie*, candidos, *Deorum
filios*; μελιχλωροὶ vero qui appellantur, a quo tan-
dem fictum hoc nomen putas, nisi ab amatore,
qui facile ferret blandiendoque sic appellaret ama-
sii pallorem? Verbo, nullas non captatis occasiun-
cu-

culas et nihil non dicitis, quo neminem omnino florentis aetatis adolescentem rejiciatis. ⁽¹⁾ Quae nobis Socratis dicta eo placebunt magis, quo ea magis nostris moribus, nostro amorī accommodaverimus. Juvat Lucretii locum apponere, apud quem similiter haec puellis tribuuntur :

Multimodis igitur pravas turpesque videmus

Esse in deliciis, summoque in honore vigere. —

Nigra, μελίχροος est : immunda et foetida, ἄκοσμος :

Caesia, παλλάδιον : nervosa et lignea, δορκάς :

Parvola, πumilio, χαρίτων ἴα, tota merum sal :

Magna atque immanis, κατάπληξις plenaque honoris :

Balba, loqui non quit, τραυλίζει : muta pudens est :

At flagrans, odiosa, loquacula, λαμπάδιον fit :

Ἰσχυὸν ἐρωμένιον tum fit, cum vivere non quit

Prae macie : βαδινὴ vero est, jam mortua tussi :

At gemina et mammosa, Ceres est ipsa ab Jaccho :

Simula, σιληνὴ, ac satyra est : labiosa, Φίλημα.

Caetera de genere hoc, longum est, si dicere coner ⁽²⁾

Ducta haec sunt e Platonis fonte ; sed non est iocus Platonis, quem erotici apud veteres et recentiores poëtae lubentius exprimere imitando studuerunt. Nota Molieri imitatio est, quamquam hic proprie Lucretium, quem fere totum vertisse dicitur, secutus est. ⁽³⁾ Ovidius inde non semel profecit, veluti in *Arte amandi* :

No-

(1) Rep. V. 474. C. (2) Lucret. IV. 1148. (3) Misanthrope Act. II. Sc. 2. ubi V. Auger.

*Nominibus mollire licet mala : fusca vocatur ,
 Nigrior Illyricâ cui pice sanguis erit :
 Si pacta est , Veneri similis ; si flava , Minervae.
 Sit gracilis , macie quae male viva sud est.
 Dic habilem quaecumque brevis : quae turgida ,
 plenam :
 Et lateat vitium proximitate boni. ⁽¹⁾*

Et in Remedio amoris :

*Et mala sunt vicina bonis : errore sub illo
 Pro vitio virtus crimina saepe tulit.
 Quam potes , in pejus dotes deflecte puellae :
 Judiciumque brevi limite falle tuum.
 Turgida , si plena est : si fusca est , nigra vocetur.
 In gracili macies crimen habere potest.
 Et poterit dici petulans , quae rustica non est :
 Et poterit dici rustica , si qua proba est.
 Quin etiam , quacumque caret tua foemina dote ,
 Hanc moveat , blandis usque precare sonis.
 Exige quod cantet , si qua est sine voce puella :
 Fac saltet , nescit si qua movere manum.
 Barbara sermone est : fac tecum multa loquatur :
 Non didicit chordas tangere : posce lyram.
 Durius incedit : face inambulet : omne papillae
 Pectus habent tumidae : fascia nulla tegat.
 Si male dentata est ; narra , quod rideat , illi ,
 Mollibus est oculis , quod fleat illa , refer. ⁽²⁾*

Se-

(1) Ovid. Art. Am. II. vs. 657. (2) Ovid. Remed. am.
 vs. 323.

Serio magis Horatius :

*Illud praevertamur , amaterem quod amicae
Turpia decipiunt caecum vitia , aut etiam ipsa haec
Delectant ; veluti Balbinum polypus Hagnae.
Vellem in amicitia sic erraremus , et ista
Errori nomen virtus posuisset honestum.
At pater ut gnati , sic nos debemus , amici
Si quod sit vitium , non fastidire ; strabonem
Appellat Paetum pater ; et Pullum , male parvus
Si cui filius est , ut abortivus fuit oltus
Sisyphus : hunc Varum , distortis cruribus ; illum
Balbutit Seaurum , pravis fulium male talis. ⁽¹⁾*

Sed quidni Molieri etiam , quamvis recentioris
poëtae , locum adjiciamus ? Antiquitate , unde sum-
tus est , dignus videtur :

*L'amour , pour l'ordinaire , est peu fait à ces lois ,
Et l'on voit les amans vanter toujours leur choix.
Jamais leur passion n'y voit rien de blâmable ,
Et , dans l'objet aimé , tout leur devient aimable :
Ils comptent les défauts pour des perfections ,
Et savent y donner de favorables noms.
La pâle est aux jasmains en blancheur comparable ;
La noire à faire peur , une brune adorable ;
La maigre a de la taille et de la liberté ;
La grasse est , dans son port , pleine de majesté ;
La malpropre sur soi , de peu d'attraits chargée ,
Est*

(1) HORAT. Serm. I. 3. 38. Et haec et alia veterum lo-
ca citarunt Ast. ad Plat. de Rep. p. 529 et Auger ad Mo-
lier. Vol. V. p. 172.

*Est mise sous le nom de beauté négligée;
 La géante paroît une déesse aux yeux;
 La quaine, un abrégé des merveilles des dieux:
 L'orgueilleuse a le cœur digne d'une couronne;
 La fourbe a de l'esprit; la sottise est toute bonne;
 La trop grande parieuse est d'agréable humeur;
 Et la muette garde une honnête pudeur.
 C'est ainsi qu'un amant, dans l'ardeur est extrême,
 Aime jusqu'aux défauts des personnes qu'il aime⁽¹⁾*

Adscripsimus haec loca, non quo ornatum disputationi a poëtis peteremus, sed ipsius Platonis causa, quo magis propria ejus et singularis plane philosophandi ratio appareret. Poëtae in his usurpandis, ut vidimus, sua quique proposita maximeque diversa respexerunt, et alia omnia magis, quam veri philosophiam attenderunt. Plato vero illa ad cognoscendi amorem doctrinarumque studium, quo flagrat indoles philosopha, adhibuit; quo patet nobis denuo, quam supra explicuimus, ⁽²⁾ amoris apud eum cum philosophia necessitudo. Verissima autem sunt aptissimeque nobis demonstrant, hoc item cum amantibus discendi cupidos, quique naturâ philosophi sunt, commune habere, ut quidquid est studiis ipsorum naturalibus conveniens, qualecumque sit illud tandem, modo expleat discendi desiderium, ament illud omne et colant. Unde patere arbitramur diversissimarum doctrinarum com-

(1) *Molier. l. I.* (2) *Vol. I. p. 152. 155.*

commune principium: et vero hinc forte jam suspicetur aliquis, quale sit illud undeque profectum, quod Cicero praedicavit disertissime, *artiam omnium et doctrinarum commune vinculum*. Quo sane placito vix ullum exstitit in philosophia, quod germanos philosophos magis jucundiusque teneret. Nos vero ne festinemus! Lente progreditur Socrates, quaeque jam spe et exspectatione praecepimus, suo nobis loco sive monstrabit sive divinanda praebebit. Nunc monstrat alia, unde ad rem praesentem, ad indolem cognoscendam philosopham, conjecturam capere liceat. Vini memorat avidos, avidos etiam honoris. Illos, ait, nonne idem facere vides, quod amatores? nullum non vinum nulla non ratione et commendatione diligunt et laudant. — Sic faciunt. — Et vero qui honoris sunt cupidi et ambitiosi, hos, arbitror, novisti, si ducere exercitus non possunt, tribunos esse lubenter, eosdemque, si apud majores nobilioresque nullo sunt honore, contentos esse tamen, ubi a minoribus et ignobilioribus honorantur: quippe omnino honoris cupidos. — Ita plane se res habet. — Hoc igitur, o Glauco, vel affirmandum est nobis, vel tu, si potes, nega, qui expetunt aliquid vehementer, non partim hoc illos persequi, partim contemnere, sed totum diligere. — Totum illud, ajo, diligunt. — Ergo φιλόσοφον dicemus σοφίας esse amatorem, non peculiaris cujusdam, sed omnis omnino. — Omnis, fateor. — Eum igitur, qui

qui aegre ad disciplinas procedit, juvenili praesertim aetate, necdum ratione discernens, quid utile sit quid non, nec studiosum esse dicimus nec φιλόσοφον: quemadmodum illum, qui fastidit epulas, neque esurire dicimus neque epulas concupiscere, non φιλόσιτον esse, sed κακόσιτον. Τὸν δὲ δὴ εὐχερῶς ἐθέλοντα παντὶς μαθήματος γεύεσθαι καὶ ἀσμενῶς ἐπὶ τὸ μυθᾶναι ἰόντα καὶ ἀπλήτως ἔχοντα, τοῦτον δ' ἐν δίκῃ φήσομεν φιλόσοφον. *Qui vero facile ac sponte nullam non disciplinam degustare cupit et placide ad discendum procedit nec satiari discendo potest, hunc demum jure philosophum dicemus.* ⁽¹⁾

Memorarunt hanc sententiam Platonis quam plurimi veterum, nec poëtae inde tantum, quos diximus, sed philosophi etiam profecerunt; pauci vero omni aetate fuerunt, qui idem illud placitum ad liberaliter instituendos juvenes, nedum ad naturalem demonstrandam artium conjunctionem cognitionemque adhiberent. Fecit autem Cicero, atque ita fecit, ut suâ ipse sponte in Platonis vestigiis procedere videretur. Fingens ille similiter, ut Plato philosophos, ita ipse oratores perfectos, pariter in iis et hunc ardorem amoris et nullius non artis doctrinaeque studium postulabat. Nec mirum. Quod ab aliis exigebat, ipse praestabat, quippe ipse naturâ hoc erat ingenio, ut, quidquid in artibus pulcrum esset et praeclarum, prorsus
ut

(1) Rep. V. 475 C.

ut Plato vult, susciperet avide. Quod Plutarchum, optimum illum sane ingeniorum exploratorem et judicem, non latuit, qui in naturam adeo Ciceronis Platonicum placitum accommodat. Fuit ille, ait, ὥσπερ ὁ Πλάτων ἀξιοῖ τὴν φιλομαθῆ καὶ φιλοσοφὸν φύσιν, οἷος ἀσπάζεσθαι πᾶν μάθημα, καὶ μηδὲν λόγου μὴδε παιδείας ἀτιμάζειν εἶδος fuit, *qualis esse Plato vult studiosam et philosopham indolem, ad omnes natus disciplinas complectendas, nec ul- lum contemnens sive doctrinae sive eruditionis ge- nus* ⁽¹⁾. Nos vero quo diligentius Ciceronis studia totamque vitam persequimur, eo interius nobis videmur Platonicae sententiae vim assequi. Quamobrem de hoc paulisper excurrere, si non perfecto philosopho, principe certe Romanorum et philosopho et oratore, non abs re sit hoc loco. Et vero scriptis ipse suis idem Cicero, si quis alius sive antiqui sive recentioris aevi Platonis in erpres, et hoc et cognata placita elegantissime diligentissimeque explicuit: quod nos profecto in primis decet attendere.

Sit igitur ita, ut omnes fatentur: haud fuerit Cicero ea ad philosophandum indole, qua Plato, qua Aristoteles, qua praecipue Socrates fuit, nec possit cum hisce, quod merita in philosophiam attinet, comparari, qui omnino incomparabiles sunt; est tamen quod dubitemus, an ullus fuerit apud antiquos, non dico orator, sed ne philo-

(1) Plut. vita Cic. c. 2.

losophus quidem, qui *philosophandi ardorem*, qui *insatiabile* illud, quod Plato vocat, *discendi studium* et vita et scriptis prodiderit magis. Non tantum a puero nullis non doctrinis, quae ad humanitatem pertinent, operam navavit, a poësi orsus, ut Plato et maximi quique viri; sed, quamvis Romanus, quamvis causis dicendis, magistratibus obeundis rebusque gerendis destinatus, quamvis etiam civium suorum studiis, aversis a philosophia, retentus Romae, nullam praetermisit per vitam totam opportunitatem, qua excurrerët in Graeciam et quicquid illic in scholia philosophorum germanae philosophiae superesset, cupide animo exhauriret. Nec vero hoc insitum discendi studium praesentis aetatis philosophis audiendis legendisque explebat, ut ipsius fere aequales solebant: antiquos anquirebat, Platonem, Aristotelem priscosque Academicos et Peripateticos, quibus unice legendis meditandisque et Socratica degustanda philosophia, totum explere animum liceret. Itaque sive ille Athenis sive etiam Romae degeret, nullum appetebat voluptatum genus ardentius, quam quod studiis literarum et philosophiae commendaretur: Athenis autem, ut ipse haud obscure in dialogis significavit, illos lubentissime locos repetebat, in quibus fuerant antiqui illi versati olim, Academiam praecipue, ubi *hortuli illi ipsum ei Platonem quasi in conspectu ponebant* ⁽¹⁾.

Dixi-

(1) Cic. de Finibus L. I. c. 1. ubi id Pisoni tribuit.

Diximus paullo ante, principatum eum apud Romanos in eloquentia, uti apud Graecos Demosthenem, philosophiae in primis studiis debuisse. Sed hoc omnium artium, quae ad humanitatem pertinent, insatiabili ardore, non quidem superasse in eloquentia Demosthenem, sed ab eo se distinxisse videtur. Nam factum ita est, ut, prouti princeps Atticorum oratorum Socraticam rationem dicendo expresserat, ita Cicero optimos quosque antiquitatis philosophos, quique post Platonem fuerant, animo complexus, universam philosophiam in eloquentiam conferret; Platonem autem non dicendo tantum sed scribendis etiam libris exprimeret. Vix erat nobilis in Graecorum philosophia locus, quin eam e clarissimorum philosophorum placitis diligenter docteque et vero diserte explicaret: quod libri testantur, quos multos et varios de philosophia scripsit, quibusque, ipsius commendandae philosophiae causa, Hortensium praemisit ⁽¹⁾. Quodsi, quam Plutarchus in eo animadvertit, indolem philosopham, velimus totam perspicere, illi nobis oratoris legendi sunt libri, quos non senescens, ut illos, sed vigente aetate, quos eo tempore, quo *ipsum reipublicae gubernaculum tenebat* ⁽²⁾, de Republica, de Legibus, praesertim de Oratore scripsit. Expressa est in iis philosophia, non scholam redolens aut sectam aliquam philosophorum, sed Aristotelis

re-

(1) De Finib. I. 1. (2) Cic. de Divin. II. c. 1.

referens et Platonis ingenium, quod plane in illis spirare videtur. Hos qui legit, legendoque non res tantum, ut vulgo fit, sed formam, sed dialogi rationem, sed vim dicendi, sed philosophiam omnino, quae et ducta ex homine est et ad vitam hominis accommodata tota, haec igitur una cum rebus attendit diligenter, nae is judicare de Ciceronis ingenio poterit. Defuit ei, fateor, quae admirabilis in Demosthene fuerat, dicendi *δεινότης*; illa certe defuit singularis plane et Socratica simplicitas ac popularitas, cum copia et gravitate conjuncta, quae capit hominum animos candoris opinione, et aperit eos totos ad nullos non sensus intime suscipiendos: unde incredibilis exstitit, ut diximus, Demosthencae orationis persuasio et ad commovendam Graeciam efficacitas. Sed scribere de eloquentia, ut Cicero fecit in libris *de Oratore*, in *Oratore*, in *Bruto*, e naturâ philosophiae ducere eloquentiam et hinc informare scribendo perfectum omnique numero absolutum oratorem: hoc Ciceroni agendum reliquit Demosthenes, ipse non fecit ⁽¹⁾. Profecerit hic e Socraticâ disciplinâ et lectione Platonis multum ad commovendos non solum, sed et emendandos cives optimarumque rerum studio inflammandos, hoc non profecit inde, quod Cicero adsecutus est, ut fingeret rem-

pu-

(1) Plut. in comp. Dem. et Cic. c. 1. Δημοσθένης μὲν εἰς τὸ ἱστορικὸν ἐνέτεινε πᾶν ὅσον εἶχεν ἐκ φύσεως ἢ ἀσκήσεως λόγιον. — Κικέρων δὲ καὶ πολυμαθὴς κ. τ. λ.

publicam perfectam, sive fictam a Platone civibus suis suaeque reipublicae accommodaret. Illud *oratoris* est: et habuit Demosthenes tantam ad forensam eloquentiam indolem, quantam oratorum, qui unquam fuerunt, facile nemo: hoc vero est *philosophi*. Tantum autem abfuit, ut hoc studium philosophiae Cicero legendis scribendisque libris privatisque sermonibus expleret, ut, quam primum hoc ipsi bonâ cum civium gratiâ liceret, in forum, certe ad tribunal, produxerit philosophiam. Nam priusquam hos scripserat libros, cum floreret ingenio maxime et pectus haberet Platonis refertum, dixit ad iudices pro Archiâ poëtâ: qua oratione ut nihil unquam peperit forensis eloquentia limatius, elegantius, ipsam urbanitatem Atticam spirans magis, ita nullum exstat Ciceronis scriptum, quo et prodiderit magis indolem suam ad philosophiam, et philosophiae Platonicae vim, ubertatem, cum omni humanitate conjunctionem, expresserit plenius. Legimus nos hanc orationem a tenerâ aetate et edidicimus ferme, et sic sunt sententiae, quibus abundat, pervulgatae, ut vix eas soleamus attendere. Quodsi quis recens a Platonis, a Phaedri praecipue dialogi lectione, subito in illam incidêrit, legeritque eam, non ut tritam puerili institutione declamationem, sed ut *orationem*, ut eam Ciceronis orationem, qua primum ille, quae tamdiu continuerat animo aegerrimeque compresserat, publice profunderet tandem, mirer equidem, si is Phaedrum non

non agnoverit identidem in sententiis cum de divino poetarum furore, tum de doctrina et natura, illam sine hac valere parum: ⁽¹⁾ quibus recte comparantur vulgo Horatiana:

Doctrina sed vim promoyet insitam. ⁽²⁾

Et

*Natura fieret laudabile carmen, an arte,
Quaesitum est: ego nec studium sine divite vena,
Nec rude quid prosit video ingentium.* ⁽³⁾

Nec vero ipse Horatius a studiis Platonis et Socraticorum alienus erat. Hausit hinc idem et alii hauriendum putavit:

*Scribendi recte, sapere est et principium et fons:
Rem tibi Socraticae poterunt ostendere chartae.* ⁽⁴⁾

Sed in Ciceronis oratione, ubi de laudis gloriaeque studio, de literarum amore, de vi horum studiorum ad vitae suavitatem felicitatemque agit, quis est, qui haec legens non ipsius Phaedri, alacerrimi juvenis, in literarum studia ardorem agnoscit, non eodem videt oratorem ardere? Quid de Symposio dicam, quo in primis Plato immortalitatis spem, quae his studiis alitur, expressit? Nonne refert plane divinum sermonem illum haec Ciceronis sententia? *Si nihil animus praesentiret in posterum, et, si quibus regionibus vitae spatium circumscriptum est, iisdem omnes cogita-*
tio-

(1) Cic. pro Archia c. 8. Cf. Phaedr. 354. C. (2) Horat. Carm. IV. 4. 33. (3) Id. Ep. ad Pison. vs. 408. (4) Id. eod. vs. 309.

tiōnes terminaret suas; nec tantis se laboribus frangeret, neque tot curis vigiliisque angeretur, neque toties de vitâ ipsâ dimicaret. Nunc instat quaedam in optimo quoque virtus, quae noctes et dies animam gloriae stimulis concitat, atque admonet, non cum vitae tempore esse dimittendam commemorationem nominis nostri, sed cum omni posteritate adaequandam. ⁽¹⁾ Non dico, mutuatum haec esse a Platone Ciceronem, ut Rhetores solent, quo scilicet ornaret orationem suam; sed a puero ille captus Platonis amore, sic autem captus, ut, prouti Phaedrus Lysiam, ita ipse Platonem omnibus, qui umquam dixerant scripserantve, anteponeret, deumque philosophorum vocaret: sponte is in hujus secogitandi scribendique rationem sic insinuaverat, ut colorem inde inscius in omni descriptione duceret: qui sane Platonis amantem tum advertit maxime, ubi minime imitari Cicero Platonem videtur. Itaque cum in hac de literis humanitatisque disciplina oratione Platonem expressit suum, tum libris de eloquentia scriptis dialogi usurpavit formam, quippe quae tantopere ipsi in Platone placuerat, tum vero et in primis his, quos scripsit, dialogis et in iis qui hos consecuti sunt, Phaedrus ipsi dialogus praecipue ob mentem versatus esse videtur: unde illa continuo: *cur non imitamur, Crasse, Socratem illum, qui est in Phaedro Platonis?* ⁽²⁾ et *nullum hoc frigidius flu-*

(1) Cic. pro Archia c. 11. (2) De Orat. l. 7.

flumen attingi: ⁽¹⁾ Fibrenum significat, quem cum Nisso confert: tum vero *quercus* illa, quae nobis platanum refert plane patulis diffusam ramis, quam non tam ipsâ aquilâ, quam Platonis oratione crevisse censebat. ⁽²⁾ Attingimus haec supra; ⁽³⁾ sed iterum videntur eadem et saepius commemoranda, ut et intelligamus Ciceronem et cum doctrinae fructu legamus, et proficiamus item ab eodem ad interpretandum Platonem. Nam non est philosophi interpres probabilis, nisi cui sit cum eo ingenii quasi cognatio quaedam, ut ipse similiter naturâ et sentiat et judicet et sic ejus mentem totamque philosophiam perspiciat. Sed sive quis in palmariis illis Ciceronis scriptis agnoverit Platonis genium, sive ea cum caeteris ejus scriptis confuderit, id omnes fateantur necesse est, nullam Ciceronis sententiam et magis fuisse omni aevo celebratam et indolem auctoris philosopham declarare evidentius, quam quae est in eadem illâ pro Archia oratione, in ipso exordio, ab oratore pronunciata: *habere artes, quae ad humanitatem pertinent, commune quoddam vinculum et quasi cognatione quadam inter se contineri*. Et sic quidem jam eo venimus sponte, quo modo nos meminî festinantius procedere. Est autem haec sententia si non enunciata a Platone, ut enunciavit eam his verbis Cicero, sic tamen ducta ex ejus philosophia, ut plane habenda Platon-

(1) Legg. II. 3. (2) De Orat. I. I. (3) Vol. I. p. 157.

tonica videatur. ⁽¹⁾ Verum, quo magis ejusdem placiti in philosophiâ pateat auctoritas, quoque nos quod suscepimus, ut doctrinis ad civitatem regendam informaremus juvenes, perficiamus facilius, paullo juvat uberius de gravissimo argumento inquirere.

De communi artium et doctrinarum vinculo et quasi cognatione.

Artes et doctrinae quo diligentius cultae sunt, eo plures identidem exstiterunt, quippe aliae ex aliis natae, eoque sunt magis a se invicem distinctae separataeque, ut tandem, quae esset earum mutua conjunctio, lateret plane, quaereretur adeo, num esset, quo containerentur, vinculum. Quamobrem ubi scriptores legimus, qui eas subinde commemorarunt, vel homines etiam de iis loquentes audimus, apparere eorum plerisque videntur ut viae quaedam, quarum aliae sint aliis remotiores, propiores aliae, nonnullae contiguae; sed omnes diversae, quippe e suo singulae longeque diverso principio ductae. Et sane si et institutionem juvenum et hominum vitam consideramus, suam quis-

(1) Praeierunt Ciceroni forte Graeci post Platonem philosophi; sed latent nos fontes illi seu rivuli potius propiores: quos utinam quis nobis monstraret, ut monstravit Wytenbachius de nobili Ciceronis sententia agens: *haec studia adolescentiam alunt*. — V. Netscher disp. de Cic. orat. pro Archia. Lugd. Bat. 1808. Et Wytenb. Philom. Vol. I. p. 199.

quisque in doctrinis tractandis viam init et persequitur: videantur adeo doctrinarum studiosi in suam quisque quasi tabernam tendere, ubi et vitam transigant et rebus studeant familiaribus et fructum laboris sui hominum societati impertiant: discreti omnes a se invicem, quamquam non ita alieni, quin identidem sibi mutuo opem praestent. Sed quamvis in hac artium doctrinarumque diversitate verum lateat conjunctionis vinculum, conati sunt tamen subinde philosophi, tam apud veteres, quam apud recentiores, qualicumque eas modo invicem conjungere. Celebrata est Macedonico aevo *ἡ γυμνασιαστική*. Uti enim antiqui fabulas vetustas in *κυκλούς* disposuerant, ita nunc placebat, hoc omnium artium doctrinarumque orbe, partibus dispositis omnem continere hominis scientiam, ⁽¹⁾ unam tamen exceptam philosophiam, quae honoratiore esse loco ponenda videbatur nec cum caeteris confundenda. ⁽²⁾ Sed ut erat haec distributio disciplinarum utilitatis causa excogitata, quo iis facilius studeretur, ita post multorum decursum saeculorum existit in Britannia Baco Verulamius, qui, qua erat ingenii perspicacitate, antequam in classes distribuerentur doctrinae, singulas et explorandas censuit, ut, quae esset cujusque natura pateret, et e suis quasque ingenii facultatibus, tamquam fontibus, ducendas. ⁽³⁾

Quod

(1) V. Quint. I. 10. L. (2) Plut. de educat. p. 7. C. Cf. nos supra Vol. I. p. 64. (3) Lord Bacons Works. Lond. 1824. Vol. I. p. 76. Vol. VII. 118 et IX. 201.

Quod placitum, post Baconem neglectum fere, instauratâ superiore saeculo philosophiâ, mirifice placuit philosophis, praesertim Gallofrancis: quorum principes, auctoribus D'Alemberto et Condillacio, explere Anglici philosophi votum summo ardore studuerunt. Quamquam res non ita cecidit, ut Baco optaverat et ipsi contenderunt. Nam nec satis exploratum fuit ingenium humanum, ut omnes inde artes doctrinaeque facile ducerentur, ductaeque inde explicarentur rite: et prodierunt e vasto proposito encyclopaediae, utilissima sane opera et augendis locupletandisque doctrinis aptissima, imo necessaria hodie, sed encyclopaediae tamen, i. e. vocabularia, quibus artes et doctrinae, nisi literarum ordine, nullo continerentur vinculo. Ut unquam in lucem tale proditurum sit opus, quale sibi spe et exspectatione informarunt encyclopaedistae illi, est quod vereamur. Sed quicumque vel hoc vel simile negotium ad summum doctrinarum emolumentum sive nunc meditantur, sive peracturi sunt postea, hos oportebit et Platonem legere, nec sane repudiare Ciceronem. Plato rem totam, ut omnis nos docuit superior disputatio, ab ipsis principiis repetiit. Semper attendens animum nostrum, sive de artibus quaerebatur, quae ad humanitatem pertinent, de musica, de poësi, de pictura, sculptura, caeteris, omnes ex *pulcri* amore, tanquam fonte communi, et naturalibus hominis studiis ac sensibus, ex imitandi studio, ex rhythmî harmoniaeque sensu

de-

derivavit: sive quaestio agebatur, quae doctrinas spectaret, quid sit discere? quid docere? ut pulcril illic, ita hñc *veri* in homine amorem exploravit; hñc autem animum proposuit nobis ut gravidum naturã optimorum studiorum, ut vel ipse per se in pulcro versatus, vel adhibitã *μαρτυρίῃ*, cum optimis inventis ipsas pareret doctrinas. Quam artium communem originem attendentes, non possumus non cum percipere Ciceronis effatum tum probare, *contineri eas cognationis ejusdem vinculo*. Nam partae omnes pariter eodem ingenio humano, eodemque pulcri verique amore in lucem editae, quidni nobis et *cognatae* dicantur esse et mutuo sibi omnes in optimarum rerum studiis opem ferre? Ex his orsus principiis, qui artis cujusque et doctrinae naturam, rationem, propositum indagavit, quod Aristoteles tentavit subtilissime, nae is de artibus et doctrinis ipsoque eorum fonte, ingenio humano, praeclare meruerit. Quodsi quis dubitat, num Cicero haec omnia expresserit oratione, quum pro Archia diceret, fateor, me item dubitare, imo existimare potius, usurpatum hoc tum ab eo esse, ut communem sententiam. Veruntamen eundem Ciceronem, eodem tempore, rem totam, ut exposuimus, penitus perspexisse, hoc ipse probavit biennio post, cum scribere aggressus libros *de Oratore*, philosophiam celebraret. Graeco hanc nomine appellabat, quippe originis Graecae et vixdum Latine expressam: quamquam sic eam simul declarabat, ut sapientiae

tiae amorem, ut studium rerum optimarum: eandem autem *parentem* vocabat et *genitricem* artium omnium laudatarum et doctrinarum ⁽¹⁾. Quo plane explicabat, quod illic usurpaverat de earum cognatione, quodque stans pro tribunali, si explicare iudicibus et populo sustinuisset, surdis narrasset fabulam. Nos Ciceronis de philosophia sententias initio hujus operis attulimus ⁽²⁾, quo magis nobis in ipso ingressu pateret Platonicae philosophiae ratio. Nam multa ille expressit disertius, quae minus perspicue enuntiaverat Plato. Nunc vero ipsius studium Platonis Ciceronianas illas sententias explicabit evidentius: quod progredientibus nobis deinceps, in primis, ubi ad politicam Platonis pervenerimus, identidem patebit magis. Sed hic nos eadem illa Ciceronis de philosophia effata ad propriam Platonis ducunt et singularem, diversam certe a posteriorum studiis, *ἐγκυκλοπαιδείαν*. Non ille divisit distribuitque artes et doctrinas, ut libros distribuerunt postea, in suam quasque classem, quo scilicet magis in tantâ turbâ ac multitudine ordo existeret aliquis; sed habens eas omnes, tamquam ejusdem parentis, unius philosophiae, foetus, quae ipsa omnis sapientiae, omnis cultus et humanitatis studium est et amor, ex hoc amore homini innato, hoc summo principio et fonte omnium rerum praestantissimarum, artes omnes ingenuas et doctrinas, tamquam rivulos,

(1) Cic. de Orat. I. 3.

(2) Vol. I. p. 62.

los, derivavit. Quae summi philosophi sententia
 tum etiam auctoritatem habuit, quum ipsa jam
 philosophia, quod ait Seneca, quasi concisa in
 partes esset ⁽¹⁾. Nam hic semper, ut jam memo-
 ravi, philosophiae honos habitus est, ut domina
 haberetur τῶν ἐγκυκλίων μαθημάτων ⁽²⁾. Nec vero
 sic tantum sibi ipse satisfecit Plato, ut rem
 amplissimam perspiceret totam, omnesque doctri-
 nas ex animo hominis et insito pulchri verique
 amore, tamquam ex divite vena, per omnem ho-
 minum vitam societatemque dimanantes spectaret;
 sed in ipsius etiam civitatis commodum, si non
 proprie sic dictam ἐγκυκλοπαιδείαν, παιδείαν sane,
 vero sic nomine dicendam, informavit: nec verbis
 informavit tantum librisque scribendis, sed res ipsam
 hanc παιδείαν generosissimis quibusque in-
 gentis excolendis adhibens. Cujus fructum cepit
 Graecia longe uberrimum, ut historia nos docet
 philosophiae et ipse testatus Cicero est, qui inde
 non minimum profecit. Nam germanos hic lau-
 dans Platonis discipulos, Aristotelem et Peripate-
 ticos ac priscos etiam Academicos, ex horum, in-
 quit, scriptis et institutis cum omnis doctrina
 liberalis, omnis historia, omnis sermo elegans
 sumi potest, tum varietas est tanta artium, ut
 nemo sine eo instrumento ad ullam rem illustrio-
 rem satis ornatus possit accedere: ab his oratores,
 ab

(1) Sen. Ep. 89. 90.
 Ep. 88.

(2) Vol. I. p. 64. Cf. Senec.

ab his imperatores ac rerum publicarum principes exstiterunt: ut ad minora veniam, mathematici, poëtae, musici, medici denique ex hac, tamquam ex omnium artium officina, profecti sunt. ⁽¹⁾

: Atque ita quidem eo me ducit sponte oratio mea, ut, quod dudum sum de hac sive doctrinarum cognatione, sive *ἐγκυκλοπαιδείᾳ* suspicatus, cum lectoribus communicem. Vel ego fallor, vel est ipsa Platonis philosophia, uti procedit in ejus scriptis atque a nobis hoc ordine explicari coepta est porroque explicabitur, id ipsum illa est, quod quaerimus, *verissima encyclopaedia*. Non memorat ille, ut Baco, *memoriam*, *phantasiam*, *rationem*, e quibus hic mentis facultatibus *historiam* primum, deinde *artes elegantiores*, praecipue *poësin*, tum *philosophiam* duxit: unde *arbor* nescio quae *scientiarum humanarum*, quae vocatur, confecta atque a Condillacio multis ramis aucta est. Non ita Plato; sed egit, ut vidimus, de *pulcro* continuo ac de pulcri sensu studioque, quo primum explicatur ingenium hominis: effluerunt autem inde in ejus scriptis pulcerrimae de musica, poësi caeterisque artibus elegantioribus disquisitiones. A pulcro deinde, ut item jam animadvertimus, ad *verum* processit, monstravitque in dialecticis dialogis, quibus studiis, quibus mentis facultatibus, quibus disciplinis, qua imprimis *methodo* ad verum sit perveniendum. Successerunt
his

(1) Cic. de Fin. V. 3.

his dialogis politici, in quibus de *justo* egit de-
que virtutibus, quae ad vitam recte degendam ap-
teque administrandam civitatem requiruntur. Est
haec plane ingenii humani progressio, cujus apud
Baconem et Encyclopaedistas nulla habetur ratio.
Nam praeparant nos artes, ut rite possimus gra-
vioribus disciplinis operam navare, atque his in-
stituti et quasi nutriti ac corroborati, sic demum
possumus in rebus civilibus apte consulere civibus
nostris. Ut autem ille scribendo, sponte sic sua,
naturae viam et progressionem secutus est, ita in
erudiendis juvenibus, quos summis in re publica
honoribus destinabat, data operâ primum de sen-
sibus studiisque ac facultatibus disquisivit, quibus
puerilis aetas insignis est, indeque naturam *artium*
earumque et rationem et propositum repetiit atque
illustravit: tum vero exultos hos puerili institu-
tione, disciplinis eruditurus, e provectoris aetatis
studiis facultatibusque et veri in primis amore,
disciplinarum pariter et *doctrinarum* naturam, ra-
tionem propositumque effecit: tandemque, ut quid
ipsis esset aliquando in civitate agendum, decla-
raret, de maturi hominis in civitate officiis virtu-
tibusque quaesivit, quo doctrinarum gravissima-
rum, quae justum spectant, *moralium*, ut nobis
dicuntur, et *politicarum* vim et rationem effecit.
Nescio, quid alii sentiant; sed mihi quidem,
haec ita consideranti, ordineque legenti saepius
totum Platonem, subjici quasi oculis videtur, non
arbor scientiarum, quae scholam redolet, sed

encyclopaedia, sed ejusmodi encyclopaedia, qua et artium universè ac doctrinarum discrimen et utrumque singularum natura et propositum atque omnis illarum quasi *arbis* exponuntur, docenturque simul, quod quaerere omnes, qui artes doctrinasque tractant, et primum et maxime debent, quae juxta per illas hominis *παραδεξα* sit, ut in civitate sua sic vivat agatque aliquando, uti et eivem bonum ac custodem et perfectum civitatis gubernatorem decet. — Late hoc argumentum patet, et, si quando his disquisitionibus totam fuerimus Platonis philosophiam complexi, sponte sua lectores hanc sive encyclopaediam sive philosophiam nostris temporibus accommodabunt; sed hic rem adumbrasse, ad eamque philosophorum studia convertisse sufficiat.

Ergo, quatenam sit, quam exquisitissimam, philosophia natura, quodque esse et quale videatur artium omnium et disciplinarum commune vinculum, ut Socratis nos docuerunt cum Adimanto sermones, ita Ciceronis illustravit exemplum, qui tam vita studiisque quam scriptis Platonis philosophiam comprobavit. Nec mirabitur jam quispiam, illi homini, cui insit indoles haecce, omnium inesse item artium doctrinarumque amorem, ut, nulla contenta, suo singulas honore habeat, universis adeo perlubenter studeat. Nam cum omnes fluxerint ex optimorum ingeniorum optimis studiis, non possunt non illi amicae esse et acceptissimae, dixerim fere, per cognitionem carissimae, quippe
qui

qui ipse earum studio naturā ducitur. Unde stupendi explicantur illorum in doctrinis progressus, qui naturā sunt philosophi. Sed indole descripta juvenum, quos erudiendos suscepimus, quo evidentius etiam nobis et vis hujus indolis pateat, et ratio doctrinarum, quibus operam debebunt navare, et ipsius adeo philosophiae, cui se totos tradituri sunt, propositum summum, age, discernamus ab iis quotquot ipsorum similes sunt nec tamen dici philosophi possunt: distinguamus in primis a vulgi *opinionibus* rerum *scientias*, quo unice contendendum est philosopho: quaeramus omnino id, quod supra esse deinceps explorandum diximus:

*Quinam proprie philosophi
sunt dicendi?*

Nam sunt sane permulti, qui speciem referunt philosophorum: quos memorans in iisdem sermonibus Adimantus, ridiculum genus hominum, ait, si in philosophis censeantur. Nil non spectare, nil non audire avent: in festis discurrent in omnes partes, et quasi auribus ad audiendum elocatis, nulli sunt chori sive urbium sive pagorum, quibus non adstant exaudituri. Hos igitur mortalium levissimos nos, o Socrates, quippe cupidus studiososque cognoscendi, *philosophos* dicimus? Equidem *φιλητάς* appellem istos et *φιλοθεάμονας*; *φιλοσόφους* non appellem. Ad quae ado-

lescentis dicta sic Socrates, hos ego homines, inquit, nequaquam appello philosophos, sed philosophorum similes. — Veros tu autem quosnam dicis? — Τοὺς τῆς ἀληθείας φιλοθεάμονας: illos voco, qui spectare veritatem amant ⁽¹⁾. Praeclara sententia, cujus hoc in sermone, hoc loco, mira est vis et auctoritas. Qua tamen non satis contentus Adimantus rem cupit fusius explicari. Recte quidem istud, inquit; sed quo id modo explices? Tum Socrates, haud facile quidem, respondet, id alii explicem; sed te mihi puto hoc continuo daturum. — Quid istud? — Cum turpi contrarium sit pulcrum, duo illa esse. — Quidni? — Quodsi duo sunt, unum esse utrumque. — Et hoc tibi do. — Esse autem eandem justi et injusti, boni et mali, omnium idearum rationem, ipsum quidem quodlibet unum esse, communione vero cum actionibus, cum rebus corporeis et secum invicem, quae ubivis apparent varia specie, non unum singula, sed plura videri. — Recte dicis. — Hac equidem ratione distingo illos secernens, quos modo memorasti, spectaculorum artiumque amatores atque in rebus agendis versantes, tum hos, de quibus nunc sermo est, quos solos quis rite vocaverit φιλοσόφους. — Qua illud ratione definis? — Qui φιλήκοοι sunt et φιλοθεάμονες, qui omnia spectare et audire cupiunt, pulcris hi et vocibus et

co-

(1) De Rep. V. 475 D. E.

coloribus et formis capiuntur, rebusque omnibus, quae ex his sunt confectae; αὐτοῦ δὲ τοῦ καλοῦ ἀδύνατος αὐτῶν ἢ διάνοια τὴν φύσιν ἰδεῖν τε καὶ ἀσπάζεσθαι· *ipsius vero pulcri videre amplectique naturam, nullo modo eorum mens potest.* — Sic sane se res habet. — Οἱ δὲ δὴ ἐπ' αὐτὸ τὸ καλὸν δυνατόι ἵεναι τε καὶ ὁρᾶν καθ' αὐτὸ, ἄρα οὐ σπάνιοι ἂν εἶεν; *Qui vero possint ad ipsum pulcrum procedere illudque ipsum per se videre, nonne rari hi sint* ⁽¹⁾ ? Hic Socrates accuratiorem instituit de opinione et scientiā disputationem, ut efficiat, scientiam spectare quae *sunt*, opinionem vero illa, quae non sunt, sed *videntur* esse: qua ad finem perductā, his igitur suppositis, inquit, λεγέτω μοι, Φήσω, καὶ ἀποκρινέσθω ὁ χρηστὸς ἐκεῖνος, ὁ φιλοθεάμων ⁽²⁾, ὃς αὐτὸ μὲν καλὸν καὶ ἰδέαν τινὰ αὐτοῦ κάλλους μηδεμίαν ἡγεῖται αἰεὶ κατὰ ταυτὰ ὡσαύτως ἔχουσιν; πόλλα δὲ τὰ καλὰ νομίζει, καὶ οὐδαμῇ ἀνεχόμενος ἂν τις ἐν τῷ καλῷ Φῇ εἶναι καὶ δίκαιον καὶ τᾶλλα οὕτω· τούτων γὰρ δὴ, ὧς ἄριστε, Φήσομεν, τῶν πολλῶν καλῶν, μὲν τι ἐστὶν ὃ οὐκ αἰσχροὺν Φηνήσεται, καὶ τῶν δικαίων, ὃ οὐκ ἄδικον, καὶ τῶν δσίων, ὃ οὐκ ἀνόσιον; Οὐκ, ἀλλ' ἀνάγκη, ἔφη, καὶ καλὰ πῶς αὐτὰ καὶ αἰσχροὰ Φηνῆναι, καὶ ὅσα

ἄλ-

(1) De Rep. V. 476 A. B. (2) Legitur vulgo — ἀποκρινέσθω ὁ χρηστὸς· ὃς αὐτὸ — νομίζει ἐκεῖνος ὁ φιλοθεάμων, καὶ — in quibus redundant prorsus ἐκεῖνος ὁ φιλοθεάμων, quae Astius iccirco, ut non Platonica, uncis inclusit. Sed sunt, opinor, Platonis, nec abesse ab hac dis-

ἄλλα ἐρωτᾷ. dicat mihi, quaeram, et respondeat bonus ille spectandi cupidus, qui nec pulcrum ipsum esse nec ideam quamdam ipsius pulcritudinis semper se eadem ratione habentem, multa vero esse pulcra putat, nec ferre ullo modo potest, si quis unum esse pulcrum, unum justum, atque ita esse caetera dicit: horum igitur pulcrorum, dic sodes, sic illum percunctabimur, estne aliquid pulcrorum, quod non turpe, et justorum, quod non iniustum, et sanctorum, quod non profanum videbitur? — Non sane, sed necesse est, ut pulcra illa quodammodo et turpia et quae alia quaeris videantur ⁽¹⁾. Unde hoc ducit tandem: qui igitur multas res pulcras spectant, ipsum vero pulcrum nec vident nec monstrantem sequi possunt, et multas similiter res justas percipiunt, ipsum vero justum non item, et caetera sic omnia, opinari hos dicemus, cognoscere vero eorum, quae opinantur, nihil. — Necesse est. — Quid vero illos, qui ipsa contemplantur singula, quaeque semper eodem se modo sine ulla mutatione habent, nonne cognoscere potius, quam opinari? — Et hoc necesse est. — Nonne igitur complecti et amare hos dicemus ea, in quibus cognitio, illos vero, in quibus opinio versatur: nonne enim reminiscimur, dixisse nos, illos et vocibus

et

disputatione debent, modo suo reponantur loca, i. e. post ὁ χρεῖσθαι, ut et scripsimus et vertimus. Cf. supra 475 D. E. (1) De Rep. V. 479 A. B.

et coloribus et rebus similibus capi iisque delectari uapice, ipsum vero pulcrum ne ferre quidem, si quis esse contendit? — Recordamur — *Μὴ οὐ τι πλημμελήσωμεν φιλοδόξους καλοῦντας αὐτοὺς μᾶλλον ἢ φιλοσόφους; an igitur aberraverimus a vero, opinionis illos magis, quam sapientiae amicos appellantes?* Atqui irascuntur nobis vehementer, si hoc dixerimus. — Non facient, si quidem mihi parcant: nam veritati irasci non licet. ⁽¹⁾

Ergo si a caeteris omnibus distinguere philosophos velimus, hoc teneamus, ait Soerates, amate eos disciplinam perpetuo, qua ipsis natura rerum certa et constans, nec generatione aut corruptione mutata, patefiat: et vero amare eos illam totam, nec ab ejus parte sive parva sive majore, sive viliori sive honoratiori sponte abstinere, prout in superioribus de amantibus et ambitiosis diximus. Hoc autem praeterea vide, num quid necesse sit naturae eorum inesse, qui tales futuri sunt, quales narravimus? — Quale istud? — Ut a mendacio alieni sint, illudque nullo modo accipiant, sed oderint, veritatem vero diligant. — Probabile est. — Non solum probabile est, o amice, sed plane necessarium, cum, qui naturam quid diligit, quidquid amato cognatum est ac familiare, simul diligere. — Recte. — Num sapientiae quid invenias familiarius, quam veritatem? — Quo tandem
mo-

(1) De Rep. V. 480. A.

modo? — Fierine igitur potest, ut eadem natura φιλόσοφος sit et φιλοψεύδης; sapientiam amet et mendacium? — Non potest. — Ergo discendi cupidus, necesse est, ut a puero inde omnem veritatem vehementer appetat. — Prorsus. — Atqui apud quem cupiditates in certum quiddam vehementer tendunt, scimus, eas in alia omnia lentius procedere, ut flumen illuc derivatum. — Quidni? — Apud quem igitur ad disciplinas et similia omnia profluunt, ipsius spectant animi voluptatem, corporis non spectant: si quidem non falso quis sit, sed vere philosophus. — Summo-
pere necesse est. — Temperans igitur talis homo erit minimeque pecuniae cupidus: cujus enim gratia vulgo et acquirendis et expendendis pecuniis studetur, id studere alium quemvis magis, quam illum, deceat. — Omnino. — Et vero id etiam considerare oportet, si discernere philosopham naturam, quaeque non sit philosopha, velis ⁽¹⁾. — Quid tandem? — Ne fugiat te, illiberalitatis eam esse participem: pusillanimitate enim nihil magis contrarium animo est, qui res omnes divinas et humanas totas studet amplecti. — Nihil profecto. — Cui vero menti magnanimitas propria est omnis-
que temporis et veritatis contemplatio, fierine posse putas, ut huic magnum quid esse videatur
vita

(1) Astius p. 535. pro φύσιν φιλόσοφον scripsit φ. φι-
λοσόφον, ut vertit Ficinus; mihi vulgata lectio, quippe
unice Platonica, servanda videtur.

vita humana ⁽¹⁾? — Non sane. — Ergo mortem is non rem terribilem existimabit. — Minime. — Ignavae scilicet et illiberali naturae nihil esse potest cum vera philosophia commune. — Nihil. — Quid vero? Vir temperans, non quaestui deditus, non illiberalis, non superbus, non timidus, num in commerciis difficilis erit aut injustus? — Nullo modo. — Quin etiam cum discernere cupies, quae indoles philosopha sit aut non sit, statim a teneris annis explorabis, num justa sit et placida, an iniqua et agrestis. — Omnino. — Neque hoc, ut arbitror, praetermittes. — Quidnam? — Utrum facile quis discat, an difficulter: num censes, quempiam illud unquam diligere, quod cum aggreditur, summâ cum difficultate agit, et vix tandem parùm quid proficit? — Nunquam profecto. — Quid? si nihil servet eorum, quae discit, oblivionis quippe plenus, fierine potest, ut non sit scientiâ vacuus? — Quo tandem id modo? — Cum vero irritus illi sit labor omnis, nonne cogetur tandem semetipsum et haec studia odisse? — Quidni? — Obliviosam igitur mentem in vere philosophis nequaquam censeamus, memorem esse oportet. — Oportet. — Animum vero a gratiâ et decoro alienum alione putas tendere, quam ad ἀμετρίαν? — Non sane. — Veritatem autem ἀμετρία cognatam censes, an

ἀμ-

(1) In his etiam vulgatam secutus sum eamque recte exprimere vertendo conatus sum. Cf. Ast. l. 1.

ἑμμετρικῶς? — *ἑμμετρικῶς*. — *ἑμμετρον* igitur animum et *εὐχαριν* illi praeter caetera naturae quaeramus, quae sua ipsa vi ad ideam cuiusque quod verum est tendit. ⁽¹⁾

Hanc Socratis apud Platonem de philosophis disceptationem apponendam totam censuimus, quo eos accuratius a caeteris cognoscendi cupidis distingueremus, tum etiam ipsarum, quibus eruditi di erunt, disciplinarum caussa. Nam, quod supra monuimus, hoc item positum in Veterum more fuit, ut non abstracte, quod vocant, de rebus agerent, sed rerum hominumque conjunctionem instituerent disquisitionem. Itaque et Cicero et Quintilianus et horum quique simillimi, quum agerent de dicendi arte, non hanc explicuerunt tantum, sed iuvenum simul, quibus esset tradenda, ingenia explorabant; Cicero autem, Platonis instar, adolescentes adeo in dialogis induxit, quorum studia, mores, animi candor et generositas non placent tantum legentibus mirifice, sed quale sit quantumque oratoris munus, e suo ipsi ingenio augurandum praebent. Et sic quidem nunc nobis ex praeclara hac apud Platonem ingeniorum descriptione, quae naturam philosophiae sunt convenientia, disciplinarum item ipsiusque adeo philosophiae vis et propositum evidentius etiam patent. Quod Socrates, his dictis, ipse animadvertit, *Ἔστιν οὖν ὅπῃ μέμψῃ τοιοῦτον ἐπιτήδευμα, ὃ*
μή

(1) De Rep. VI. 485. A. — 486 D.

μήποτε· ἂν τις οἶός τε γένοιτο ἱκανῶς ἐπιτηδεῦσαι, εἰ
μὴ φύσει εἴη μνήμων, εὐμαθὴς, μεγαλο-
πρεπὴς, εὐχαρις, φιλός τε καὶ ξυγγενῆς
ἀληθείας, δικαιοσύνης, ἀνδρίας, σωφρο-
σύνης; — Ne Momus quidem ipse hujusmodi
quid carperet ⁽¹⁾. Sed quo plenius nos ita, quid
in philosophia summum sit, quoque ducere dis-
ciplinæ hominem debeant, cognovimus, eo faci-
lius nunc exquiremus porro, quod in primis no-
bis explorandum sumsimus:

*Quibus maxime disciplinis juvenes
erudiri oportet, qui nati sunt
ad philosophiam?*

Sunt omnino erudiendis juvenum nostrorum in-
geniis disciplinæ necessariae. Nam quaesivimus
quidem, quinam maxime naturā essent philoso-
phi, sponteque et sapientiam amarent et una cum
eā artes omnes et doctrinas, quae tendunt ad
ipsam: iidemque hoc ducti amore, ipsi forte per
se disciplinas inveniant, quibus tanquam admini-
culis innitentes, ad sapientiae arcem tendant et
perveniant. Sed restingui hic amor potest per-
versis studiis, illā aetate praesertim, qua subna-
scitur in animis nec viget satis, ut semet ipse
alat: sic reapse perit ille in multis et una cum
eo omnis cognoscendi facultas, ut utriusque in
tota deinceps vitā ullum vix vestigium appareat.

Er-

(1) De Rep. VI. 487. A.

Ergo quaecumque sunt et quamvis praestante indole, utendum disciplinis est, quibus naturae succurratur. Hae vero quatenus maxime sint, diligentius jam indagandum.

De arithmetica.

In musica et gymnastica, ait Socrates in iisdem his cum Glaucone et Adimanto sermonibus, haud reperiuntur, quas quaerimus, disciplinae, minus etiam in artibus illiberalibus: forte sint extra illas. Sed age, cum nihil ab his discretum mentem subeat, sumamus aliquid eorum, quae omnibus sunt communia. Tum Glauco, quale istud? quaerit. Cui Socrates, veluti hoc commune, inquit, quo omnes utuntur et artes et cogitationes et scientiae, quod et cuius necesse est ut primum discat. — Quale vero istud tandem? — Vile hocce, inquit, unum et duo et tria dignoscere: dico autem universe *numerum* et *supputationem*. Nonne enim sic se res habet, ut omnis et ars et doctrina eorum necessario participes sit? — Omnino. — Hic Socrates miratur antiquam de Palamede traditionem, in tragoediis obviam, illum fuisse, qui numeros inveniret. Quasi, inquit, ante Palamedem nec ordines in acie collocare Agamemnon, nec naves supputare potuisset, nec vero ipse, quot haberet pedes, scivisset. — Ridiculus profecto exercitus dux, si illud esset verum! — Estne igitur quod virum militarem magis oporteat cognoscere, quam nu-

me-

merare et supputare? Non est, inquit Glauco, si quam minimam etiam habiturus sit aciei instruendae facultatem, omninoque, si vel *homo* sit futurus. Cui Socrates, reputasne tu, inquit, idem de hac disciplinâ, quod ego? — Quid tandem? — *Κινδυνεύει τῶν πρὸς τὴν νόησιν ἀγόντων φύσει εἶναι ὃ ζητοῦμεν, χρῆσθαι δ' οὐδεὶς αὐτῷ ὁρθῶς, ἐλαττικῷ ὄντι παντάπασι πρὸς οὐσίαν* ⁽¹⁾. Id vero nec Glauco intelligit continuo, nec Socrates declarare nisi subtiliore disputatione potest, nos vero quo aptius pleniusque cum intelligamus, tum totum animo percipiamus, tum etiam quae deinceps Socrates de geometriâ, de astronomiâ, de harmoniâ et dialecticâ dicturus est, assequi quodammodo possimus, rem repetere paulo altius et attendere hoc loco Pythagoreorum doctrinam oportet.

Orientalium gentium, quibus Graeci debuerunt multa, quamvis ut barbaras spreverunt eas fere, admirabilis quaedam fuit non philosophandi, sed *inveniendi* solertia. Invenerunt autem illa potissimum, quae ad vitae usum pertinerent, tum eorum etiam initia, quae artibus deinde et doctrinis utiliter adhibita sunt. Quae qualia fuerint, facile assequimur, ubi haec ipsa, quae illis debuerunt Graeci, nosque item postea ab iisdem accepimus, reputamus. In his ut literae sunt, quaeque agriculturam artesque mechanicas spectant, ita

(1) De Rep. VII. 521. D. — 523. A.

ita annus est solaris sive temporis supputandi vera ratio, cuius inventi permagnam esse in omni vitas usu et oeconomia vim et efficacitatem, res ipsa loquitur. Nos vero tantos facere, quantos fecimus, in mathematicis, in astronomia, in mechanica et navigatione progressus, quo umquam modo potuissemus, nisi per Arabes acceperissemus ex oriente numerorum notus, algebraicam rationem, acutem nauticam, alia multa? Graecis non defuit quidem inveniendi sagacitas, sed *philosophari* in primis de nullis non rebus placuit. Arithmetice et Geometricae non ut antiquitus Aegyptii et postea Romani ⁽¹⁾, numerandi metiendique utilitate censuerunt, sed numeros ad Deum, ad animum, ad tempus sibi repraesentandum rerumque initia explicanda adhibuerunt: astronomiam vero, quam observando orientales ad vitae usum apte tractarant, philosophicis complexi sunt contemplationibus. Ordinem, ut hoc utar, in sideribus, in planetarum motibus et cometarum, quum non cernerent oculis, sed desiderarent tamen requirerentque mente, hunc igitur ingenio fingentes *harmoniam* vocarunt, ducta a musica comparatione, in qua rerum quamvis dissimilium atque ut videtur contrariarum, est tamen concordia, concentus, ordo. Nati erant ad philosophiam Graeci, quoque ardebant inquirendi studio, haud cessabant philosophando, donec rerum causas sive

(1) Cic. Tusc. Quaest. I. C. 2.

sive veras repérissent sive finxissent probabiles. Quibus quis animadversis forte inde efficiat, ut sapiente proposito has doctrinas coluerunt Orientales, nosque colimus hodie eorum exemplum sectuti, sic Græcos evolasse tēdere, spectasse quod placeret, quod vero utile esset hominibus hominumque societati neglexisse. Cui ego sententiæ haud facile assentiar. Utilitatem, fateor, non spectarunt continuo, quæ vitæ commode apteque transigendâ cernitur: quamquam in ipsis illis de universo fictionibus haud defuerunt, quæ Copernico et Newtono viam possent indicare, quæ ad summum vitæ nostræ emolumentum astronomiam tractarent. Sed, fateor, non spectarunt hæc Pythagorei; verumtamen non unum est utilitatis genus: est illud etiam, haud sane contemnendum, quod non ad res, sed ad hominem pertinet, quod hominis erudiendo excolendoque ingenio continetur. Nos geometriam non meriendi tantum causa tractamus, sed puerorum adhibemus institutioni: cuius studii quæ sit et quanta utilitas et cernimus quotidie et ipsi sumus a teneris experti. Id autem Græcis debemus: non Euclidem, quamquam hujus *Στοιχεῖα* eo valuerunt plurimum; sed Pythagoreis, qui auctores hujus studii institutique habendi sunt, tum vero Platoni. Sint igitur illi de rebus physicis sic philosophati, ut risum excitent nec immerito physicis nostris: hanc fidem ex geometriâ artibusque mathematicis utilitatem vitæ hominum et societati concilia-

ciliarunt, qua omnes, ipsi maxime physici negant maiorem esse ullam. Quae sane perquam sunt nobis in his, quae tractamus, tenenda. Nam quantum *inveniēdo* Graecos Orientales, tantum Graeci superarunt Orientales omnesque populos cum *philosophando*, tum adhibendā philosophiā ad acuenda excolendaque hominum ingenia. Nos autem ita maximos fecimus in gravissimis doctrinis progressus, ut proficere ex utrorumque inventis studiisque ad veram vitae utilitatem studiosissime tentaverimus. Et sic quidem procedimus eo, ut dictam explicemus Platonis sententiam, esse numerorum μάθημα in iis censendum disciplinis, quae ad νόησιν adducunt mentem, quippe ἐλκτικὸν πρὸς οὐσίαν. Sed ipsam attendamus huius disciplinae naturam,

In omni studiorum genere, si a mathematicis discisseris, quid verum sit, conjicimus, auguramur, assequi studemus; assecutos vero nos esse, non facile contenderimus: eumque laudare maxime solemus, qui minimam tribuit conjecturis suis auctoritatem. In arithmetica vero et geometriā vera sunt omnia, nullus relinquitur probabilitati, ut in rebus incertis, locus: isque maxime excludendus mathematicorum choro videtur, qui pro vero se ait verisimilitudine esse contentum. Exstant in aliā quavis disciplina, quibus intimo animo fidem habemus: in rebus moralibus, in causis religionis gravissimis sic nobis persuademus omnia, ut dubitare de iis haud licere videatur

ho-

homini. Veruntamen sunt, qui dubitent, sunt qui iustitiam rem esse inanem contendant, qui Deum esse et providentiam divinam negent, sunt qui haec nobis persuadere idoneis rationibus nitantur. In rebus vero mathematicis non tantum vera sunt omnia, sed, quin sint vera, nemo est qui dubitat: quo fit, ut, cum plenae sint controversiarum caeterae doctrinae omnes, haec solae omniae aevi earum fuerint immunes. Scilicet natura haec est arithmeticae et matheseos, ut menti, sint humanae propriae et veritati cognatae: sic illae sunt homini propriae, ut qui non eas tenet, quod modo Glauco dixit, *homo non sit putandus*. Quamobrem quo quis est indole veritatis amator, eo et diligit has magis, et magis per earum studium ad veritatem enititur. Id Plato spectavit, quum *trahere* haec studia ad veritatem, ἐλκτικὰ esse πρὸς τὴν ἀλήθειαν diceret. Sed alia spectavit item, illud praesertim, ad discernendum in primis et iudicandum mentem acere arithmetica. In quibus omnibus a Pythagoreis profecisse multum videtur, sed suum tamen iter secutus est: quod comparatione instituta facile demonstratur.

De numeris Pythagoreorum omni aevo gravissimae fuerunt interpretum dissensiones, quorum alii haec placita, ut aegri capitis somnia, contemserunt, alii et major adeo pars fontem habuerunt reconditae cujusdam et quamvis vix perviae, summae tamen sapientiae. His relinquimus nos

D

liben-

libenter, ut in haec sapientiae penetralia interius penetrarent, et nobiscum, si qua repererint, communcent; sed quaerentes, quo maxime consilio tam diligenter illi numeros eorumque rationes attenderint, haud sane illis assestiri possumus, qui eos vana omnia et inania somniasse affirmant. Idem videntur in his omnibus spectavisse, quod spectavit deinde Plato, ut haberent, quo veri desiderium explerent suum et rerum scientiam assequerentur: quamquam his finibus se non continuarent. Numeros non adhibuerunt veritatis sibi representandae causa, sed ipsis eos rebus videntur potiore loco habuisse, ut res, τὰ ὄντα, numerorum esse imagines, numeros earum τινούσ τε existimarent. Quod probabiliter demonstravit sive Aristoteles sive is, qui e scriptis Aristotelis primum confecit Metaphysicorum librum, qui ejus nomine inscribitur. Nam postquam Ionicorum laudavit in exquirendis rerum causis conatus, Pythagorei, ait, τῶν μαθημάτων ἀψάμενοι πρῶτον, ταῦτα προῆγον, καὶ ἐντραφέντες ἐν αὐτοῖς, τὰς τούτων ἀρχὰς τῶν ὄντων ἀρχὰς ᾗθησαν εἶναι πάντων· ἐπεὶ δὲ τούτων οἱ ἀριθμοὶ φύσει πρῶτοι, ἐν δὲ τοῖς ἀριθμοῖς ἐδόκουν θεωρεῖν ὁμοιώματα πολλὰ τοῖς οὖσι καὶ γιγνομένοις μᾶλλον ἢ ἐν πυρὶ καὶ γῇ καὶ ὕδατι, — ἔτι δὲ καὶ τῶν ἀρμονικῶν ἐν ἀριθμοῖς ὁρῶντες καὶ τὰ πάθη καὶ τοὺς λόγους, ἐπειδὴν τὰ μὲν ἄλλα τοῖς ἀριθμοῖς ἐφαίνετο τὴν φύσιν ἀφωμειῶσθαι πᾶσιν, οἱ δὲ ἀριθμοὶ πάσης τῆς φύσεως πρῶτοι, τὰ τῶν ἀριθμῶν στοιχεῖα τῶν ὄντων

ποσότητων ἀριθμῶν εἶναι ἀρχήσαν (1). Ab his illi principiis orsi, quaecumque ipsis occurrerant non sensibus percipienda, sed *ἔντε* tamen, his vel numerum vel certam numerorum rationem, proportionem, *πᾶσι* omnino, tamquam typum, adscribebant. Quocirca ut item affirmat idem scriptor, aliis significarunt sive numeris sive rationibus justitiam, aliis animam, aliis tempus. Accedebant numerorum proportionem, *ἀρμονία*, quibus rerum ipsiusque universi naturam et commutationes explicabant. Quo intelligitur, quantum obscuritatis contrahere debuerit *σέρων* doctrina: quam fuerit posteris facile, qui ignorarent doctrinae propositum, speciem vulgo ostentare reconditae sapientiae: quam item nobis sit difficile, imo verò superet plane facultatem nostram, lumen adhibere tenebris istis. Nam optimo proposito Pythagorei cum optimam quaerendi rationem instituere conarentur, in ipso viae ingressu numerorum veritate capti, eosque sectantes unice, in devia deflexerunt et absurda omnia, tandemque sic votis excluderunt, ut numeros pro rebus, pro veritate speciem inanem, pro luce sapientiae mysticae philosophiae nebulas consequerentur.

Platonem pariter numeris tribuisse multum et plus adeo, quam ipsius philosophiam deceret, omnes et sciunt et aegre ferunt, qui ejus scripta, in primis Timaeum, legerunt. Nec tamen secutus est ille plane Pythagoreos. Numeros, ut

anti-

(1) Aristot. Metaph. I. C. 5.

antiquitus jam animadversum est, non confudit cum rebus, sed ab iis discrevit diligenter: nec vero res neglexit quam numeros spectaret. Quae de re, ut suo loco monebimus, ita nunc tenendum hoc est. Numeri in Pythagoreorum placitis argumentum erant in paucis gravissimum: tribuebant iis, ut e dictis colligitur, vim divinam: jurare adeo per illos solebant et principium inde vitae ducere:

Ναὶ μὰ τὸν ἀμείρεα ψυχᾷ παραδόντα τετρακτὸν,
παρὰ δαίμονος φύσεως. ⁽¹⁾

In Platonis vero philosophiâ numeri ut *πάρεργον* occurrunt: certe percipere hanc licet, neglectis etiam illis. Caput hujus philosophiae est et *ἔργον* quod tractat, hominis ad veritatem et virtutem institutio: huc illa confert numerorum doctrinam, non ad vitae principia assequenda, neque ad divinam naturam sive animo repraesentandam sive cognoscendam. Socraticus fuit Plato, priusquam Pythagoreorum consecraretur doctrinas: unde hoc retinuit per totam deinceps vitam, ut ad hominem, ad humanae naturae perfectionem referret omnia. Probabile est, Pythagoreos in numerorum explorandis proportionibus, in universa adeo arithmetica magnos fecisse progressus: nam acerrimo eam studio colebant, quippe numeros prosequentes divino honore: iisdemque videntur
adeo

(1) Pythag. χρῶς. ἔπη vs. 67.

adeo suarum disciplinarum initia debuisse Alexandrinae aetatis celeberrimi astronomi, physici, geographi; Plato vero hanc spectavit arithmeticae utilitatem, qua sane major esse homini vix ulla potest, ut *dialecticae* applicaretur, sive, quod idem est in antiquorum lingua philosophorum, *discernendi judicandique* facultatem eliceret exerceretque, atque ita suo fini inserviret: quippe μαθημα, ἐλκτικὸν δὲ παντάπασιν πρὸς οὐσίαν. Id vero privum propriumque fuit Platoni, nec ab ullo ante eum philosopho usurpatum, ut ipse est ingenue professus, cum diceret de hoc μαθηματι: κινδυνεύει τῶν πρὸς τὴν νόησιν ἀγόντων φύσει εἶναι ὃ ζητοῦμεν· χρῆσθαι δ' οὐδεὶς αὐτῷ ὀρθῶς: quo barbaros non tantum respexisse, sed ipsos etiam Pythagoreos videtur. Et sic quidem pervenimus tandem, quo dudum perreximus, ut memorabilis hujus sententiae vim et ubertatem assequeremur. Ipsum jam audiamus Socratem haec simplice, sed accuratâ, sed interiore ratione exponentem. Conabor, inquit, id quod mihi videtur declarare. Quae enim ipse mecum reputavi ejusmodi esse, ut mentem ad rerum οὐσίαν adducant, quaeque non esse hujusmodi videntur, haec tu mecum spectans proba vel nega, quo clarius dignoscamus, num sit hoc tale, quale vaticinor. — Tu vero ostende. — Ostendo equidem; videsne res, quae sensibus patent, partim non evocare mentem ad ipsarum considerationem, quippe ipso sensu satis perceptas: partim omni-

no

no mentem evocare eamque jubere ipsam attendere, quippe sensu nil veri annunciante? Hic suspicatur Glauco et nos item facile suspicemur, res significari a Socrate, quae e longinquo apparent, vel leviter adumbratae sunt, quaeque iccirco aegre discernuntur, ut ipsius mentis opus sit ad eas percipiendas judicandasque attentione. Socrates vero, non magnopere, inquit, id quod dico assequeris. Mentem non advertere illa dico, quae non simul contrarium sensum movent: quae vero movent, haec ajo advocare mentem. Rem exemplo illustrat. Hi, dicimus, inquit, tres sunt digiti, minimus, secundus, medius. Horum unusquisque pariter *digitus* esse videtur et hac in re non differt, utrum in medio an in postremo appareat, utrum candidus sit an niger, crassus an tenuis: his enim omnibus non cogitur animus mentem interrogare, quid sit digitus: nusquam enim visus significavit, digitum adesse et contrarium adesse digito. Ergo quod tale est mentem non evocabit vel excitabit, *νόησεως οὐκ ἀν παρακλητικόν, οὐδ' ἐγερτικόν εἶη*. Quid vero? Magnitudinem eorum et parvitatem satisne ipse per se visus discernit? similiterque molliem eorum et duritiem tactus? an vero in his contrarii sunt ejusdem rei sensus? Digitus scilicet apparet magnus, apparet item parvus, mollis esse videtur itemque durus. Nonne igitur animo annunciantur sensus, idem sibi apparere magnam et parvum, durum et molle? Miratur Glauco has miras ab-

sur-

surdasque rerum interpretationes, quas sensibus debet animus. Hinc autem Socrates eum initia ducit arithmeticae, tum explicat, qualia sint quae ad mundum νοητὸν pertinent. Apparent ista, inquit, animo confusa, nec intelligi recte, nisi distinguendo, possunt. Idcirco primum conatur animus, advocata ratione adhibitaque mentis acie, considerare, utrum unum sint an duo singula, quae annunciata sunt. Si duo apparent, alterum et utrumque unum apparebit. Si vero unum utrumque, ambo autem duo apparent, separata duo intelligit animus. Jam visum diximus magnum et parvum vidisse, sed non distinctum, confusum vero: hac autem distinctionis evidentia mens intueri cogitur non confusa, sed discreta, contra ac visus. Atque ita quidem numerando et distinguimus res, nec committimus, ut iisdem rebus contraria tribuamus. Hic autem nos primum subit inquirere, quid ipsam sit magnum et parvum: quo, missis rebus visibilibus, ad ea escendimus, quae solâ mente percipiuntur et νοητὰ dicuntur. Haec sunt, inquit, quae modo declarare aggressus sum, quum dicerem, alia negotia παρακλητικά esse τῆς διαβολῆς, alia non esse: παρακλητικά definiens, quae contrarium sensum movent simul, quae vero non movent, non ἑγερτικά τῆς νόησεως dicens. — Quibus explicitis, nunc Socrates Glauconi arithmeticae ut disciplinam proponit, quae, propter numerorum naturam, mentem maxime in mundum νοητὸν adque ip-

ipsam veritatem evehit. Quid autem numerus et unum, quaerit, utro in genere esse videntur? Rem e dictis efficiamus. Si ipsum unum satis oculis aliisque sensibus percipitur, non ὁλκὸν εἶη ἐπὶ τὴν οὐσίαν, ut de digito diximus. Sin vero simul cum eo semper cernitur contrarium, ita ut non magis unum, quam contrarium videatur ⁽¹⁾, disceptatoris ac iudicis jam indigeat, cogaturque in eo animus dubitare atque exquirere, et movens in semet ipso intellectum sciscitari, quid tandem ipsum sit unum: et sic quidem ἡ περὶ τὸ ἐν μάθησις τῶν ἀγωγῶν ἂν εἶη καὶ μεταστροφικῶν ἐπὶ τὴν τοῦ ὄντος θέαν. Caeterum si unum sic se habet, pariter se habebit omnis numerus: cumque omnis supputandi numerandique ars numerum spectet, concludere hinc licet, artium harum studia perquam esse πρὸς ἀλήθειαν ἀγωγὰ. ⁽²⁾

Arithmeticae quantum ad excolendum ingenium tribuerit Plato, hinc satis efficitur. Sententiam autem hanc in Epinomide sive ipse sive ejus nomine exemploque alius fusius declaravit: ubi praeclarum hoc exstat effatum: εἴπερ ἀριθμὸν ἐκ τῆς ἀνθρωπίνης φύσεως ἐξέλοιμεν, οὐκ ἂν ποτε τι φρόνιμοι γενόμεθα· οὐ γὰρ ἂν ἔτι ποτὲ ψυχὴ τοῦτου τοῦ ζώου

(1) Audiendo v. c. *unam* vocem audimus, sed simul *innumeros* sonos. Itaque unum sensu percipimus simulque multa et innumera, quae uni sunt *contraria*. Exemplum hoc ex ipso Platone duximus. Phileb. 17. B.

(2) De Rep. VII. 523. A. — 523. A.

ζῶον πᾶσαν ἀρετὴν λάβοι σχεδὸν, ὅπου λόγος ἀπετή·
 ζῶον δὲ ὅ, τι μὴ γινώσκει δύο καὶ τρία, μηδὲ
 περιττὸν μηδὲ ἄρτιον, ἀγνοεῖ δὲ τοπαράπαν ἀριθμὸν,
 οὐκ ἂν ποτε δίδοναι λόγον ἔχοι περὶ ὧν αἰσθήσεις καὶ
 μνήμας μόνον εἶη κεκτημένον· — τερόμενος δὲ ἀληθοῦς
 λόγου, σοφὸς οὐκ ἂν ποτε γένοιτο· — οὕτως ἀριθμὸν
 μὲν ἀνάγκη πᾶσα ὑποτίθεσθαι. ⁽¹⁾ Nec minus prae-
 clare eodem in scripto de arithmetica cognatisque
 disciplinis praecipitur: οὐ γὰρ ἄνευ γε τούτων μή-
 ποτε τις ἐν πόλεσιν εὐδαίμων γένηται φύσις· ἀλλ’
 οὗτος ὁ τρόπος, αὕτη τροφή, ταῦτα μαθήματα· εἴτε
 χαλεπὰ, εἴτε ῥάδια, ταύτῃ πορευτέον. ⁽²⁾ Quae
 loca cum alii veterum laudarunt, tum mathe-
 maticus Platonius, Theon Smyrnaeus. ⁽³⁾ Ci-
 tantur vero hae sententiae fere, ut loci com-
 munes de arithmeticae praestantia et utilitate.
 Quodsi praestantiae illius caussam exquirimus, at-
 tendenda nobis maxime sunt, quae ex hisce So-
 cratis cum Glaucone sermonibus jam attulimus,
 tum etiam quae in iis deinceps occurrunt. Sci-
 licet non vulgaris huc intelligitur arithmetica,
 quae ad rerum familiarium administrationem, ad
 negotia pecuniaria, ad emendum vendendumque
 refertur: quamquam hujus item haud exigua est
 ad acuendum ingenium utilitas, sed eam Plato
 arith.

(1) *Epinom.* 977. C. D. (2) *Eod.* 992. A. (3) *Arith-
 met.* p. 5. Edit. quam nuper doctissimus juvenis J. J. de
 Gelder, solertissimo doctissimoque patre, meo olim prae-
 ceptore, dignus filius, Lugd. Bat. paravit 1827.

arithmetica spectat, qua mens a rebus his corporeis ad ea quae cogitando percipiuntur, erigitur: quo magis abstractas, quae vocantur, notiones magnitudinis, quantitatis, proportionis, similes, puras sincerisque assequamur: his autem nil magis ad recte cogitandum judicandumque utile ac necessarium est. Id porro Socrates apte diserteque exponit. Deceat igitur, inquit, o Glauco, hanc disciplinam flegibus inducere, iisque persuadere, qui maximis functuri sunt in civitate muneribus, ut computandi artem aggrediantur; nec vero leviter eam tractent, nec vulgari more, sed persequantur, donec ἐπὶ θεῶν τῆς τῶν ἀριθμῶν φύσεως ἀφίκωνται τῇ νοήσει αὐτῇ· non eam emtionis venditionisque gratia, ut mercatores et caupones tractantes, ἀλλ' ἕνεκα πολέμου τε καὶ αὐτῆς τῆς ψυχῆς βασιώνης καὶ μεταστροφῆς ἀπὸ γενέσεως ἐπ' ἀληθείαν τε καὶ οὐσίαν. Unde intelligitur id quod porro animadvertit Socrates: Atqui his ita, ait, de computandi disciplina dictis, reputo equidem, quam praeclara sit illa, quamque utilis nobis multis in caussis ad illud quod spectamus, si quis eam cognoscendi gratia, non cauponandi, tractat: hoc ipso scilicet, ὡς σφόδρα ἄνω γη ἔχει τὴν ψυχὴν, καὶ περὶ αὐτῶν τῶν ἀριθμῶν ἀναγκάζει διαλέγεσθαι οὐδαμῇ ἀποδεχόμενον, εἰάν τις αὐτῇ ὁρᾷ τὰ ἢ ἀπὸ τὰ σώματα ἔχοντας ἀριθμοὺς προτεινόμενος διαλέγεται. ⁽¹⁾ Erant scilicet qui vulgaris unice arith-

(1) De Rep. VII. 525. E. C. D.

arithmeticae periti, numeris fere res corporales intelligerent, ipsos vero eorumque proportionem mente non explorarent. Quibus suam arithmetica opponens Plato praeclarae disciplinae divina vim utilitatemque celebrat. Nosti enim, sic pergit apud eum Socrates, quemadmodum qui harum rerum peritissimi sunt, si quis ipsum unum ratione dividere conatur, rideant protinus nec ferant; sed si tu secas, ipsi multiplicant, caventes, ne quando ipsum unum appareat, sed particulae plurimae. — Quid igitur existimas, o Glauco, si quis eos ita percontetur: o mirifici viri, quibus tandem de numeris disputatis, quibus unum inest tale, quale vos traditis, aequale unumquodque omne omni, neque minimo quovis discrepans, nullamque in se partem habens? Quid eos existimas ad haec responsuros? Cui Glauco, hoc equidem, inquit, de illis se loqui numeris, qui cogitari dumtaxat possunt, aliter autem attingi nequeunt. Tum Socrates: cernis igitur, inquit, amice, necessariam nobis reapse videri disciplinam hanc, cum cogat αὐτῇ τῇ νοήσει τὴν ψυχὴν χρῆσθαι καὶ αὐτὴν τὴν ἀληθειαν. ⁽¹⁾ Quam postquam disciplinae praestantiam exposuit Socrates, vim ejus in hominum ingenia acuto deprehendit. Quid autem? quaerit, an et hoc animadvertisti? ὅς οἱ τε φύσει λογιστικοὶ εἰς πάντα τὰ μαθήματα, ὥς ἔπος εἰπέν, βέλτε φαίνονται; οἱ τε βραδεῖς, ἂν ἐν τούτῳ παύ-

(1) De Rep. VII. 525. D. E. et 526. A.

παιδευόμενοι, καὶ γυμνάζονται, καὶ μὴδὲν ἄλλο ἀφελήσασιν, ὅμως εἰς γὰρ τὸ δευτέρου αὐτοὶ αὐτῶν γίγνεσθαι, πάντες ἐκιδιδάσκουσιν; eos, qui natura sunt arithmetici, in omnibus ut ita dicam disciplinis veloces apparere? quique tardi sunt, si huic se studio naviter dederint, quamvis alium inde fructum nullum capiunt, tamen hoc assequi, ut velociores acutioresque ingenio, quam antea fiant? (1)

De geometria et astronomia.

Est vetus de Platone traditio, inscripsisse enim auditorii januae: οὐδεὶς ἀγεωμέτρητος εἰσέρτω. Cuius quamvis desideretur auctoritas, origo sane non est incerta. Ducenda est e viri ingenio, e studio et ardore, quo doctrinam colebat, quae arctissime erat cum tota ejus philosophia conjuncta. Nam ut arithmetica relinquebat cauponibus, quae ad emendum vendendumque addisceretur, ipse unam probabat, quae philosopham excitaret informaretque indolem, pari proposito et omnium maxime geometriam colendam censuit. Socrates apud eum, ad finem perducta de arithmetica disputatione, id profecto, inquit, non vocabunt in dubium quotquot vel aliquantulum geometriae sunt periti, hanc disciplinam plane repugnare iis, quae vulgo dicunt ejus studiosi. Loquuntur enim ridicule prorsus et illiberaliter: nam ut fabri

et

(1) De Rep. VII. 526. A. B.

et quasi fabricandi causa loquentes, deducendis quadraticis, de lineis producendis, similibusque dicunt: τὸ δ' ἐστὶ τοῦ πᾶν τὸ μάθημα γνώσεως ἕνεκα ἐπιτηδεύμενον. *Hæc autem disciplina tota est cognoscendi causa tractanda.* Tum pergit. Nonne id quoque concedendum? — Quid tandem? — Ὡς τῆς τοῦ δεῖντος γνώσεως, ἀλλ' οὐ τοῦ ποτέ τι γιγνομένου καὶ ἀπολλυμένου: oportere eam addisci ad id cognoscendum quod est, non eorum causa, quæ oriuntur et pereunt. — Concedendum plane: τοῦ γὰρ δεῖντος ἡ γεωμετρικὴ γνώσις ἐστὶ: nam geometria ejus, quod est semper, cognitiva est. — Ἐχοντες ἄρα, ὃ γενναῖον, πρὸς ἀληθείαν ψυχὴν εἶναι αὐτὴν, καὶ ἀπεργασικὴν φιλοσόφου διανοίας, πρὸς τὸ ἄνω σχεῖν, ὃ νῦν κάτω, οὐ δεῖν, ἔχομεν. *Trahit igitur, sodes, ad veritatem animum effectrixque erit mentis philosophæ, ut ad superiora astollamus, quæ hanc, contra quam decet, in inferiora habemus demissa.* — Quam maxime. — Quam maxime igitur præcipiendum est, ut in optima civitate principes nullo modo geometriam spernant: nam quæ accedunt ad ejus propositum summum, non exigua sunt. — Quænam illa? — Quæ bellum spectant: καὶ δὴ καὶ πρὸς πάσας μαθήσεις, ὥς ἐκάλλιον ἀποδέχεσθαι, ἴσμεν τοῦ ὅτι πᾶς ὅλος καὶ πάντι διοίσει ἡμέτερος τε γεωμετρίας καὶ μὴ. *Quin etiam scimus, ad disciplinas omnes facilius perdiscendas*

*de interesse quam maxime, uttingerit
ne geometriam aliquis, nos pē. (1)*

Hæc autem breves, sed acutæ gravissimæque
sententias, quo diligentius perpenderit, eo cer-
tius assequemur effati sententiam, quod Platoni
attribuitur vulgo et declarare Plutarchus audent:
ὁ δὲ δὲ γεωμετρίαν. (2) Nam ut Deo attribu-
ebat philosophus, quod ipsi in homine videbatur
maximum, ita geometriam non tribuere divinæ
menti non potuit. Sed patet inde item, quo ho-
nore hanc disciplinam habuerit: nec mirabimur,
his perspecus, geometriam postea Græcos *μάθησιν*
vocasse, quippe quæ una omnium disciplinarum
maximè institutioni esset adhibenda et sola vide-
retur *disciplina* appellanda, nosque eorum exem-
plum secutos, et vocem ipsorum et hac eam sig-
nificatione lingua nostris suscepisse. Verum ea-
dem de geometria, certe similis, usurpant mathe-
matici nostri: quid vero iis Plato voluerit, quo
maximè consilio imbuendos ea futuros reipubli-
cæ gubernatores existimaverit, id nobis in primis
exquirendum. Pergamus igitur ad astronomiam:
nam hac iudicanda vim simul geometriæ ad mentis
promovendam philosophiam declaravit mirifice.

Est hac de re apud Platonem, quamvis seriâ
et sublimi, festivissimus Glauconis cum Socrate
sermon. Sic ille continuo: tertio jam loco astro-

no-

(1) De Rep. VII. 527. A. B. (2) Plutarch. Sympo-
siao. VIII. 718.

nomiam posuimus; nam mensuram et annorum vicissitudines acutus animadvertisse, non tantum agriculturae ac navigationi proderit, sed non minimum etiam rei militari. Hic Socrates, videris mihi, inquit, o bone, vulgus reformidare, ne inutiles te disciplinas inducere dicant: non aliam enim inde magnopere utilitatem percipiendam putant. Orsus autem deinde de astronomia, meminit subito et Glauconem monet, disciplinam ab ipsis praetermissam esse, quae inter geometriam et astronomiam media, ab illa ad hanc ducit. Post planum, ait, statim solidum, quod circumfertur, aggressi sumus, antequam ipsum per se comprehenderemus; decet autem ordine post secundam auctionem tertiam suscipere: refertur vero illud ad cuborum auctionem, estque profunditatis particeps. Significatam his verbis a philosopho esse *stereometriam*, patet manifesto; ⁽¹⁾ sed in persequenda artium mathematicarum historia memorabile nobis videtur, hanc doctrinam Platonis tempore nondum repertam esse: quod Glauco apud eum disertis verbis fatetur: ἀλλὰ ταῦτά γε, ὦ Σώκρατες, οὐκ ἔγωγε εὐρήσθαι. Unde profecto, quatenus hac aetate progressi sint Graeci in mathematicis et astronomia, quid de Platonis, quae feruntur, in stereometria inventis existimandum sit, tum etiam, quae propria fuerit Alexandrinorum mathematicorum laus, conjecturam nobis

(1) Sic accepit Theon Smyrn. Arith. I. 12. p. 14.

bis licet ducere. Verum nihil hoc ad *philosophiae* Platonis initia. Persequamur cum Socrate astronomiam, veramque ejus attendamus cum instituentem tum tractandae rationem, ut quae in mente nostrâ deorsum spectant, sursum attollamus: quod commune est apud Platonem harum disciplinarum propositum. Id sibi videtur Glauco de astronomia ipse perspicere continuo. Hanc quidem, inquit, mentem cogere, ut sursum spectet et hinc eam illuc convertere, omnibus esse manifestum videtur. Cui Socrates: omnibus forte, inquit, praeterquam mihi: mihi enim non item videtur. Ut nunc quidem eam tractant, qui philosophiae ipsum jungunt, ut deorsum mens spectet efficere videntur. Tu quidem solerter informas sane disciplinam eorum quae sublimia sunt: videris enim, si quis laquearia variis coloribus picta suspiciens, perceperit quidquam, existimare eum mente, non oculis spectare: ac forte recte existimas, ego vero inepte: ego autem non possum mihi persuadere, aliud mentem sursum tollere, nisi illam disciplinam, quae id quod est nec percipi oculis potest, spectat. Quodsi quis sive sursum inhians, sive conversus deorsum, eorum, quae sensibus patent, aliquid percipere studet, nec discere eum dico: scientiam enim eorum esse nullam: nec sursum ejus mentem, sed deorsum spectare, etiamsi resupinus in terrae litore vel maris aequore jacens, quidquam perceperit. Quibus monitus ac reprehensus Glauco, *δixην ἔχων*,
pec-

peccavi, inquit, merito me reprehendisti; sed quae est ratio discendae astronomiae, praeter eam, quam isti sequuntur, si ejus nobis cognitio sit ad ea, quae dicimus, profutura? — Ad haec respondet Socrates: ταῦτα μὲν τὰ ἐν τῷ οὐρανῷ ποικίλματα, ἐπεὶ περ ἐν ὁρατῷ πεποικιλτας, κάλλιστα μὲν ἡγεῖσθαι καὶ ἀκριβέστατα τῶν τοιούτων ἔχειν, τῶν δὲ ἀληθινῶν πολλὸν ἐνδεῖν, ὥν τὸ ἐν τάχως καὶ ἡ οὐσα βραδυτῆς καὶ ἐν τῷ ἀληθινῷ ἀριθμῷ καὶ πᾶσι τοῖς ἀληθέσι σχήμασι φορέας τε πρὸς ἄλληλα φέρεται καὶ τὰ ἐνόντα φέρει ⁽¹⁾ ἃ δὲ λόγῳ μὲν καὶ διανοίᾳ λήπτα, ὅφει δ' οὐ· ἢ σύ γε οἶσι; Οὐδαμῶς γ', ἔφη. *Existimandum est, has quae in coelo lucent, species, ut in loco visibili informatas, pulcerrimas sane omnium esse, sed longe abesse, ut tales sint quales verae, quarum vera est celeritas veraque tarditas et quae in vero numero verisque figuris ad se invicem feruntur, eaque, quae complectuntur, ferunt: quae quidem ratione et cogitatione percipiuntur, visu vero non item: an vero tu putas? Nullo modo, inquit.* Haec ille. E quo toto sermone, quem fructum Plato ex astronomiae studio in primis esse capiendum, quaque eam ratione tractandam esse duxerit, patet unicuique; sed est nobis item aliud eadem de re animadvertendum.

Quod modo diximus, finxisse antiquos, praesertim Pythagoreos, multa, quae ad gravissima in-

(1) Adscripsimus haec de conjectura Astii ad h. l. P. 569.

inveniendā viam sternere recentioribus philosophis potuissent; hos autem adhibuisse eo orientallum, maximeque Arabum inventa, id haec nos docet philosophi de astronomia tractanda sive sententia sive suspicio. Mente is volutasse et quasi vaticinatus tale quid videtur, quale nobis algebrae disciplina in luce posuit. Legamus iterum adscriptum locum. Dixit, quae conspiciuntur in coelo ac moventur, multum ab iis differre, quae cum quod formam, tum quod motum attinet *vera* sunt uniceque mente comprehenduntur. Rem deinde ex geometriae studio illustrat. His igitur, inquit, quae in coelo mira varietate lucent, tanquam παραδειγματι, exemplo, utendum est ad illa, quae non videntur, sed sunt, discenda, perinde ac si quis figuras videat a Daedalo vel alio artifice, aut a pictore eximie pictas et elaboratas. Nempe si esset is, qui eas videt, geometriae peritus, artificium laudaret, ridiculum vero esse censeret, si quis talia attentius consideraret, ut scilicet *veritatem* in istis aequalium vel duplorum vel alius cujusdam proportionis reperturus.⁽¹⁾ Et profecto delineatis figuris geometra non has cogitat arte confectas, sed veras, sed ipsas, quas mente tenet. Quod omnes intelligunt, qui vel leviter sunt, ut me esse confiteor, geometriae periti: sed docendo illdem id experiuntur maxime. Attendant discipuli continuo triangulum, circulum,

CO-

(1) Rep. VII. 529. D.

conum in tabula ductum; id autem ferant aeger-
rime doctores: jubent illos haec mittere, arte
confecta, ipsum vero cogitare triangulum, ipsum
circulū, ipsum conum. Mihi, institutioni ha-
rum rerum et probationibus praesenti, fere in men-
tem venit Platonis, pari prorsus ratione homines
a pulcris, quae oculis conspiciuntur, ad ipsum
pulcrum, a negotiis *σπαρτός* ad negotia *νοητά* revo-
cantis. Sunt plane haec similia: et hinc nobis
omnium patet evidentissime, quare per geome-
triam Plato hominem esse evehendum in mundum
νοητὸν existimaverit. Sed procedendum nobis est:
in ipsam astronomiam applicabat Plato hanc geo-
metriae tradendae rationem. „ Qui autem vere
est astronomiae peritus, nonne hunc idem repu-
taturum ac geometram, censes, ubi astrorum mo-
tus attendit? Arbitraturum scilicet, esse haec om-
nia, quoad ejus fieri in talibus operibus potest,
pulcherrime a coeli conditore perfecta: absurdum
vero esse, si quis noctis ad diem, horumque ad
mensem, et mensis ad annum itemque astrorum
ad haec omnia et invicem rationem mutuam sem-
per similiter procedere contenderet, ut nihil us-
piae mutationis subirent, cum res sint corporeae
et spectabiles, idemque omni modo in hisce ve-
ritatem quaereret? — Sic mihi certe, te nunc au-
dienti, videtur. — Scilicet problematibus utentes,
sic astronomiam, ut geometriam tractabimus;
quae vero in coelo apparent missa faciemus, si
quidem vere astronomiae studentes, quod naturā

inveniendā viam sternere recentioribus philosophis potuissent; hos autem adhibuisse eo orientalium, maximeque Arabum inventa, id haec nos docet philosophi de astronomia tractanda sive sententia sive suspicio. Mente is volutasse et quasi vaticinatus tale quid videtur, quale nobis algebrae disciplina in luce posuit. Legamus iterum adscriptum locum. Dixit, quae conspiciuntur in coelo ac moventur, multum ab iis differre, quae cum quod formam, tum quod motum attinet *vera* sunt uniceque mente comprehenduntur. Rem deinde ex geometriae studio illustrat. His igitur, inquit, quae in coelo mira varietate lucent, tanquam παραδειγματι, exemplo, utendum est ad illa, quae non videntur, sed sunt, discenda, perinde ac si quis figuras videat a Daedalo vel alio artifice, aut a pictore eximie pictas et elaboratas. Nempe si esset is, qui eas videt, geometriae peritus, artificium laudaret, ridiculum vero esse censeret, si quis talia attentius consideraret, ut scilicet *veritatem* in istis aequalium vel duplorum vel alius cujusdam proportionis reperturus. Et profecto delineatis figuris geometra non has cogitat arte confectas, sed veras, sed ipsas, quas mente tenet. Quod omnes intelligunt, qui vel leviter sunt, ut me esse confiteor, geometriae periti: sed docendo iidem id experiuntur maxime. Attendunt discipuli continuo triangulum, circulum,

CO-

(1) Rep. VII. 523. D.

conum in tabula ductum; id autem ferunt aeger-
rime doctores: jubent illos haec mittere, arte
confecta, ipsum vero cogitare triangulum, ipsam
circulū, ipsum conum. Mihi, institutioni ha-
rum rerum et probationibus praesenti, fere in men-
tem venit Platonis, pari prorsus ratione homines
a pulcris, quae oculis conspiciuntur, ad ipsum
pulcrum, a negotiis *δηροῖς* ad negotia *νοητὰ* revo-
cantis. Sunt plane haec similia: et hinc nobis
omnium patet evidentissime, quare per geome-
triam Plato hominem esse evehendum in mundum
νοητὸν existimaverit. Sed procedendum nobis est:
in ipsam astronomiam applicabat Plato hanc geo-
metriae tradendae rationem. „ Qui autem vere
est astronomiae peritus, nonne hunc idem repu-
taturum ac geometram, censes, ubi astrorum mo-
tus attendit? Arbitraturum scilicet, esse haec om-
nia, quoad ejus fieri in talibus operibus potest,
pulcèrrime a coeli conditore perfecta: absurdum
verbè esse, si quis noctis ad diem, horumque ad
mensē, et mensis ad annum itemque astrorum
ad haec omnia et invicem rationem mutuam sem-
per similiter procedere contenderet, ut nihil us-
pium mutationis subirent, cum res sint corporeae
et spectabiles, idemque omni modo in hisce ve-
ritatem quaereret? — Sic mihi certe, te nunc au-
dienti, videtur. — Scilicet problematibus utentes,
sic astronomiam, ut geometriam tractabimus;
quae vero in coelo apparent missa faciemus, si
quidem vere astronomiae studentes, quod natura

menti nostrae *φθνημον* inest, id velimus utile ex inutili efficere. (1) In his item, fateor, idem dominatur perfecti verique studium, quo uno maxime ducebatur Plato: quodque minus spectare solent astronomi vulgares, ut *χρήσιμον τὸ φύσει φθνημον ἐν τῇ ψυχῇ ἐξ ἀχρήστου* faciant: hoc maxime efficere Plato studuit; sed iidem, ut hoc utar, ubi eclipsis agitur solis lunaeve, sive cursus est definiendus cometae vel planetae, nonne primum avertunt mentem a rebus spectabilibus, ut verum motum, verum cursum et lunae et planetarum cometarumque cogitent menteque complectantur? Nonne verà hac perspectà et quasi constitutà consignatàque naturae lege, tum demum mundum spectabilem attendunt, vicissitudines considerantes motus cursusque et aberrationis corporum coelestium per opportunitates varias, attractionis in primis vicinorum corporum coelestium, qua in cursu ad haec accedunt identidem? Mirer equidem, si astronomus, his lectis Platonis sententiis, non descriptam se vidisse putet studiorum suorum rationem, nec desiderasse quidquam, nisi algebrae notas, quibus nos veros numeros, veras figuras, veram motuum rationem, celeritatemque et tarditatem, alia, nondum nobis cognita, sed exploranda, exprimimus. Sed legat is locum Platonis, bis jam descriptum nobis, sed tertium memorandum, quo astronomum exquirere jus-

(1) De Rep. VII. 53a. A.

jussit τὸ ἐν τάχει, τὴν οὖσαν βραδύτητα ἐν τῷ ἀληθινῷ ἀριθμῷ καὶ πᾶσι τοῖς ἀληθεῖσι σχήμασι. Iteramus, quod diximus: non fecit, vix adeo inchoavit Plato, quae recentiore aetate astronomi perfecterunt; sed quamvis ille ad acuendum in primis ingenium tam astronomiam, quam geometriam tractandam censeret, illuc eum provexit, quo ardebat, perfecti verique amor, ut veram astronomiae doctrinam, si non perspiceret quodammodo, certe conjiceret et vaticinaretur. ⁽¹⁾ Verum hujus rei diligentioris disquisitionem non capit hic locus. Illud animadvertendum, discessisse in his omnibus Platonem a trita viâ, qua procedebant fere ipsius aetate geometrae, astronomi, illi etiam, qui musicam sive harmoniam in astronomiam et physicam traducebant. Suum ille iter persequeretur, verum spectans solum, quod adsequi incredibili studio nitebatur, dispiciensque ex illâ, quam attigerat, arce in homines inanes, inania consectantes, qui in numeris, in figuris haerent, deorsumque conversam mentem haberent, tum etiam, ubi de astris rebusque sublimibus ageretur.

De

(1) Quod de Arabum inventis hic dixi, non ita accipiendum, quasi ipsam analyticam arithmetica, quam vulgo Algebram vocamus, iis tribuam: inventa ea videtur a Diophanto Alexandrino; sed *notas* significavi algebraicas, quarum apta cum arithmetica et geometria conjunctione maxime haec disciplina ad tot et tanta inveniendâ apta est facta. V. Ruhn. Opusc. Vol. I. p. 103.

De harmonia.

Tales erant harmonici maxime, in Pythagoreis frequentes. Colebat illi disciplinam, minime Platonem improbatam, dicebat hic harmoniam esse astronomiae ἀντιστοιχείαν: huic enim sic aures esse accommodatas, ut oculi sunt astronomiae. Sed ridebat vana istorum studia, quippe qui ipsos attenderent in fidibus sonos, eosque metientes auribus ademptis, quasi a vicinis voces percepturi, dicentibus alijs se in medio audire sonum quemdam, et esse hunc minimum, quo sit metiendum: alijs, dubitantibus, quippe simile sonare: utriusque, ait Glauco, ὅτι τοῦ νοῦ προσησάμενοις, *mentis praepositis aures.* ⁽¹⁾ Vidit aetas nostra, quod suspicatus est Plato, esse veram sonorum doctrinam: acusticam appellare consuevimus: huic autem, quod iussit ille, νοῦς praeest, non aures: praesunt mathematicae disciplinae menti propriae: huic, ut ait idem, non soni adhibendi sunt unice qui audiuntur, sed problemata adhibenda sunt, ut mens videat, qui sint ἐμφανοὶ ἀριθμοὶ, τρεῖς οὗ, καὶ διὰ τὴν ἑκάτεροι. ⁽²⁾ Admirabile est, ut excelluerit in aequalibus Plato, et, quamvis adimniculis, quibus nos utimur, destitutus, conatus sit tamen ad nostra inventa accedere. Sed, quod mihi in primis videtur admirandum, insignis

(1) De Rep. VII. 530. D. E. 531. A. (2) Eod. 531. C.

nis est viri in cogitando scribendoque facilitas, plenas esse ejus disputationes, quamvis interioris indaginis, joci et facietiarum, ludere eum et jocari videri, ubi res serias inprimisque abstrusas explicat, dubitare nos, legentes hos Socratis cum Glaucone sermones, magisne nobis placeant elegantia, festivitate, ironiae vi Socraticae, aequabiliter per eos diffusis, an prosint nobis magis acuendo ingenio nostro, animoque excitando optimarum rerum studiis, tum vero praesertim veri amore in imis pectoribus inflammando. Est sane hoc proprium philosophi ingenii, de difficillimis rebus cogitare et judicare facillime: sed, qui eadem facilitate et scriberent de iis, et sic cum lectoribus, ut fecit Plato, suum communicarunt ardorem, omni aetate reperti sunt paucissimi. Sed in viam.

Postquam haec de harmoniae disciplina monuerat Socrates, Glauco, rerum magnitudine et difficultate perculsus, *δαμόνιον*, inquit, *πράγμα λέγεις*: nec suspicari videtur, alia esse et majora etiam futuris rei publicae moderatoribus tractanda. Socrates vero, doctrinarum memorata necessitudine naturali, tum demum, ait, earum institutio illud, quod speramus efficiet, *ὅταν ἐπὶ τὴν ἀλλήλων κοινωνίαν ἐφίκηται καὶ ἐυγένειαν, καὶ σωφροσύνη ταῦτα*. *ἔστιν ἀλλήλοις ἀρετὰ, postquam ad communionem mutuam et cognationem pervenerunt,*

(1) De Rep. VII, 531. C.

eritque ratiocinando exploratum, qualis sit eorum cognatio. ⁽¹⁾ Quibus placitum respicit, ut omnes intelligunt, quod supra studuimus explicare, a Cicerone probatum perspectumque maxime, de *vinculo doctrinarum*; sed novam item hisce doctrinam significat *dialecticam*. Quod minus etiam suspicatus Glauco, sic quidem, ait, et ego auguror, sed permagnum est, o Socrates, quod dicis, opus. Tum ille, prooemii dicis, inquit, an cujus tantum rei? An vero ignoramus, harum studium doctrinarum aditum esse et quasi prooemium legis, quam discere oportet? Hujus scilicet rei non tibi solertes esse videntur dialectici. — Non sane, per Jovem, inquit, paucis exceptis, quos ego conveni. — At enim, nisi quis et accipere possit et reddere rationem, nunquam sciet quidquam eorum, quae esse dicimus cognoscenda. — Ne hoc etiam. — Atqui haec est, o Glauco, lex ipsa, quae disserendi artem continet. ⁽²⁾ Id scilicet nemo nobis adversabitur dicentibus, nullam esse praeter hanc disserendi methodum, quae de singulis rebus, quid sit unaquaeque, via possit et ratione adsequi; caeteras vero artes vel opiniones hominum cupiditatesque spectare, vel rebus contineri quae fiunt et componuntur ⁽³⁾ vel ad culturam eorum, quae e terra nascuntur vel composita sunt referri: illas autem, quas di-

(1) De Rep. VII. 531. D. (2) De Rep. VII. 531. D. E.

(3) Artes ποιητικὰς intelligit V. Soph. 219.

διξίμους τοῦ ὄντος τι ἐπιλαμβάνεσθαι *veritatis non-
nihil assequi*; geometriam, quaeque hujus sunt co-
mites, de veritate somnare quidem, sed ὕπαρ
eam adspicere non posse, donec ὑποθέσει, *suppo-
sitionibus*, utentes, has ratas esse et immobiles
sinunt, cum earum reddere rationem nequeant.
Ὡς γὰρ ἀρχὴ μὲν ὃ μὴ οἶδε, τελευτὴ δὲ καὶ τὰ
μεταξὺ ἐξ οὗ μὴ οἶδε συμπλέκεται, τίς μηχανὴ
τὴν τοιαύτην ὁμολογίαν ποτὲ ἐπιστήμην γενέσθαι; —
Οὐδεμία, ἢ ὃ ὅς. *Cui enim principium est id, quod
quis nescit, finis autem et intermedia ex his item,
quae ignoramus conflata sunt, collectam inde con-
clusionem quo tandem pacto scientiam vocemus? —
Nullo, inquit* (1). Est hoc nempe fastigium, quo
ducere nos dialectica debet. Habent disciplinae
omnes axiomata quaedam, ut ὑποθέσεις, quibus
tamquam principiis, nituntur; haec autem ut ip-
sae intacta relinquunt, ita uni hoc proprium dis-
serendi arti est, ut et agat de hisce et ad remo-
tiora etiam, atque ipsa adeo principia reducere
conetur. Quod hac tandem sententiā enunciat
Socrates, rem totam paucis verbis complectens:
οὐκοῦν ἡ διαλεκτικὴ μέθοδος μόνῃ ταύτῃ πόρεται,
τὰς ὑποθέσεις ἀναιροῦσα ἐπ' αὐτὴν τὴν ἀρχὴν, ἵνα
βεβαιώσῃται, καὶ τῷ ὄντι ἐν βορβόρῳ βαρβαρικῶ τινὶ
τὸ τῆς ψυχῆς ὄμμα κατορωρυγμένον ἡρέμα ἔλκει καὶ
ἀνάγει ἄνω, συνερίθοις καὶ συμπεριαιγῶσι χρωμένῃ
αἷς δεικνόμεν τέχναις *dialectica igitur sola sic pro-*
ce-

(1) De Rep. VII. 533. B. C.

*cedit, ut suppositiones ad ipsum principium red-
cas, quo magis firmo pergat incensu, et animi
oculum in coeno barbarico defoesum sensim plati-
deque sursum trahat atque attollas, ministris at-
que adiutricibus ad convertendum utens illis, quas
diximus, disciplinis.* (1)

*De disciplinis
mathematicis justo proposito
tractandis.*

Incidimus ita derepente, duce Platone, in me-
diam dialecticam. Sed de mathematicis disciplinis
quod dixit ille, neminem eas adhuc recte tractas-
se, quo plenius intelligatur, haec videntur de
earum proposito addenda. Fuerunt subinde ma-
thematici, qui abditi in bibliotheca sua excluderent
inde omnes, quotquot non, ut ipsi, caeteras
exosi artes et doctrinas, in solis haerent lineis
et circulis, arcandique causa Januae inscriberent,
Platonem imitaturi scilicet, *μηδὲς ἀγνοῦντας
εἰσέρω*. Isti quid spectarint, nescio: hoc constat,
aberrasse eos procul a sententiâ Platonis, qui om-
nium esse disciplinarum et mutuam et cum ma-
thematicis artibus conjunctionem statuebat. Sed
doctrinae ipsi suae nec excellentiam nec vim digni-
nam perspexerunt, quae, Platone iudice, non so-
lum

(1) De Rep. VII. 553. C. D. v. Wyttēb. ad Plut. de
S. N. V. p. 95.

lum ad astrorum universaeque naturae conditionem explorandam, verum omnium maxime *πρὸς τὴν τοῦ καλοῦ τε καὶ ἀγαθοῦ ζήτησιν*, *ad pulcri bonique disquisitionem* et valet et tractanda est ⁽¹⁾. Exemplo id comprobant suo maximè tam veteris, quam recentioris aevi mathematici, qui acerrimo iidem valuerunt pulcri bonique sensu, ipsis autem hisce mathematicis studiis eximie hunc et acuerunt et excoluerunt. Scilicet, quid pulcrum est, quid bonum, quid in qualicunque re excellens et praeclarum, nisi quod idem est verum? Ad verum autem investigandum pertinent hae disciplinae potissimum. Quapropter Plato tractandas eas censuit, non ipsarum causa, nec vero solum, ut rebus physicis explicandis adhiberentur, sed omnium maxime, ut erudirentur iis ingenia juvenum, ut quod in artibus pulcrum, in officiis moribusque honestum est et bonum, adsequerentur facile, ut, excitato purgatoque animi oculo, verum in rebus omnibus, pulcris, bonis, justis, tamque divinis illis, quam humanis, quasi adspicerent mente. Hoc disciplinarum mathematicarum, de Platonis sententiâ summum propositum est: id vero omnibus fere ipsius aetate novum accidebat et inauditum. Sed haec de studiis mathematicis sufficiant, nunc dialecticam persequamur.

(1) De Rep. VII. 531. C.

D E

D I A L E C T I C A .

Est dialectica apud Platonem, ut aliquoties jam memoravimus, princeps disciplinarum omnium: lex est, cujus caeterae quasi prooemia sunt: imo vero, quod deinde videbimus, arx apud eum est et sepimentum doctrinarum. Quae quemadmodum accipienda sint, patuit jam nobis quodammodo edictis Socratis in libris de Republica; verum multum abest, ut, quae hujus sit disciplinae vis, amplitudo, ubertas, declaraverimus satis. Duce Platone incidimus in dialecticae partes summas longeque difficillimas, ipsam vero vix attigimus; quid efficere maxime debeat, vidimus, sed quae ejus ratio sit et progressio, ignoramus adhuc. Si qua vero disciplina est, cujus via et ratio apte ordineque et ab initio exquirenda videatur, dialectica est, quippe quae et mathematicis et nullis non disciplinis viam et rationem praescribit: unde merito sane a recentioribus disciplinarum regina vocata est. Et vero Plato, priusquam de ea in hoc de Republica opere ageret, in Phaedro jam praecipueque in Sophista et Politico totam ejus rationem declaraverat. Idcirco accuratius pleniusque nobis, nec profecto ex hoc uno philosophi opere res exponenda videtur: haud sufficiet adeo, de uno egisse Platone. Praemittenda disquisitio est, quid Socrates fecerit hac in re, quidque Platonem.

toni perficiendum reliquerit : tum etiam , quid molitus sit post utrumque Aristoteles cum ad dialecticae vindicandum in doctrinis principatum , tum ad novam huic adjungendam ipsius veri, *ἀπὸ τοῦ ὄντος*, doctrinam , quam posterī metaphysicam appellarunt. His demum exploratis , Platonis nobis dialectica quasi in conspectu , pura et sincera , erit posita , ut qualis fuerit , quid sibi proprium habuerit et singulare , quamque item in Aristotelem et sectas deinceps omnes vim exercuerit , intelligatur. Nam nisi in hoc celeberrimo philosophorum triumviratu , Socratis , Platonis , Aristotelis , suus Platoni locus adsignetur , dialectica philosophi , ipsa adeo philosophia penitus et tota cognosci nullo modo potest. Vident lectores , quis sit quamque late pateat campus , in quem nunc nobis excurrendum est. Et profecto , quod ab initio diximus , hanc esse in primis disciplinam , quae et prodesse maxime et obesse philosophiae doctrinarumque studiis possit istiusmodi est , ut locus hic nobis in philosophorum , imo omnium in usum , qui doctrinas tractant , latius omnique ambitu tractandus videatur. Operam autem dabimus , ut in his exponendis quae abstrusa vulgo et perobscura videntur , perspicuitati et quoad ejus fieri potest , suavitati consulamus. Quod ut nobis e voto cedat , adhibebimus continuo disquisitioni historiae lumen : dialecticae exquiremus in genere humano originem et initia : procedemus inde ad Socratem et propriam ejus me-

methodum, τὴν ἐπαγωγὴν, quae vulgo vocari *inductio* solet: huic Aristotelis opponemus rationem, quo accuratius ab utriusque dialecticâ Platoniceam distinguamus, et hæc qualis sit, perspiciamus. Quibus expositis tandem, quæ vis sit dialecticæ Platoniceæ ad nullas non artes doctrinasque tractandas rite, et recludendum juvenibus ad veritatis scientiam iter, nos, auguror, non latebit.

Dialecticæ apud Græcos initia.

Constat inter omnes, sic eluxisse apud Græcos philosophiam, ut novum videretur in genere humano studiorum genus extitisse. Quodsi quaerimus, quid præsertim his studiis movitatis speciem commendationemque conciliaverit, fuerunt multa quae eo valerent et varia; sed nihil id effecisse efficacius, quam dialectica, videtur. Nam tulit Oriens sapientes, rerum divinarum humanarumque studiosos et peritissimos; doctrinarum tulit tantum non omnium initia, et una cum hisce sententias de Deo, de homine, de mundo gravissimas et plenas philosophiae. Nec defuit Orientalibus perquirendi studium, cum diligentia et assiduitate conjunctum, quippe, si defuisset, tantum, quantum diximus, non invenissent. Verum disserere apte diserteque de omni argumento, rem propositam in suas partes disponere et definiendo,

dō, discernendo, distribuendo illustrare, ratioci-
 nandōque procedere ad prima rerum elementa, id
 Graeci fecerunt eoque viam sibi ad inveniendam
 veritatem reppererunt, quod philosophiae proprium
 est, Orientales vix inchoarunt. Nec vero hanc
 facultatē ipsi Graeci continuo consecuti sunt.
 Qui primum apud eos prodierunt philosophi, vel
 erant poëtae vel sententiarum inclaruerunt, ut Orien-
 tales, gravitate et sapientiā, unde sic ut illi *sa-*
pientes sunt appellati, vel, si scriberent, opinio-
 nes suas non disserendo persuadebant lectoribus,
 sed oraculorum instar pronunciabant simpliciter.
 Socratis demum aetate et paulo ante hunc philo-
 sophiae parentem, efflorescere in Graecia dialecti-
 cae studia coeperunt. Scribebant obscure etiam
 tunc nonnulli, in quibus Heraclitus, *σκοτεινός* il-
 le, sed Hippocrates, Democritus Pythagorei,
 quamvis naturā magis, quam arte excellentes, ap-
 te jam dilucideque scribendo philosophiam expli-
 cabant: artem vero de industriā tractare Eleatici
 et Megarici philosophi, tum etiam Sophistae stu-
 duerunt, hi dicendo, orationibus de nullis non
 rebus publice habendis, scriptis item de ipsā arte
 edendis: illi colloquendo magis sive argumentan-
 do, invicemque disputando, sive potius captiosis
 interrogatiunculis sibi invicem ad confutandum qua-
 si insidiis struendis. Sed quicquid in aliis qui-
 buscunque Graeciae regionibus sive ultro sive arte
 tentarunt hac in re philosophi, omnium merita
 et superarunt et obscurarunt adeo **Athenienses.**

Ho-

Horum civitas post bellum Persicum theatrum esse coepit artium omnium et doctrinarum, quo et alii aliunde et undecunque Sophistae confluentes, hinc rerum peritiam, hinc eloquentiae facultatem, hinc maxime bene dicendi scribendique artem et ostentabant publice et docebant. Qui vero in hisce tam eloquentiae, quam dialecticae laude praeter caeteris inclaruerunt omnibus, non advenae, sed ejusdem hujus civitatis inclytae cives fuerunt. Una urbs Attica, ait Vellejus Paterculus, pluribus sanae eloquentiae, quam universa Graecia, operibus floruit ⁽¹⁾. Principes oratores Attici fuerunt, Pericles et Demosthenes: Attici eloquentiae doctores primarii, Antiphon et Isocrates: Attici, quod maxime animadvertendum, dialecticae germanae auctores, Socrates et Plato. Et si qui aliunde oriundi his studiis excelluerunt, ut Aristoteles, dialecticus plane consummatus, quamquam non orator, hi fere et dicti sunt Attici et habitati, quippe ejusdem urbis Atticae disciplinis a tenera inde aetate imbuti et exculti. Quamobrem studiorum horum initia aliunde repetenda sunt, sed ipsa tam cogitandi bene, quam dicendi ars Athenis demum ab ipsis Atheniensibus sic culta est, ut ab his unice et aequales et posterius exempla

(1) Vell. Pat. I. 18. de palmaria Ruhnkenii emendatione. Vulgo legitur: *pluribus annis eloquentiae, quam universa Graecia, operibusque floruit*. V. Hist. Crit. Orat. Graec. p. 57.

plā duxerunt ad hodiernum aevum, quae non dicto superare, sed aequare adeo vix potuerunt. Nec temere dicamus, quantum Graeci caeteris populis praestiterunt philosophiae studio, tantum eloquentiā et dialēcticā caeteris Graecis praestitisse Athenienses.

Debuerunt hanc gloriam Athenae praeclaris oratoribus, quos protulerunt; sed dialecticae initia, quae et iusta esset nec ad eloquentiam tantum informandam rite, sed ad ipsam colendam philosophiam valeret, hujus initia ab uno videntur Socrate maxime repetenda. Quid sibi veller ille interrogando arguendoque, quod in gymnasiis, in foro et nullis non civium conventibus factitabat, non adsequebantur aequales; quo accidit, ut peculiare hoc videretur *Sophisticae* genus esse, atque ipse a comicis tamquam unus Sophistarum in scena traduceretur; posteri demum id intellexerunt, postquam cum alii Socratici, tum Xenophon et Plato hanc veram dialecticam, tradendis ejus sermonibus, exposuerant. Id autem prae caeteris maxime patefacere Plato studuit, qui et rationem hujus dialecticae et vim, quam in audientium animos haberet, scribendis dialogis, exprimeret: idem adeo iisdem dialogis, quae vel ipse in hac arte invenerat, vel e Socratis aliorumque ratione duxerat, complexus est: ut nobis nunc quidem, si germanae dialecticae rationem veram adsequi velimus, ex his maxime fontibus hauriendum sit. Patebit ita omnibus, quod non-

F

dum

dam omnes vident, non confirmando, probando, demonstrando constare dialecticam, sed primum *quærendo* procedere: non fructum ex ea unice capiendum esse, ut, quæ vera existimantur, nobis aliisque persuadeamus atque a dissentientium opinionibus defendamus; sed in primis, ut *inveniamus* vera: nec tantum nos per eam ad bene cogitandum, dicendum, scribendumque proficere, sed, quod Platoni placebat potissimum, eo simul *valere* ejus studium oportere, ut ipsi totâ mente *quasi convertamur* ad veritatem. Sed de his singulis singulatim viâ et ratione agemus.

Socratica dialectica.

Non dicendo solum publice aut scribendo exercetur dialectica, sed præsertim, ut ipsam docet artis nomen, τῆς διαλέξεως, colloquendo. Id autem Socratis sermonibus proprium fuit, ut, priusquam is juvenes ad verum adsequendum doceret, purgaret eorum animos vanitate, timore, præjudicatis falsisque opinionibus, quippe quas cogitandi censebat recteque dicendi scribendique gravissima impedimenta. Neglectum hoc omni ævo a plerisque est, qui dialecticam tradiderunt: methodos quæsierunt, quibus, tamquam instrumentis, viam veritatis aperirent; ipsum vero cognoscendi principium summum, veri amorem, qui exercere seae, nisi sublati impedimentis non possent, vix attenderant. Quo magis nos, in exquis-

ren-

secundo hoc principio, *καθ' ἑαυτὴν* illam Socraticam et *μακροτέρῳ* fuse dilligenterque exposuimus. Verum Socratem adhuc consideravimus *Platonicum*, i. e. uti apud Platonem, hujus simul sententiam declarat; sed cum hic *ipse*, ut cogitavit locutusque est, Socrates agatur, prodeat nobis e Xenophontis Memorabilibus, nil habens alieni, sed sic, ut solebat, cogitans dicensque. Inciderat aliquando in Glauconem, Platonis fratrem, eundem, quem hic dicentem in Politia induxit, juvenem non malum ingenio, sed inflatum opinione praestantiae suae et nescio quid magni et praecelari et spe praecipientem et jam jam in ipsa civitate suscepturum. Huic obviam factus, o Glauco, inquit, praeesse civitati nostrae cogitas? — Equidem, mi Socrates, inquit. — Profecito, ait, si quid aliud humanis in rebus, hoc certe praecclarum est. Poteris enim, si hoc impetraveris, ipse consequi quaecunque concupiveris, amicos juvare, domum paternam extollere, patriam amplificare: clarus item eris primum in urbe, deinde in Graecia et fortassé etiam, uti Themistocles, apud barbaros: ubicumque autem fueris, nusquam non eris illustris. Haec cum audivisset Glauco, efferebatur animo, lubenterque manebat. Socrates vero deinde, planum est igitur, ait, mi Glauco, necessarium esse, ut, si quidem esse in honore velis, aliquam reipublicae utilitatem afferas. — Omnino, ait. — Non igitur rem celaveris per Jovem, inquit Socrates, sed dic nobis, unde in-

tipies civitati prodesse? Hic cum Glaucō taceret, quippe considerans, unde potissimum inciperet, nonne, ait Socrates, perinde ac, quum amici domum vis amplificare, locupletiores eam redderentur, ita et civitatem conaberis opulentiores reddere? — Omnino, inquit. — Fueritne igitur opulentior, si proventus ei complures accedant? — Consentaneum est, ait. — Dic igitur, quibus ex rebus civitas haec proventus habeat et quanti illi sint: nam planum est, haec te considerasse, ut, si quidam in iis exigui sint, eos tu explas; si quidem autem amittantur, eos rursus compares. — Ego vero, ait Glaucō, nunquam profecto haec consideravi. — Quodsi haec neglexisti, ait Socrates, saltem sumtus civitatis nobis expone. Nam certum est, reputare te animo, ut supervacaneos tollas. — Ne hos etiam, per Iovem, inquit, attendi. — Ergo ait, differamus aliquantum rationem locupletandae civitatis. Nam qui possit fieri, ut harum rerum curam habeat is, qui et sumtus et proventus ignorat? ⁽¹⁾

Haec Socratis fuit nativa dialectica, qua efficere studebat, ut revocatus quis a vanis consiliis propositisque, quibus esset impar, videret, quid deesset sibi nec susciperet majora illa et praeclara, antequam se ipsum iis perficiendis idoneum reddidisset. Erat autem haec colloquendi disserendique ratio ad *τὸ πρῶτον* non tantum coercendum, re-

(1) Xenoph. Mem. III. 6. §. 2-6.

reprimendamque arrogantiam, sed etiam, quod deinceps spectabat dialecticae parens, ad recte de rebus judicandum accommodata. Pertinebat eo porro, ut res, de qua ageretur, definiretur apte, ne temere vagaretur disputatio. Socrates, ait Xenophon, putabat, eos, qui scirent, quid essent res singulae, posse aliis etiam eas explicare: qui vero nescirent, eos et falli et alios quoque fallere ⁽¹⁾. Quae definiendi ratio non vulgaris illa erat, quae vocabula obvia aliis vocabulis declararentur: *res* ille, non voces spectabat. Veluti quum ageret cum Euthydemo de justitia, non vocem hanc, ut Logici fere solent, longo verborum ambitu interpretari conabatur: sed homines quaerebat continuo, qui essent sapientes. Sapientiam, inquit, quid esse dicamus? Dic mihi: utrum tibi sapientes in iis, quae norunt, sapientes esse videantur, an aliqui sint in iis sapientes quae nesciunt? — Nimirum in illis sapientes sunt, quae sciunt: nam qui possit aliquis esse sapiens in illis, quae nescit? — Num igitur sapientes, scientia sunt sapientes? — Quanam alia re sapiens aliquis fuerit, si non scientia? — Num vero putas, quiddam aliud esse sapientiam, quam quo homines sapientes sunt? — Non equidem. — Ergo sapientia est scientia? — Mihi quidem videtur. — Ergone tibi videtur, hominem res omnes scire posse? — Imo nec partem adeo rerum aliquam-

(1) Memor. IV. 6. §. 1.

quantulam. — Homo igitur in omnibus neque esse sapiens? — Minime profecto. — Ergo in eo quis est sapiens, quod scit? — Mihi quidem videtur ⁽¹⁾. Similiter de pietate, de fortitudine, de aliis virtutibus quaerens, ipsos homines respiciebat continuo, qui essent pii, fortes, aliis virtutibus praestarent. Sic maxime non verba verbis, sed res ipsas apta earum vel hominum consideratione declarabat. Nativam hanc fuisse diximus Socratis facultatem. Nam artem in his omnibus non cogitasse videtur: imo vero hac naturae vi artibus dicendi, quas excogitaverant publiceque crepabant et docebant sophistae, opposebat sese, ut ipsis vanis et ad vana omnia ac temeraria adducentibus. Sed quamvis naturam haberet ducem dialectica Socratis, artis tamen viam et rationem tenebat, eratque propria ei methodus, ut primum sic, ut diximus, res definiret, tum vero, quod nobis omnium est maxime animadvertendum, a rebus obviis ad eas interrogando escenderet, quae ignotae essent, saltem minus sive paterent sive attenderentur. Exemplum nobis occurrit in iisdem ejus cum Glaucone, quos memoravimus, sermonibus. Tacebat hic ad quaestionem, unde ipsi esset inchoandum, si prodesse civitati studeret. Socrates vero, ut haberet is quod responderet, amici domum memorabat. Hanc rogabat si juvare velis,

non-

(1) Xenoph. *cod.* §. 7.

nonne ditiores reddere studeas? Notae sunt cuius
res domesticae et rebus politicis simpliciores: ex
illis igitur declarare hasce nitebatur. Similiter idem
in elegantissimo cum Charmide sermone. Con-
traria hujus juvenis conditio erat: nam ut Glau-
co capessere summa in republica munera auebat,
ita hic ad populum procedere prae verecundia non
audebat. In hunc igitur incidens Socrates, die
mihi, inquit, mi Charmides, si quis, quum in
ludis vincere possit, eaque re cum ipse honorem
consequi, tum patriam in Graecia illustriorem
reddere, decertare nolit, qualem existimes hunc
hominem esse? — Mollem sane, inquit, atque
ignavum. — At si quis, quum possit rempubli-
cam tractando, cum civitatem amplificare, tum
ipse ob id honorari, hoc tamen facere reformi-
det, nonne is merito ignavus habeatur? — For-
tassis, inquit; sed cur haec me interrogas? —
Quod te, inquit, cum possis, nolle tamen arbi-
tror procurare ea, quorum participem te esse
necesse sit, quum sis civis ⁽¹⁾. Illustre hujus
methodi Socraticae exemplum est in notissima
philosophi cum Aristodemio de providentia dispu-
tatione. Hunc enim quum accepisset neque Diis
sacrificare neque divinatione uti, imo et ridere
omnes, qui haec facerent, die mihi, ait, Aristode-
me, suntne quos ob sapientiam sis admira-
tus? — Sunt sane, inquit. — Dic nobis eorum
no-

(1) Xenoph. Mem. III. 7. §. 1 et 2.

nomina. — Equidem Homerum in pangendis carminibus epicis admiratus sum maxime, in dithyrambo Melanippidem, in tragoedia Sochoclem, in statuaria Polycletem, in pictura Zeuxim. Hic Socrates, utri vero videntur tibi, inquit, majore digni esse admiratione, qui simulacra mentis motusque expertia perficiunt, an qui animalia mente et motu praedita ⁽¹⁾? — Et sic quidem a rebus cuiusvis patentibus, quaeque sensibus percipiuntur ad res divinas Deique providentiam escendit. Sed hospes sit necesse est in scriptis Socraticorum, qui vel verbo monitus, non hanc continuo rationem animo repraesentat. Quoscumque habebat Socrates cum quibuscunque hominibus sermones, tum etiam, quum iudices alloquebatur publice, ut persuaderet illis, a rebus tenuissimis et vilissimis exempla petebat: sutores loquebatur, fabros, rusticos, eorumque artes et instrumenta. Haec scilicet omnibus erant nota, non cultis tantum, sed rudibus etiam et agrestibus, pueris adeo: sed ducens ille a sordidis his et abjectis sermones, res declarabat facillime, de quibus cultissimi viri omni tempore vix quidquam proferre, quod probabile esset, potuerant. Ab Aristotele haec ratio *ἐπαγωγή* dicta est ⁽²⁾, a Cicerone et Latinis *inductio*. Haec docendi ratio quam sit simplex, quam item ad persuadendum efficax, nemo est, quin

(1) Xenoph. Mem. I. 4. §. 2. 5. (2) Aristot. Analyt. post. L. I. c. 1. Top. I. 10. et passim. Cic. Top. c. 10.

quin videat sua sponte: sed esse eandem, quod diximus, naturae congruam, eo patebit manifestius, quo magis nativam hominis in disquirendo rationem attenderimus. Nam homo, quamvis universas mente ideas habeat, sine quibus judicare de rebus non potest, tamen a singulis ad universa, a simplicibus ad composita, ab iis quae videt, audit, manibus contrectat, sensibus omnino percipit, ad ea quae non patent sensibus, progreditur: quo fit, ut haec declarentur vocibus ab illorum notionibus et imaginibus ductis. Sic a pueritia suscepimus animo rerum sensibilibus notiones, et has notiones in res, sensibus non patentes, divinas in primis, traduximus: unde Diis fere mortales hominis formam, certe ingenium, tribuerunt. Hanc naturalem animadvertendi inquirendique rationem sequebatur monendo praecipiendoque Socrates: quin etiam ducem se praebebat et comitem discendi studiosis, ut una cum illis animadverteret omnia, ipse submonstraret, illi attenderent: ipse quaereret, quid effici e singulis posset: ipsi id efficerent. Id Graeci προαγγελλειν vocare solebant, et, esse hanc dialecticae rationem unam maxime naturae consentaneam, linguae docent. In his ipsis nos scribendis saepenumero jam *viae* et *itineris* usurpavimus notionem: διηγείσθαι veteres de *ducendo* proprie, sed item de *narrando*, *exponendo*, *docendo* usurparunt: μεθόδος vocabulum est in lexicis legitimum. Quid dicam de nostro *order-*
wij-

weisen? Respondet non tantum Socraticae methodo, sed, quae docendi optima ratio sit, quae sola sit ratio, qua is, qui docetur, quoad ejus fieri possit, ipse per se progrediatur, haec propria linguis Germanicis vox, ut et similes voces, exprimit ⁽¹⁾. Quo miror magis, verae institutionis principia ex interiore fere psychologia ducta esse, quae est incerta, non vero, certo raro, ex ipsis esse explicata linguarum elementis. Nam si qua alia, haec sunt certa, quippe ex ipsa hominis mente sponte orta, omniumque consensu usuque comprobata. Nec vero respondet tantum hoc verbum nostrum Socraticae dialecticae, sed explicat eam simul, certe illustrat. Sic enim viâ suâ cum aliis procedebat ille, sic συζητεῖν cum illis solebat, ut mentem eorum in ea intenderet, quae negligebant fere, ut levia et futilia: haec iis monstrabat identidem, imo vero submonstrabat, i. e. leviter monendo, gestu, digito in memoriam revocabat: ipsi autem haec attendentes, cum ipso ex hisce, quamvis levibus et futilibus, ad maxima omnia explicanda, conjecturam ducebant.

Dialectica Aristotelis.

Ἐπαγωγή huic Socraticae dissimilis est et opposita quodammodo Aristotelis συλλογιστική. Nam
ut

(1) Gall. *ansagen*.

ut quaerere; interrogare Socrates solebat, ita Aristoteles erat disciplinae proprium, ut poneretur, probaretur, demonstraretur. Quam esse syllogismi Aristotelici naturam, omnes norunt, qui unquam arte disputerunt. Cumque Socrati sufficeret, si quis ipsius ductu ad probabilitatem pervenisset aliquam, id contendebat Aristoteles agendum esse dialectico, ut, positis quae certa essent, ad certam rerum scientiam procederet. Unde intelligitur, quemadmodum constructa a philosophis sint, quae vulgo dicuntur *systemata*: intelligimus item, systemate condito, facile ei aliud prorsusque contrarium opponi potuisse. Ipse praecipit Aristoteles, ut quaeramus continuo, quae si non certa, maxime videantur manifesta; hinc autem et argumentationem et conclusionem petamus. Quocirca cum agatur in his *verisimilitudo* summa, postquam suis quis hypothesebus disputationem inaedificavit, licet aliis contrariam quaerere de eodem argumento sententiam universam non minus verisimilem, ex eaque contrariam efficere conclusionem. Hac usurpanda dialectica ratione, si quidem hypotheses pro arbitrio ponerentur fere, quid verum esset, absconditum est magis, quam patefactum, et suscepit inde philosophia prudentium hominum contemptum summum. Quamquam non diffitendum est, eandem methodum ad artem exercendam dicendi valuisse plurimum. Nam dedit opportunitatem facultatemque auxilii, in utramque partem de eodem

dem argumento disputandi: unde disputationes manarunt copiosissimae elegantissimaeque philosophorum veterum, in primis Academicorum: ipsius fluxerunt Ciceronis orationes palmariae in disputationibus Academicis, de finibus, de natura Deorum, aliis, illis si non pares, certe simillimae, quas ad Senatum, ad Quirites, pro rostris, in ipso eloquentiae regno, habuit. Et hic nobis patet maxime dialecticae apud Veteres et eloquentiae conjunctio: quarum artium alteram dixit Aristoteles alteri esse ἀντιστροφόν. Adhibebant Oratores dialecticam, quo magis sententiam suam civibus persuaderent: philosophi autem cum nihil in civitatibus illis eloquentiā haberetur majus et illustrius, et juvare oratores studebant, ut, in tantae gloriae societatem pervenirent quodammodo, et ipsi scribendo dicendoque cum illis de eloquentiae palmā concertabant. Verumtamen factum ita simul est, ut tanto splendore elucētes hae artes obscurarent plane simplicem veritatis investigationem: haec negligeretur, illa vero istis adhiberetur argumentis maxime, quae maxime veritati repugnarent. Id enim dialectici, id oratoris summa habebatur laus, ut quae essent falsa, haec dicendo efficeret, ut vera viderentur.

Ita erat Aristotelis συλλογιστικῇ methodo, consilio imprimisque effectu Socraticae ἐπαγωγῆς perquam dissimilis. Quod ipsum Aristotelem non latuit. Duo sunt, ait, διαλεκτικῶν λόγῶν genera, ἑκασ-

ἐπινομή· et συλλογισμός: illa ἀπὸ τῶν καθέκαστα
ἐπὶ τὰ καθολοῦ procedit, estque πιθανωτέρα, καὶ
σαφέστερα, καὶ κατὰ τὴν αἰσθησιν γνωριμωτέρα, καὶ
ταῖς πολλοῖς κοινὸν· συλλογισμὸς vero βιασικώτερος
καὶ πρὸς τοὺς ἀντιλογικοὺς ἐνεργέστε-
ρος. ⁽¹⁾ Operae pretium est autem animadvertere,
redisse ita post Aristotelem dialecticam ad
incurabula, ut ita dicam, sua. Nam ut ante So-
cratem hujusque aetate in Eristicā sectā inanum
fuerat contentionum plena, utque adhibita a So-
phistis fuerat ad eloquentiam, maximeque ad
causam inferiorem dicendo superiorem reddenda,
par denuo ejus usus apud Academicos, Stoicos,
Epicureos esse coepit. Contendebant denuo
Alexandrina aetate philosophi de verbis magis
quam rebus, et abusi sunt pariter eloquentiā.
Pariter Romae in justitiam dicebat Carneades,
ut duobus saeculis ante Sophistae Athenis ipsi
adeo virtuti justitiaeque haud pepercerant, ut
prudentialae politicae facundiaeque gloriolam scilicet
aliquam caperent. Thrasymachum apud Platonem,
cui Socrates et Plato germanam philosophiam op-
posuerant, imitari et superare adeo cavillando
conatus videtur. ⁽²⁾ Sic tempora mutata sunt: imo
vero ad pristinas ineptias Sophisticasque cavilla-
tiones redierunt. Sed hac aetate eloquentia et
minus, quam antea, commendationis habuit et plus
detrimenti attulit. Nam fuerant Sophistarum tem-
po-

(1) Top. I. 10. p. 281. (2) Plat. de Rep. I. 343. D.

poribus morales doctrina et politica in infantia sua. Sophistae igitur, ut fit, a calliditate continuo, non ex justis principiis cum hominis cujusque, tam politicorum virorum praestantiam repetebant: quod et serio faciebant eorum principes et miro acutissime parique eloquentiae copia et elegantia. Nam vim et quasi insurritam consecutae hae doctrinae per Socratis et Platonis philosophiam et Demosthenis eloquentiam, ut turpe esset vehementerque noceret moribus, sic ad ludicra negotia eloquentia abuti. Conterrescebat item hac aetate apud Graecos eloquentia, ut gratiae pristinae atque ubertatis vix levia referret vestigia: dialectica vero nunc demum praeceptis legibusque disputandi erat confirmata, ac per eloquentiam, quamvis decrepitam, quamvis apud Stoicos quidem ad infantiam redeuntem, tamen per eam, qualemcumque tandem, vim suam studebat exserere, mater fiebat contentionum furtilium, falsasque opiniones non veri ignorantia tenere, sed data opera, sed rixandi causa elaboratis argumentationibus conclusionibusque probare aggrediebantur. Hac dialectica specie medio aevo in Europaeis populis prodit, Scholastica ut erat, ita etiam ab illis et habita et appellata, qui, ad humani generis emolumentum summum, substituere ei Socraticam et Platoniam aggressi sunt.

Socraticae dialecticae et Aristotelicae discrimen.

Sed licet Aristotelis συλλογικῇ, ut usurpata a posteris est, inductioni Socraticae repugnaret plane nocueritque perquam veritatis virtutisque studio, tamen non ita existimandum de illâ est, quasi rejicienda sit omnino et naturae fuerit contraria. Cavendum est maxime, ne Aristotelicae dialecticae auctorem cum syllogisticis sive scholasticis veteris recentiorisque aevi philosophis confundamus. Socratis dialecticam cum Aristotelis comparantibus, utriusque nobis tenenda est cum consilii tum utilitatis diversitas. Ambae *verum* spectant, sed Socratica illud *invenire*, Aristotelica *probare* nititur. Habent ita ambae utilitatem magnam, sed suam utraque, nec, quod altera efficit in studio veritatis, id efficere altera potest. Syllogismis connectendis nemo unquam mortalium quidquam invenit novi: hoc est Socraticae methodi. Quodsi quod inventum est, probare aliis et demonstrare velimus, vel, si sit rejiciendum illud, confutare, syllogismis utendum est. Haud peperit Socratica methodus Euclidis Στοιχεῖα: tum demum haec edi in lucem potuerunt, postquam Aristotelis syllogistica sive ab ipso sive ab alio in mathematicas artes applicari coepit. Horum autem nullam esse ad discendum utilitatem, stultus sit necesse est, qui contendat. Et tantum abest, ut naturae adversetur methodus haecce, ut in fami-

miliari vitae sermonisque consuetudine, in vulgari scribendi docendique ratione, fere syllogismis homines ad declarandam sententiam suam, raro et vix unquam inductione utantur. Probando scilicet, quam inveniendū, ut possunt, ita solent etiam magis operam navare. Nec vero tam studiose omni aevo puerorum institutioni adhibitum fuisset Euclidis opus, si non synthesis aequae hominum menti, atque analysis conveniret. Sed ut vindicanda a multorum contentu Aristotelis est ratio, ita ipse Aristoteles quis fuerit quidque fecerit, recte est dijudicandum. Ut auctor fuit methodi hujus, ita a multis homo haberi syllogisticus, imo vero scholasticus solet. Quod de eo iudicium ferunt, qui ipsum nunquam legerunt, e solo eum iudicant hominum rumore, e discipulis, ut vulgus, de magistro conjecturam capiunt, confunduntque divinum virum cum scholasticorum hominum, qui ipsius nomine se sustinuerunt appellare, multitudine. Qui legit Aristotelem, parum abest, quin tantā eum, quantā ipsum Platonem admiratione prosequatur, ac Ciceroni assentiatur facile, utrumque in omnibus scriptis, excepto uno Socrate, caeteris praeferenti philosophis omnibus. Novum Aristoteles excogitavit elaboravitque dialecticae *ὑργαῶν*, quae syllogisticam admirabili quadam ingenii subtilitate exposuit legibusque adstrinxit: nec tamen eodem Socratis neglexit *ἐργαῶν*. (1) Paravit

(1) Aristot. analyt. L. I. c. 1. et passim.

vlt hoc *organum* ille posteritati magis, quam sibi suaeve aetati. Usi sunt syllogismis Stoici ⁽¹⁾, ut aliorum confutarent doctrinam, suam confirmarent, usi sunt eodem consilio Scholastici: ipse Aristoteles vix est illis usus. Eadem ejus ratio ac Platonis fuit. Ut ille inventam a Socrate *ἐπαγωγὴν*, ita hic analyticam rationem, a Platone in lucem prolatam, scriptis usurpavit suis. Sed haec tum demum poterunt intelligi, postquam, quod nunc aggredimur et nunc demum aggredi recte possumus, Platonis methodum declaraverimus.

*Platonis dialectica. Quid
Socrati debuit Plato?*

Haec de Socratis nobis et Aristotelis sufficiant dialectica. Medius inter utrumque Plato fuit, quippe illius discipulus, hujus magister; sed pariter ejus dialectica inter Socraticam et Aristoteleam medium tenet locum. Multa is debuit Socrati: *ἐλεγκτικὴν* sive *μαρτυρικὴν*, artem plane Socraticam, utpote cum amoris conjunctam disciplinā, nec minus animo moribusque quam menti salutarem: tum *definiendi artem*, qua res, de qua agitur, ex ipsius naturā declaratur: in primis vero, quam modo exposuimus, quaeque et definiendo procedit et ipsius est *μαρτυρικῆς* progressio, *ἐπαγωγὴν* sive *inductionem*. Sed haec fuerant a
So-

(1) Cic. de Fin. IV. c. 4.

Socrate cum inchoata tantum, tum naturae magis instinctu, quam arte et consilio prolata. Plato vero eadem et attendit diligenter, et judicio exploravit, et auxit aliorum adhibendis, Eleaticorum, Megaricorum, ipsorum Sophistarum inventis: novo auxit dialecticae genere, quod modo memoravimus, *analytico*, ut vulgo vocatur, sive quod *cernendo jangendoque*, *διαιρέσει καὶ συναγώγῃ* procedit. Sic autem viam munivit Aristoteli, qua hic progressus, analytico scribendi disserendique genere res omnes divinas et humanas explicare studuit. Sed alia sunt item, quae Socrati debuit Plato, quibusque tractandis superavit magistrum suum: ipsum ei debuit certum et constans dialecticae propositum.

Idem est apud Platonem dialecticae, quod arithmeticae, geometriae, caeterarumque doctrinarum finis. Valet haec pariter et vero maxime valet ad animum his rebus mutabilibus, dubiis et incertis eximendum, convertendumque ad ea, quae certa sunt et immutabilia. Ab iis, quae sensibus percipiuntur, abducit nos geometria. Non loquantur germani geometrae circulos illos et triangulos, qui imperfecta specie in tabulis exstant picti vel manu elaborati, vel apparent alicubi in rerum natura: hos vulgo relinquunt ac pueris: ipsi circulum ipsum, ipsum triangulum mente intuentur. Sic dialecticae Plato hoc praescribit officium, ut ad pulcrum, bonum, justum, ipsum per se, non quod apparet, trahat mentem et adducat, missis, quae vul-

vulgo his nominibus dicuntur, nec imperfecta sunt tantum, sed falsa, sed contraria subinde specie: itaque demum, de ejus judicio, verus et dialecticus est et philosophus, qui omnium rerum tam puras animo, quam figurarum perfectas geometra ideas consuevit. Quod ut effici per dialecticam posset, per geometriam cognatasque disciplinas a teneris præparandos censuit adolescentium animos, quo magis suscitaretur in iis ac purgaretur, quod diximus, veritatis *δρᾶνον*. Sed dialecticæ ad hoc perficiendum, ut item docet, major etiam vis est, quam caeterarum disciplinarum: imo vero, ut hæc illud perficiant, dialecticæ ope utuntur. Nulla res est, qua magis a teneris mentem nostram explicamus acuiusque, quam sermo mutuus: nulla, qua facilius efficaciusque a sensibus nos ad ea, quæ sola cogitatione assequimur, revocamus. *Ὀργάνον* vero illud, quod memoravimus, ipsius ille animi oculus, sexcentis oculis potior, quo tandem modo per mathematicas artes ad verum cernendum purgari acuique posset, si mutæ hæc essent, nec vox accederet sive docentis sive discipuli, sive etiam tacita illius, qui secum ipse in discendo colloquitur? Sed ut sermocinando assequimur maxime bene cogitandi dicendique artem, ita utramque hanc artem complectitur dialectica, estque illa una disciplinarum omnium maxime efficax cum ad veri assequendam scientiam, tum ad hanc scientiam cum aliis communicandam. In his quidem Platonem altius spectasse Socrate, nemo

est quin sponte videar. Socrates res illas sublimēs et difficiles sapientibus cedebat; ipse suā curabat aliorumque negotia i. e. animum suum et veram civium suorum salutem. Veruntamen et Socratem propius ad Platonem accessisse, et magis Platonem a Socrate profecisse, quam vulgo solet existimari, ex utriusque efficitur philosophia. Relinquebat, fateor, Socrates res sublimes, quae non hominem spectarent, doctis hominibus, qui his explicandis delectarentur: cujus rei testis nobis Xenophon est in Memorabilibus. Sed eodem opere, eodem loco Xenophon spectasse testatur Socratem, *τί εὖσεβές, τί ἀσεβές, τί καλόν, τί αἰσχρὸν, τί δίκαιον, τί ἀδίκον* ⁽¹⁾; Ecquid autem Plato in omnibus scriptis persecutus est diligentius, quam pulcrum, justum, sanctum, honestum? sunt haec ipsa ideae Platonis. Plato vero ut has duxit e Socratico fonte, sed suā nobis sublimitate proposuit, ita non sic discessit a magistro, quin magna haec et sublimia hominum accommodaret societati. Omnis ejus de numeris, de geometriā, de astronomiā, harmoniā, de hac ipsā, quam nunc spectamus, sublimi sane dialecticā disquisitione, omnium maxime ad civitatem refertur, ut, qui praefuturi sunt ipsi aliquando eamque beatam reddituri, optimis excolantur disciplinis. Ergo, si Socratis quaeritur et Platonis in dialecticā propositum, hujus videtur majus sublimiusque fuisse,

2

(1) Xenoph. Mem. I. 1. §. 16.

a Socratico vero proposito vereque homini salutari non diversum.

*De methodo Platonis,
quae cernendo jungendoque procedit,
sive de analysi.*

Ad hanc item excolendam perficiendamque methodum, cum aliis, tum vero Socrati debuisse multum videtur Plato. Conjuncta illa quam proxime est cum Socratis *ἐπαγωγή*: imo veto priusquam apud eum ad cernendum jungendumque proceditur, res adducuntur vulgares, sensibus patentes, unicuique obviae ac notae, a quibus ad ea, quae exquiruntur, producimur. Complectitur item veram definiendi rationem, quae, Socrate auctore, non voces, sed ipsas res spectat. Quodsi ad inveniendum potissimum spectat Platonis methodus, a Socratica illud inductione, ut vidimus, non alienum est. Verumtamen quicquid aliis debuit Plato, sic ille hanc cernendi jungendique artem et descripsit et factitavit, ut novum dialecticae genus induxisse visus sit, fueritque illud per totam antiquitatem celebratum. Ipse hanc methodum in scriptis suis eo fere ardore praedicat, quo inventa sua inventores amplecti fere solent. Cum Phaedrum scriberet juvenili aetate, *ἐρασὴν* se esse hujus methodi profitebatur, eumque qui usurparet illam, ut Deum venerari. *Τούτων δὴ ἔγωγε αὐτός τε ἐρασῆς, ὦ Φαῖδρε, τῶν διαίρεσεων καὶ συναγωγῶν,*
ἵν'

ὥς αἴστανται ἢ λέγειν τε καὶ φρονεῖν· ἐάν τε τοιαῦτα ἀλλὰ
ἡγήσασθαι δυνατόν εἰς ἓν καὶ ἐπὶ πολλὰ πεφικνέτα
δρῶν, τοῦτον διώκω

κατήπισθε μετ' ἴχνιον ὥς ἑοῖο ⁽¹⁾.

*Hujus ego, o Phaedre, discernendi jungendisque ar-
tis et ipse amator sum, ut et dicere et cogitare
possim, et, si quem alium posse existimaverim
unum et multa pro rerum natura perspicere, illius
ego sequor tanquam Dei cuiusdam vestigia. Du-
bitabat illa aetate etiamnunc, quo nomine appella-
ret, qui eam tractarent: tantum abest, ut cum
vulgari eam dialecticā confuderit. Καὶ μέντοι καὶ
τοὺς δυναμένους αὐτὸ δρῶν, εἰ μὲν ὁρθῶς ἢ μὴ προσ-
αγορεύω, ἑεὶς οἶδε· καλῶ δὲ οὖν μέχρι τοῦδε διαλεκ-
τικούς ⁽²⁾. Et sane illos, qui id facere possunt,
rectene an secus Deus noverit; appello autem eos
ad hoc usque tempus dialecticos. Sed in Phaedro
divinam methodum dicendi scribendique arti adhi-
bebat: postea vim ejus et ubertatem interius per-
spicere coepit. Socratem in Philebo sic inducit
cum Protarcho de eā disserentem: οὐ γὰρ ἐστὶ καλ-
λίων ὁδὸς, οὐδ' ἂν γίγνωιτο· ἢ ἐγὼ ἐρασῆς μὲν εἰμι
ἀεὶ, πολλάκις δὲ με ἤδη διαφυγοῦσα, ἔρημον καὶ
ἄπορον κατέστησε. Nec vero est nec esse potest pub-
erior via ac ratio, cujus ego semper amator sum,
saepius autem me illa fugit et destituit. — Quae-
nam illa tandem? Dicatur modo. — Ἦν δηλῆσαι
μὲν*

(1) Phaedr. 266. B. Cf. Phil. 16. B. (2) Phaedr. 4. L.

μὲν οὐ πᾶν χαλεπὸν, χρησθαι δὲ παγχάλεπον· πάντα γὰρ, ὅσα τέχνης ἐχόμενα ἀν' εὐρεθῆ· πέτοτε, διὰ ταύτης φανερά γέγονε. *Quam declarare non ita difficile est, usurpare vero perquam est difficile: quoniam etiam, quascunque in artibus inventa utquam sunt, per hanc in lucem sunt prodita.* Vide autem, quam dicam. — Dic vero tandem. — Θεῶν μὲν εἰς ἀνθρώπους δόσεις, ὥς γε καταφαίνεται ἡμῶι, ποτὲν ἀν' θεῶν ἐβρίσθη διὰ τινος Προμηθέως ἡμᾶς φανωτάτω τιμῇ κυρί. *Donum Deorum, ut mihi videtur, divinitus ad homines per Prometheum quendam una cum lucidissimo igne delapsa est.* (1) Unde intelligitur, quam late pateat apud Platonem per omnes artes artiumque inventiones vis dialecticae. Et vero fructum inde posterī uberrimum ceperunt. Dicitur Aristoteles primus fuisse, qui artes doctrinasque et distingueret a se invicem rite et singulis propriam constitueret rationem; idem verò ante eum jam inchoaverat Plato, certe quomodo id esset perficiendum, hac tradenda cernendi jungendique arte, docuerat. Quin etiam quae scholae mathematicorum Platonicae tribui fere inventa solent, a novā hac Platonis methodo repetenda magnam partem videntur. Quod Proclus animadvertit, quum ageret de Laodamantis mathematici inventis: καλλίστη μὲν μέθοδος ἡ διὰ τῆς ἀναλύσεως ἐκ' ἀρχὴν ὁμολογουμένην ἀνάγουσα τὸ ζητούμενον· ἦν καὶ ὁ Πλάτων, ὡς φασι, Λαο-
δάμ-

(1) Phil. 16. B. C.

διδόναι παρέδωκεν, ἀφ' ἧς καὶ ἐκεῖνος πόλλων κατὰ γεωμετρίας εὐρετῆς ἰσχύεται γενέσθαι. ⁽¹⁾

Quae cum sit hujus methodi universaeque dialecticae Platonicae vis et ubertas, nos quidem de *divisione* et *partitione* non, ut de communi quodam logicae loco agemus. Proferremus ita vulgares centiesque repetitas dialecticae sententias, in nullis non compendiis obvias. Proferre et quasi in lucem revocare ipsius Platonis methodum nobis propositum est, eamque ita producere, ut ab ipso descripta auctore est, cum definiendi arte et Socraticā inductione conjuncta, uniceque valens ad rite et cogitandum et dicendum et scribendum, omninoque ut donum divinitus, quod ipse ait, per Prometheus quendam ad hominum genus delatum. Ut vero id recte instituamus, hoc peto a lectoribus, ut, missis vulgaris dialecticae praeceptis, quibus a teneris sumus imbuti, ex uno mecum Platone haurire velint, eademque, quā ille, viā et ratione procedant.

Tres sunt dialogi Platonis, quorum alius ex alio fluxit, ut disserendi in iis quasi continuatio quaedam cernatur, *Theaetetus*, *Sophista*, *Politicus*. Recte hos *dialecticos* voces. ⁽²⁾ Nam, ut quaerendi interrogandique; sive potius obstetricandi in philosophia artem *Theaetetus* continet, ita hanc

(1) V. Casaub. ad Diog. L. III, 24. Cf. Dionys. Hal. est. Rhet. p. 66, et Stallbaum ad Plat. Philoh. Proleg. p. LIV. (2) V. Ast Plato's Leben p. 53.

hanc cernendi jungendique methodum in *Sophistâ* et *Politico* exposuit Plato. De primo hujus triologiae dialogo jam diximus: occurrit in eo nobis Theaetetus, philosophâ adolescens indole praeditus, cui Socrates continuo quaestionem, quid sit scientia, proponit, ut, quae insunt ejus ingenio tamquam foetus, cum veras, tum falsas praedicatasque opiniones eliciat, illas probet alatque, has rejiciat ac deleat, quo magis iis liberatum adolescentis ingenium, recte deinceps et cogitet et judicet. Non scientiae datâ operâ definiendae causa sermones illi procedunt, sed illô proposito praesertim, ut *ars* quaerendi interrogandique Socratica, omnino *ἐλεγχος* sive *μαιευτική* in luce ponatur. Simillimum *Sophistae* et *Politici*, de quibus jam nobis agendum, cum propositum tum argumentum est. Idem in iis occurrit Theaetetus: adsunt item pariter Socrates et Theodorus; sed accedit hospes aliquis Eleates, qui sic interrogando artem cernendi jungendique declarat, ut *μαιευτικήν* antea declaraverat Socrates. Ingressus igitur Theodorus, uti heri, inquit, inter nos convenit, cum ipsi huc redimus, tum hunc adducimus hospitem Eleatem, virum plane philosophum. Socrates eum mirâ continuo urbanitate, nec vero sine ironiâ excipit. Tune vero, inquit, Theodore, non hospitem, sed Deum forte quemdam inscius secundum Homerum ad nos duxisti? Dicit enim ille, cum alios Deos hominibus, qui quidem justî pudoris participes sunt, tum Hos-

pi-

pitalem non misium Deum, comites ac praebere, ut hominum cum injuriis, tum aequitatem inspiciant. Forte igitur et tibi quis Superiorum comes est, ut nos, qui in disputando nihil magnopere valeamus, et inspiciat et redarguat, ipse scilicet redargutionis aliquis Deus. ⁽¹⁾ Hic Theodorus, non mos hic, o Socrates, inquit, hujus hospitii est, sed modestior est illis, qui contentationibus student, et videtur mihi vir Deus quidem minime, verumtamen *divinus* esse: omnes enim ego philosophos hoc nomine voco. Ad haec Socrates, recte tu quidem, amice, respondet; sed hominum genus videtur mihi non facilius ad discernendum, quam Deorum, esse. Nam viri illi, qui quidem non ficti sed vere philosophi sunt, propter caeterorum inscitiam, omni forma ac specie apparentes, urbes circumeunt, desuper in inferiorum vitam despicientes: et aliis quidem nullo, aliis omni honore colendi videntur: modo autem politicorum specie, modo sophistarum apparent: interdum etiam nonnullis plane videntur insani. ⁽²⁾ Hinc ille orsus petit deinde ab hospite, ut exponat sibi, quo tandem hi modo apud Eleates distinguantur, sophista, politicus, philosophus. Nobis autem ex hoc exordio intelligere licet, Platonis fuisse propositum, non, quae communis est sententia, ut sophistas politicosque homines irrideret: quamquam id fecit reapse nec minus

(1) Soph. 216 A. B. Cf. Hom. Odyss. P. vs. 485.

(2) Soph. eod. l.

nus festive; quam in *Nubibus* aliisque comœdiis Aristophanes; sed, ut a sophistis et politicis philosophos distingueret, vel potius, quod spectasse magis etiam videtur, ut hoc distinguendi studio ipsam cernendi iungendique artem, quasi dramatice, lectoribus proponeret. Quamquam propositum non plane explevit. Nam sophistae et politico non adiecit philosophum. Philosophus vero quis sit, alio deinceps opere, in *Pollide* minus dialectice, sed non minus philosophice, ut ipsi jam vidimus, expressit. Sed pergamus. Hespès igitur, ut gratificetur Socrati, et sophistam exprimit continuo, quid sit, et facit non longa oratione, ut solebant Eleatici, sed ratione Socratica, interrogando ac respondendo: idemque, ut heri Socrates, ita nunc ipse, Theaetetum ad sermones invitat. Age, inquit; Theaetete, quid sit sophista, quaeramus: nam nunc quidem nomen solum habemus commune, rem vero, quae nomine appellatur, uterque facile nostrum propriam sibi habere: oportet autem semper, rem magis ipsam cum rationibus, quam nomen solum sine rationibus, utrumque tenere. Genus autem illud, quod nunc exquirere in animum induximus, non omnium facillimum est ad assequendum, quid sit, *sophista* scilicet. Quae autem magno cum studio exquirenda sunt, de his vetus est ac communis omnium sententia, prius

(1) Dubitat Plato, an hoc facturus sit Soph. 253 E. 254. B.

ea docere in parvis et facillioribus, quam in ipsis maximis, meditandi caussa considerari. Nunc igitur equidem, o Theaetete, nobis id suadeo, ut, cum difficile ad assequendum venandumque sit sophistae genus, primum in alio quodam faciliore assequendi ejus rationem praemitemur: nisi tu forte commodiorem habes, quam indices, viam. — Ego vero non habeo. — Visne igitur vile quid quaeramus, idque conemur exemplum ponere majoris illius negotii? — Omnino. — Quid igitur proponamus, quod notum est omnibus et parvum, rationem autem non minorem, quam quidvis majorum, habet? Veluti ἀσπαλιευτῆς, *piscator hamularius*: nonne et omnibus id notum nec magni momenti negotium est? — Certe. — Viam illum et rationem habere ad id, quod quaerimus, aptam spero. — Id si ita esset, res se optime haberet. — Age, hinc exordiamur: dic mihi; artisne, eum peritum, an expertem artis, alia vero facultate valentem ponemus? — Minime sane expertem artis. — Artium omnium duo sunt genera. — Quanam illa? — Agricultura et quaecumque cultura quodvis mortale corpus spectat, tum vero etiam quicquid compositum est et fictum, quod supellex vocatur, arsque imitandi, haec universa uno nomine recte dicantur. — Quomodo et quo nomine? — Πᾶν ὅπερ ἂν μὴ πρότερον τις ὦν ὑπερὸν εἰς οὐσίαν ἄγοι, τὸν μὲν ἄγοντα ποιεῖν, τὸ δὲ ἀγόμενον ποιεῖσθαι πού φαμεν. *Quodcumque quis, cum antea non fuisset, poëta,*

eo adduxit, ut esset, is, qui id eo adducto, factum dicitur. — Recte. — Cuncta, quae modo retulimus, illuc naturâ ipsa suâ valent. — Valent omnino. — Ποιητικὴν, *factendi artem*, igitur summam illa dicamus. — Sit ita. — Τὸ δὲ μαθηματικὸν αὖ, μετὰ τοῦτο εἶδος ὄλον καὶ τὰ τῆς γνῶσεως, τὸ τε χρηματιστικὸν καὶ ἀγωνιστικὸν καὶ θεραπευτικὸν, ἐπειδὴ δημιουργεῖ μὲν οὐδὲν τούτων, τὰ δὲ ὄντα καὶ γεγενητά, τὰ μὲν χειροῦται λόγῳ καὶ πράξει, τὰ δὲ τοῖς χειραυμένοις οὐκ ἐπιτρέπει, μάλισ' ἂν ποὺ διὰ ταῦτα ξυμπαντα τὰ μέρη τέχνη τῆς κτητικῆς λαχέτω ἂν διαγράφει. Genus autem deinde omne, quod ad discendum et cognoscendum pertinet, quodque refertur ad quaestum, ad certamina, ad venationem, quum horum nihil faciat quidquam, sed ea quae adsunt et facta sunt, partim sermonibus factisque sibi vindicet, partim vindicantibus non concedat, propter has omnes ipsius partes optime κτητικῆς, *ars acquirendi*, dicta, eas omnes complectatur ac definiat. — Sic deceat omnino. — Cum igitur omnes vel ad κτητικὴν vel ad ποιητικὴν referantur, utri earum, o Theaetete, ἀσπαλιευτικὴν tribuamus? — Κτητικῇ sane. — Κτητικῆς autem nonne duae sunt species? altera, quae voluntariâ permutatione fit, dono, venditione, mercede: reliqua species vel facto vel sermone sibi vindicans, χειρωτικῇ sit. — Patet e dictis. — Χειρωτικὴν autem nonne bifariam dividamus? — Qua ratione? — Si palam sibi vindicat,

cat, ostendo, si clam, venando eam procedere
atque ease *θηρευτικήν* ponamus. — Omnino. —
θηρευτικήν autem absurdum esset non bifariam di-
videre. — Dic, qua ratione? — Discernentes alto-
rum speciem rerum non animatarum, alteram ani-
matarum. — Quidni? Sunt enim ambae hae spe-
cies. — Sunt sane, et decet nos non animatorum
speciem, quippe nomine carentem, dimittere,
praeterea item natantium quasdam partes et alia
istiusmodi exigua; sed alteram speciem, quae vi-
ventium est animalium venatio, *ζωοθηρευτικήν* appel-
lare oportet. — Esto. — *ζωοθηρευτική* autem nonne du-
plex species iure dicatur, altera pedestris gene-
ris, variis formis nominibusque distincta, *πεζο-
θηρευτική*, altera natantium animalium, *ενυδροθηρευτική*? —
Omnino. — Natantis generis partem natare per
aërem, sive volare, partem per aquam natare vido-
mus. — Quidni? — Et volantis quidem generis
omnis venatio *δρυοθηρευτική* dicitur. — Dicitur
sane. — Aquatiliū vero universe fere *αλιευτι-
κή*. — Omnino. — Quid? Hanc rursus venatio-
nem nonne in duas maximas partes dividamus? —
Quaenam istae? — Partim hinc retinaculis, partim
percussione venamur. — Qua utrumque ratione
distinguis? — Alterum, quoniam quicquid coë-
tendi gratia aliquid comprehendendo cohibet, re-
tinaculum vocatur. — Recte. — Nassas, ralia,
laqueos, verricula, caetera huiusmodi nonne reti-
naeulia vocanda sunt? — Sunt omnino. — Hanc
igitur venationis partem *επινοθηρευτικήν* vel simili no-
mi-

mine appellabimus? — Omnino. — Altera vero species, quae hamis et fuscinis caput, *πληκτικὴ* universo nomine dicenda est, nisi pulcrius quis aliud nomen invenerit. — Nomen mittamus, hoc enim sufficit. — *Πληκτικῆς* autem ratio, quae noctu ad ignis lumen ab iis, qui sic venantur, fit, *πυρευτικὴ* appellanda videtur. — Videtur omnino. — Altera autem ejusdem ratio, quae interdum fit, cum in extremitatibus fuscinae etiam urcos habeant, tota *ἀγκισρευτικὴ* vocatur. — Recte. — Hujus autem modus, qui a superiore parte in inferiorem procedit, quoniam tridentibus utitur maxime, *τριδοντία* dicitur. — Sic appellant nonnulli. — Reliqua autem una nobis species est. — Qualis illa? — Percussio quaedam hamo facta, contra ac superior, neque in qualibet piscium parte, veluti fuscina, sed in capite et ore dumtaxat, ab inferiore parte ad superiorem virgis et calamis atrahens: hujus quod potissimum, o Theaetete, nomen esse dicemus? — Existimo equidem quod modo proposuimus exquisitendum, nunc jam perfectum esse. — Nunc igitur *ἀναλειυτικῆς* non modo nomen ego et tu communi sententiā, sed rationem etiam ipsamque opus accepimus sufficienter. Nam universae artis diadema pars erat *κτητικῆς*; *κτητικῆς* autem *χειρωτικῆς*; *χειρωτικῆς* *θηρευτικῆς*; *θηρευτικῆς* *ζωοθηρικῆς*; *ζωοθηρικῆς* *ἐνυγροθηρικῆς*; *ἐνυγροθηρικῆς* pars, quae sursum procedit *ἀλειυτικῆς*; *ἀλειυτικῆς* *πληκτικῆς*; *πληκτικῆς* *ἀγκισρευτικῆς*; hujus autem pars, quae ab inferiore

re

re loco sursum attrahit, nomine ab ipso attra-
hendo assimilato, ἀσκαλιευτική, quam quaesivi-
mus, vocatur. — Id quidem omnino declaratum
nobis est. —

*Inductionem complectitur apud
Platonem analysis.*

Legenda haec lectoribus apposui, ut ipsi inde
de Platonis dialecticā judicarent. Et primum qui-
dem inductionem, ἐπαγωγήν Socraticam, quis est,
qui in hisce non animadvertat continuo? In ipso
principio a re quadam faciliore ac manifestiore in-
choandum dixit hospes, ut hinc ad difficiliora atque
obscuriora conjectura duceretur.⁽¹⁾ Est autem res illa
facilior ac manifestior, ut hinc, itemque ex *Politi-
co* patet, παράδειγμα, exemplum. Χαλεπὸν,
in Politico Hospes ait, μὴ παραδείγμασι χρώμε-
νον, ἱκανῶς ἐνδείκνυσθαι τι τῶν μείζονων *difficile est,*
sine exemplis quid eorum, quae majora sunt,
recte declarare.⁽²⁾ Itaque ut hic piscatore, ita
illic texendi arte tamquam exemplo utitur. Sed
iuxta eodem illo dialogo, quo politicus sive rex,
ut hic sophista exquiritur, ipsam hanc disqui-
rendi per exempla rationem explicare hoc loco
juvat. Illustrat eam Hospes e literarum discipli-
nā. Pueros novimus, inquit, cum literarum fieri
periti incipiunt, literarum unamquamque in bre-
vis-

(1) *Soph.* 218. C. D. (2) *Politic.* 277. D.

vīssimis facillimisque syllabis recte assequi, in-
 aliis autem syllabis easdem nec assequi et dubi-
 tando haesitandoque falli. Quae igitur facillima,
 quae pulcerrima ratio est, qua eos ad illas, quas
 nondum cognoverunt, adducamus? Nonne haec
 est? Ἀναγαγεῖν πρῶτον ἐπ' ἐκεῖνα σοιχεῖα, ἐν οἷς
 ταυτὰ ταῦτα ὀρθῶς ἐδόξαζον· ἀναγαγόντας δὲ, τιθέ-
 ναι παρὰ τὰ μήκω γιγνωσκόμενα· καὶ παραβάλλον-
 τας, ἐνδεικνύναι τὴν αὐτὴν ὁμοιότητα καὶ φύσιν
 ἐν ἀμφοτέραις οὖσαν συμπλοκαῖς· μέχρι περ ἂν πᾶσι
 τοῖς ἀγνοουμένοις τὰ δοξαζόμενα ἀληθῶς παρατιθέ-
 μενα δειχθῇ· δειχθέντα δὲ, παραδείγματα οὕτως γιγ-
 νόμενα, ποιήσῃ τῶν στοχείων ἕκαστον πάντων ἐν πά-
 σαις ταῖς συλλαβαῖς, τὸ μὲν ἕτερον, ὡς τῶν ἄλλων
 ἕτερον ἐν· τὸ δὲ ταυτὸν, ὡς ταυτὸν αἰεὶ κατὰ ταυτὰ
 ἑαυτῷ προσαγορεύεσθαι· *Educere eos primum ad il-
 las· literas, in quibus haec eadem recte opinati fue-
 rint: educentesque apponere his literis eas quas
 nondum cognoverint, ut, comparando, in utris-
 que ostendamus eandem similitudinem ac naturam,
 donec omnibus, quas nondum cognoverunt, illae
 quas jam opinione assecuti sunt, appositae, osten-
 sae illis fuerint: ostensae scilicet hae, quippe quae
 exempla erunt ad ignotas cognoscendas, effi-
 cient, ut omnium literarum unamquamque in om-
 nibus syllabis, si diversū est, tamquam a caete-
 ris diversam, si eadem est, tamquam eandem si-
 bique constantem pronuncient.* Sic pueri literas dis-
 cunt, et sic existit exemplum, quum quod idem
 est in alterutro sejuncto, recta opinione concep-

H

tum,

tum, hoc utrique accommodatum, unam amborum communiter rectam opinionem parit. Quae cum ita sint, ad res ignotas cognoscendas exemplis utimur, et ipsis exemplis, quo rectius intelligantur, exempla adhibemus ex minoribus etiam rebus, ut sic patefactis rebus, *ὅταν ἀπὸ ἐνσπυρεῶν* pro summio veritatem consequamur. ⁽¹⁾

Haec sane diligenter attendisae, si interius velimus Socraticam methodum perspicere, non pigebit. Sed patet ita nobis, quod proprie hinc efficiendum rati sumus, cum methodo illa apud Platonem *analysis* conjunctam esse, hanc autem similiter per exempla procedere. Sunt vero nobis alia etiam et quam plurima ex iisdem Hospitis in *Sophista* sermonibus, ad Socraticae illius inductionis rationem percipiendam, animadvertenda. Et primum quidem hilaritatem attendamus, quae nulla fere est in recentiorum disputationibus dialecticis, sed per sermones hosce aequabiliter diffusa est. Nam quod in Socraticis Platonis dialogis saepenumero cernimus, in rebus eum seriis joco subinde et facetiis uti, quae exhilarant inter legendum animam, nec tamen accurate rerum disquisitioni et explicationi officiant, id in primis in hac tota de Sophista disceptatione animadvertere licet. Exemplum piscatoris, quod ad sophisticam artem explicandam adhibetur, ut inductioni convenit, ita ad artem illam festivissima ratio-

(1) Politic. 377. E. 378. A. B. E.

tiōne exagitandam, unice valet. Ex his, quae ad-
scripta sunt, auguramur jam facile, quāli quamque
ridiculā specie e comparatione proditurus sit Sophista;
sed attendamus quae proximē sequuntur. Age vero,
sic pergit Hospes Elicates, secundum hoc exem-
plum Sophistam, quid tandem sit, invenire con-
inur. — Conemur. — Illud scilicet primum fuit,
quod quaesivimus, utrum expertem artis, an pe-
ritum esse statueremus, qui hamo piscatur, pis-
catorem, τὸν ἀσπαλιεύτην. — Fuit omnino. — Et
nunc quidem Sophistam, Theaetere, expertemne
artis aliquem, an verō omnium maximē peritum
verēque Sophistam dicemus? — Minime sane ex-
pertem: intelligo enim, quid dicas, omnino hunc
talem esse oportere, qui quidem hoc nomen ha-
bet. — Artis igitur alicujus peritum esse dice-
mus? — Cujusnam tandem? — Proh Deos, ignora-
musne virum cum viro cognatum esse? — Quem-
nam illum? — Piscatorem hamularium cum so-
phista. — Quā in te? — Venatores quidam esse
mihi ambo videntur. — Cujusnam venationis al-
ter? De altero enim diximus. — Bifariam divisi-
mus venationem omnem; natandum animalium et
pedestrium. — Omnino. — Natantium species per-
secuti sumus, pedestria vero non divisimus: mul-
tiplicia illa esse dicebamus. — Diximus. — Hac-
tenus igitur sophista et piscator simul ἀπὸ τῆς
κήτητικῆς τέχνης progressi sunt. — Sunt, ut vi-
detur. — Discesserunt vero a se invicem ἀπὸ
τῆς ζωοθηρικῆς: piscator ad mare et flumina ac li-

eus, quae in his sunt animalia venaturus. — Quidni? — Sophista autem in terram et alia flumina, veluti in prata quaedam divitiis et juventute abundantia, quae in his sunt animalia subacturus. — Quo illud pacto? — Πεζοθηρίας duae maximae partes sunt. — Qualis utraque? — Altera cicurum, agrestium altera. — Estne vero cicurum etiam venatio quaedam? — Est omnino, si quidem homo cicur animal est. Pone vero uti placet, vel, non cicur esse animal hominem, sed agreste quoddam, vel cicur esse, nullam vero esse hominum venationem. Haec utroque modo tibi placet, sic definito. — Ego vero et nosmet esse, o Hospes, cicur animal arbitror et hominum esse venationem dico. — Duplicem igitur esse τὴν ἡμεροθηρικὴν dicamus. — Qua ratione? — Praedatoriam, ἀνδραποδιστικὴν, tyrannicam, bellicam omnem, cuncta haec violentam venationem appellamus. — Recte. — Quae vero judicando fit vel concionando vel conciliando, uno verbo πιθανουργικὴν quandam artem dicimus, — Bene. — Πιθανουργικὴς autem duae partes sunt. — Quales illae? — Altera privatim, publice altera fit. — Exstat utraque species. — Ἰδιοθρευντικῆς autem pars μισθαρνευτικὴ est, altera δωροφορικὴ. — Non intelligo. — Amatorum venationem nondum attendisse videris. — Qua in re? — Quod illis, quos venando ceperunt, munera insuper adhibent. — Vera narras. — Haec igitur amatoriae artis species esto. — Μισθαρνευτικὴ vero partim gratia fit et volup.

luptatem unice escam habet, ut inde alimenta sibi pro mercede paret: hanc autem omnes facile, opinor, *κολακικὴν* quandam sive *ἡδοντικὴν* artem appellemus. — Quidni? — Cum autem partim profiteatur etiam, se virtutis causā alios sibi conciliare, pro mercede pecunias parantem, nonne hoc genus hominum alio nomine vocabimus? — Quidni? — Quonam igitur illo, dic, quaeso. — Patet sane: *sophistam* invenisse videmur. Hoc autem dicentem, aptissimo me eum nomine appellasse puto. — Secundum hanc igitur disceptationem nostram, o Thæætete, quæ juvenum, divitum, illustrium est venatio, quæque fit per artem conciliandi, subigendi, venandi, per *ζωοθηρίαν*, *χέρσαιαν*, *ἀνθρωποθηρίαν*, *πιθανοθηρίαν*, *ἰδιοθηρίαν*, *νομισματοπωλικὴν*, *δοξοπαιδευτικὴν* venationem, hanc, inquam, ut nostra evincit disceptatio, appellari decet *σοφιστικὴν*.⁽¹⁾

Sed festivum cui forte, nec tamen dignum philosopho negotium videatur, sic in Sophistam quasi venationem instituere venandoque eum capere. Quod ipsam hanc *venationem* attinet, convenit Socraticæ et Platonicae philosophiæ, quæ tota *quaerendo*, *indagando*, *investigando* procedit. Unde maxime laudat Plato τοὺς εὐφυῶς δυναμένους ἰχνεύειν τὴν τοῦ καλοῦ τε καὶ εὐσχήμονος φύσιν.⁽²⁾ Quæ *investigandi* notio apud recentiores etiam a phi-

(1) Soph. 221. C. — 223. B. Totum h. locum ex probabili Heindorfii interpretatione verti. (2) Rep. III. 401. C.

philosophis usurpatur, ubi exquirunt veritatem: latet in nostro *het ware opsporen*, item *besporenen*. Plene autem, ut Plato, nos dicimus: *najagen*, *het goede najagen*. Quam ob rem hac ipsa Sophistae investigatione et venatione expressisse, Plato cum dialecticae suae tum ipsius adeo philosophiae rationem videtur. Sed ejusdem in hoc ludicro, ut multis visum est, negotio altius spectavit consilium. Similiter in *Politico* politicum exquirens, faise de *τεχνολία* arte disceptaverat. Atqui, αἰε, τὸν τῆς ὑφαντικῆς γε λόγον αὐτῆς ταύτης ἕνεκα θεωρεῖν οὐδεὶς ἂν ἐβέλλανε γὰρ ἔχειν· ἀλλ', οἶμαι, τοὺς πλείους λέληθεν, ὅτι τοῖς μὲν τῶν ὕτων βέλους καταμαθεῖν αἰσθηταὶ τινες ὁμοιώτατες πεφύκασιν, ἃς οὐδὲν χαλεπὸν διλοῦν. ἔταν αὐτῶν τις βουληθῇ τῷ λόγου αἰτοῦντι περὶ τευ, μὴ μετὰ πραγμάτων, ἀλλὰ χωρὶς λόγου ἁπλῶς ἐκδεῖξασθαι τοῖς δ' αὖ μεγίστοις οὗσι καὶ τιμιωτάτοις οὐκ ἔστιν εἶδωλον οὐδὲν πρὸς τοὺς ἀνθρώπους εἰργασμένον ἑναργῶς, οὐ δευχθέντος, τὴν τοῦ πυνθανομένου ψυχὴν ὁ βουλλόμενος ἀποπληρῶσαι, πρὸς τῶν αἰσθησίων τινὰ προεαρμοττων, ἱκανῶς πληρώσει· διὰ δὲ μελετῆν, λόγον ἐκάστου δυνατὸν εἶναι δοῦναι καὶ δεῖξασθαι· τὰ γὰρ ἀσώματα, κάλλιστα ὄντα καὶ μέγιστα, λόγῳ μόνον, ἄλλω δὲ οὐδενὶ σαφῶς δεικνύται· τοῦτων δὲ ἕνεκα πάντ' ἐς τὰ νῦν λεγόμενα. Τεχνολία, artis rationem hujus ipsius causa nemo ratiocinator, exquirere velit; sed latet plerisque, opinor, rebus, quidem, quae facile cognosci possunt, imagines quasdam esse proprias, sensibus percipiendas, quas indicare non difficile est, quoties quis illarum aliquam

quam vult alicui exquirenti, non aegre et cum molestia, sed sine ratiocinatione facile monstrare; rebus vero maximis, praeclarissimisque non esse imaginem ullam, ad hominum captum effectam, quod monstratū ē, qui exquirentis animum explet cupit, sensui cuidam accommodans, satis expleat. Quapropter operam dare oportet, ut rationes de singulis et dare et accipere possimus. Nam incorporea, quae pulcherrima sunt et maxima, ratiocinatione solum, aliā vero re nullā evidenter demonstrantur. Horum gratiā haec nobis omnia dicta sunt. ⁽¹⁾ Ex qua memorabili in primis sententiā vim et rationem simul inductionis Socraticae plenius licet cognoscere. Sic illa procedit, prouti nos docuerunt Socratici, apud Xenophontem sermones, et modo quum de exemplo ageremus, vidimus, ut rebus obscurioribus manifestiores apponantur, quarum comparatione illustrentur; sed hīc videmus, illuc eam praesertim valere, ut, quae sensibus non patent, sed unā cognosci mente et cogitatione possunt, τὰ ἀσώματα, haec rerum spectabilium comparatione intelligantur, omninoque, ut ex mundo ὁρατῶ conjecturis captis, sic judicare de mundo νοητῶ

stu-

(1) Politic. 285. D. E. 286. A. Sic locum interpretando expedivi, ut conjecturis non opus sit, quas juvenis proposui, Spec. crit. in Plat. p. 157 μὴ μετὰ πραγμάτων est sine molestiā e vulgari dictione πράγματα ἔχειν, vel πατέχειν viti. Proximo id ἰσχυρῶς exprimitur.

studeamus. Quae ratio sic naturae consentanea est ingenii humani, ut linguis adeo omnium gentium comprobetur. Nam, quod a compluribus animadversum philosophis est, quaecunque in linguis vocabula res] indicant a sensibus remotas, vel ducta sunt vel colorem certe habent a rebus, quae videntur, audiuntur, tanguntur, sensibus omnino percipiuntur. Et vero, nisi ex hisce cogitando imagines sumamus ad illa nobis repraesentanda, ne cogitare adeo nobis de illis liceret. Quod nostrae linguae Belgicae vocabulum *denkbeeld* et probat et eximie illustrat.

Haud iccirco vel miremur vel aegre feramus, ubi Hospes ille nobis viliores artes, ut piscatoriam et textoriam, proponit. Imagines sunt, e quibus ad res gravissimas inprimisque sublimes assequendas conjecturam ducamus. Negotia memorat deinceps in *Sophista* longe etiam viliora. Nam, capto Sophista, sic porro Hospes illic Eleates: vides igitur, inquit, verum esse quod dicitur, *ποικίλον* esse hoc animal, utque proverbio fertur, non alterâ manu comprehendendum. — Ergo utrâque oportet. — Oportet sane et pro viribus sic agamus, huiusmodi ejus vestigium persequentes. Dic mihi, servilium nominum usurpamus nonnulla? — Et multa quidem; sed horum multorum quanam quaeris? — Talia, qualia sunt quae dicimus *percolare*, *exscribare*, *vannare*. — Quidni? — *Carminare* praeterea, *deducere*, *pectere*, infinita item alia, quae in artibus usurpari scimus.

Non-

Nonne? — Vero: sed quid tandem inde declarare cupiens, his propositis exemplis, de iis omnibus quaesivisti? — Διακριτικὰ, *ad discernendum apta* sunt quae diximus omnia. — Sunt omnino. — Universa illa, ut unam quandam continentia artem, uno nuncupanda nomine, meâ quidem sententiâ, videntur. — Quonam illo? — Διακριτικῇ. *Discernendâ ars.* — Esto. — Vide, num hujus rursus duas alicubi species cernere possimus. — Subitam pro meo mihi captu considerationem imponis. — Enimvero in dictis discretionibus partim pejus a meliore, partim simile a simili discrevimus. — Ut nunc id ita a te dictum est, fecisse videmur. — Hujus quidem discretionis nomen non habeo; illius vero, quae relinquit melius, pejus autem abjicit, habeo. — Dic, quodnam? — Omnis hujuscemodi discretio ab omnibus, ut conjicio, καθαρμὸς τις, *purgatio quaedam* vocatur. — Vocatur omnino. — Atqui purgationis duplicem esse speciem quisque videt? — Sanè, otium quidem ad considerandum nactus; ego vero nondum video. — Quae ad corpora referuntur multae purgationis species, has uno continere nomine decet. — Quasnam illas et quonam nomine? — Partim animalium sunt: ad sordes pertinent, quae cum intus gymnasticae et medicae artis ope, tum extrinsecus, quae balneorum usu recte discernuntur atque abluuntur: vilia harum nomina usurpantur: partim sunt rerum inanimatarum purgationes, quarum curam habent ful-

lo.

Ionum, omninoque illorum artes, qui eas singulas singulatim nitidas reddunt et ornant: harum item multa teruntur et ridicula, ut videntur, nomina. — Et perquam quidem ridicula. — Perquam sane, o Theaetete: verum *disserendi ars* nec minorem habet nec maiorem, purgationis rationem, sive illa per spongia, sive per medicamentorum haustum fiat, sive item parvam nobis sive magnam utilitatem praebet. Τοῦ κτήσασθαι γὰρ ἔνα καὶ ἓν, παρὰ τῶν τεχνῶν τὸ συγγενὲς καὶ τὸ μὴ ἐξοικωμένον κατανοεῖν παρὰ τὴν, τιμῇ πρὸς τοῦτο ἔχον πρὸς αὐτῇ, καὶ ἄλλα τῶν ἑτέρων κατὰ τὴν ὁμοιότητα οὐκ ἴσθαι ἡγεῖσθαι γελούτερα. Nam cum cogitandi recte ac sapiendi causa, in omnibus artibus id attendere, quod cognatum aut non cognatum est, conetur, huc respiciens, aeque universas honore habet, aliaque aliis secundum similitudinem nihilo magis ridicula censet: quin etiam nihilo honestius putat venandi artem declarare, qui per artem eam militarem, quam qui per pediculorum venationem declarat, sed inflatus id fere ac tumidius agere. Et nunc quidem, quod quaeque, quoniam nomine cunctas facultates, quaecumque corpus sive animatum, sive inanimatum purgandum natae sunt, appellaturi simus, nihil utique refert artis dialecticae, quale illud pronunciatum honestius videatur: dummodo nomen habeat, quod, exclusis animi purgationibus, illas includat vinciatque omnes, quae aliud quid purgant. Mentis enim purgationem a cacteris agres-

na est discernere, si, quo tendat, didicimus. — Ego vero et didici et concedo, duas esse purgationis species, alteramque illam, quae mentem spectat, a corporis purgatione secretam esse. — Optime omnium: in hoc autem insuper mihi obsequere, quodque dicturus sum, rursus bifariam dividere tenta. — Utcunque duxeris, tecum partiri conabor ⁽¹⁾. Hic cernendo jungendoque procedens Eleates, casu, ut videtur, in *καθάρσις* et *μαίευσις* incidit, proque Sophista in hac venatione philosophum capit. Quod quomodo accipiendum sit, tum declarabimus, quum de *inventione*, Platonicae in primis dialecticae propria, acturi sumus. Nunc animadvertamus, vilissimarum rerum consideratione, ut sunt profecto servilia ista pectendi, carminandi, similia negotia, ad res sublimes nos educere dialecticam. Nam ad animum deinceps transfert rerum corporearum ipsiusque corpora humani purgationem, animique et morbis et turpitudine sordibusque disceptando, expositis, ad illam escendit longe utilissimam praestantissimamque hominis medicinam, quam nos ex hoc ipso declaravimus loco, quum de Socratica *μαίευσις* ageremus. De corporibus, ait Hospes, medici judicant, non posse corpus allato cibo nutrirī, antequam impedimenta quis nutritionis, ejecerit: pari ratione, qui animum student purgare, de animo judicant, non prius hunc ex allatis disciplinis

fruc-

(1) Soph. 226. A. — 227. D.

fructum esse capturum, quam redarguens quis eum, qui redarguitur, postquam ad pudorem adigit, sublati opinionibus vanis, disciplinarum impedimentis, purum effecerit, haec se scire putantem sola, quae novit, plura vero se non scire. ⁽¹⁾

*De analytica apud Platonem
definiendi ratione.*

Sed, ut Socraticae *ἱσχυρή* vim omnem, una cum ejusdem gratia et festivitate haec methodus Platonis continet, ita definiendi rationem Socraticam, quam supra attigimus, et continet item et mirifice illustrat. Spectat eo haec ratio, ut in disquirendo non tantum de nomine rerum, sed etiam de earum naturâ et conditione apud nos constet. Nunc quidem de sophista, dixit Eleates, *nomen* et tu et ego commune habemus, praestat autem in singulis de re ipsâ cum rationibus, quam de nomine solo sine rationibus consentire. Monuimus jam, recentiores fere philosophos sic illud in disputando efficere studuisse, ut nomina aliis nominibus verbisque explicarent. Quod quidem nec prorsus spernendum videtur, et usurpatum aliquoties ab ipso Platone est. Exstat hujus rei in ejus Phaedro exemplum, ubi *ἔργον*, de quo erat accuratius, quam Lysias fecerat, agendum,

(1) Soph. 230. C. D. Cf. Vol. II. P. I. p. 65. 66. 67.

dum, longā oratione definitur. Ἡ γὰρ ἀνεκ λόγου, θόξῃς ἐπὶ τὸ ὀρθὸν ὁρμῶσης κρατήσασα ἐπιθυμία, πρὸς ἡδονὴν ἀχθεῖσα κάλλους, καὶ ὑπὸ αὐτῶν ἑαυτῆς συγγενῶν ἐπιθυμιῶν ἐπὶ σωματικῶν κάλλος, ἐβρώμενος βρωθεῖσα, νικήσασα ἀγωγὴ, ἀπ' αὐτῆς τῆς βώμης ἐκωνυμίαν λαβοῦσα, ἔρως ἐκλήθη ⁽¹⁾. Non est id, inquam, spernendum, necessarium adeo negotium est. Nam ne temere in disputando vagetur oratio, id primum agendum disputantibus est, ut de nominum verborumque sententia et significatione inter ipsos conveniat: caeteroquin iisdem usi nominibus, de diversis rebus agant necesse est, nec esse poterit probabilis aliquis totius disputationis exitus. Verum, quamvis id in disceptando utile, imo necessarium sit, cavendum tamen, ne his definitionibus arbitremur ipsam rerum naturam explicari satis. Id cum arbitrarentur tam antiquae, quam recentioris aetatis philosophi multi, scripta subinde ediderunt verborum referta, rebus destituta; aut, si vel maxime synthetica ratione definientes, res ipsas nominibus explicare conarentur, tam jejunae inde natae dissertationes sunt, ut obscurare magis legentium ingenia, quam explicare et illustrare viderentur. Non ita Plato, ut ex hac ipsa de sophista disquisitione intelligitur. Definiturus apud eum Eleates, quis sit sophista, non longā usus verborum serie, verba verbis declarare nititur, sed ad res con-

(1) Phaedr. 258. B. C.

convertit continuo mentem nostram, in medias res artes traducit, has universas nobiscum discernit in partes; discretasque identidem partes tandem denique discernit, donec sophistae ars, quae et qualis sit, appareat. Est haec, fateor, non brevis, non compendiosa via, ut ad rerum definitiones perveniamus, sed una efficax maxime est ad res ipsas una cum nominibus mente percipiendas, ad rerum concipiendas claras distinctasque notiones: efficit adeo, ut ipsi inveniamus, perque synthesis componamus definitiones. Nam analytica haec definiendi ratio, quod ex ipso Platone nobis deinceps erit demonstrandum, *syntheticas* peperit definitiones.

Sic continet igitur apud Platonem haec cernendi jungendique ars, illustrarique simul egregie Socraticam cum *ἡρώων*, tum definiendi artem. Ut autem descripsit philosophus, ita usurpavit utramque in scriptis suis. Cujus rei exempla cum ex aliis ejus dialogis, tum e *Politia* afferre multa licet; sed unum adduxisse sufficiet e Diotimae apud eum de pulcro sermonibus. Tradidimus eos in superioribus, sed hic operae pretium est, dialecticum in his iter attendere, quo ad res omnium gravissimas, ad ipsas ideas proceditur. Agitur de *pulcro*, quod Socratem docet mulier illa in primis philosopha, non inductione tantum, sed etiam analytica, quam diximus, methodo. Nam, ut meminimus, a rebus, quae sensibus patent, a formis pulcris, initio ducto, ad ea, quae una mente

mentis percipiuntur, ad animos pulchros, ascendit: inde ad pulchra, quae in moribus omnisque patient, procedit, ut tandem ad ipsum pulchrum accedat. Huc autem postquam processit, quo magis pulchrum ipsum, quale est, demonstrat, secerat ab eo quicquid cum sensibus conjunctum, ab eoque alienum est, donec ipsum tandem pulchrum purum intaminatumque, puri in luce, appareat ⁽¹⁾. Sic artis praecepta Platō, si attendere velimus, ipse scribendo explicuit: et haec quidem de pulcro exquirendo exemplum primum nobis in primis illud reddit, quod de dialecticae usu praecipit apud eum in *Politia* Socrates. Οὐκοῦν καὶ περὶ τοῦ ἀγαθοῦ ὡσαύτως· ὅς ἂν μὴ ἔχῃ διορίσασθαι τῷ λόγῳ, ἀπὸ τῶν ἄλλων πάντων ἀφελὼν, τὴν τοῦ ἀγαθοῦ ἰδέαν, καὶ ὥσπερ ἐν μάχῃ διὰ πάντων ἐλέγχων διεξιὼν, μὴ κατὰ δόξαν ἀλλὰ κατ' οὐσίαν προθυμούμενος ἐλέγχειν, ἐν πάσι τοῦτοις ἀπῴτι τῷ λόγῳ διαπορεύηται, οὔτε αὐτὸ τὸ ἀγαθὸν οὐδὲν φήσεις εἶδέναι τὸν οὕτως ἔχοντα, οὔτε ἄλλο ἀγαθὸν οὐδὲν· ἀλλ' εἴ πῃ εἰδῶλου τινὸς ἐφάπτεται, δόξῃ οὐκ ἐπιστήμῃ ἐφάπτεσθαι, καὶ τὸν νῦν βίον ὀνειροπολοῦντα καὶ ὑπνώττοντα, πρὶν ἐνθαδ' ἐξεγρεσθαι, εἰς ἄδου πρότερον ἀφικόμενον τελείως ἐπικαταδαρβάνειν. De bono similiter se res habet. Quicumque non potest ratiocinando boni ideam, amotis ad eo caeteris omnibus, definire, nec, tamquam in pugna, amovendo redarguendoque per omnia procedens,

(1) Symp. 209. B. — 211. C.

dens, non opinione, sed re arguens ac refellens, in his omnibus stabilis et inconcussa ratione progredi, hunc neque ipsum bonum dices cognoscere neque aliud quodcumque bonum; verum, si quod forte simulacrum attigerit, opinione bonum, non scientiâ, assequi, atque hac in vita dormitantem fere ac somniantem, priusquam hîc expergiscatur, ad inferos descendentem, extremo sopore occupatum iri ⁽¹⁾. Sed ad *Sophistam* redeamus. Sunt nobis inde alia item ducenda, quae Platonis hac cernendi jungendique arte efficiuntur.

*De artium doctrinarumque
per analysin Platonicam distributione.*

Sponte partae sunt e studiis, generi humano insitis, artes omnes et doctrinae: sed, ut natæ inde inquæ lucem editæ, distinguerentur recte, suumque singulis tribueretur et assignaretur propositum, dialecticâ opus fuit. Vulgo id effecisse Aristoteles putatur: nec dubitare sane licet, quin post Platonem maxime, inprimisque per hunc ut dicitur dialecticorum principem perfectum illud sit ⁽²⁾. Sed hospes sit necesse est in scriptis Platonis, nec legerit illam in *Sophista* Eleatae Hospitis disputationem, qui Platonem non videt idem illud

(1) De Rep. VII. p. B. C. D. Animadvertenda autem in his propria τοῦ ὀρίξειν, definiendi, significatio.

(2) V. v. c. Aristot. Ethic. I. 1. VI. 4. Rhet. I. c. 1. §. 12. c. 2. §. 1.

illud jam tentasse nec mediocriter proverxisse. In *Gorgia*, in sexto *de Republica* libro, in aliis scriptis accurate eas studet a se invicem distinguere ⁽¹⁾; in *Sophista* autem, ut vidimus, suam illam cernendi jungendique methodum datâ operâ eo adhibet. Locos illos jam percurramus magnam partem; sed quae in *Sophista* similiterque in *Politico*, qui illius continuatio est, universa artium scientiarumque distributio occurrit, ita et naturae conveniens est et inventionis novitatisque indicium habet, ut hîc videatur paullo diligentius consideranda. In duo genera illic, uti vidimus, *artes* distribuit: sunt illae cum ποιητικαί, tum κτηνικαί: illis μιμητικαί continentur, his quae ad cognoscendum pertinent. Sed utrarumque in discernendo naturam simul et propositum definit. Ducto ab agriculturâ initio, qua res efflorescunt quae antea non fuerunt, ταῖς ποιητικαῖς universe dicit res fieri, effici, ut res sint, ad οὐσίαν ducantur quae nondum fuerunt. Quodcunque quis, ait, cum antea non fuisset, postea eo adduxit, ut esset, is, qui id eo adduxit, fecisse; id autem, quod eo adductum est, factum dicitur. Quamobrem ποιητικὴν illa omnia, uno nomine comprehendentes, appellemus ⁽²⁾. Esse sane simplicior itemque accuratior non potest artium illarum descriptio. Alterius generis artes, quae ad cognoscendum referuntur, ut κτηνικαῖς vocaret, hac ratione, ut item

jam

(1) V. Diog. Laert. vita Plat. III. 83. 84. (2) Soph. 219. A. B.

jam monuimus, adductus est. Quodcumque ei
dicendum et cognoscendum, item ad quæstum,
ad certamina, ad venationem refertur, quum ho-
minum nihil *faciat* quidquam, sed ea quæ adu-
nt et facta sunt, partim sermonibus facis-
que sibi *vindictæ*, partim vindicantibus non concedat, prop-
ter has omnes ipsius partes *ars acquirendi* dicta,
eas omnes complectitur ac definit ⁽¹⁾. Quibus ha-
rum item artium via et natura exprimitur. Nam
ut ambitiosorum hominum ac foeneratorum, maxi-
me venatorum studium ad rerum acquisitionem spec-
tat, ita cognoscendi studiosis hoc in primis est
proprium, ut persequantur vera et acquirere ni-
tentur. Cernimus inde, quid ante Aristotelem
Plato jam hac in causa tentaverit. Sed apponenda
his *scientiarum* distributio est, quæ in ejus *Politi-
ca* exstat. Hæc pariter illi in duo genera dis-
pescuntur, quorum alterum est *γνῶσκειν*, *ἀπαρτίζειν*
alterum. Videamus autem, quibus rationibus ad
hanc item divisionem adductus sit. Nonne arith-
metica, Hospes quaerit Eleates, et aliae quaedam
huius cognatae artes, ut cognoscamus, efficiunt,
non item, ut faciamus? — Sic est. — Architec-
tura autem quæque manibus perficiuntur, *ἀνθρώπων
ἐν ταῖς πράξεσιν ἐκείνων ἀμειψόμεν τῇ ἐπιστήμῃ κη-
ρύττειται, ut scientiam continent naturæ cum actioni-
bus conjunctas*, corpora ab ipsis confecta, quæ-
que antea non fuerunt, perficiunt? — Quidni? —

Hæc

(1) Eod. 219. C.

Hac igitur ratione omnes scientias discernas: hanc *πρακτικὴν* vocans, illam *γνωστικὴν* tantum. Sine hac tibi tanquam unius universae scientiae species duae (1).

Non ausim equidem plus inde ad artium et scientiarum distributionem efficere, quam cogitasse auctor videtur. Veruntamen id non puto quicquam; haec considerantem, latere, dissimilitudinem hac distinctione simulque vinculum utrarumque recte his contineri. Artium proprium est, ut *procreent*, in lucem prodant quae non fecerunt, scientiarum, ut *cognoscamus*. Enimvero non ita distinguuntur, quia aliquid habeant commune: est autem illud ipsum, quo utrarumque procreatrix, philosophia, valet maxime, pulchri verique studium, quo nos illa ad sapientiam ducit.

Aegre tulerunt fere philosophi, in partes divisam esse post Platonem philosophiam: accidisse enim ita, ut multi, quid ipsa philosophia esset et quo proposito tractanda, nec tenentes nec magno opere curantes, partes illas singuli singulas vel nullo vel perverso consilio tractarent: quo certe majus detrimentum vix capere philosophia potuit. Cavendum vero est, ne cernendi distribuendique studio, quod Platonicae est dialecticae proprium, id factum putemus. Fons est apud Platonem philosophia et quasi parens omnium artium et doctrinarum. Quid igitur dialecticum reprehendamus,

qui

(1) Politia. 253. D. E.

qui artes doctrinasque tamquam rivulos e communi fonte prolapsos, cum a philosophia ipsa, tum a se invicem apte discrevit? Emolumentum hinc cepit, non detrimentum philosophia; illi nocuerunt studiis optimis, qui verissimae hujus dialecticae expertes, philosophiam, ut ait Seneca, tamquam corpus *dissecuerunt* in membra et partes, ut ipsa adeo vita et vigore destitueretur. Quo sane lubentius Platonem sequimur, ubi is artes scientiasque discernens, illis, ut vidimus, efficiendi procreandique, his cognoscendi studium tribuit, jungit vero utrasque communi philosophiae vinculo. Caeterum idem cernendi illam artem, ut Sophistae definiendo adhibuit, ita in exquirendo Politico plenius etiam et accuratius explorat et describit. Nam tramitem apud eum Eleates quaerens, quo politicam sit scientiam inventurus, *δεῖ αὐτὴν ἀνευρεῖν*, inquit, *χωρὶς ἀφελόντας ἀπὸ τῶν ἄλλων*, *ἰδέαν αὐτῇ μίαν ἐπισφραγίσασθαι, καὶ ταῖς ἄλλαις ἐκτροπαῖς ἐν ἄλλο εἶδος ἐπισημηνάμενους*, *ἀπάσας τὰς ἐπισήμας, ὥς οὖσας δύο εἶδη διανοηθῆναι τὴν ψυχὴν ἡμῶν ποιῆσαι*. *Oportet eam a caeteris discernere, discretacque ei quasi formam quandam et signum imprimere, caeterisque, quae ab ea distedunt, aliā insignitis formā, efficere, ut omnes scientias mens nostra, tamquam duo genera, sibi informet*. Hac autem ille et cernendi et notandi arte usus, politicam cum a reliquis universis, tum a singulis similibus cognatisque distinguit, ut qualis ipsa sit, quamque vim et quem finem

ipsi propositum habeat, intelligatur: simulque ita dialecticis dedit exemplum, quod secuti singulas similiter tam artes, quam doctrinas cernendo notandoque clarâ in luce ponerent. Verum id illis nos peragendum relinquimus: ipsi inde, philosophiae Platonicae causâ, hoc colligimus, philosophiam hancce non tantum, quod supra monuimus, verissimam esse artium doctrinarumque encyclopaediam; sed methodum item et quasi instrumentum continere, quo artes doctrinaeque cum distinguantur recte, tum suo singulae fini et proposito destinentur.

*Ad inveniendum valet
potissimum dialectica Platonis:
quid est invenire?*

Quaenam sint apud Platonem, quas vocat, διαιρέσεις καὶ συναγωγαί, satis jam nobis Eleates ille demonstravit. Vulgo haec cernendi jungendique ars, quam *analyticam* solemus *methodum* appellare, a dialecticis dicitur *ab universalibus initium ducere et ad peculiaria progredi, dividendo genera in suas formas et formas in minores formas atque individua*. Quod Platonicae item arti tribuit Dionysius Halicarnassensis: ἡ γὰρ τέχνη τῆς διαιρέσεως, ὥς φησι Πλάτων, διαιρέσεις καὶ συναγωγαί, δείξαι τὰ εἶδη πόσα ἐστὶ καὶ πόσας ἔχει τομὰς, καὶ πάντα συναγάγειν εἰς ταῦτό. Τοῦτο γὰρ ἐστὶ διαιρέσεως
τέχνη

τὸ ἔχον, ἐν πολλὰ, πολλὰ ἐν ⁽¹⁾. Plato autem cō-
sertis id verbis enunciat in *Sophista*: τὸ κατὰ γέ-
νη διαιρεῖσθαι καὶ μήτε ταῦτ' εἶδος ἕτερον ἀγγέλλειν,
μήδ' ἕτερον ἐν ταῦτ' ἐν, μὴν οὐ τῆς διαλεκτικῆς φήσο-
μεν ἐπισήμης εἶναι; — Οὐνοῦν δ' γε τοῦτο δρᾶν: μὴν
ἰδέαν διὰ πολλῶν, ἐνδὲ ἐκείνου κειμένου χωρὶς; πάντῃ
διατεταμένῃ ἰκανῶς διασθάνεται, καὶ πολλὰς ἀνέρας
ἀλλήλων ὑπὸ μιᾷ ἐξῆθεν περιεχομέναις, καὶ μὴν αὖ
δὲ ὅλαν πολλῶν ἐν ἐνὶ ξυνημένῃ, καὶ πολλὰς ἡμέρας
πάντῃ διαρισμένῃ ⁽²⁾. Unde Cicero, cum Hortensii co-
lebraret eloquentiam, attulerat, ait, *minime vulgare*
genus dicendi: duas quidem res, quas nemo alius:
partitiones, quibus de rebus dicturus esset et collec-
tiones ⁽³⁾. Sunt scilicet *partitiones* illae et *collectio-*
nes διαίρεσις Platonicae et *συναγωγαί*, quas post
Platonem Rhetores et dialectici ad argumentandi
artem retulerunt. Dictae item *συναγωγαί* aliis no-
minibus sunt, ut *complexiones, conductiones* ⁽⁴⁾.
Recte autem ad Platonis sui exemplum Cicero
philosophorum hanc esse *disciplinam* ait. *Nec vero*
sine philosophorum disciplina, genus et speciem cu-
jusque rei cernere neque eam definiendo explicare,
nec tribuere in partes possumus, nec judicare,
quae vera, quae falsa sint, neque cernere conse-
quentia, repugnantia videre, ambigua distinguere ⁽⁵⁾.

Sed

(1) Dion. Hal. Art. Rhet. p. 66. (2) Soph. 25 3.C. D.
(3) Cic. Bruto c. 88. (4) V. Cic. de Invent. l. 4o. et
Erm. ad Brutum l. l. (5) Cic. Orat. s. 4.

Sed pertinent haec omnia ad res, de quibus agitur, *illustrandas*, quoque aptius de iis sive discendo sive scribendo sententiam nostram declaramus. Verum Platonici dialectici id habet in primis, quod verbo jam significavi in superioribus, ut discernendo investiget et quasi *volens* veritatem. Hoc vero non satis video dialecticos recentiores spectare: vel, si vel maxime id spectant, latere tamen eos suspicor, quod data opera explicuit Plato, totam hanc disciplinam ad *inveniendam* valere potissimum. Patet hoc facile, ut partim jam animadvertimus, cum ex aliis ejus dialogis, tum e *Sophista* et *Politico*; sed *Philebus* Platonicus id nos plenius etiam docebit.

Omnis in his singulis dialogis disquisitio te verè *disquisitio* est. Non demonstratur, sed quaeritur, disquiritur, invenitur. Illa vulgaris est dialecticae, haec Platonicae, ratio propria. Idcirco rogando et respondendo disputationes illae procedunt: quod verè dialecticae tribuit Plato. Non sines, ait apud eum Socrates, gubernatores nostros ἀλόγους εἶναι, ὥσπερ γράμματα. Νομοθετήσας δὲ καὶ τοῖς ταύτης μάλιτα τῆς παιδείας ἀντιλαμβάνεσθαι ἐξ ἧς ἐρωτᾶν τε καὶ ἀποκρίνεσθαι ἐπιτημονέως οἷός τ' ἔσονται. Legi igitur praecipies illis, ut in illam potissimum disciplinam incumbant, e qua maxime interrogandi respondendique facultatem ac peritiam consequantur⁽¹⁾. Ἀδολεσχία a Comich
haec

(1) De Rep. VII. 584. D.

haec Socratis interrogandi ac sermocinandi consuetudo dicebatur. Sic autem Parmenidem Plato hac de re Socrati juveni praecipientem facit, ut dicat: καλὴ μὲν οὖν καὶ θεία, εὖ ἴσθι, ἡ ὁρμή, ἣν ἑρμῆς, ἐπὶ τοῖς λόγοις ἔλκυσσον δὲ σαυτὸν καὶ γύμνασον μᾶλλον διὰ τῆς δοκούσης ἀχρήσου εἶναι καὶ καλουμένης ὑπὸ τῶν πολλῶν ἀδολεσχίας, ἕως ἔτι νέος εἶ· εἰ δὲ μὴ, σὲ διαφεύξεταί ἡ ἀληθεία. *Pulcer sane ei divinus, mihi crede, impetus ille est, quo ad sermones tendis: prostrahere vero te magis etiam et per hanc te, quae inutilis videtur et vulgo sic vocatur, garrulitatem exerce, dum juvenis es etiamnunc: quod ni feceris, fugiet te veritas* ⁽¹⁾. Quibus addit deinceps: ἀγνοοῦσι γὰρ οἱ πολλοί, ὅτι ἄνευ ταύτης τῆς διὰ πάντων διεξόδου τ καὶ πλάνης ἀδύνατον ἐντυχόντα τῷ ἀληθεῖ, οὖν σχεῖν. *Ignorat enim vulgus, absque hoc per omnia discursu et errore fieri non posse, ut quis veritatem assecutus, sapiat* ⁽²⁾. Unde in primis repetenda est dialogorum Platoniorum ubertas. Ponebant sententiam Sophistae ac Rhetores, quam sive dicendo sive scribendo librisque condendis probarent. Sed in dialogis fere Platonis nihil ponitur; quaerit vero et interrogat sive Socrates sive Hospes Eleates sive alius, qui principes in sermone partes habet: instituitur, ut vidimus, inveniendi causam quasi *venatio* quaedam: veluti in quarto *de Republica* libro, ubi justitia quaeritur,

quo

(1) Parm. 135. D.

(2) Parm. 136. D. E.

quo tandem in civitate loco lateat; age, ait Socrates, o Glaucō, nunc nos, tanquam venatores, decet, ubivis circumcirca sespitibus positīs, attendere animo, ne qua ex parte effugiat nos justitia. Illam autem ut cernit, τοῦ, τοῦ, exclamat, ὁ Γλαῦκων· κινδυνεύομεν τι ἔχειν δοκεῖν ἵχθυος, *vestigium quoddam assecuti videmur* ⁽¹⁾. Sic et referunt venationem et inventorum pleni sunt dialogi Platonis. Fit adeo, ut prouti venatores subinde leporem investigantes cervum capiunt, sic, qui in iis sermones miscent, plura ac majora inveniant, quam quaesiverunt. Non semel id in *Sophista* obtinet, quod supra attigimus, hīc autem declarare nos oportet. Nam Sophistam Hospes ille cum Theaeteto indagans, ecce! pro Sophista philosophum, et, in alios deinceps tramites devērtens, dialecticum consequitur. Scilicet ipse auctor dialogos hujusmodi exploratorios scribens; duci se sinebat quo πνεῦμα φέρη ⁽²⁾, *fors ipsum et quasi ventus ferret*: non probandi demonstrandique quod posuerat, sed inveniendi consilium habebat: non commentationes, sed *disquisitiones* scribebat. Abhorret id a saeculi nostri consuetudine, sed ingenio felici et foecundo, ut erat Platonis, conveniebat mirifice, ut hinc summa illa in omnibus Platonis scriptis, quae hac dialogi ratione procedunt, uber-

(1) De Rep. IV. 432. B D. (2) Rep. III. 394. D. *Non-dum id ego scio, ait; ἀλλ' ἔπη ἐν ὃ λόγος, ὡς περ πνεῦμα, φέρη, ταύτῃ ἰτέον.*

abertas, ut rerum gravissimarum inexhausti putandi fontes sint. Et mihi quidem, fateor, illa, quas hoc modo, aliud agendo, forte ut videtur invenit Plato, in primis placuerunt fere. Philosophum tanquam *μανυρίην*, itemque tanquam *διαλεκτικήν*, nusquam in scriptis plenius accuratiusque, quam in *Sophistis*, descripsit ⁽¹⁾; nusquam idem philosophi studium, quò is a sophista dignoscitur maxime, dialecticæ, quam in eodem hoc dialogo proposuit atque expressit. Reperiundi, ait, philosophi non minor, quam sophistæ, difficultas est, quamquam dissimilis videtur. Sophistam, quippe qui *εἰς τὴν τοῦ μὴ ὄντος σκοταστικότητα* in ejus, quod non est, obscuritatem aufugit et consuetudine has amat tenebras, propter loci obscuritatem difficile est animadvertere; ὁ δὲ γε φιλόσοφος, τῇ τοῦ ὄντος ἀπὸ διὰ λογισμῶν προσκειμένος ἰδέα, διὰ τὸ λαμπρὸν αὐτῆς χάρας, οὐδαμῶς ἐκπετῆς ὀφθαλμοῖς τὰ γὰρ τῆς τῶν πολλῶν ψυχῆς δεικνύμενα κερταρεῖν, πρὸς τὸ θεῖον ἀφορῶντα, ἀδύνατα. Philosophus vero, qui illius, quod est, ideam persequitur perpetuo, propter loci rursus splendorem non facile conspicitur: nam apud vulgus hominum mentis occalt, ubi id quod divinum est suspiciunt, lumina perferre non possunt. ⁽²⁾ Haec vis est, hic effectus dialecticæ Platonicae: plura majoraque invenit, quam quaerit: idemque maximis fere in-

(1) V. Vol. II. P. I. p. 64. *Soph.* 255. (2) *Soph.* 254 A.

ingeniis eventis, quae naturali se ratione explicant, ut tentent quae non possunt perficere, perficiunt autem praecclare, in his ipsis disquisitionibus, quae non tentaverant. Et sic quidem Plato in hoc utroque dialogo, quamvis miro fere acumine Sophistam ac Politicum exploraverit perspicendumque nobis dederit, tamen quod non spectabat, quod in aliud ipse tempus rejecerat, ut *philosophum* in luce poneret, hoc ipsi in his personis longe etiam melius cessit. Inventionis omnino pleni sunt hi dialogi: iidemque, quod non negligendum est, quae in Socratica sit *ἐκκρίσις* inveniendi ratio, egregie declarant. Ut Socrates, ita Eleates hioce a notis ad ignota procedit: *ἀπαλειψαμένη*, rem nemini ignotam, ad sophisticam, quae qualis esset querebatur, explicandam, usurpat. Pariter in *Politico* telam adhibet politicae declarandae causae. Quod quo consilio fecerit, et ipse declarat disertis verbis loco, quem adscripsimus, ⁽¹⁾ et nos e disputationibus maxime de perfecta republica colligimus. Fecit, ut *comparando* ad rerum scientiam perveniret.

Est locus sane in dialectica perquam gravis, qui est de *comparationibus*. Quantopere hae valeant ad cognoscendas res accurate, maximeque ad recte docendum, paulo ante vidimus, quam de *exemplorum* usu in Socratica inductione ageremus. Et sane vetustissimi humani generis doctores,

(1) Supra p. 118.

res, poetæ, quæ vel ingenio conceperant vel animo sentiebant, *comparando* potissimum cum æqualibus et posteris communicarunt. Sed ad *inveniendum* etiam magnopere valet comparatio: quod ut Socratica et Platonica dialectica probat, ita illustri sane documento et probat et illustrat *analytica*, nostra arithmetica, quam algebram solemus vocare. Constat hæc tota æquationibus sive comparisonibus, quibus plane, ut in Socratica disquirendi viâ, a notis ad ignota progredimur: estque illa, cum analysi conjuncta, vero nomine dicenda *inventionis disciplina*.⁽¹⁾ Et profecto tum demum geometria et astronomia progressus illos saeculis decimo sexto et septimo stupendos fecerunt, postquam hæc comparandi inveniendique disciplina cum illis conjungi coepta est: imo vero hujus ope illae ad inveniendas mundi physici leges valuerunt: ut liceat nobis pronunciare, et antiquo aevo per Socraticam et Platoniam methodum *moralem*, et recentiore pariter per algebram *physicum* mundum a philosophis et physicis reclusum esse.

Sic valet ad *inveniendum* potissimum dialectica Platonis. Qua in re, ut ex his omnibus patet, quaerendo, investigando et vero comparando, maxime autem omnium *cernendi jungendique* studio

(1) V. Euleri *initia algebrae*, Vol. II. C. 1. quo nullum facile in hoc genere opus majorem et perspicuitatis et philosophiae *ἀριστείας* laudem habet.

dio ac diligentia proficimus. Uti autem hoc ipse perspexit philosophus, ita, quid sit *invenire* et quemadmodum parata sint gravissima inventa, de industria exquisivit. Quod ex ejus *Philebo* operae pretium est cognoscere.

Argumentum hujus dialogi proprie, ut vulgo dicitur, metaphysicum est. Sublimis exstabat in Philolai scriptis sententia: *θεός τις ἀπέδεξε τὸ ἀπαντων, τὸ πᾶρας καὶ συγκεχόμενον*: ⁽¹⁾ quae non potuit non advertere Platonis mentem, sic, ut vidimus, res omnes secernentem, cernendoque definientem et sapientem, quo sibi unice videbatur veritatem posse assequi. Quo facile traducebatur eo, ut quod ipsius inesset ingenio, id in rerum naturam transferret: prouti suo nobis loco patebit. ⁽²⁾ Nunc exordium spectamus dialogi, quippe dialecticum et artis adeo fastigium nobis indicans, *inventionem*. Est haec, ait Socrates, perversa hominum ratio, ut *unum* ponant et *multa*, non vero distinguant, *quos* sint numero. Hoc dialecticae est, illud eristicae: unde pueriles existunt litigantium contentiones. Quodsi germana utimur dialectica, recteque per illam distinguere didicerimus, sic demum et eristicam pueris relinquemus, et ipsi cum inveniemus, tum

(1) *Phileb.* 25, C. (2) Duo hac de re ante hos paucos annos praeclara prodierunt scripta, alterum *Philolaus*, auctore *Bosckio*, alterum *Stallbaumii* in *Platonis Philebum* commentatio.

que ratione maxime orta sint inventa, intelligemus. Una inveniendi ratio est *cernere, distinguere, numerare*, i. e., in multis et infinitis attendere, quot sint. Id exemplis deinceps Socrates inprimis illustribus declarat.

*De artis musicae ac litterarum
differentiis.*

Manifestum hoc, ait, o Protarche, in Mieris est: itaque in his, quas didicisti, id accipe. — Quonam modo? — Vox nobis *una* est ex ore prodient, eademque apud omnes et unumquemque *in infinita multitudine*. — Quidni? — Neutro autem horum docti efficimur, nec quod *infinitum* ejus, nec *quid unum* cognovimus; ἀλλ' ὅτι πόσα τέ ἐστι καὶ ὅσα, τοῦτ' ἐστὶ τὸ γραμματικὸν ἐκείνους ποιεῖν ἡμῶν, sed quod cognovimus, quos in ea sint et qualia, hoc est, quod *litterarum peritum unumquemque* quod *nostrum efficit*. — Verissima loqueris. — Ea vero quod *musicas peritum quem efficit*, idem illud est. — Quomodo? — Vox est in hac itena arte *una* quaedam. — Quidni? — Duo ponamus, *grave et acutum et tertium medium*.⁽¹⁾ — Ponamus. — Veruntamen non tam peritus musices artis, si haec sola cognoveris; ista vero ignorans, nihil, ut ita dicam, de his intelliges. — Nihil sane. — Ἀλλ', ὦ φίλε, ἐπειδὴν λάβῃς τὰ διαστήματα

(1) V. Stallb. ad h. l.

ματῶν ὁρᾶται ἐπὶ τῶν ἀριθμῶν τῆς Φωνῆς, ὁρᾶν τὴν εὐ-
 πρίαν καὶ βαρύτητα, καὶ ἁπλοῖαν, καὶ τοὺς ὅρους τῶν
 διασημασμένων καὶ εἰς ἐκ τούτων ἅσα συστήματα χέγε-
 νεν· (ἃ κατιδόντες οἱ πρόσθεν παρέδοσαν ἡμῖν τοῖς
 ἐπομένοις ἁκρίτοις, καλλῶν αὐτὰ ἁρμονίας) ἐν τε ταῖς
 καὶ ταῖς αὐτῶν τοῦ σώματος ἕτερα τοιαῦτα ἐνόντα πᾶσι
 οὐ γινόμενα· (ἃ δὲ δι' ἀριθμῶν μετρηθέντα,
 αὐτῶν αὐτὰ Φασὶ ρυθμοὺς καὶ μέτρα ἐπονομα-
 ζεῖν, καὶ ἅμα ἐννοεῖν, ὡς αὐτῶν δεῖ περὶ παντὸς ἐνδο-
 καὶ πολλῶν σκοπεῖν) ὅταν γὰρ ταῦτά τε λάβῃς οὕ-
 τῳ, τότε ἐγγύς σοφός, ὅταν τε ἄλλὰ τῶν ἡντι-
 οτιῶν ταύτῃ σκοπούμενος ἔλῃς. αὐτῶν ἐμφερῶν παρὰ
 ταῦτο γέγονας. Sed postquam, amice, intervalla
 assereris, quot numero circa acutum et grave et
 qualis sint, ac terminos item intervallorum,
 quaeque ex his leges et modi existant: (quae ma-
 jores nostri conspiciat nobis ipsorum aetatoribus,
 ut harmonias illa appellaremus, tradiderunt):
 tum etiam quae moribus corporis similia insint.
 (haec numeris dimensa rhythmos et metra vocanda
 esse dixerunt, reputandumque simul, sic conside-
 rare omnia, in quibus unum et multa insunt,
 oportere. ⁽¹⁾) Nam et haec si ita acceperis, eorum
 peritus eris factus, et alia quaecunque tandem
 si hac ratione consideraveris, perciperisque, sic et
 horum gnarus evases: τοῦ δ' ἁρμονίας οὐκ ἐκείνῃ
 εἴδει

(1) Inesse scilicet omnibus numerare et metiri: itaque
 ἡμετέροις ἐκ μέτρων quasi δι' ἀριθμῶν μετρηθέντων δixerunt.
 Cf. Stallb. ad h. l.

των καὶ ἐν ἑκάστοις πλῆθος, ἀπειρον ἐκάστοτε ποιεῖ
τοῦ φρονεῖν, καὶ οὐκ ἐλλόγιμον οὐδ' ἐν ἀριθμὸν,
ἀτ' οὐκ εἰς ἀριθμὸν οὐδένα ἐν οὐδενὶ πώποτε
ἀπιδόντα. ⁽¹⁾

: Haud facile haec legerit aliquis attentius, quin
artis inde musicae inventionem; quemadmodum
exstiterit, efficiat. Canere et saltare naturā
studet homo, quippe inditus ipsius animo est
harmoniae et rhythmī sensus. Quod in libris de
Legibus praeclare exposuit Plato, nosque inde
attulimus, quum de artibus artiumque principe,
musica, ageremus. ⁽²⁾ Verum, ut canerent non
tantum in choris saltarentque mortales, sed ip-
sam invenirent canendi saltandique *artem*, cer-
nendi opus fuit numerandique facultate. Vocis
quae una est, cernendi distinguendique varii eran-
soni, acuti, graves, medii: attendendaque sono-
rum intervalla, quot essent et qualia, eorumque
termini constituendi, ut hinc leges modique effi-
cerentur: similiterque in motibus corporis talia
animadvertenda erant, quae numeris dimensa rhyth-
mi vocata sunt. Sic demum exstitit, nec alio
inveniri modo potuit musicae et saltationis ars.

Sed eidem illi cernendi numerandique faculta-
ti, ut hoc ipso loco acute animadvertit Plato,
cum caeteras debemus artes majores omnes, tum
illam etiam, qua nulla facile mortalium generi ad-
in-

(1) *Phileb.* 17. A-E. (2) *D. de Leg.* II. 653. E. 664. E.
672. C. Cf. Vol. I. p. 144.

ingenli cultum utilior efficaciorque fuit: literarum dico inventionem, unde γραμματικὴ, ars scribendi, sive, quam nos vocamus, alphabetica scriptura nata est. Id neminem esse arbitror, quin in primis accipere a Platone et perspicere aveat. Audiamus denuo Socratem. Praecipit primum ille hoc universe: ὥςπερ γὰρ ἐν ὀτιοῦν εἴ τις ποτε λάβῃ τοῦτον, ὥς φαμεν, οὐκ ἐπ' ἀπειρου δεῖ φύσιν βλέπειν εὐθύς, ἀλλ' ἐπὶ τινὰ ἀριθμὸν οὕτω καὶ τοῦ παντίου, ἔταν τις τὸ ἀπειρον ἀναγκασθῇ πρῶτον λαμβάνειν, μὴ ἐπὶ τὸ ἐν εὐθύς, ἀλλ' ἐπ' ἀριθμὸν αὖ τινὰ πλῆθος ἕκαστον ἔχοντά τι κατανοεῖν, τελευτᾶν τε ἐκ πάντων εἰς ἓν. Prouti enim si quis unum quid accipit, is, ut diximus, non mox in infiniti naturam, sed in numerum aliquam mentem attendere debet: sic vicissim, si quis primum infinitum sumere cogitur, nequaquam in unum continuo, sed in numerum quemdam, qui multitudinem aliquam habeat, mentem debet convertere, ex omnibusque tandem in unum destinare. ⁽¹⁾ Illius exemplum rationis in musicae inventionem habemus: hanc rationem, quae ab infiniti numero ad unum procedit, literarum dabit exemplum. Πάλιν δέ, sic pergit deinceps Socrates, ἐν τοῖς γράμμασι τὸ νῦν λεγόμενον λαβόμεν. — Ἐπειδὴ φωνὴν ἀπειρον κατενόησεν εἴ τί τις θεός, εἴτε καὶ θεῖος ἄνθρωπος, ὥς λόγος ἐν Αἰγύπτῳ θεῶν τινὰ τοῦτον γενέσθαι λέγων, ὃς πρῶτος τὰ

(1) Phileb. 18. A.

των καὶ ἐν ἐκάστοις πλῆθος, ἀπειρον ἐκάστοτε ποιεῖ
τοῦ φρονεῖν, καὶ οὐκ ἐλλόγιμον οὐδ' ἐν ἀριθμῳν,
ἄτ' οὐκ εἰς ἀριθμὸν οὐδένα ἐν οὐδενὶ πώποτε
ἀπιδόντα. ⁽¹⁾

: Haud facile haec legerit aliquis attentius, quin
artis inde musicae inventionem; quemadmodum
exstiterit, efficiat. Canere et saltare naturâ
studet homo, quippe inditus ipsius animo est
harmoniae et rhythmî sensus. Quod in libris de
Legibus praeclare exposuit Plato, nosque inde
attulimus, quum de artibus artiumque principe,
musica, ageremus. ⁽²⁾ Verum, ut canerent non
tantum in choris saltarentque mortales, sed ip-
sam invenirent canendi saltandique *artem*, cer-
nendi opus fuit numerandique facultate. Vocis,
quae una est, cernendi distinguendique varii erant
soni, acuti, graves, medii: attendendaque sono-
rum intervalla, quot essent et qualia, eorumque
termini constituendi, ut hinc leges modique effi-
cerentur: similiterque in motibus corporis talia
animadvertenda erant, quae numeris dimensa rhyth-
mî vocata sunt. Sic demum exstitit, nec alio
inveniri modo potuit musicae et saltationis ars.

Sed eidem illi cernendi numerandique faculta-
ti, ut hoc ipso loco acute animadvertit Plato,
cum caeteras debemus artes majores omnes, tum
illam etiam, qua nulla facile mortalium generi ad
in-

(1) Phileb. 17. A-E. (2) De Leg. II. 653. E. 664. E.
672. C. Cf. Vol. I. p. 144.

ingenli cultum utilior efficaciorque fuit: literarum dico inventionem, unde γραμματική, ars scribendi, sive, quam nos vocamus, alphabetica scriptura nata est. Id neminem esse arbitror, quin in primis accipere a Platone et perspicere aveat. Audiamus denuo Socratem. Praecipit primum ille hoc universe: ὥςπερ γὰρ ἐν ὁτιούν εἴ τις ποτε λάβῃ τοῦτον, ὥς φαμεν, οὐκ ἐπ' ἀπειρου δεῖ Φύσιν βλέπειν εὐθύς, ἀλλ' ἐπὶ τινὰ ἀριθμὸν οὕτω καὶ τοῦναντίον, ἔταν τις τὸ ἀπειρον ἀναγκασθῇ πρῶτον λαμβάνειν, μὴ ἐπὶ τὸ ἐν εὐθύς, ἀλλ' ἐπ' ἀριθμὸν αὖ τινὰ πλῆθος ἕκαστον ἔχοντά τι κατανοεῖν, τελευταῖον τε ἐκ πάντων εἰς ἓν. Prouti enim si quis unum quid accipit, is, ut diximus, non mox in infiniti naturam, sed in numerum aliquem mentem attendere debet: sic vicissim, si quis primum infinitum sumere cogitur, nequaquam in unum continuo, sed in numerum quendam, qui multitudinem aliquam habeat, mentem debet convertere, ex omnibusque tandem in unum desinere. ⁽¹⁾ Illius exemplum rationis in musicae inventionem habemus: hanc rationem, quae ab infiniti numero ad unum procedit, literarum dabit exemplum. Πάλιν δὲ, sic pergit deinceps Socrates, ἐν τοῖς γράμμασι τὸ νῦν λεγόμενον λάβωμεν. — Ἐπειδὴ Φωνὴν ἀπειρον κατενόησεν εἴ τις θεός, εἴτε καὶ θεῖος ἄνθρωπος, ὥς λόγος ἐν Αἰγύπτῳ Θεῦθ τινὰ τοῦτον γενέσθαι λέγων, ὃς πρῶτος τὰ

(1) Phileb. 18. A.

των καὶ ἐν ἑκάστοις πλῆθος, ἀπειρον ἑκάστοτε ποιεῖ
τοῦ φρονεῖν, καὶ οὐκ ἐλλογιμον οὐδ' ἐν ἀριθμῳν,
ἀτ' οὐκ εἰς ἀριθμὸν οὐδένα ἐν οὐδενὶ πώποτε
ἀπιδόντα. ⁽¹⁾

: Haud facile haec legerit aliquis attentius, quin
artis inde musicae inventionem, quemadmodum
exstiterit, efficiat. Canere et saltare naturā
studet homo, quippe inditus ipsius animo est
harmoniae et rhythmī sensus. Quod in libris de
Legibus praeclare exposuit Plato, nosque inde
attulimus, quum de artibus artiumque principe,
musica, ageremus. ⁽²⁾ Verum, ut canerent non
tantum in choris saltarentque mortales, sed ip-
sam invenirent canendi saltandique *artem*, cer-
nendi opus fuit numerandique facultate. Vocis,
quae una est, cernendi distinguendique varii erant
soni, acuti, graves, medii: attendendaque sono-
rum intervalla, quot essent et qualia, eorumque
termini constituendi, ut hinc leges modique effi-
cerentur: similiterque in motibus corporis talia
animadvertenda erant, quae numeris dimensa rhyth-
mī vocata sunt. Sic demum exstitit, nec alio
inveniri modo potuit musicae et saltationis ars.

Sed eidem illi cernendi numerandique faculta-
ti, ut hoc ipso loco acute animadvertit Plato,
cum caeteras debemus artes majores omnes, tum
hanc etiam, qua nulla facile mortalium generi ad
in-

(1) Philob. 17. A-E. (2) De Leg. II. 653. E. 664. E.
672. C. Cf. Vol. I. p. 144.

ingenli cultum utilior efficaciorque fuit: literarum dico inventionem, unde γραμματική, ars scribendi, sive, quam nos vocamus, alphabetica scriptura nata est. Id neminem esse arbitror, quin in primis accipere a Platone et perspicere aveat. Audiamus denuo Socratem. Praecipit primum ille hoc universe: ὥςπερ γὰρ ἐν ὀτιοῦν εἴ τις ποτε λάβῃ τοῦτον, ὥς φαμεν, οὐκ ἐπ' ἀκείρου δεῖ φύσιν βλέπειν εὐθύς, ἀλλ' ἐπὶ τινὰ ἀριθμὸν οὕτω καὶ τοῦ πάντων, ἔταν τις τὸ ἀκείρον ἀναγκασθῇ πρῶτον λαμβάνειν, μὴ ἐπὶ τὸ ἐν εὐθύς, ἀλλ' ἐπ' ἀριθμὸν αὐτὴν τινὰ πλῆθος ἕκαστον ἔχοντά τι κατανοεῖν, τελευτᾶν τε ἐκ πάντων εἰς ἓν. *Prouti enim si quis unum quid accipit, is, ut diximus, non mox in infiniti naturam, sed in numerum aliquem mentem attendere debet: sic vicissim, si quis primum infinitum sumere cogitur, nequaquam in unum continuo, sed in numerum quemdam, qui multitudinem aliquam habeat, mentem debet convertere, ex omnibus tandem in unum desinere.* ⁽¹⁾ Illius exemplum rationis in musicae inventionem habemus: hanc rationem, quae ab infinitis numero ad unum procedit, literarum dabit exemplum. Πάλιν δὲ, sic pergit deinceps Socrates, ἐν τοῖς γράμμασι τὸ νῦν λεγόμενον λαβόμεν. — Ἐπειδὴ φωνὴν ἀκείρον κατενόησεν εἴ τί τις θεός, εἴτε καὶ θεῖος ἄνθρωπος, ὥς λόγος ἐν Ἀλγύπτῳ θεῶν τινὰ τοῦτον γενέσθαι λέγων, ὃς πρῶτος τὰ

(1) Phileb. 18. A.

τὰ Φωνήεντα ἐν τῷ ἀπειρῷ κατενόησεν, οὐχ ἔν ὄντα, ἀλλὰ πλείω· καὶ πάλιν ἕτερα, Φωνῆς μὲν οὐ, Φθόγγον δὲ μετέχοντά τινος· ἀριθμὸν δὲ τινὰ καὶ τούτων· εἶναι· πρῶτον δὲ εἶδος γραμμάτων διεσήσαστο, τὰ νῦν λεγόμενα ἄφωνα ἡμῖν· τὸ μετὰ τοῦτο διήρει τὰ τε ἄφθογγα καὶ ἄφωνα, μέχρις ἐνθα ἐκάστου, καὶ τὰ Φωνήεντα καὶ μέσα κατὰ τὸν αὐτὸν τρόπον. ἕως αὐτῶν ἀριθμὸν λαβὼν, ἐνὶ τε ἐκάσῳ καὶ ξύμπασι ἐριχέειν ἐπυνόμασε· καθορῶν δὲ, ὡς οὐδεὶς ἡμῶν οὐδ' ἂν ἐν αὐτῷ καθ' αὐτὸ ἄνευ πάντων αὐτῶν μάθοι, ταῦτα τὸν δεσμὸν αὐτὸν λογισάμενος, ὡς ὄντα ἕνα, καὶ ταῦτα πάντα ἔν πως ποιοῦντα, μίαν ἐπ' αὐτοῖς ὡς οὖσαν γραμματικὴν τέχνην ἀπεφθέγγετο προσεῖπών, *Litterarum e literis quod nunc diximus efficiamus.* — *Postquam infinitam vocem animadvertit sive Deus aliquis sive homo divinus, qualis apud Aegyptios Theuth quidam fuisse fertur, qui primus in ipsa vocis infinitate vocales litteras consideravit, quae non una, sed plures: rursusque alias, quae non vocis sed soni cujusdam participes essent, earumque item numerum quendam esse vidit, et tertiam deinde speciem litterarum dissinxit, earum, quas nunc mutas vocamus: is igitur, postquam haec animadvertit, deinceps cum soni expertes mutasque discrevit singulatim, tum vocales et medias eodem modo; donec earum numero in singulis speciebus et in universis reperto, elementa appellaret. Cumque videret, neminem nostrum horum quidquam seorsim percepturum, nisi universa percepisset, vinculum hoc rursus re-*
tam

tando considerans, ut unum, et omnia haecce unum efficiens, grammaticam artem, ut unam omnibus communem, hoc nomine vocavit. (1)

Campum hic sane philosophis immensum aperuit Plato, in quem excurrerent: et operae est profecto pretium, quae paucis ita ille de rerum inventione monuit, diligenter in omnibus inventis singulatim persequi. Tam late patet haec disquisitionis, ut omnem hominis a tenerrima inde aetate ad cognoscendum judicandumque progressionem complectatur. Nam ut cuncta infantis sensibus confusa, *συγχεχόμενα*, apparent primum, ita ipse deinceps cernendo, distinguendo, numerando ad res cognoscendas, imo videndas recte, procedit; unde *cernere* ipsam apud Latinos *videndi* significationem habet. Invenit autem ita ipse per sese, quot sint et qualia quaecunque oculis, auribus, caeteris sensibus percipit. Quod fit, ut propria; ut innata homini videatur ars numerandi, quae ipsa cernendo jungendoque procedit. Nos id philosophis peragendum relinquimus, qui profecto, quod diligentius hanc nativam hominis inveniendi et rationem et facultatem exploraverint, eo efficacius nos cum ad totum explicandum Philebum, tum ad has interpretandas Platonis de musicae et litterarum inventionis sententias adjuvabunt. Quam enim infantium esse diximus conditionem, ut, quae ipsis primum videntur confusa, cernendo

(1) Phil. 16. B. C.

numerandoque accurate cognoscere discant, eandem Theuth illi Aegyptio, sive literarum quicunque tandem fuerit inventori, tribuit Plato. Primum ille in infinita illa sonorum multitudine et varietate cum vocales attendit, tum consonas, itemque quas nos vocare mutas literas solemus. Tum consonas et mutas pariterque vocales quaeque mediae dicuntur discrevit a se invicem, donec singularum singulatim numerum nactus, communi universas nomine elementa sive literas appellavit. In quo toto negotio mens ejus cernendo jungendoque, omnino numerando procedens, inventorum peperit longe pulcerrimum, scribendi per literas alphabeticas rationem.

*Quatenus Aristoteli, ad
syllogisticam tractandam, viam
munivit Plato?*

Haec habui, quae de vi et ubertate dialecticae Platonicae, ex ipsis Platonis scriptis, in lucem proferrem: unde cum alia, quae de hac arte pronuntiavit philosophus, intelliguntur, tum hoc ejus explicatur effatum: *donum eam esse divinitus ad homines delatum: nam quaecumque ad artes pertinent, hac esse inventa*. Novam deinde methodum induxit Aristoteles, quam ipse *συλλογιστικήν* appellavit: eratque haec, ut supra monuimus, tota a Socratica et Platonica diversa, quippe ad probandum quod positum erat, non
ad

ad inveniendum quod quaerebatur, accommodata. Abusi sunt eā tam antiqui, quam recentioris aevi philosophi, et vero sic sunt abusi, ut, quā disciplinā nulla esset ad excitanda ingenia rependiendamque veritatem aptior, eādem nulla videretur ipsi philosophiae, i. e. sapientiae studio, contraria magis. Nam ad nullas non opiniones, quamvis etiam et absurdas et veritati repugnantes, syllogismorum vi et auctoritate tuendas usurpata est. Veruntamen ipsa methodus, ut exposita ab Aristotele fuerat, non minus, quam inductio et analysis, naturae erat consentanea, recteque adhibita ingeniis juvenum, ad firmanda illa et corroboranda, imo vero ad veritatem propugnandam naviter atque ab inanibus cavillationibus tuendam valebat egregie. Attigimus haec supra, quum, appositā syllogisticā, declarare Socraticam inductionem conaremur: nec hujus est loci, ea porro persequi. Sed, explicitā analysi Platonica, exquirere nunc juvat, quid Platoni Aristoteles cum universe ad tractandam dialecticam, tum vero etiam ad hanc ipsam explanandam syllogisticam rationem debuisse videatur.

Ubivis Aristoteles in scriptis suis refutat Platonem: unde haec exstitit multorum eruditorum opinio, esse ejus doctrinam prorsus omnique parte Platonicae contrariam. Qui error eo et latius serpsit et invaluit magis, quo vehementius se aliquando impugnare utriusque philosophi aetate, Platonici et Aristotelici coeperunt. Fatendum

quam omnino est, dissensisse in causis gravissimis a magistro Aristotelem, quod tum patebit nobis maxime, ubi de ideis Platonis et mundo ~~monstrum~~ data opera sumus acturi. Quodsi quis nullo ductus partium studio, perlecto Platone perpensaque ejus philosophia, Aristotelem legerit deinceps, mirer equidem, si non perspexerit, inchoasse multa Platonem, quae Aristoteles perfecit postea: viam discipulo monstrasse ac patefuisse doctorem, quam nisi tenuisset Aristoteles, tanta hic praestare philosophiae, quanta praestitit, haud facile potuisset: omninoque, ut Socraticus proprie Plato fuit, ita eum in modum ab hoc informatum Aristotelem fuisse, ut vere dici Plonicus possit. Ex ipsa, quam modo institimus, disquisitione, haec continuo intelliguntur. Nam quod hic agitavit magnum sane et vastum consilium, ut artes omnes doctrinasque philosophando complecteretur, repositum hoc est, ut vidimus, in Platonis philosophia, qui a nullo earum genere alienum esse verum philosophum contendebat, quodque ab aliis postulabat, ipse in plerisque dialogis inprimisque in *Timaeo*, facere aggressus est. Tum etiam, quod vulgo dicitur, primum fuisse Aristotelem, qui disciplinas apte distingueret, ad hoc item vidimus signum ante eum sustulisse Platonem.⁽¹⁾ Sed hoc de-

(1) Imitatus adeo hac in re Platonem Aristoteles est. Veluti in distinguendis dialectica, Rhetorica et Politica,
etc.

debut in primis magistro discipulus, ut dis-
rendi ratione analytica uteretur, qua maxime doc-
trinis omnibusque quae tractavit argumentis lumen
affudit: ipsam syllogisticam, ut verbo jam mo-
nuimus, analytice exposuit. Quod autem novam
illam, quam invenisse dicitur, methodum attinet,
hoc constat, ut inventio praecedit probationi, sic
syllogisticae sive synthesisi analysisin praecedere. Ni-
si cernendo jungendoque multa et alii philosophi
et Socrates ac Plato, ipseque Aristoteles invenis-
set, probare hic illa argumentando non potuisset. Cu-
jus rei documentum insigne est, quod jam aliquoties
memoravimus, Euclidis opus, syntheseos mathe-
maticae monumentum immortale. ⁽¹⁾ Quae in eo ad
demonstrandum problemata proponuntur, haud po-
tuisent proponi, nisi inventa praecessissent cum
aliorum, tum inprimis Pythagoreorum; ab inven-
toribus adeo nonnulla eorum nomen habent, ut
problema v. c. de quadratis et hypotenusa, quod
Pythagoreum appellatur. Sed Aristoteles Platoni
aliisque inventa non solum debuit, quae quemad-
modum essent probanda, demonstraret, verum a
magistro suo dialecticam item accepit inveniendi
rationem, unde ipse probandi demonstrandique me-
thodum efficeret. Rem exemplo ex ejus scriptis

sum-

ὑποδύεται, ait, ὑπὸ τὸ σχῆμα τὸ τῆς Πολιτικῆς ἢ
Ῥητορικῆς, καὶ οἱ ἀντιποιούμενοι ταύτης. — Quod sum-
ait e Platonis loco Gorgia 464. B. ubi de his ipsis artibus
distinguendis agit. V. Vol. II. P. I. p. 100. (1) Quamquam
idem, si recte ad docendum adhibetur, inveniendi item in-
strumentum continet.

quanto illustremus. Eximium nobis Aristotelis superest *de arte rhetorica* opus, in quo argumentationis accuratae atque ordine definiendo distribuendoque procedentis, norma exstat. Primum rem, de qua acturus est, definit. Sit nobis *Rhetorica facultas in quaque re perspicendi τὸ ἐνδεχόμενον πιθανόν, id, quod ad persuadendum idoneum est.* Secundum quam definitionem distinguit dialecticam ab aliis doctrinis. Veluti ars medica *περὶ ὑγίεινόν καὶ νοσερόν* est: geometria *περὶ τὰ συμβεβηκέντα πάθῃ τοῖς μεγέθεσι*: arithmetica *περὶ ἀριθμόν*: ita Rhetorica *περὶ τοῦ δοθέντος, ὡς εἰπεῖν, δοκεῖ δύνασθαι θεωρεῖν τὸ πιθανόν.* His positis, discernit continuo *τὰς πείσεις*: sunt vel *ἄτεχνοι* vel *ἐντεχνοί*: illae, quae non nobis auctoribus existunt, sed ante fuerunt, ut testes, quaestiones, syngraphae: *ἐντεχνοί* vero sunt *πίσεις τῶν διὰ τοῦ λόγου ποριζομένων.* Harum tria sunt genera: vel in moribus positae sunt dicentis, vel valent, ut audientes aliquo modo afficiantur, vel sunt *ἐν αὐτῷ τῷ λόγῳ, διὰ τοῦ δεικνύναι ἢ φαίνεσθαι δεικνύναι.* Quae autem *ἐν αὐτῷ τῷ λόγῳ* sunt, duplicem habent speciem: *ἐπαγωγὴν* sive exemplum, i. e., inductionem oratoriam, vel *ἐνθυμήματα.* Et sic quidem eo procedit sponte auctor, ut cum a dialectica Rhetoricam distinguat: ut enim illa *sylogismos*, ita haec *enthymemata* ad fidem faciendam adhibet: tum ad *enthymemata*, quae *σῶμα τῆς πείσεως*, ¹⁾ appellat, perveniat.

Rhe-

(1) Rhetor. I. 1.

Rhetoricam igitur, ut satis a cognata disciplina discrevit, ita nunc porro in tria genera dividit, in quibus tractandis pariter τὸ πῶθ' ὁρᾷ spectatur: sunt illa secundum varia audientium genera, συμβουλευτικὴ, δικανικὴ, ἐπιδεικτικὴ; nam, ut ex tribus constat oratio, ἕκ τε τοῦ λέγοντος καὶ περὶ οὗ λέγει, καὶ πρὸς ὃν, ita. tria sunt etiam audientium, ad quos dicitur, genera: ὁ κριτῆς et ὁ θεωρὸς: κριταὶ vero duplicis sunt speciei: vel de futuris, vel de praeteritis judicant: ἱλλὶ ἐκκλησιασταὶ sunt, hi κριταί: ut audientes hi tres sint: ἐκκλησιαστής, κριτῆς et θεωρὸς. Quibus ita dispositis, de singulis his dicendi generibus ita agit, ut ἐκ τίνων δεῖ προτρέπειν καὶ ἀποτρέπειν, ἐκ τίνων κατήγορεῖν καὶ ἀπολογεῖσθαι, ἐκ τίνων ψέγειν καὶ ἐπαινεῖν exploret ac probet: quibus adhibet maxime, quae explicuerat, in praecedentibus, τὰ ἐνθυμήματα. Etenim, quod addit, περὶ γὰρ τούτων καὶ ἐκ τούτων τὰ ἐνθυμήματα λέγεται, ⁽¹⁾

Documento nobis haec operis Aristotelici argumentatio est, perfecisse auctorem id, quod in *Sophista* et *Politico* Plato cum inchoaverat, tum faciendum praeceperat. Ut hic Sophisticam, ita Rhetoricam Aristoteles cernendo jungendoque explicuit. Quamquam ratio utriusque philosophi diversa est. Plato quasi nobiscum quaerit, indagat, invenire studet: non ita Aristoteles; sed quae hic secum ipse antea et quaesivit et indagavit et in.

(1) Continuantur haec *Rhetor.* L. I. Cf. L. II. c. 1.

invenit, apta nobis discretionem et dispositionem proponit. Itaque comparantibus haec nobis utriusque philosophi scripta, in Platonis dialogis *inventio* ubivis, in Aristotelis vero disputatione *inventorum expositio* ac *demonstratio* occurrit. A demonstrando aliena in his disquisitionibus Platonis ratio est: Aristoteles vero, quamvis non per syllogismos procedat, tamen probare nobis et demonstrare sententiam suam studet: ut ex *definiendi* modo intelligitur. Nam rei de qua agitur definitio, ut apud Platonem cernendo jungendoque invenitur tandem, ita apud Aristotelem continuo ponitur: incipit ab ipsa definitione disputatio. Omnino, ut in legendo Platone una cum Eleate vel Socrate quasi venamur, ita legentibus Aristotelem auctor nobis, quod cepit, ostendit: sic autem ostendit, ut simul, quâ illud ratione i. e. quibus partitionibus et conductionibus assecutus fuerit, intelligamus. Sic plane haec ordine procedens Aristotelis disceptatio Platonicae rationis continuatio est: perficit discipulus, quod magister inchoavit.

Verum longius etiam Plato ad Aristotelis syntheticam sive syllogisticam rationem processit. In hac methodo, ut ex laudata Aristotelis argumentatione patet, *definitionis* in primis agitur diligentia. Fundamentum illa est sive fons universae disputationis. In *Phaedro* autem Plato, quod modo commemoravimus, syntheticae definitionis et rationem et exemplum dedit. De dialectica eloquentiae adhibenda proprie agitur in hoc dialogo: disquisitio
de

de amore exempli adducitur causâ. Lysias sic de hoc argumento scripserat, ut nullus exstaret in oratione ordo. Socrates autem a definitione ordiendum praecipit, ipseque de eodem argumento deinceps dicens, sic, uti meminimus, amorem definit. Est ille, ait, ἡ ἀνευ λόγου, δόξης ἐπὶ τὰ ἔρῳδα ὁρμῶσης κρατήσασα ἐπιθυμία κ. τ. λ. ⁽¹⁾. Quae prorsus *synthetica* definitio est, ex eaque plane, ut ex dialecticae definitione Aristoteles, proximam omnem disputationem ducit. Occurrunt autem in eodem dialogo *partitiones*, quas plane dixeris Aristoteleas. Nam, ut audaciae poenituerat Socratem, qui dicere in amorem sustinuisset, palinodiam canit, reprehenditque se ipsum, quod non recte distinxerat. Furorem enim amorem esse, sed non unum exstare furoris genus: esse duo genera *μανίας*, τὴν μὲν ὑπὸ νοσημάτων ἀνθρωπίνων· τὴν δὲ ὑπὸ θείας ἐξαλλαγῆς τῶν αἰσθητῶν νομίμων γιγνομένην. Tum hoc genus in species distribuit quatuor, in *μαντικὴν ἐπιθυμίαν*, *τελεστικὴν*, *ποιητικὴν*, atque *ἐρωτικὴν*, de quibus deinceps singulatim disserit ⁽²⁾. Continet ita dialogus hicce omnino disputationis Aristoteleae normam; sed operae pretium est animadvertere, non continuo Platonem, quod mos fert Aristotelis et dialecticorum, definitionem ponere: *analytical* nos ille ratione ad definiendum adducit. Hoc scilicet fuerat disputationis

(1) Phaedr. 238. C. (2) Phaedr. 242. B. — 245. A, et 265. B. Cf. Vol. I. 123.

nis exordium. Duo nobis insunt, inquit, quibus paremus: alterum *ἐμφυτος οὔσα ἐπιθυμία ἡδονῶν*: alterum *ἐπικτητὸς δόξα ἐφιεμένη τοῦ ἀρίστου* ⁽¹⁾, quorum, hoc neglecto, illud respiciens solum, definitionem inde, quam descripsimus, efficit. Sed inde etiam, ex eadem illa analytica disceptatione postremo rectum ducit de amore iudicium. Unde intelligimus facillime cum originem et naturam syntheticae definitionis, tum vero etiam analyticae rationis ad recte instituendam synthesin, imo vero ad verum assequendum vim et opportunitatem.

Quemadmodum Platonis analysis viam muniverit Aristoteli, ut syllogisticam instrueret, ex his conjici exemplis potest. Verum quaerendum proposuimus praesertim, quatenus disciplinam perduxerit magister, quid discipulo peragendum reliquerit. Est illud potissimum *mathematicae*, quae vocatur, *demonstrationis* ratio, quam *ἀποδειξιν κατ' ἐξοχὴν* et *μαθηματικὴν ἀκριβολογίαν* vocat Aristoteles ⁽²⁾. Non diversa quidem illa est a syllogistica et synthesisi, sed, ut nomen indicat, ad mathematicorum, ad Euclidis postea argumentandi severitatem exacta est. Hujus ut normam legesque descripsit Aristoteles ⁽³⁾, ita viâ et ratione usi sunt philosophorum recentiorum multi, in quibus Wolfius hac methodo contendit disciplinas omnes tractan-

(1) Phaedr. 257. D. (2) Metaph. II. c. 5. (3) V. Ernest. *Opusc. Phil.* p. 183.

tandas esse. Id Plato in scriptis suis ne inchoavit quidem.

*Characterismus dialecticae
Socraticae, Platonicae, Aristoteleae:
quis proprius est Platonicae
character?*

Et haec quidem, ipsius Platonis caussa, cum de Socraticâ dialectica, cui debuit ille multum, tum de Aristotelicâ, in quam ipse vim magnam habuit, paulo latius persequi juvabat. Suffecerint ex, opinor, ut Platonicae dialecticae claram quodammodo mente, notionem conciperemus. Sed efficacem hanc esse maxime ad acuendum ingenium, quo quis acutior, quo εὐρετικώτερος, ut ait Plato, fiat, quoque convertatur magis mente animoque totus ad veritatem, id nunc, ni fallimur, ex harum methodorum comparatione efficere nobis licet. Quibus in comparandis, accurate a Socratica ratione Platoniam distinguere, difficile negotium est. Nam apud Platonem analysis proxime est, ut exposuimus, cum ἐπαγωγή conjuncta, nec ulla est sive ἐπαγωγή sive omnino dialectica, quae a cernendi jungendique studio et arte plane sit sejuncta. Quo accidit, ut per hanc rationem suam Socrates in morum disciplinâ tot ac tanta invenerit. Συλλογιστικὴ autem Aristotelis, quaeque propriae synthesis dicitur, ipsâ continetur Platonis ratione, quae partim constat συναγωγῆς: et sane nec Socrate-

crates comparando nec cernendo Plato invenisset quidquam, nisi *junctisset* uterque, quod idem est atque συλλογίζεσθαι. Nos vero harum methodorum nunc maxime *characterem* animadvertere quaerentes, id notare in singulis oportebit, non quod unum unicuique proprium est, sed quo uno quaeque praesertim, quamvis multa habeat cum aliis communia, a caeteris distinguitur.

Simplicitate se commendat Socratis ratio. Sponte ille suā ad veritatem cum ipse procedebat, tum alios adducebat. Quam naturae facilitatem in Platonica item dialecticā non desideramus; sed accedit *acumen*, quo haec est insignis. Artem multo magis in analysi Platonis, quam in Socratis inductione agnoscimus, refertque illa eam mentis sagacitatem, felicitatem, εὐτοχίαν, quam vocant; quae invenit et nova in lucem profert. Aristotelis vero ratio, quamquam nec ipsa a naturā aliena nec acumine destituta, *diligentiam* tamen magis studiique assiduitatem requirit. Quo accidit in historia philosophorum, ut, qui Aristotelis rationem sequerentur; numero fere infiniti fuerint: pauciores, qui Platonis analysi uterentur; qui vero Socratem referrent, omni aeo fuerint rari. Acumen enim non ita infrequens est in genere humano, pluresque ideo exstiterunt philosophi, qui acute cernendo jungendoque nova proferrent, quam qui, ut Socrates, nil visi perficere, perficerent quam plurima et optima. Rationem autem sequi, quam Aristoteles induxit, nec singularium plane est

est nec paucorum hominum. Nam, ut probat id quod inventum est, ut ex aliorum inventis conficit quid et quasi construit, ita sagacitate minus, quam diligentia procedit. Est autem diligentia non omnium quidem philosophorum; sed, ut quis merito dici hoc nomine possit, necessario requiritur.

In hac autem methodorum, aurea illa philosophiae aetate, successione, ut singularum patet, a se propria et ratio, ita cernere mihi videor ipsius ingenii humani in studio veritatis progressionem. Nam sponte primum homo facileque res cognoscit: succedit naturali facilitati mentis acumen, quo accuratius discernit jungitque ac nova invenit: tum vero quod cognovit, quod acute invenit, id sibi plene persuadere, id probare diligenter ac demonstrare conatur. Quamobrem non audiendi sunt illi, qui harum methodorum aliam in coelum laudibus ferunt, aliam vero sive spernunt sive negligunt: prouti fuerunt qui Aristotelis syllogisticam alto supercilio despicerent. Nihil licet spernere quod naturae est consentaneum, et singulis aetatibus singulae hae methodi conveniunt. *Pueris* adhibenda *ἐκταγωγή* est, ut Socrates fecit, methodi auctor: estque haec proprie *docendi instituendique ratio* justa: nos nostra lingua ipsam institutionem vocare *οπλίδιον*, ut Graeci *ἐκταγωγήν*, solemus. Analysis vero, sive acute cernendi jungendique studium et ars, *adolescentium* est, cui maxime aetati acumen atque inveniendi sagacitas propria est. Aegre illi ad proban-

di

di demonstrandique severitatem adducuntur, et nocent ingeniis magistri, qui maturius quam natura fert, dialecticam iis Aristotelicam addiscendam proponunt; sed *exquirere, divinare, conijcere, invenire*, id adolescentiae naturale studium est, idemque si aptâ methodo, ut ars illa Platonis est, regitur, eo simul valet, ut quis postea ordine disserere ac probare accurate et demonstrare possit. Quod vidit Plato, quum solertiam illam et sagacitatem simulque levitatem hujus aetatis respiciens, adolescentes *χαλρεῖν* diceret, ὥςπερ σκυλακία, τῷ ἔλκειν τε καὶ σπαράττειν τῷ λόγῳ τοῦς πλῆσιον ἀεὶ *delectari, catulorum more, distrahendis disputando lacerandisque proximis quibusque semper* ⁽¹⁾. Haec plane juvenum consuetudo est, qui, priusquam per Socraticam disciplinam purgati, perque Platoniam instituti recte sunt, de rebus omnibus continuo disputare, suamque unice propugnare sententiam aggrediuntur. Quamobrem idem ille bene cogitandi, ut a Cicerone vocatur, magister maturiorem expectandam aetatem censuit, qua juvenus ad severiora haec studia adducere-tur. Nondum ille mathematicam istam demonstrandi rationem, cujus leges dedit Aristoteles, quaeque in Wolfianâ scholâ ad omnes doctrinas adhibita est, cognovit; si vero cognovisset, hanc in primis adultae virilique aetati destinavisset.

Nam

(1) De Rep. VII. 539. B. V. Wyttenb. ad Plut. de S. N. V. p. 11.

Nam is omnino in studio dialecticae extremus labor est, ut, quae quis sive ipse invenit sive ab aliis inventa accepit, cum ordine disponat atque explicet, ut fecit Aristoteles in palmariis, quos memoravimus, de *Rhetorica* libris, tum etiam, quod idem in *Organo* quemadmodum perficiendum esset demonstravit, ab inanibus adversariorum cavillationibus recte vindicet. Sic cuique aetati sua est dialecticae methodus, nec minorem habet Aristotelica ratio, quam Socratica aut Platonica, ad excolenda ingenia vim et opportunitatem. Quamobrem tantum abest, ut spernenda sit syllogistica Aristotelis, ut, non satis eam provectoribus juventutis studiis in Academiis adhiberi, dolendum videatur ⁽¹⁾. Nam si quid ad accurate dicendi scribendique facultatem acuendam, ad firmanda corroborandaque ingenia, ad causam veritatis propugnandam naviter valet: valent eo in primis sane hae dialecticae exercitationes. Sed abusi sunt syllogisticâ philosophi, indeque, ut jam aliquoties monuimus, summum cepit philosophia detrimentum. Si, quod praecepit Aristoteles faciuntque mathematici, ea hac methodo exponere et demonstrare studuissent, quae vel vera vel certe in primis evidentia ac probabilia essent, optime meriti de philosophia fuissent. Nunc vero, quod
et

(1) Dolet Heerenus, quidque ipse juvenis his exercitationibus debuerit, fatetur ingenue in elegantissima vitae suae descriptione *Operum* V. I. p. 25.

et Stoici et Scholastici maxime medio aevo fecerunt, temere posuerunt quaecunque sive vera sive falsa assumere luberet, imo vero falsa ponere, quas demonstrarent, malebant, quo majorem scilicet Ingenii laudem ac gloriam caperent.

Cum vero haec sit trium illarum methodorum natura et ratio, de earum jam porro cum usu, tum utilitate dispiciamus singulatim. Valent singulae ad cognoscendum verum; sed, ut Socraticae est rationis, *ad inveniendum nos praeparare*, Aristotelicae, *inventa nobis persuadere*, ita Platonicae est id ipsum, quo tendit Socrates, undeque Aristoteles proficit, *invenire verum*. Simplici illa interrogandi consuetudine purgabat Socrates audientium animos praepjudicatis opinionibus, eliciebatque in iis et studium et facultatem inveniendi, ut *niterentur*, quod diximus ⁽¹⁾, invenire: unde recte ejus disciplina *μαιευτική, ἔλεγχος, κάθαρσις, ἐπαγωγή* vocatur. Aristotelicae usus disciplinae egregius item est, quamquam diverso proposito: ad persuadendum pertinet hominibus, quod inventum est: valuitque iccirco hujus in primis ratio ad eloquentiae explendum munus, quod persuadendo cernitur. Quodsi methodum quaerimus, quā maxime uti philosophos decet, si quidem summum attingere in philosophia, i. e. verum in rebus omnibus, velint, est sane illa Platonica analysis. Inductio enim proprie est ad

rec-

(1) Supra p. 95.

recte hanc instituendam praeparatio quaedam; syllogistica autem, ut synthesin parit, ita suā ipsā naturā cum finibus se arctis includit, tum coarctat in rebus cognoscendis philosophi mentem. Nam efficit ex inventis quam plurimis et quasi construit doctrinae formulam quamdam, *systema* a componendo et construendo appellatam, quod quamvis ordine, quamvis partium conjunctione aptā et elegante habitu se commendet, tamen suis est limitibus determinatum. Hos autem limites nec fert philosophia et gestit naturā superare philosophorum ingenium. Quo accedit, ut, quicquid post Socratem et Platonem philosophi in condendis systematibus moliti sunt et quamvis quae condiderunt aequalibus placuerint, repudiata haec tamen a posteris fuerint: unde, apud recentiores, historia systematum, quae sibi identidem successerunt, ipsa historia philosophiae magnam partem continetur. Huic autem naturali philosophorum studio et ardori convenit plane ac satisfacit Platonica methodus. Analysis enim nullos habet, nisi ipsius ingenii humani, terminos. Nam uti cernendo jungendoque progreditur, ita cernere desinit nunquam, sed quae conjunxit identidem, novam habet denuo cernendi explorandique materiam, unde novae item denuo *συμπεριφορά*, *conductiones*, quas Cicero vocat, vel quae nobis dicuntur *combinationes* oriuntur: ut infinita in his sit ingenii humani progressio, quatenus quidem in hac ipsius conditione progredi potest. Quid efficere per hanc,

methodum homo queat, augurari nobis et haud sine probabilitate expectare licet, definire non licet; veruntamen naturalis philosophia, quae hodie unâ hac analyticâ ratione tractatur, quot quantosque inde fructus et ipsa perceperit et generi humano percipiendos praeberit, scimus: eademque et exemplum nobis est, ad quod theoreticam universamque philosophiam tractemus, et vero documentum, quos quantosque in hac etiam progressus simus facturi, si, rejecto systematum condendorum consilio, verum unice cernendo jungendoque, id est, analyticâ et vere philosophâ inquirendi ratione, assequi studemus. Sed quicquid hac in re sive factum sive neglectum est adhuc, hujus effectum methodi praestantiâ est, ut, cum multi philosophi Socraticam methodum, quae proprie sit, ignorent, spernantque alii syllogisticam Aristoteleam, omnes tamen cernendi jungendique artem, analyticam rationem et probent laudentque et in primis in omni doctrinarum genere usurpandam commendent.

Sed adhuc diximus de singularum naturâ usuque methodorum, quarum inventores celebrantur philosophorum omnium triumviri celebratissimi, Socrates, Plato, Aristoteles. Ut proprium aliquando Platonicae dialecticae *characterem* assequamur, non distinguenda haec tantum ab aliorum inventis est, sed attendere item decet, quo *modo* quoque *proposito* usurpaverit eam Plato. Utrumque eo facilius assequemur, quo rectius ab Aris-

to-

totelis posteriorisque aetatis analysi Platoniam distinxerimus.

Eum in modum apud Aristotelem aliosque haec procedit cernendi iungendique methodus, ut doceat lectores auctor, in quas partes dividendum distribuendumque argumentum sit, quaeque porro sit singularum partium partitio. E qua docendi ratione ortum praeceptum est: *qui bene distinguit, bene docet*. Apud Platonem vero non docere Eleatem Hospitem vidimus: interrogat semper Theaetetum unaque cum eo quaerit. Hoc autem modo invenit analysis, illo inventa nobiscum communicat. Recessit quidem postea ab illa ratione Plato. In *Timaeo*, in *Critia*, in libris *de Legibus* principem dialogi personam distinguentem inducit, ut legere nobis subinde Aristotelem, rerum naturam explicantem, videamur. Sed non de his, de iis hic agimus dialogis, in quibus, methodi ipse suae naturam expressit: quos si cum Aristotelis disputationibus conferimus, has non inepte *analyticas demonstrationes* vocabimus: in illis vero ipsam *analysin*, quaerendi inveniendique methodum, inventricis omnino dialecticae normam agnosceamus. Sed de modo, quo analysin usurpavit Plato, alia sunt item animadvertenda nobis. Est illa ratio, quod ipse fatetur, ut pulcherrima, ita perquam etiam difficilis. Saepius me illa, ait apud eum Hospes Eleates, in quaerendo et disserendo destituit. Quam accedit difficultate, ut pauci omni aevo ea recte usi sint. Nam Aristoteles, ut hoc utar,

in-

inveni Platonici heres proximus, quum cernendi diligentia res omnes divinas atque humanas explicare institueret, discrevit quidem studiose alia ab aliis; sed non satis apte identidem discreta conjunxit. Stoici contra et Epicurei, qui proficere ex Aristotelis syllogistica studuerunt, jungere miram arte cum placitis suis antiquiorum placita philosophorum, Heracliti, Democriti, Socratis, Platonis conati sunt; sed non satis in philosophando discreverunt: quocirca judicium fere in eorum systematibus desideramus. Plato vero sic methodum hanc suam et usurpandam esse censuit et usurpavit fere, ut aequabiliter uteretur utroque, imo vero, quae naturae ratio est, tam jungeret cernendo, quam jungendo cerneret. Unde in primis repetendam explicandamque censeo, quae in ejus tam oratione quam philosophia exstat, perspicuitatis cum copia et concinnitate conjunctionem. Quod tum explicare juvabit, quum ad Rhetoricam philosophi pervenerimus. Hunc autem in modum cum analysi in philosophando uteretur Plato, ducem se nobis ille praebuit, quem, sive philosophiam, sive artes doctrinasque tractare instituimus, lubenter sequamur. Non quasi ipse tramitem, quem nobis indicavit, recte semper secutus sit, vel placita, quae hac cernendi jungendique methodo invenit, verissima sint omnia. Ut homo fuit divinus Plato, ita humani quid identidem passus est. Sed ipsam philosophandi rationem, quam probavit, nos item unice probandam

dam censemus. Qui post eum exstiterunt philosophi, sic placita fere sua sive analyticis sive syntheticis demonstrationibus exposuerunt, ut docerent alios generique humano sapientiam scilicet suam traderent. Non ita Plato: quaerendo procedit semper: estque ejus philosophia non formula doctrinae, non sylloge sive aggregatum, ut vulgo loquuntur, placitorum gravissimorum; sed viam monstrat maxime, quâ sit philosophis progrediendum. Nam uti cernendo simul jungendoque procedit, ita nobis, ipsum sequentibus, hujus rationis ubivis exemplum tradit, ut adducti quo ipse pervenit, inde ipsi eadem ratione progrediamur. Rerum naturalium perscrutatores, qui hodie sunt, magnam partem philosophos despiciunt, quippe quos omnes arbitrantur sui systematis cancellis naturam comprehendere: si legerent illi Platonem, si methodum philosophi ad inventiendum resque omnes cognoscendas plene accurateque, ex ejus scriptis assequi studerent, aliter profecto existimare de philosophis et de philosophiâ discerent. Quodsi iidem, quo ardore rerum naturam, eodem semetipsos et res humanas perscrutari aggredierentur, perceptâ illi rite philosophiâ Platonis, utrique huic studio pariter et dialecticam et omnem philosophiam adhibendam esse faterentur. Verum, ut suum plane dialecticae Platonicae characterem assignemus, non tantum modum, sed *propositum* etiam, quo disciplinarum hanc

hanc principem philosophus tractandam censuit, attendere oportet.

Non est apud Platonem dialectica ars invenendi quaedam, quae eo duntaxat valeat, ut sagaciores, acutiores, *εὐρετικώτεροι* fiamus. Complectitur, prouti exposuimus, Socraticam inductionem: quo efficax in primis facta ejus ratio est ad totum hominem mente animoque excolendum. Ut ingenio et institutione Socraticus fuit Plato, ita sponte ipse suâ in factitanda dialecticâ spectavit idem, quod in philosophando disserendoque ejus magister spectaverat, ut ad virtutem et honestatem homines adduceret. Quin etiam, quod inchoaverat Socrates, diligentius hic etiam persequi studuit. Simile quid animadvertimus modo in Aristotelis dialectica. Ut Plato Socraticam, ita hic Platoniam methodum studiosius etiam, quam magister, ad res omnes cernendo explicandas adhibuit. Id scilicet in illa philosophorum successionem obtinuit, ut discipulus fere magistri methodum non tantum philosophando scribendoque exprimeret, sed plenius etiam proposito fini adhiberet. Quod idem et postea obtinuit, ut verbo jam in superioribus attigimus. Syllogisticam et vero mathematicam demonstrandi rationem, ab Aristotele proditam, multo elaboratius recentioris aetatis philosophi ad doctrinas tradendas singulas, quam ipse Aristoteles, usurparunt. Nec sane abhorret ab ingeniorum rerumque humanarum condi-

ditione haec ratio. Quod quis excogitavit, id post eum maxime et factitatur et qua late patet in omnes res applicatur. Fructum ex inventis posteriori uberiorem fere, quam aequales, capiunt. Et sic quidem Plato cum methodo ipse suam Socraticam complexus, quae interrogando, eliciendo, purgando ad penitus excolendum perficiendumque hominem valeret, eam animo concepit, scribendoque et expressit et usurpavit dialecticam, quae tam esset ad omnem humanitatem fructuosa, quam ad inveniendum, ad artes doctrinasque et discernendas recte et tractandas apta et efficax. Hac uberrate, hac ad res omnes humanas recte provehendas vi et efficacitate insignis est ratio illa Platonis, excellitque longe disciplinis cunctis, quae sive dialecticae sive logicae nomine apud recentiores prodierunt. Ad acuendum hae ingenium fere, praesertimque ad disputandi artem instruendam valent, animi sensus et studia vix attingunt.

Praeclarum hoc sane est dialecticae Platonicae propositum; sed hoc animadvertamus praecipue. Idem est illud quo caeteras item disciplinas, arithmetica, geometriam, astronomiam colendas iudicavit, quo scilicet magis ad *veritatem* quasi traheremur, quoque excoleretur magis et aperiretur organum illud mentis, quo uno veritas percipitur. Sublimem Platonis de hoc disciplinae proposito sententiam ad hunc locum reservavimus, ut tota et Graece apponderetur, quippe ad dialecticae finem assequendum in primis idoneam. Est il-

illa hujusmodi. Vulgus, ait, has disciplinas intiles esse opinatur; τὸ δ' ἐστὶν οὐ πάνυ φαιδρὸν, ἀλλὰ χαλεπὸν πρᾶξαι, ὅτι ἐν τοῦτοις τοῖς μαθήμασιν ἐκάστος ὀργανὸν τι ψυχῆς ἐκκαθαίρεται τε καὶ ἀναζωπυρεῖται ἀπαλλύμενον καὶ τυφλούμενον ὑπὸ τῶν ἄλλων ἐπιτηδευμάτων, κρεῖττον δὲ σωθῆναι μωρίων ὀμάτων· μονῶ γὰρ αὐτῷ ἀλήθεια δρᾶται. Hoc autem non ita vile est, sed ad percipiendum credendumque difficile, singulis disciplinis hisce organum mentis quoddam purgari excitarique et reviviscere, quod aliis fore studiis perit atque occoecatur, cum id servari, quam sexcentos oculos, praestet; solo enim hocce veritas cernitur ⁽¹⁾. Sed ut efficiunt hoc caeterae disciplinae, ita dialecticae Plato hanc vim et efficacitatem tribuit, ut ipsum animum ad cernendam veritatem convertat totum: quod ipsius esse philosophiae propositum in primis statuit. Non puerile sane negotium, ait, haec conversio est: non δερᾶκου ἐστὶ περιστροφὴ, ἀλλὰ ψυχῆς περιαγωγὴ ἐκ νυκτερινῆς τινὸς ἡμέρας εἰς ἀληθινὴν τὴν ὄντως οὔσαν, ἣν δὲ ἐπάνοδον φιλοσοφίαν ἀληθῆ φησόμεν εἶναι· non conversio testulae est, sed animi a die, qui noctem refert, ad verum diem, qui-que ipsa lucet veritatis luce, cum conversio tum escensio, quam veram esse philosophiam dicemus. ⁽²⁾ Scilicet sermonibus miscendis mutuis procedit dia-

lec.

(1) De Rep. VII. 527. D. E. (2) Eod. 521. C. D.
 Ὁρᾶκου testula est, qua pueri in ludis utebantur. V. Ast ad h. l.

lectica: a *διαλέγεσθαι* nomen habet: his autem maxime, si Socratica ratione instituuntur, cum veri amor in animo ut flamma excitatur, tum spectatur ille quem diximus animi oculus, tum vero, si quo alio modo, his praesertim, per efficacitatem persuasionis, ad lucem veritatis adspiciendam et trahimur et toto animo convertimur. Non timemus contendere, alienum fuisse ab hoc praecipiendo dialecticae praecepto sive Socratem sive Aristotelem; sed huc spectare maxime Platoniceam dialecticam, hoc proprie proposito *characterem* ejus exprimi, id ex hac triumvirorum celeberrimorum comparatione efficere nobis haud temere videmur.

*Quare dialectica apud
Platonem arx dicitur et septimentum
doctrinarum?*

Locum hunc in philosophia sane quam gravissimum sic omni ambitu tractare studuimus, quod magis lectores a vulgari illa, quae in scholis traditur, dialectica ad eam disciplinae rationem converterem, quam primus videtur Plato in luce posuisse, quaeque tantum abest, ut scholam redeat, ut una omnium maxime ad ingenium acendum excolendumque, ad artes disciplinasque, quae vitam hominum ornant, recte tractandas valeat. Nunc vero cum caeteras omnes Platonis de hac disciplina sententias, tum hanc rem intelligere
no-

nobis licebit, quā disputationem de disciplinis concludit. Videtur ὡς περ θριγκὸς τοῖς μαθήμασιν ἢ διαλεκτικῇ ἡμῶν ἐπάνω κεῖσθαι καὶ οὐκέτ' ἀλλὰ τούτου μάθημα ἀνωτέρω ὁρθῶς ἂν ἐπιτίθεσθαι, ἀλλ' ἔχειν ἤδη τέλος τὰ τῶν μαθημάτων. ⁽¹⁾ Scilicet caput dialecticae Platonicae, ut tota nos docuit disputatio haecce, *cernere* est: quod in omni judicandi munere summum habetur: unde in linguis *judicare* verbis exprimitur, quae a cernendo ac dividendo ducuntur. Hinc *Critica*, gravis in primis ars, quam primum Graeci post Platonem libris librorumque lectionibus judicandis adhibuerunt, postea recentiores nulli non literarum artiumque generi, universis doctrinis, ipsi philosophiae applicuerunt: unde *criticae philosophiae* nomen. Quamquam, si res, non nomen agitur, antiqui jam recentioribus universae hujusmodi criticae exemplum in scriptis suis dederant. Et vero quae philosophia est, quae ars aut doctrina tractari recte potest, nisi judicare, judicandi ars, nisi critica accedat, quae cernendo veritatem patefaciat? In his autem omnibus quicumque judicat et philosophatur, ut cernit, ita discreta a caeteris separat, signoque, ut ait Plato, notat, ἐπισφραγίζεται, ⁽²⁾ quo diligentius a similibus omnibus distinguantur. Id *sepius* Cicero vocat ac disserendi tribuit scientiae. *Atque haec omnia*, ait, *quasi*

56-

(1) De Rep. VII. 534. E. (2) Politic. 258. G.

sepimento aliquo vallabit disserendi ratione, veri et falsi judicandi disciplina et scientia. Explicare autem id ipsum videtur, quod quaerimus, quare *θριγκός* i. e. *sepimentum* apud Platonem dialectica dicatur.⁽¹⁾ Sed apud hunc item dialectica caeteris disciplinis *ὡς περ θριγκός ἐπάνω κεῖσθαι* dicitur, quo *arcis* sive *speculae* continetur notio. Id quomodo accipiendum sit, supra jam significavimus; explicandum autem maxime e *scientiae* natura est. Caeterae, ait Plato, ut vidimus, doctrinae *ὑπὸ θεωρίᾳ* habent, a quibus ordiuntur, uti axiomata habet geometria: has, ut immotas, non tangunt, quarum quippe rationes reddere non possunt: *scientiae* igitur, ut vulgo solent appellari, haberi existimarique non possunt; dialectica vero nec ipsa habet axiomata ulla et caeterarum axiomata doctrinarum sola cernendo disserendoque ad initium *ἀνυποθέτον*, ad ipsum *τὸ ἐν* reducit. Quocirca ut fiant hae *scientiae*, dialecticā opus habent, quae ita longe iis fit superior ac merito *τοῖς μαθήμασι* dicitur *ἐπάνω κεῖσθαι*. Quod autem diximus *arcis* seu *speculae* notionem in dialecticā Platonis latere: expressit eam ipse in quarto Politiae li-

(1) Hanc loci interpretationem Bakio meo debeo, Ciceronis probatam auctoritate de Legg. I. 23. Platonis interpretes de *sepimento* non cogitarunt, in hac re profecto non negligendo. Similia nobis multa largietur eruditi viri in hoc Ciceronis opus commentarius, qui utinam prodeat aliquando!

Plato, quum διακριτικὴν esse καθαρὸν τινα diceret ⁽¹⁾. Quae reputanti mihi, linguae, quâ haec scribo, in mentem venit, in qua non minus, quam in dialecticis Platonis dialogis, judicandi vis propria et effectus exprimitur. Nam, *putare*, unde *reputare*, quod cogitandi judicandique significationem habet, quid aliud est, quam *purgare*? proprie de lanâ *carminando* purgandâ usurpatur. Artis autem judicandi idem negotium, effectus idem est: simile haec pariter a simili, pejus a meliore, falsum a vero discernit: estque in his omnibus purgationis cujusdam ac puritatis significatio: unde Germanorum dictio: *die Sache ins Reine bringen*. Quid? quod idem illud Latinorum *putare* ad calculum, ad numerandi artem transfertur? A putando enim *supputare*, *computare* dicitur. Apud Platonem autem cernendi ars in puerorum institutione, ut meminimus, quam proxime est cum arte numerandi conjuncta ⁽²⁾. Sic latent scilicet in dialogis illis Platonis, in ipsis adeo linguis praestantissimae hujus artis nostrae principia.

Natam hanc esse diximus e cernendi arte Platonis, ut posterî eam demum, tanquam artem quamdam disciplinamve peculiarem excoluerint. Quod ex hac ejus vi naturali, quam Plato significavit, intelligitur: modo recte ab analysi, quacum confundi a multis solet, distinguatur. Hunc enim

(1) Soph. 226. Cf. supra p. 121. (2) V. supra p. 53.

enim in modum a recentioribus philosophiae adhibita est, ut idem ea, quod analysi Plato, intellexisse videantur. Proprie vero sic est ab illa diversa, ut, cum utraque inquirendo, inveniendo, iudicando procedat, criticae in primis munus sit *judicare*. Invenit analysis: quae inventa sunt ac memoriae prodita, critica dijudicat. Quapropter praecedit illa, haec subsequitur. Habet item utraque; quo potissimum referatur. Ipsis in rebus versatur analysis: et animum hominis et res humanas omnes ac divinas et totam rerum universitatem explorat; verumque in his cunctis asssequi studet; critica vero ut iudicat, ut minus invenire, quod verum est, quam verum a falso distinguere studet, ita ad opiniones hominum, ad philosophorum placita, ad scripta, quae omni aevō in omni artium doctrinarumque genere prodierunt; ad haec igitur exploranda et dijudicanda refertur potissimum. Qua in re et *πρωτε* illud Latinorum et *διακριτική*, quo usus Plato est; proprie obtinet; nam discernendo similia a similibus, probabilia a certis, falsa ac corrupta a veris et sanis purgavit fere critica orbem eruditum, et suo sibi jure in artibus et disciplinis majoribus insignem illustremque locum vindicavit. E quo criticae a dialectica Platonica diversitate ad intelligendum facile est, quemadmodum ex inveniendi illa methodo critica sit nata, tum etiam, quid exussae sit, ut ab Aristotele haec magis, quam

M

ab

ab ipso Platone culta sit, fueritque et criticae et eclecticae philosophiae Ptolemaeorum demum aetas, judicandi illa magis, quam inveniendi facultate insignis, apta et accommodata, Sed de ipsa hic agimus cernendi arte Platonis. Ut peperit haec criticam, utque matrem refert pulcherrima proles, ita nobis haec veluti imago quaedam est, in qua analyseos Platonicae vim divinam agnoscamus. Nam quod Plato de dialectica dixit, non ab hypothesebus eam ordiri, sed cernendo ascendere ad illud, quod ἀνυποθετόν est, hanc methodi sublimitatem imprimis nobis critica percipiendam praebet. Critica, si qua alia ars aut disciplina, tota est ab hypothesebus substruendis construendisque in his systematibus aliena: cernit perpetuo jungitque; quae autem junxit cernendo, ἀναβαλλομένη haec ipsi sunt, ut ait Diotime, quibus ad veritatem puram intaminatamque assequendam ascendat. Artium omnium abusus est et maximus sane fuit syllogisticae Aristoteleae, unde contemptum haec suscepit; sed, uti Platonicae analyseos, ita criticae hujus nostrae, qua nos gloriamur merito, tam praeclarus fere usus fuit, tamque efficax ad dispellendas in studio veritatis nebulas omnes, ut neutram quis unquam vituperare aut spernere sustinuerit. Quo magis operanda philosophis est, ut eam et recte usurpent et nulli non doctrinarum generi adhibeant constanter. Id autem ita optime instituent, ut diligenter

gentissime et scripta Platonis legerint et verissimae inde dialecticae; e qua nata critica est, cum rationem tum usum assecuti fuerint.

*De dialecticâ eloquentiae
adhibendâ; sive de Rhetoricâ
Platonis.*

Tales igitur disciplinae sunt, quibus acueudas juvenum mentes excolendasque judicavit Plato, si quidem gravioribus essent aliquando in te publica muneribus functuri. Adjecit his nonnulla nobisque recte percipienda de earum *οὐσιφει*, ut, quae sparsim juvenes a tenerâ inde aetate didicerunt, haec in unum colligant tandem, quo magis et mutuam disciplinarum cognationem conspiciant et perspiciant ita simul *τὸν ἵππον* naturam: quâ perfectâ eruditâ institutione, mundus illis *νοῦς* sponte recluditur. Sed nondum nobis dimittenda dialectica videtur. De Eloquentia diximus in superioribus; ubi de veri amore agebamus, patuitque nobis, si hoc principio, hoc amore ars gravissima quasi animatur et foecundatur, nullam esse hominum generi utilem magis et salutarem. Est autem proxime haec ars cum dialectica conjuncta, imo vero tum demum dici haberi que *ars* potest; quum adhibita ipsi apte dialectica fuerit. Idem de scribendi ratione optima, quam item exploravimus suo loco, dicendum videtur: nisi accesserit dialectica, ars dicen-

di nulla est. Quamobrem, priusquam ad disciplinarum omnium σύνολον et mundum νοητόν perveniamus, de recte cum eloquentiæ tum scribendi studio dialecticâ adhibendâ, agendum est. Præmittamus autem nonnihil de rhetorica recte ab eloquentia discernenda.

Non ita utramque Græci, ut Latini solebant, nomine distinxerunt. Nam idem de eloquentia, quod de rhetorica vocabulum usurpabant, utramque *ῥητορικὴν* appellantes. *Re* tamen distinxit Plato, ut superior nos docuit disquisitio nostra. Nam ut musicam et poësin novam, ita novam illæ, ut vidimus, *eloquentiam* inducere studuit, quæ non, ut sophistis placebat ac rhetoribus, vel gratificaretur civibus, vel ipsius spectaret oratoris sive gloriam sive emolumentum, sed tota esset ad veri, ad boni, ad justî causam vindicandam accommodata. Naturalis hæc est dicendi ratio, non vero rhetorica est, quæ *artem* continet dicendi. Huic autem idem germanæ eloquentiæ, quæ ipsam spirat philosophiam, quamque referunt, ut item vidimus, optimorum oratorum, maximeque Demosthenis scripta, *novam* quandam adhibuit *rhetoricam*. Ut autem eloquentia illa Platonis *veri amore*, ita hæc ejus rhetorica *cernendâ arte* insignis est: fluxit ferme tota e dialecticæ, quam in lucem prodiderat, principiis.

Nam arcte profecto est cum dialecticâ ars dicendi conjuncta. Hæc adeo utriusque necessitudo est, ut dialectica, nisi dicendo se explicet, je-

jejuna sit et horrida; dicendi ars autem, nisi dialecticam ducem habeat, futilis sit, firmo certe gradu non possit procedere. Exemplum nobis incertae hujuscemodi atque erraticae rhetoricae, in Phaedro, ut modo monuimus, Plato dedit: Lysiae dico orationem illam, quae nullâ habita definiendi, partiendi, distribuendi, nullâ omnino dialecticae ratione, temere nulloque ordine procederet. Sed erant ejus aetate alii, rhetores proprie dicendi, qui artes dicendi traderent, nec tamen magis, quam Lysias similesque oratores eloquentiae adhiberent dialecticam. Festivus de iis Socratis est cum Phaedro sermo, eoque opportunius nobis totus legetur, quo dilucidius inde nobis apparebit Platonicae rhetoricae praestantia. Nam postquam, dialecticâ laudatâ, λόγων τέχνην memoraverat Socrates, haecine, rogat, illa est, quâ Thrasy-machus aliique usi, et ipsi disertifac-ti sunt et alios faciunt quicumque ipsis, ut regibus, munera tribuere volunt? Cui Phaedrus, regii quidem illi viri, reponit, non tamen eorum periti, quae requiris: hanc autem speciem recte mihi nomine appellare videris, *dialecticam* appellans: rhetorica vero nos fugit adhuc. — Quid ais? Praeclarum sane sit, quod ab arte dialectica sejunctum, tamen arte quadam addisci queat; veruntamen non spernendum hoc tibi mihi-que est: dicendum igitur, quid reliqua sit rhetoricae pars praeter dialecticam. — Permulta, o Socrates, in libris de arte dicendi scriptis tradita exstant. —

stant. — Recte mones: *προβαλόν*: opinor, primum esse in principio orationis dicendum: haec memoras artis scilicet ornamenta; nonne? (1) — Omnino. — Tum *λέγουσιν* quandam ac testimonia, quae ei adiunguntur: tertium *τεκμήρια*: quartum *εικότα*: tum *πίσωσιν*, credo, et *επαίτωνσιν*, quas memorat orationum faber ille praeclarus, vir Byzantius. — Egregium scilicet Theodorum dicis? — Dico: et *λεγέων* praeterea atque *επαλέγων*: quo pacto hi in accusando et defendendo usurpandi sint. Praeclarissimum autem virum, Evenum Parium, nonne in medium producemus, qui primus *ὑπαδήλωσιν* et *παρεπαίνους* invenit? Sunt qui eum dicant *παρρηγόρους* metro pronunciasse, memoriae caussa: sapiens scilicet vir est, Tisiam item Gorgiamque dormire sinemus, qui veris viderunt verosimilia praeferenda esse et vi orationis efficiunt, ut parva videantur magna, magna autem parva, de rebus item novis antiqua, de antiquis nova ratione dicunt, (2) inveneruntque de argumentis omnibus et brevilloquentiam et infinitam prolixitatem. Haec cum Prodicus aliquando ex me audiret, risit, seque solum invenisse asseruit, quibus verbis ars illa indigeat, in-

di-

(1) Verti, ut legendum censeo. Rectius, quam vulgo legitur, distinxit Heindorfius: *ἐν ἀρχῇ, ταῦτα λέγεις; ἢ γὰρ; τὰ πομπὰ τῆς τέχνης*; Puto autem Platonem *ἢ γὰρ*; non interposuisse sententiae, sed, ut solet, adiectivae: (2) W. Wytténb. Bibl. crit. III. P. 1. p. 58. Cf. Heind. ad h. l.

digere autem nec multis nec paucis, sed modicis. — Sapientissime tu quidem, o Prodice! — Hippiam autem nonne commemoremus? illi enim hunc puto Eleum hospitem assentiri. — Quidni? — Poli vero *μουσεία λόγων* ⁽¹⁾ quomodo significabimus, qui *διπλασιολογίαν, γνώμολογίαν, εἰκονολογίαν*, nominumque venustates, quibus praeceptor ipsum Licymnion donavit, in usum suum adhibuit? — Protagorae vero nonne hujusmodi quaedam exstant artificia? — *Ὁρθόπειρα* nempe quaedam, o puer, et alia praeclara multa. Orationum autem flebilium in senectutem et paupertatem protractarum arte, omnes vicisse mihi Chalcedonius orator ⁽²⁾ videtur: in concitandâ item ad iram multitudine praestitit, ac rursus in iratâ incantando, ut vocabat, delimiendâ: in calumniando praeterea et solvendis, quocunque id modo fieri posset, calumniis excelluit. De fine autem orationibus imponendo idem placuisse communiter omnibus videtur: quem *ἐπάνοδον* quidam, alii alio nomine appellat. — Summatim dicis singula audientibus, quae dicta sunt, sub finem in memoriam revocare. — Et haec dico et si quid aliud his addendum de dicendi arte habes. — Exigua habeo nec memoratu digna. ⁽³⁾

Sic

— (1) Sic librum inscripsit Pétus videtur. V. Intpp: ad h. l. Cornarii conjecturam *πρὸς πείρην* legentis *πρὸς πείρην* vertendo expressi. V. Ast. ad Phaedr. p. 368.

(2) *Thrasymachus*. V. Heind. ad h. l. (3) Phaedr. 266.

C.

Sic artes illas rhetorum et sophistarum ironice exagitat Socrates: nec tamen idem, ut sunt homines qui existiment, una cum artibus istis ipsam rejiciendam rhetoricam existimavit. Multa eorum in oratione cum attendenda duxit tum ad dicendum adhibenda; verum his contineri ipsam rhetoricam negavit: quod more deinceps suo, id est, faecte et ironice persequitur. Mittamus, ait Socrates exigua; haec vero potius in lucem producamus, ut quam et quando artis vim habeant, videamus. — Et maximam quidem, o Socrates, in hominum coetibus vim potentiamque habent. — Habent sane; sed tu itera sodes, vide num tibi horum textura, quemadmodum mihi, rara dissutaque videatur. — Ostende modo. — Dic, age: si quis amicum tuum Eryximachum vel ejus patrem Acumenum adiens: dicat: *Ego hujuscemodi quoddam scilicet corpori admoveo, quibus calescat pro arbitrio meo vel frigeat, vomat etiam, si placeat, vel deorsum abigat atque alia similia multa: haec autem tenens et medicum me esse contendendo et alium efficere medicum, cui quidem harum rerum scientiam tradidero: quid illos responsuros existimas?* — Quidnam aliud, quam percunctaturos, numquid sciat insuper, quibus ea sin-

C. — 567. E. De Rhetoribus his et Sophistis eorumque artibus V. Intpp. ad h. l.; in primis vero docta Geelii de Sophistis disquisitio in *novis actis societatis Trajectinae* Vol. I.

Minuta adhibere et quando et quoties oporteat? — Ergo si dicat, nullo modo se illud scire, sed oportere, eum, qui ab ipso didicerit, talia quaedam facere posse, quid respondebunt? (1) — Respondebunt, opinor: *insanit homo: et librum nescio quo eductus, vel, ut in medicamenta incidit quaedam, ita medicum se factum putat, artis prorsus imperitus.* — Quid vero? Si ad Sophoclem quis aut Euripidem accedens, scire se dicat de parva re prolixam orationem habere et contra de magna brevissimam, et quoties velit dicendo misericordiam movere et contra perterrefacere et minari, et quae alia hujusmodi sunt: seque his docendis putet tragicam poësin tradere? — Et hi, o Soerates, opinor, riderent, si quis aliud esse tragoediam existimaret, quam horum compositionem et partibus invicem et toti convenientem. — Non tamen rustice, credo, increparent, sed, uti musicus in virum incidens, qui se esse harmonicum propterea existimaret, quod chordas posset acutissimas et gravissimas efficere, non rudius diceret, *insanis, miser;*
sed,

(1) Corruptum locum, ut partim Heindorfio placuit, sic totum restituendum puto: *ἂν ἐρωτᾷ τί εἰποῖεν ἂν; ὃ, εἰποῖεν ἂν, οἶμαι, ὅτι.* — Quae plane Platonica esse videtur in hujusmodi commemorando aliorum sermone ratio. Ποιῖν in illis αὐτῶν οἷόν τι εἶναι ποιεῖν non sollicitandam existimo. Qui respondet rudior est, quam, qui id, quod quaeritur, accurate perspiciat. Itaque *insanire* dicitur,

sed, quippe musicus, lenius: *optimo vis, necesse quidem est, ut qui futurus sit musicus haec sciat; verum quamvis haec tui instar sciat, nil tamen prohibet, quin prorsus sit musicae imperitus*: τὰ γὰρ πρὸ ἁρμονίας ἀναγκαῖα μαθήματα ἐπί-
 σσαι, ἀλλ' οὐ τὰ ἁρμονικὰ· nam quae ante musi-
 cam necessario discenda sunt, tenes; musicam non
 tenes. — Rectissime. — Ergo et Sophocles il-
 lum, qui tragicum se praedicaverat, quae praeco-
 dunt artem tragicam, tenere diceret, non *artem*
tragicam, et Acumenus, qui se medicum tulerat,
 hunc item quae praecedunt artem medicam tenere,
 non ipsam *artem*, diceret. — Ita prorsus. — Quid
 vero? Mellifluum existimemus Adrastum ⁽¹⁾ vel
 etiam Periclem, si audirent quae nunc ipsi refe-
 rebamus pulcerrima verborum artificia, βραχυλο-
 γίας, εἰκονολογίας et quaecunque diximus in ha-
 cem proferenda esse et sic considerata, illos igitur
 putemus, his auditis, quemadmodum nos,
 prae rusticitate asperrime istis succensuros, qui
 haec, tanquam ipsam dicendi artem, scripserint
 docuerintque? An vero, quippe nobis sapientio-
 res, nos increpaturos, dicentes: *• Phaedre et So-
 crates, non succensendum est, sed ignoscendum,
 si qui disserendi facultate destituti, definire, quid
 rhetorica sit, non potuerint: hi propterea, cum*
 ea,

(1.) *Antiphontem Rhamnusium* significat, ut recte vi-
 dit Aëtius. V. de eo Ruhnck. Opusc. Vol. I. p. 112.

quae, quae ante artem discedenda sunt, tenerent, rhetoricam se invenisse opinati sunt; docentes autem haecce, perfectum in modum et ea tradi dicendi artem existimaverunt; ceterum disponere ad persuasionem singula illa, totamque orationem contexere, quasi in his praecceptore operi non sit, id oportere censuerunt discipulos suos propriâ industriâ comparare ⁽¹⁾.

Sed Plato ut non rejecit tamquam inutilia, quae ad recte informandam orationem praecipuntur, ita rhetoricam his artibus longe superiorem, imo vero jungendam cum philosophia duxit. Nam, postquam sic fecit Socratem de sophistis et rhetoribus dicentem, Phaedrus apud eum deinceps, talis sane, o Socrates, ait, ars illa videtur esse; quam hi quidem viri ut rhetoricam docendo scribendoque tractant, mihi que videris vera dixisse; verum ejus, qui reapse et dicendi et persuadendi facultatem tenet, artem, quo tandem quis modo et unde sibi comparet? Hic Socrates: τὸ μὲν δύνασθαι, ὃ Φαῖδρε, ὥςτε ἀγωνιστὴν τέλος γενέσθαι, εἶδε, ἴσας δὲ καὶ ἀναγκάϊον, ἔχειν ὥσπερ τᾶλλα· εἰ μὲν γὰρ ὑπάρχει φύσει ῥητορικῇ εἶναι, ἔσθ' ῥήτωρ ἐλλόγιμος, προσλαβὼν ἐπιστήμην τε καὶ μελέτην· οὗτος δ' ἂν ἐλλίπης τούτων, ταύτῃ ἀτελής ἔσθ'. Ut quis possit, o Phaedre, in hoc dicendi certamine praestare ac perfectum se decertatorem probare, verisimile est et fortassis etiam necessarium, sic,

48

(1) Phaedr. 267. E. — 269. C.

sed, quippe musicus, lenius: *optimo vir, necesse quidem est, ut qui futurus sit musicus haec sciat; verum quamvis haec tui instar sciat, nil tamen prohibet, quin prorsus sit musicae imperitus*: τὰ γὰρ πρὸ ἀρμονίας ἀναγκαῖα μαθήματα ἐπὶ εἶναι, ἀλλ' οὐ τὰ ἁρμονικὰ. nam quae ante musicam necessario discenda sunt, tenes; musicam non tenes. — Rectissime. — Ergo et Sophocles illum, qui tragicum se praedicaverat, quae praecedunt *artem tragicam*, tenere diceret, non *artem tragicam*, et Acumenus, qui se medicum tulerat, hunc item quae praecedunt *artem medicam* tenere, non ipsam *artem*, diceret. — Ita prorsus. — Quid vero? Mellisfluum existimemus Adrastum ⁽¹⁾ vel etiam Periclem, si audirent quae nunc ipsi referbamur pulcherrima verborum artificia, βραχυλογίας, ἀκρολογίας et quaecunque diximus in hanc proferenda esse et sic considerata, illos igitur putemus, his auditis, quemadmodum nos, prae rusticitate asperrime istis succensuros, qui haec, tanquam ipsam dicendi artem, scripserint docuerintque? An vero, quippe nobis sapientiores, nos increpaturos, dicentes: *o Phaedre et Socrates, non succensendum est, sed ignoscendum, si qui disserendi facultate destituti, definire, quid rhetorica sit, non potuerint: hi propterea, cum*

ea,

(1) Antiphontem Rhamnusium significat, ut recte vidit Astius. V. de eo Ruhnck. Opusc. Vol. I. p. 142.

quae, quae ante artem discenda sunt, tenerent, rhetoricam se invenisse opinati sunt; docentes autem haecce, perfectum in modum et tradi dicendi artem existimarunt: ceterum disponere ad persuasionem singula illa, totamque orationem contexere, quasi in his praeceptoribus opera non sit, id oportere censuerunt discipulos suos propria industria comparare ⁽¹⁾.

Sed Plato ut non rejecit tamquam inutilia, quae ad recte informandam orationem praecipuntur, ita rhetoricam his artibus longe superiorem, imo vero jungendam cum *philosophia* duxit. Nam, postquam sic fecit Socratem de sophistis et rhetoribus dicentem, Phaedrus apud eum deinceps, talis sane, o Socrates, ait, ars illa videtur esse; quam hi quidem viri ut rhetoricam docendo scribendoque tractant, mihi videris vera dixisse; verum ejus, qui reapse et dicendi et persuadendi facultatem tenet, artem, quo tandem quis modo et unde sibi comparet? Hic Socrates: τὸ μὲν δύνασθαι, ὦ Φαῖδρε, ὥς τε ἀγωνιστὴν τέλους γενέσθαι, εἶδος, ἴσως δὲ καὶ ἀναγκαῖον, ἔχειν ὥς περ τὰλλα· εἰ μὲν γὰρ ὑπάρχει φύσει ῥητορικῶ εἶναι, ἔσθ' ῥήτωρ ἐλλόγιμος, προσλαβὼν ἐπιστήμην τε καὶ μελέτην τοῦ δ' ἂν ἐλλίπης τούτων, ταύτῃ ἀτελής ἔσθ'. Ut quis possit, o Phaedre, in hoc dicendi certamine praestare ac perfectum se decertatorem probare, verisimile est et fortassis etiam necessarium, sic,

(1) Phaedr. 267. E. — 269. C.

ut in cæteris, rem se habere: si a natura nactus fueris dicendi facultatem, excellens eris orator, scientiam modo et exercitationem adhibueris; si quid horum tibi defuerit, hac in parte mancus eris. ⁽¹⁾ Quibus sane paucissimis verbis, quemadmodum informetur verus omnique numero absolutus orator, aptissime significat. Sed artem deinceps ipsam traditurus, non ea, ait, procedendum via est, quam Gorgias ⁽²⁾ et Thrasymachus sunt secuti; verum illam ingredi ac tenere decet, qua oratorum princeps Pericles ad hunc in arte principatum pervenit. In quibus porro persequendis Anaxagorae memorat philosophiam, qua imbutus Pericles atque ad sublimia omnia mente et cogitatione evectus, illam prodidit eloquentiam, quam supra nos ex iisdem his locis adumbravimus. ⁽³⁾ Addit vero, quod ad ipsam dicendi artem, ad rhetoricam attinet: ἐν τεύθειν, ait, εἴλκυσεν ἐπὶ τὴν τῶν λόγων τέχνην τὸ πρόσφορον αὐτῇ traxit inde ad dicendi artem quod ipsi videbatur conducere. ⁽⁴⁾ Unde philosophiae patet in eloquentiam non tantum, sed etiam in rhetoricam vis: intelligitur autem simul, quae *dia-*
lec-

(1) Phaedr. 269. C. D. Perelegans de hac sententia Platonis Wyttenbachii, τὰ πλάτωνικα, disputatio est in *Ep. ad Boschium* Bibl. Cr. Vol. III. P. III. p. XIII.
(2) Vulgo *Lysias* legitur; sed *Gorgias* exstat in Ficini versione, quod praestat. V. Heind. ad. h. l. (3) Vol. II. P. I. p. 79. (4) Phaedr. 270. A.

lecticae sit Platonicae, sive cernendi jungendique artis cum *retorica* conjunctio. Rem enim deinceps e medicae artis comparatione explicat. In utraque, ait, discernere naturam oportet, *corporis* in arte medica, in dicendi autem arte *animi*, si quidem non usu et experientia, sed arte velis, illi, medicamentis atque alimentis praebendis sanitatem et robur afferre; huic autem, sermonibus ac praeceptis adhibendis, quamcunque labet et persuasionem et virtutem tradere. — Ita quidem par est, o Socrates. — Animi autem naturam putas, non exploratam universi naturam, cognosci posse sufficienter? — Si Hippocrati habenda fides est, ne corporis quidem natura, nisi hoc disquirendi modo, cognosci potest. ⁽¹⁾ — Praeclare profecto ille, o amice, dicit; decet autem, praeter Hippocratem, rationem considerare, num consentiat illi. — Decet. — Quod igitur naturam

at-

(1) Ducit haec Galenus ex Hippocratis *de hominis opere* T. V. p. 2. et 16. Sed ut recte animadvertit Heind. ad h. l., ad hujus quidem praecepti normam compositus est liber, de universi autem naturam non multa continet. Ducendam equidem Platonis sententiam magis arbitror ex aureo Hippocratis *de aëre, aquis et locis* libro, qui ipso titulo Platonice sententiam refert, animadversionibus autem de rerum natura mirifice omni aetate medicis profuit. Ceterum de methodo Hippocratis, Socraticae et Platonicae simillima, brevis est; sed docta accurataque disquisitio eruditissimi medici C. Pruys Van der Hoeven. *Frage. Christom. Hippocr. Hage Com.* 1874.

atque rerum, vide, quid et Hippocrates dicat et vera ratio. Nonne sic de natura cujuscunque rei cogitandum quaerendumque est, primum, utrum simplex sit an varium illud, ejus artem et ipsi velimus tenere et aliis tradere: deinde, si simplex est, quae vis ejus sit, quam ad quid agendum, quam item ad patiendum a quo habeat; si vero plures habeat species, has numerasse oportebit, quodque in una videmus, id in singulis considerare, quid faciat ac patiatur. — Videtur, o Socrates. — Hac scilicet destituta cernendi numerandique ratione methodus coeci sit infirma similis; coeco autem aut surdo non is assimilandus est, qui arte quid tractat, sed patet, si quis alicui arti sermones adhibebit, naturam hunc diligenter τῆς οὐσίας demonstraturum esse illius, cui adhibiturus sermones est: est autem illud mens hominis. — Quidni? — In illud igitur studium omne et contentionem convertet: in illo enim persuasionem efficere nititur, nonne? — Omnino. — Constat igitur, Thrasymachum et quicumque dat operam artem rhetoricam tradit, primum omni diligentia effecturum, ut videat mens, utrum ipsa unum quid sibi que simile, an corporis ratione varium sit: id enim esse diximus, naturam demonstrare. — Omnino. — Deinde inquisiturum esse, quid facere alicui, quidque ab aliquo pati possit. — Quidni? — Tertium erit, ut discretis dispositisque omnibus cum sermonum tum ingeniorum generibus horumque affectibus,

om-

omnibusque exploratis causis, singula singulis adaptet, doceatque, qualis animus qualibus sermonibus quas ob causas necessario hic sibi persuaderi sinat, ille non sinat. — Sic profecto se res, ut videtur, optime habeat. — Non igitur, o amice, quod alio modo demonstratum dictumve est, arte scriptum dictumve erit; sed qui nunc scribunt *τῶν λόγων*, de quibus tu audivisti, callide praecellam, quam tenent, mentis cognitionem occultant. Priusquam igitur et scripserint hunc in modum et dixerint, fidem iis ne habeamus, arte se scribere profitentibus. — Quem tu modum dicis? — Ipsa quidem verba dicere, non facile est; sed quomodum scribere deceat, ut artem quid referat, quoad ejus fieri potest, dicere volo. — Dic igitur. — Quum flexanima, *ψυχροψύχη* quaedam, via dicendi sit, illum, qui dicendi habiturus facultatem est, novisse oportet, quot species animae habeat: sunt igitur illae tot et tales, unde alii aliter se habent. His autem sic distinctis, sermones item, quot habeant species et quales singulae sint, discernendum. Tales igitur talibus sermonibus hanc ob causam ad talia excitantur; tales propterea excitari se non patiuntur. Oportet autem si quis, recte his animadversis, deinceps ea in factis inque vitae usu spectat, acute haec posse persequi: alioqui nihil magnopere praeter illa, quae quondam a praesentore didicit, cognoscet. Quodsi dicere recte potest, qualis qualibus sermonibus moveatur, praesentemque ho-

hominem acutè persentit eo ingenio praeditum esse, de quo antea fuerit disputatum, et sic eum esse talibus sermonibus ad talia compellandum: is ita instructus, cum ad superiora adjunxerit haec, ut loquendi facendique; et βραχυλογίας, διεκτενολογίας, δεινότητος, singularumque specierum orationis et opportunitatem et importunitatem discernat recteque cognoscat; is, inquam, tum denum bene perfecteque *artem* tenebit, antea non tenebit: et quicumque horum quocunque sive dicendo sive docendo sive scribendo caruerit, dixerit vero se *artē* dicere, qui non ei fidem habet, vincet. (1)

Haec alia sanè rhetorica est, atque illa fuit, quae in scholis tradita recentiore aetate est. Continebat ea fere, quae tropos, figuras, orationis periodos, similia spectarent, quaeque non ignorare oratorem decet, τὰ πρὸ τὰ ρητορικὰ; ut a Platone vocantur; ipsam rhetoricam, quae proxime est cum philosophiā conjuncta, non continebat, ut referret planè veterum istorum rhetorum et sophistarum artes. Platoniam vero doctrinam omni aevo retulerunt optimorum philosophorum, qui de hac arte egerunt, scripta. Nam ut dialectica Platonis, ita haec ejusdem rhetorica, viam et Aristoteli et vero Ciceroni stravit, ut tantā aliquando cum diligentia, elegantia, copia de gravissima arte dissererent. Disputationis

20

(1) Phaedr. 270. B. — 271. B.

accuratae, quaeque definiendo distribuendo, ordine omnino procederet, exemplum utrique Plato, ut ante observavimus, in Phaedro dedit, ubi suam Socrates in amorem orationem Lysiae sermoni opponit. Sed ipsius Platonicae rhetoricae, in Aristotelis de hac arte opère, descriptio et quasi expressa imago exstat. Quod sponte vident, qui Platoniam hanc de disserendi diligentiam disputationem cum iis comparant, quae ex dicto Aristotelis libro supra adduximus. Pariter hic cernendo distinguendoque procedit: pariter attendendos oratori audientium animos praecipit et quae sint illi aetate, quo ingenio, quibus moribus, quibus studiis: ubi locus exstat praeclarus de variis auditorum aetatibus, de pueritia, de adolescentia, de senectute ⁽¹⁾, quem expressit in *Epistola ad Pisones* Horatius, ubi is idem poëtae praecipit. ⁽²⁾ Viam praeiverat omnibus Plato, quum caput esse artis dixisset animi humani cognitionem. Quod autem in ipso oratore requirit Plato, ut φύσει sit ῥητορικὸς, indolique adjungat cum ἐπισήμην i. e. ut ipse interpretatur, *philosophiam*, tum μελέτην, *exercitationem*: hoc ipsum illud est, quod in omnibus de eloquentia scriptis Cicero summo studio parique diligentia exponit: quoque ipse et explorando et exponendo illuc processit, ut perfecti omnibusque numeris absoluti oratoris exemplum adumbraret. Loci omnino Platonici, quem modo legimus, qui-

(1) *Arist. Rhet.* II. 12. (2) *Vl.* 156.

quique breviloquentiae causa nonnihil habet obscuritatis, si commentarium quaerimus, laudato illo Aristotelis opere haud facile diligentiorē reperiemus; quodsi pleniorē etiam requirimus, quo et cernendi diligentia et vis persuadendi et vero flexanima orationis virtus Platonica ratione, sed fusi⁹, sed disertius, sed ipsā eloquentiae vi et copā exprimatur, Ciceronis *de Oratore* dialogis nullus ullo aevo exstitit perfectior. Sententias ex illis apponere, quae Platonicae artem referunt, supervacaneum sit; cum totum opus et referat illam et explicet; sed unam hanc non possum non commemorare, quae medici item et oratoris, ut apud Platonem est, comparisonem continet. *Valet igitur multum ad vincendum probari mores, instituta et facta et vitam eorum, qui agent causas, et eorum, pro quibus: et item improbari adversariorum: animosque eorum, apud quos agitur, conciliari quam maxime ad benivolentiam cum erga oratorem, tum erga illum, pro quo dicit orator.* (1) — Huic autem est illa dispar adjuncta ratio orationis, quae alio quodam genere mentes iudicum permoves impellitque, ut aut oderint aut diligant aut invidiant aut saluum velint aut metuant aut sperent aut cupiant aut abhorreant aut laetentur aut moereant aut misereantur aut punire velint aut ad eos motus adducantur, si qui finitimi sunt et propinqui his ac talibus animi per-

(1) *De Orat.* II. c. 43.

turbationibus. Atque illud optandum est oratori, ut aliquam permotionem animorum sua sponte ipsi offerant ad causam iudices, ad id, quod utilitas pratoris feret, accommodatam. Facilius est enim currentem, ut ajunt, excitare, quam commovere languentem. Sin id aut non erit, aut erit obscurius, sicut medico diligenti, priusquam conetur nequa adhibere medicinam, non solum morbos ejus, cui mederi volet, sed etiam consuetudo valentis et natura corporis cognoscenda est: sic equidem, cum aggredior ancipitem causam et gravem, ad animos iudicum pertractandos, omni mente in ea cogitatione curaque versor, ut odorcer, quam sagacissime possim, quid sentiant, quid existiment, quid expectent, quid velint, quo deduci oratione facillime posse videantur. Si se dant, et, ut ante dixi, quid sponte, quo impellimus inclinant atque propendunt, accipio quod datur, et ad id, unde aliqua flatus ostenditur, vela do. — Sin est integer quietusque iudex, plus est operis: sunt enim omnia dicendo excitanda, nihil adiuvante natura. Sed tantam vim habet illa, quae recte a bono poeta dicta est *flexanima* atque omnium regina rerum, oratio, ut non modo inclinantem impellere aut stantem inclinare, sed etiam adversantem et repugnantem, ut imperator bonus ac fortis, capere possit. ⁽¹⁾ Sic referunt plane artem Platonis philosophorum et oratorum, qui de eloquentia egerunt, scripta pal-

ma-

(1) *De Orat.* II. c. 44.

maria: quamquam, quod *eloquentiae* apud Platonem proprium est, ut *veri* unice *justique* amorem spiret, uti ex ipso hoc Ciceronis loco patet, minus, quam Plato praeceperat, in praeceptis ipsi suis curarunt.

*De topica Aristotelis:
e Platonis ducenda dialectica
videtur.*

Nec vero praetermittendus nobis in hisce locus de *inventione* est, quo Aristotelis ac Ciceronis topica referuntur: hic, si quis alius in utriusque Rhetoricâ, e Platonis dialectica et repetendâ et explicandus videtur. Nam quod Platonicae methodi proprium fuerat, ut ad inveniendum valeret maxime, quo quis *εὐρηκώτερος* ejus studio fieret, id negligi postea a dialecticis coepit, quippe qui disciplinam hanc ad probandum imprimis et demonstrandum adhiberent. Veruntamen non ipsa ita simul neglecta a Graecis ars inveniendi fuit. E dialectica, quae eam haud diutius capiebat, in cognatam disciplinam, in rhetoricam migravit, ubi ad Ciceronis certe tempora sedem tenuit. Commutationem ita permagnam sane ars pulcherrima subiit. Ut enim a Platone ad res cognoscendas, de quibus ageretur, adhibita fuerat, ita nunc a Peripateticis, primumque ab ipso Aristotele eo destinata est, ut ad probandum demonstrandumque, omninoque ad persuadendum argumenta et argu-

men-

mentorū formas et rationes, quas *τόπος*, *locos*, vocarunt, exquirerent. Veruntamen haec ipsa Rhetorū, qualiscunque tandem illa, *invento*, quamdiu in arte dicendi obtinuit: nam et hinc tandem exclusa est, ut, quid *Topice* sit, ignorent hodie multi: tamdiu et Platonicae dialecticae, e qua nata est, ubertatem retulit, et persuadendi arti, ut ipsi antea philosophiae, lumen admovit. Quod sane tenendum nobis videtur, ut de eādem hac Platonis dialecticā, quam late patuerit, judicemus, recte, tūm vero etiam, ut quis inde etiam nunc ad recte philosophandū fructus capiendus sit, perspiciamus. Recentiore aetate philosophi de mentis facultatibus acute copioseque disseruerunt; sed de *facultate inveniendi*, de quaestionibus, *quid sit invenire, quemadmodum inveniatur, quis usus dialecticae ad inveniendum sit*, de his igitur nondum, pro rei gravitate quaesivisse videntur. Quod mirum profecto accidat nobis necesse est, si veterum studia rhetoricorum respicimus. Nam quod hi de Topica affirmabant, hanc esse proprie inveniendi artem, ⁽¹⁾ id majore etiam jure affirmari de Platonis dialecticā et philosophiā videtur. Nam pars est topica, sive effectus potius, dialecticae illius, quae cernendo jungendoque procedit. Ut autem inventrix haec est rerum omnium, ipsarumque fuit artium maximarum, ut ante docuimus, ita ejusdem est *τόπος* illos ad recte persuadendum invenire.

(1) *Inveniendi ars, quae Topica dicitur. Cic. Top. 8. d*

nire: quodque fidem addebant rhetorici, prima tractari idcirco in sua disciplina topicam debere, utpote artem in hac disciplina omnium præcipuam, ⁽¹⁾ id quæ negaverit dialecticis pariter et philosophis præscribendum esse? Omni enim et syllogisticæ et probandi demonstrandique artû analysis præcedit, uti vidimus, inventorum quippè patens, quæ quis probare aliisque persuadere velit. Itaque recte fecerunt, qui apud recentiores existerunt dicendi magistri optimi, quum juvenuti ad recte tractandam eloquentiam, Veterum illam commendarent sive topicam sive inveniendi artem: in quibus cum alii tum Paulus Manutius ⁽²⁾ atque Ernestus, ⁽³⁾ fontes esse inventionis æberrimos demonstrarunt Isocratis, Demosthenis imprimisque Ciceronis scripta. Philosophi vero quidni, ad philosophiæ provehenda studia, idem instruant? Quidni et aliis indagandos commendent et ipsi indagent investigentque philosophandi, ut ita dicam, locos in scriptis veterum philosophorum obvios? Sed eorundem philosophorum majus etiam est graviusque munus. Latet in dialectica veterum maximeque Platonis, ut cognovimus, ipsa ars inveniendi: hanc autem non tantum inde in lucem prætrahere, sed adhibere eandem cum juvenum

(1) Cic. *de Invent.* I. 7. ubi primum *inventio* memoratur. (2) Manut. ad Cic. *Ep. ad Quint. fr.* III. 1. p. 105. (3) Ern. *Ded. ad Stigliz.* p. LXXI et LXXXI. qui hanc ipsam erat Manutii locum.

num ingenii acuendis atque erudiendis, tum artibus omnibus et doctrinis majoribus et colendis et inventis locupletandis — id scilicet philosophorum est: *philosophorum*, inquam, quorum omnis versatur in veritate inveniendâ et homine ad sapientiam educendo ars ac disciplina. Et sic quidem e dialecticâ Platonis et antiquitus profecit rhetorica, et etiamnunc proficere philosophia potest: eloquentia autem si conjuncta cum philosophiâ vere ab antiquis *copiose loquens sapientia* dicta est, quâ tandem illa ratione aptius magisque ad generis humani salutem tractari, quam sic ipsi et dialecticâ et arte inveniendi applicandâ, potest?

*De arte scribendi. Quid
cogitare est? quid dicere? quid
scribere?*

Hujusmodi igitur dialecticae est apud Platonem cum rhetorica necessitudo: unde ipsius eloquentiae, de qua datâ operâ supra egimus, vis et ratio plenius etiam percipitur. Sed diximus in superioribus item de *scribendi* ratione optimâ, quae maxime prodesset hominibus, itemque de *Platonis dialogi naturâ*, ut accommodati prorsus ad hoc summum scribendi propositum perficiendum. Haec autem in primis declarari e dialecticae Platonicae

prius-

(1) *Nihil aliud est eloquentia, quam copiose loquens sapientia.* Cic. part. orat. c. 12.

principiis debent. Nam ut dialogorum fere, ita scriptorum Platonis, analytica ratio est. Referunt nativam illam, cujus mentionem jam fecimus, dialecticam, quā homo in medijs rebus versatus, quae videt, quae audit, quae sensibus omnino percipit, sibimet ipse cernendo jungendoque explicat. Quam referunt pariter rationem cum dramatica tragicorum et comicorum, tum epicorum carmina, imo vero Herodoti scriptorumque libri eorum, qui naturalem exponendi rationem secuti sunt maxime. Analyticam hanc scribendi rationem non de industria explicuit Plato; sed est ea dialecticae ipsius consentanea, et vero, si, quod philosophis modo suasimus, investigare in ejus scriptis philosophandi quasi *locos* velimus, repერიemus facile sententias quasdam, e quibus et naturalem illam quam diximus, dialecticam et hanc analyticam scribendi rationem, qualis sit, efficiamus. Ut artem scribendi assequeremur Platonicam exquirendum hīc nobis proposuimus, quid *cogitare* sit, quid *dicere*, quid *scribere*: quae nova forte quibusdam, certe a vulgari consuetudine abhorrens disquirendi ratio videatur: est autem antiqua, quippe usurpata a Platone, et, si qua alia, naturae congruens; abhorret vero tota, ut omnes apud Platonem de dialectica et rhetorica disputationes, a scholasticorum hominum et studiis et consuetudine. Sed age, has igitur quaestiones, interpretem secuti Platonem nostrum, explicare conemur.

In

In *Sophist* philosophus idem esse, ait, cogitare et loqui, πλὴν ὁ μὲν ἐντὸς τῆς ψυχῆς πρὸς αὐτὴν διάλογος ἔσται κφωνῆς γιγνόμενος, τοῦτ' αὐτὸ ἡμῖν ἐπανομάσθῃ διάνοια· — τὸ δὲ γ' ἀπ' ἐκείνης βεῦμα διὰ τοῦ στόματος ἰδὲν μετὰ φθόγγου, κέκληται λόγος· hoc *discrimine*, quod *animi secum ipso intus cum silentio colloquium*, *cogitatio*: *hujus autem per os cum sono prolabens effluviū, sermo est.* ⁽¹⁾ De descriptione autem parisi simplicitatis locum et huic convenientissimum e *Phaedro* attulimus, quum de dialogi Platonici naturā ageremus. Id, quod scriptum est, appellat illic λόγου ζῶντος καὶ ἐμφύου εἶδωλον, *viventis animatiq̄ue sermonis simulacrum.* ⁽²⁾ Quae sane sententiae sic naturae respondent, sic nativam referunt hominis in cogitando loquendoque rationem, ut doctā non egeant interpretatione. Sed nobis item hominem Plato cogitantem dicentemque simul proponit, ductis maxime ex Homero exemplis, v. c. ubi Ulyssem ποῆ-

(1) *Sophist.* 263. E. Verti ad sensum exprimendum: in Graecis etymologia significatur vocis διάνοια: ducitur a διάλογος ἔσται, quo respicit illud τοῦτ' αὐτὸ ἐπανομάσθῃ, διάνοια. Βεῦμα melius a βέω, quod et *fluere* et *dicere* notat, duxisset: unde *flumen orationis* et Gallofrancicum *flu de bouche*, nostrum item *vloeijende stijl*. Expressit poetarum princeps in illis de Nestore:

Τοῦ καὶ ἀπὸ γλώσσης μέλιτος γλυκίων ῥέειν αὐδῇ.

Il. 4 vs. 249. (2) *Phaedr.* 276. A. Cf. supra Vol. II. P. I. p. 125 et 124.

poëta sic solitarium cogitando dicentem secumque colloquentem inducit :

Τέτραθί μοι κραδίη, καὶ κύντερον ἄλλο ποτ' ἔτλης. ὦ

Similis est, ut novimus, puerorum ratio: cogitantes illi secum ipsi fere loquuntur, ut idem plane apud eos *cogitare* et *discere* sit. Nec vero puerorum haec tantum aut hominum, qui a poetis finguntur, consuetudo est: ipse Xenophon, ut scripsit in *Anabasi*, cum, interfectis Graecorum ducebus, ad summas hi angustias redacti essent, pari ratione, reputando, secum ipse colloquebatur: „τί κατὰπειρμαι; ἡ δὲ νύξ προβαίνει· ἄρα δὲ τῆς ἡμέρας εἰκὸς τοὺς πολεμίους ἤξειν· εἰ δὲ γεννησόμεθα ἐπὶ βασιλεῖ, τί ἐμποδὼν μὴ οὐχὶ πάντα μὲν τὰ χαλὰ λεπώτατα ἐπιδόντας, πάντα δὲ τὰ δεινότατα παύσασθαι, ὑβρίζομένους ἀποθανεῖν; ὅπως δὲ ἀμυνόμεθα οὐδεὶς παρασκευάζεται οὐδὲ ἐπιμελεῖται; ἀλλὰ κατὰ κείρεθα, ὥσπερ ἔξεν ἡσυχίαν ἔχειν. Ἐγὼ οὖν τὴν ἐκ ποίης πόλεως στρατὸν προσδοκῶ ταῦτα πράξειν; ποίαν δὲ ἡλικίαν ἐμαυτῷ ἐλθεῖν ἀναμένω; οὐ γὰρ ἔγωγε ἔτι πρεσβύτερος ἔσομαι, ἐν τήμερον προῶ ἐμαυτὸν τοῖς πολεμίοις.” *Quid jaceo hic? Nox progreditur et quam primum illuxerit, consentaneum est, hostes adventuros. Quodsi Regis in potestatem venerimus, quid prohibet quominus gravissima quaeque et asperissima mus et patiamur, contumeliisque affecti necemur?*

Quo

(1). Hom. *Odys.* XX. vs. 17. Cf. *Plat.* de *Rep.* VIII. 390. D.

Quae pateri hostibus tutari debeamus, ad id se nemo comparat neque res ulli curae est; sed hic ita jactemur, quasi nobis otiosis esse liceat. Ego vero quantum ex urbe ducem haec facturum exspecto? quam aetatem minimum ipsi venturam opperietur? Nec enim maturiorem ad aetatem perveniam, si hostibus hodie me dedidero.” (1) Simile quid de se narrat Servius Sulpicius, ad Ciceronem scribens de morte Tulliae: ex Asia rediens cum ab Aegina Megaram versus navigarem, coepi regiones circumcirca prospicere. Post me erat Aegina: ante Megara: dextra Piraeus: sinistra Corinthus: quae oppida quodam tempore florentissima fuerant, nunc prostrata et durata ante oculos jacent. Coepi egomet mecum ito cogitare: hem! nos hominunculi indignamur, si quis nostrum interit aut occisus est, quorum vita brevior esse debet, cum uno loca tot oppidum cadavera projecta jacent? Visne tu te, Servi, cohibere et meminisse, hominem te esse natum? (2) Non aliter Pythagorei quasi colloquendo secum cogitabant singulis vesperis:

Πῶς παρέβην; τί δ' ἔρεξα; τί μοι δέον οὐκ ἐτελέσθη; (3)

Hic igitur est Platonis in cogitando δ ἐντὸς τῆς ψυχῆς πρὸς αὐτὴν διάλογος ἀνευ φωνῆς γιγνόμενος, cujus effluvium ex ore cum sono sermo est. Et sic

(1) Xenoph. Anab. III. c. I. § 10. (2) Cic. Ep. ad Fam. IV. Ep. 5. (3) Pyth. χρ. ἔπη. vs. 42.

sic quidem nos sponte nativam trium artium maximarum, cogitandi, dicendi ac scribendi rationem assequimur: quae si philosophi ac rhetores attendissent paullo diligentius, simplicius sane rectiusque de harum artium principiis studiisque egissent. Quodsi haec maxime naturalis dialectica est, quā tandem ratione sic *intus*, ut ille vocat, *nobiscum colloquentes* id assequimur quod verum est? Nam huc spectat omnis sive cogitandi sive nobiscum colloquendi ars. Fit illud, ut ex tota hac nostrā de Platonis dialectica disputatione patet, *cernendo jungendoque*. *Cernendo* videmus: unde, quod animadvertimus, *cernere* apud Latinos *videndi* habet significationem; *jungendis* autem, quae discrevimus ante, cogitamus, invenimus, judicamus: quod item demonstrant linguae. Nam *cogitare* quid aliud est, quam coagitare, coagere, cogere i. e. *jungere? combinare* dicunt recentiores ⁽¹⁾. Cujus rei si item quis exemplum expetit, in promptu est. Et Xenophon et Servius Sulpicius, in hoc intus ipsorum colloquio, cernendo maximeque jungendo reputabant secum inveniebantque, hic, quid existimandum de rebus humanis,

(1) Exprimunt linguae plane dialecticam Platonis: nec minus nostrae, quam antiquae. *Διαίρεσις* v. c. nostro *oordeelen*, *urtheilen*, *συζητῶναι* cum aliis vocibus tum his *vatten*, *begrîppen*, *besluiten*, Francico in primis *combiner* significantur et declarantur. Fontes omnino verae philosophiae linguae sunt.

nūc, ille, quid agendum pro Graecis esset. Uterque, ut apud Virgilium de Aenea dicitur:

— *animum nunc huc celerem nunc dividit
illuc* ω,

sic hi, in partes animum varias rapiunt, perque omnia versant: Servius autem animadversis singulatim cum *oppidum* illis, quas vocat, *cadaveribus*, tum rebus humanis, ut junxit utraque: *visne tu te, Servy, combere?* — ait: et Xenophon disjunctim considerata ab altera parte Persarum perfidia, ab altera sua suorumque conditione, conjungit utramque, jungendoque, imò *cogitando*, quid sibi agendum sit, reperit; sed, quemadmodum distinguendo conjungendoque ad rerum cognitionem perveniat homo, dilucidius etiam e Xenophonte eodem in opere exercitus Persici adventantis descriptione patet. Enarrat rem Xenophon ita, ut ipsi apparuit, utque ipse et Graeci cernendo jungendoque efficerent, et esse, qui adventaret, exercitum Persicum et qualis esset. Καὶ ἤδη τε ἦν μέσον ἡμέρας, καὶ οὐκ οὐκ καταφανεῖς ἦσαν οἱ πολέμιοι. Ἦνικα δὲ δειλὴ ἐγένετο, ἐφάνη κονιορτὸς, ὥς περ νεφελὴ λευκὴ, χρῶν δὲ οὐ συχρῶ ὕπερον ὥς περ μελανία τις ἐν τῷ πεδίῳ ἐπὶ πολὺ· ὅτε δὲ ἐγγύτερον ἐγγίνοντο, τάχα δὴ καὶ χαλκὸς τις ἤσραπτε καὶ αἱ λόγχοι καὶ αἱ τάξεις καταφανεῖς ἐγγίνοντο καὶ ἦσαν ἱππεῖς μὲν κ. τ. λ.

Jam

(1) Virgil. Aen. IV. 285. VIII. 20.

*Jam meridiēs erat necdum hostes apparebant. Ken-
rum postmeridiana tempore, ecce, pulvis quidam
visus est sublatus tamquam nebula albicans et tem-
pore non multo post, nigredo apparuit quaedam in
campo: quum propius accessissent extemplo et aes
fulsit et hastae et ordines conspiciebantur: et equi-
tes quidam⁽¹⁾. — Quae descriptio una in paucis op-
time, quomodo per analyticam dialecticam capien-
do jungendoque ad verum percipiendum pervenia-
mus, ostendit. Nam cernebant primum Graeci a
rebus omnibus quae apparebant, primum *pulverem
sublatum*, qui nebulae albicantis instar erat, dein-
de *nigredinem* quandam in campo, tum vero de-
repente *fulgorem* armorum: tandem ordines, equi-
tes, caetera; quibus omnibus et singulis discretis
et universis junctis, id, quod verum erat, ad-
ventare exercitum Persicum, assequabantur. Quod
si rem ex Homero et Tragicis, qui mos est Pla-
tonis, illustrare velimus, Priamum apud illum se-
nesque Trojanos⁽²⁾, et apud Euripidem in Phoe-
nissis Antigonam⁽³⁾ consideremus, Sedent in moe-
nibus Trojae senes illi, conscendit Antigone cum
paedagogo Thebarum speculam: unde in campum
circum jacentem prospiciunt. Ubique illic ipsis
continuo viri, arma, currus, equi, tentoria, sed
commixta, confusa, incerta apparent: *ἀσπράττην*
totus campus armorum splendore Antigoniae vide-*

itur.

(1) Xenoph. Anab. L. I. c. 8. §. 5. (2) Homer. Iliad.
3 va. 160. seqq. (3) Eurip. Phoenissae. 78. 105. seqq.

tur. Quodsi quaerimus, quemadmodum quae incerta apparuerunt iis specie continuo, cognosci ab iisdem deinceps accurate coeperint; scilicet, ut apud ipsos legere poetas est, discernendo eoque jungendoque pervenerunt. Quo magis a caeteris istis rebus hominibusque universis nunc hunc herodem discreverunt diligenter, nunc alium, consuleruntque quae videbant et invicem et cum iis, quae fando vel experientia de iis cognoverant, eo magis et cognoscendi amorem expleverunt, et id quod spectabant, quale esset, assecuti sunt. Nec dubitandum, quin, si nec illis senibus Helena nec Antigoniae paedagogus adfuisset, iidem tamen τῷ ἐντὶς scilicet illo μετὰ τῆς διόδου, res sibi istas, quas videbant, si non explicassent plane, explicare certe hac ratione studuissent. Nos nempe admirabitis illa ingenii humani est, quae per διαίρεσιν et συναγωγὰς invenit: inventas hac Plato dicit artes quasque maximas; sed non alia est, qua omnes omnis generis conditionisque homines ad rerum qualiumcunque cognitionem perveniunt: perveniunt autem fere illuc, sic prouti diximus, *intus*, quod pueri solent, *cogitantes secum* et *colloquentes*.

Huic igitur naturali hominis dialecticae *analytica* respondet, quam in dialogis Plato usurpavit, *scribendi ars*: nec temere statuamus, quo magis haec ars colloquium illud hominis, quo secum res discernit jungitque, seu potius effluvium colloquii cum sono, quod *sermone* vocamus, imitan-

tando exprimit, eo illam magis et naturae esse consentaneam et hominibus salutarem. Opportune autem nobis videtur Helenae apud Homerum et paedagogi in Phœnissis Euripideis mentionem fecisse. Nam quod illa Priamum, hic Antigonam iuvat, ut quae sponte explicare sibi met ipsis debuerant, ipsorum ductu facilius perspiciant, id plane scriptoris munus est. Et vero sic ipsa Ilias, ipsae Phœnissae, sic nulla non cum epicorum tum tragicorum et comicorum carmina huic naturali respondent hominis dialecticae. In medias nos res rapiunt eorum auctores, iuvantque nos in singulis cernendis et coniungendis universalis: quod recte vidit Horatius artis epicae proprium esse:

*Nec gemino bellum Trojanum orditur ab ovo:
Semper ad eventum festinat: et in medias res,
Non secus ac notas, auditorem rapit (1).*

Et hinc quidem mira illa magnam partem rependa voluptas animique oblectatio est, quâ et haec carmina a teneris et deinceps dialogos Platonis legimus. Nam ut unam Iliadem memoremus, in legendâ illâ primum, quae naturae ratio est, confusa nobis apparent omnia. Versamur in castris Graecorum: videmus audimusque dicentes principes exercitus duces, Agamemnonem, Achillem,

(1) Epist. ad Pis. vs. 147-150.

letu, Nestorem: illos vehementer se invicem ob-
jurgantes: hunc, placidum senem, conciliare eos
studentem; sed, quinam sint illi singuli, unde
profecti, quid moliantur, quinam Trojani sint
quorum mentio fit identidem, quis Priamus, quia
Hector, ignoramus. Verum poeta, ut huc nos
quasi ad spectandum et veluti in speculam duxit,
ita narrando deinceps eorumque sermonibus pro-
ferendis efficit, ut et quinam sint illi omnes et
vero quales, cernendo cognoscamus: distingua-
mus continuo ab Agamemnone Achillem, ab
utroque Nestorem, ab his deinde Diomedem,
Ulyssem, aliosque Graecorum duces: tum a Grae-
cis omnibus Paridem, Hectorem, Priamum. Fit
ita, ut ipsi singulos, recte a se invicem discre-
tos, dijudicemus: alios admiremur, vituperemus
alios: illis faveamus in rebus agendis, his irasca-
mur: duos a caeteris omnibus distinguamus, prin-
cipes carminis heroas, Achillem et Hectorem. Fit,
ut, lecto carmine, sic et ipsi judicemus de his
omnibus et cum aliis, qui legerunt, de iisdem
disputemus, acsi non carmen legissemus, sed
ipsi certaminibus illis cunctis et sermonibus in-
terfuissemus. Quamobrem non inepte Plato *dra-*
mata vocat Iliadem et Odysseam ⁽¹⁾. Nam non
narrat tantum de heroibus Homerus, sed ipsos
nobis, tragicorum instar, agentes loquentesque
proponit, et vero sic narrat, ut, quae primum
no-

(1) De Rep. III. 554 B.

nobis confusa appaeruerant, haec nos distinguendo attendendoque, prouti in spectaculis spectandis procedere solemus, nobismet ipsi explicemus.

Analyticam hanc esse diximus exponendi scribendique rationem. Nam propria eadem est dialecticae Platonicae. Analysis apud eum, ut in *Sophista et Politico* vidimus, in medias nos res educit continuo. Quo plenius explicaret Eleates, quid sophistica, quid politica esset, artes nobis primum et doctrinas universas proposuit, ut cum ipso eas deinceps alias ab aliis cerneremus, cernendoque continenter progredientes, sophisticam tandem itemque politicam cum assequeremur, tum qualis utraque esset cognosceremus. Non diversa ab hac Platonis methodo ratio est, quam in narrandis exponendisque heroum rebus gestis Homerus est secutus: utraque discernendis iis, quae primum fuerant confusa, procedit, et similis plane utriusque effectus est. Nam uti Plato hac distinguendi diligentia efficere tandem studet, ut notis quibusdam certis a caeteris omnibus sophistam et politicum discernamus, ita legendam Iliadem nosmet ipsi sponte nostra cum aliorum Graecorum Trojanorumque, tum Achillis et Hectoris, praesertimque Achillis *characteristum* concipimus. Sed quod *de industria* egit Plato, quum in *Sophista et Politico* ipsam exemplis explicaret analyticam artem, id plane, ut Homerus et Tragici, *sponte* effecit scriptis suis.

Corr-

*Congrua sunt plane
Platonicae dialecticae scripta
Platonis.*

Sunt scilicet *dialogi* scripta illa: dialogus autem, qui et vere hoc nomine vocatur et diligenter ita a vulgari colloquio distinguitur, quid aliud est quam drama? Itaque sive Symposium sive Phaedrum sive Politiam sive quemcunque tandem Platonis dialogum legamus, in medias nos res inducit ille continuo: nos autem quid agatur, quinam sint qui et colloquuntur et agunt, quo pertineant maxime sermones illi, identidem inter legendum discernendo exquirimus et nobismet ipsis explicamus. Sed non formam spectamus tantum: quamquam haec ad rerum item disquisitionem vim magnam habet: de hac ipsa *rerum disquisitione* quaerimus potissimum, quae prorsus apud Platonem analytica est. Exempla nobis in ejus scriptis loca cum alijs sunt, ut de justo in Politia, de animi immortalitate in Phaedone, tum vero perillustis ille de *amore*, quem locum philosophus, ut juvenis in Phaedro, ita proveciore deinde aetate in Symposium tractavit ac perpurgavit. Sed in Phaedro de hoc argumento quaesivit, prouti suo loco animadvertimus, quemadmodum analytice simul et synthetice exponeretur; in Symposium vero tota expositio analytica procedit ratione, ipsum adeo Symposium et formam et quaerendi modo hanc rationem refert atque exprimit: documento nobis

idem hic dialogus est, quantopere ad rem non solum jucunde, sed interius etiam exquirendam, eadem illa ratio valeat. Nam, postquam convivis placuit: — rem supra enarravimus, hic autem, opinor, meminisse juvabit: — convivis igitur postquam omnibus placuit, ut sua quisque vice amorem celebraret, prima oratio, quae Phaëdrus est, in medium nos argumentum traducit exemplo. Encomium enim amoris est, quo tum dotes Dei laudantur, tum ipsius amoris celebratur in rebus humanis vis et auctoritas. Hic Pausanias, quae praeclare, sed non satis distincte dicta erant, cernendo aptius pleniusque enunciat. Quae Phaëdrus dixit, inquit, sine exceptione laudanda essent, si unus esset amor: verum enim, cum duo sint, ut duae sunt Veneres, alter Uranius, vulgaris alter, distinguamus hos oportet diligenter. Qua Pausanias distinguendi diligentia veri amoris, quem respexerat Phaëdrus, vim et efficacitatem totam demum in lucem profert. Tum vero Eryximachus, cernendi hoc studium et probans vehementer et ipse usurpans, utrumque amorem in tota rerum natura omnibusque in artibus accurate distinguit. In his singulis, nemo est, quin analyticam rationem sponte animadvertat: aptam autem hanc esse potissimum ad res interius indagandas explicandasque, proxima probant. Aristophanis enim sermo, ut meminimus, inprimisque quae Socrates tandem profert, ipsam spectant amoris naturam. Homines distinguit comicus, qui olim
fue-

factum, ab his, qui nunc sunt: unde originem amoris simulque ejus vim naturamque explicat. In Socratis vero oratione, interioris indaginis, quae cernendo procedit, perfecta exstat species. Opposita nempe haec est cum caeterorum encomiis, tum laudibus maxime, quibus Agatho post illos amorem celebraverat. Non discrevisse hos, ait Socrates, ab effectu amoris amorem ipsum. Nec pulcher est nec bonus amor: nam pulchrum bonumque appetit; quae autem quis appetit, ea non habet. Haec vero et caetera omnia praecelara, quae ipsi amori tribuere poëtae solent, effectui ejus tribuenda sunt. Efficit scilicet amor, ut nactus quis illa talis ipse fiat. Quibus ita discretis, quid inde duxerit Socrates cum ad vim amoris in res hominum et civitatum, tum vero etiam ad hoc explorandum interius naturae humanae desiderium, supra attendimus. Documento autem et totus hic dialogus est et hi sunt maxime cum ipsius Socratis, tum Diotimae, quos enarrat, sermones, quae sit ad res interius perquirendas analyticae rationis vis et efficacia (1).

*De vi analyticae descriptionis
ad excitandum in legentium animis
explendumque veri amorem.*

Quid illud sit, quod in Phaedro Socrates scriptori praescribit, in ipsis hominum mentibus scribere,

(1) Sympos. 209 et 210. Cf. supra Vol. I. p. 178.

re, tam explicuimus, quum, quid maxime Plato scribendo spectaverit, indagavimus ⁽¹⁾. Nihil aliud est, nisi studium cognoscendi, veri amorem scribendo in animis hominum excitare. Efficere autem illud hac analytica ratione potissimum, facile est ad perspicendum. Nam aperitur ita legentibus quasi spectaculum, quod ipsi spectent diligenter; quae cognoscere studeant; scriptor vero ipsos ita discernendis omnibus iudicandisque juvat. Quae accidit, ut in legendis poetarum dramatibus et dialogis Platonis mentis acies hebescat nunquam, sed aequatur mens continenter, quippe ipsa per se inter legendum seiscitans, inquirens, iudicans. Intelligimus autem ita, quantopere philosophiae imprimisque Socraticae et Platonicae, quae tota inquirendo procedit, apta sit haec ratio. Imo vero, nisi usurpasset eandem parens historiae, Herodotus; hoc ille nomine a posteris vix fuisset celebratus. Nam historia non narratio est rerum gestarum, qualis apud annalium scriptores est, qualisque apud eos fuit, qui ante Herodotum historiam scripserunt ⁽²⁾: *ἱστορία* est, i. e. *disquisitio, indagatio, pervestigatio* rerum ⁽³⁾; cui respondet notioni totum opus Herodoteum, respondent pariter immortalia tam veterum quam recentiorum historicorum scripta. Exquirendo nar-

rant,

(1) V. supra Vol. II. P. I. p. 125. (2) V. Creuzer de *Graec. Historicis et Hist. kunst der Griechen*, utrumque opus criticae ad historiam adhibendae exemplum. (3) Wyttenb., *Sel. Hist. Praef. p. X.* et Annot. p. 83q.

capit, narrando alunt explentque exquirendi cognoscendique studium principes historici: hoc sermonibus et orationibus, illud excursibus perficiunt. Ἡρόδοτος vulgo Herodotus dicitur, non verborum causâ quorundam aut dictionum, quae item apud principem hunc reperiuntur poetarum, nec vero propter episodiorum unice et colloquiorum, quae apud utrumque exstant, frequentiam; sed propterea praecipue, quod tam historiae, quam poëseos parens analyticam secutus rationem, in medias nos res rapit continuo, tum monstrat nobis et explicat singula idemdem. Uterque ab exordio inde excitat in nobis inquirendi studium: quaerit continuo causas rerum, ut initio Homerus:

Τῆς τ' ἄρ σφῶς θεῶν ἐριδι ξυνέθηκε μάχεσθαι; ⁽¹⁾

Pari quaestione Herodotus Graecos nobis barbarosque considerandos proponit, ut explicet nobis deinceps, quod maxime facturus est, bella Persica. ⁽²⁾ Paedagogi uterque instar apud Euripidem, ut vidimus, eum nos in locum educit, unde spectemus ipsi omnia: vel, ut apud ipsum Homerum Helena, Priamo senibusque Trojanis in moenibus assidens, spectantibus illis indicat singula et enarrat: sic plane Herodotus orbem nobis terrarum aperit, ut e Graecia nos in omnes partes, in omnes populos dispicientes Graecorum bella cum bar-

(1) Iliad. I. vs. 8.

(2) Herod. Proöm.

barbaris, praesertim Persica contemblemur. Naturae haec ratio consentanea est, *analytica* est illa, quam e dialecticae Platonicae principiis declarare instituimus. Nam ut huc nos eduxit ab initio Herodotus, ad gentium nos deinceps singulatim res, Lydorum, Persarum, Aegyptiorum, maximeque Graecorum, quorum causâ haec exquirimus, ad horum omnium igitur res singulatim universeque cognoscendas attentos facit; nos autem lubenter haec una cum duce nostro suavissimo inquirimus et pervestigamus. Abhorret haec epica, quae vocatur, historiae forma a caeterorum historicorum ratione: quamquam optimi quique per multa inde, prouti monuimus, ut episodica, sermones, orationes, disquisitiones susceperunt; sed forma tamen totusque habitus ab hodierno usu abhorret: quo accidit, ut mirentur fere homines, quum primum ad legendum Herodotum accesserunt. Nesciunt, quo spectent quae de Croeso Lydorumque regibus, de Cyro et Cambyse copiose enarrantur. Idem evenit iis, qui legere Platonem incipiunt: pariter hi et magis etiam mirantur. Nam, uti hoc fere exigunt a philosopho, ut placita probando demonstrandoque sibi exponat et persuadeat, quaerunt, quid platanus illa in Phaëdro, quid Iliisus, quid Agathonis convivium, quid sermones illi Phaëdri cum Socrate de Lysia, de amore, de eloquentiâ: quid res omnino tenues, certe non proxime ad philosophiam pertinentes, cum philosophiae gravitate commune habeant: sed idem,

post-

postquam sive Herodotum sive Platonem totumque nec vero semel, sed iterum et tertium et saepius legerunt, et sic contraxerunt cum auctore quasi familiaritatem quandam: tum vero mirari desinunt. Ipsum naturae ordinem in iis deprehendunt, in quibus omnino ordinem ante desideraverant: nam quid naturae respondet illa ratione magis, quae in *media* nos negotia rapit, singulaque deinceps singulatim *cernendo* explicat? Tenuia autem illa et levia apud Platonem, ut dramaticae rationis vini et usum perceperunt, maximi esse momenti videntur ad animum legentis capiendum, tenendum et vero illuc evehendum, quo maxime tendit ipsa philosophia, i. e. ad veritatem in rebus gravissimis assequendam: quae vis inductionis est cum analytica ratione conjunctae. Sentiunt, qui sic legendo, tam Herodotum, quam Platonem totum animo complexi sunt, sentiunt, alia se omnia, certe plura percepisse animo, quam ab initio autumaverant. Nam Herodotum secuti ducem, non historiam unice Graecorum, belli Persici tempore, ut tradi ab historicis solet, sed universi orbis iisdem temporibus historiam, imo vero nullius non gentis regionem, mores, indolem, studia investigarunt, pariterque legendis meditandisque Platonis dialogis, quaestiones non solum in philosophia gravissimas, sed minus etiam graves, ut videntur quidem, prouti loci sunt de amore, de artibus, de disciplinis, de eloquentia et scribendi arte, has igitur quaestiones, quae, ut vidimus, proxime sunt

sunt cum philosophia conjunctae; explicare simul et philosophiae studio adhibere didicerunt.

Quibus animadversis omnibus, dispar intelligitur analyticae illius descriptionis et syntheticae in animis legentium effectus. Haec assentiri nos cogit scriptoris sententiae: nam omnis in eo est, ut hanc definiendo, probando, demonstrando nobis persuadeat, illa vero liberum nobis iudicium relinquit: tantum adeo abest, ut verum nos existimare id cogat, quod placet auctori et sic regat iudicium nostrum, ut veri amorem in animis nostris excitet, quippe discernendo explicandoque spectanda nobis praebens, quae ipsi iudicemus. Quo praeclarius illi scriptores de genere humano meruerunt, qui qualicumque in scriptorum genere, analyticam rationem usurparunt: nam fit illud non dialogis tantum scribendis: idem effecit, ut attendentibus patet, Aristoteles rerum naturalium et politicarum expositione: idem, ut nunc vidimus, Herodotus historia enarranda: idem, quicumque scribendo explicare argumentum, quam suas probare opiniones maluerunt. Et vero philosophi, quo minus se abduci statuendi studio siverunt, quo magis Socraticam illam et Platonice inquirendi imprimisque cernendi jungendique methodum in scriptis suis secuti sunt, eo et avidius lecti sunt, et certius efficaciusque lectores ad inquirendam assequendamque veritatem adjuverunt. Nec sane temere affirmari mihi videor, hinc potissimum vim explicandam esse, quam omni aeo in

in studia philosophorum scripta Platonis habuerunt. Nam et hac in re similis est Herodoti et Platonis ratio. Ut ille ab initio operis universam nobis aperit historiam gentium, ita Plato in singulis, quos scripsit, dialogis, sive de pulcro et amore agit, sive de veritatis assequendae rationibus, sive de iustitiâ et virtutibus, in mediam lectorum philosophiam inducit, ut ipsi per se, illo duce, quid verum sit, exquirant. Quae ratio ad capiendum lectorem et tenendum et vero, si philosophus est naturâ, philosophiae studio incendendum, una omnium maxime apta est et efficax, inde autem patet, quam inepte faciant, qui synthetica ratione doctrinam Platonis, tanquam systema quoddam, tradere nituntur. Rationi et proposito, imo naturae repugnant philosophiae Platonicae. Quo magis nos, hac praesertim in re Platonem imitati, a principio inde aperuimus eam totam lectoribus, ut, qualis esset quoque spectaret, assequerentur continuo, tum vero legendis ejus scriptis, ipso auctore, singula in ea singulatim ipsi animadverterent et persequerentur. Longior haec via est, quam synthetica ratio, quae compendiarie potest dici; sed hac tenenda illud et hactenus spectavimus et spectabimus deinceps, ut studiosi Platonis non e libro nostro, tanquam e compendio, sapere sibi viderentur, sed, praeparati his *Initiis* et quasi *initiat* quodammodo, ex ipsis deinceps *recipere* saperent scriptis Platonis.

*De fine dialecticae
Platonicae.*

Effectus hi maxime sunt, in ipsâ dicendi scribendique arte, dialecticae Platonicae. Unde intelligitur, quanta hujus sit inprimis disciplinae in omni philosophiâ auctoritas. Caveamus verò, ne, quod multi commiserunt philosophi, cum ipsâ philosophiâ dialecticam confundamus. Est illa philosophiæ quasi instrumentum quoddam, ut de cæteris disciplinis pronunciavit Plato, esse eas dicentem dialecticæ administras et adjutrices ad animum sursum erigendum⁽¹⁾: sic ipsa dialectica philosophiæ administra et adiutrix, omninoque veluti instrumentum est ad ipsius munus perficiendum. Munus autem philosophiæ hoc est præsertim, ut ad veritatem hominem, tum vero etiam ad sapientiam educat. Absurdum sane et ridiculum negotium illorum est, qui de methodis inquirunt ac disserendi anxie quaerant, quo vero spectent, quid effici earum usu debeat, non cogitant. Similes illis surit, qui vel armis vel aliis quibuscunque instrumentis elaborandis poliendisque desudant, usum eorum non curant. Plato vero, de disciplinis agens, id quaerebat continuo; quod exquirere potissimum philosophum decet, quem in finem excolendae essent. *Τί ἂν οὖν εἴη, ὃ Γλαῦκον, μάθηται ψυχῆς ὁλοκὴν ἀπὸ τοῦ γιγνομένου ἐπὶ τὸ ἂν;*⁽²⁾ Quod ut

(1) *De Rep.* VII. 535. D.V. supra p. 74. (2) VII. 521. D.

ut pateret, non de artibus quibusdam vel methodis solis quaesivit: quid methodi efficiant, nisi insit utentibus, quem aveant explere, veri amor? Sed ipsum hunc veri amorem, naturā homini insitum, et vero mentis oculum, quo uno conspici veritas potest, antequam ad disciplinas et dialecticam procederet, exploravit. Sic autem accidit, ut non subtiliter tantum de mathematicis artibus ac divinā illā cernendi jungendique methodo dissereret, sed omnem complecteretur philosophando disserendoque et *cogitandi* et *dicendi* et *scribendi* artem. Quin etiam sic effecit idem ille optimus non cogitandi tantum, sed et disserendi auctor et magister, ut constare jam nobis tandem de dialecticae harumque artium fine prorsus videatur. Alere scilicet veri amorem, sensumque illum veri et purgare et acuere debent, ut sic nos per eas philosophia cum ad res inquirendas cognoscendasque omnes, tam divinas, quam humanas adducat, tum dux nobis eadem sit et magistra sapientiae.

Et his quidem ita de singulis, quas laudavit Plato, disciplinis in medium collatis, vident lectores, illuc nos rediisse, unde hanc totam duximus disputationem. Nam ut orsi a veri amore sumus, ita nunc, quemadmodum hic disciplinis excitandus alendusque sit, cernimus: videmus item, omnem Platonis et disserendi et scribendi rationem ad eundem hunc veri amorem in animis explendum pertinere. Unde simplicitas patet philosophiae

phiae Platónicae. Verum, ut de singulis egi-
mus disciplinis hactenus, ita restat, ut de universarum
conjunctione sive συνόψει præclarum adjiciamus Pla-
tonis placitum.

De disciplinarum

συνόψει.

Plato tradit eum caeterarum disciplinarum, tum
dialecticae ratione optimâ, juventutem, ait, non
tantum his singulis erudiendam esse, sed eo ad-
ducendam item, ut universas uno quasi oculorum
obutu complectatur. Sic enim præcipit apud eum
Socrates: quae sparsim custodes a tenera inde æ-
tate didicerunt, τὰ χύδην μαθήματα, haec τοῦτοις
συνακτεόν εἰς σύνοψιν οἰκειότητος ἀλλήλων τῶν μαθη-
μάτων καὶ τῆς τοῦ ὄντος φύσεως illis haec in unum
colligenda sunt, ut disciplinarum conspiciant cog-
nationem mutuam, utraq̃ue veri, ejus quod est,
naturam perspiciant. Quod præceptum ut proba-
vit Glauco, solam hanc esse ajens firmam discen-
di rationem, hoc addit ille: καὶ μεγίστη γέ, ait,
πείρα διαλεκτικῆς φύσεως καὶ μή· ὁ μὲν γὰρ συνοπτί-
κος, διαλεκτικός, ὁ δὲ μή, οὐ· ἐτ̃ profecto maxima
haec dialecticae naturae probatio est: qui enim
conspicit eas universas, dialecticus est, qui non
conspicit, non est ⁽¹⁾.

De encyclopaediâ diximus, quum in disquisitio-
nis

(1) De Rep. VII. 537. C.

nis hujus nostrae ingressu de communi ageremus disciplinarum omnium vinculo et cognatione. Haec verba Socratis illuc nunc mentem nostram revocant; sed minus hinc disciplinas, magis *philosophum*, qui his recte fuerit institutus, attendimus. Est autem praeclarum, ut dicere institui, hoc Platonis de disciplinarum *συνόψις* placitum. Philosophum esse negat, qui uni se arti vel doctrinae, caeteris contentis, totum tradit. Servo hunc comparat, qui uno, cui serviat, domino contentus est ⁽¹⁾. Illum vero, qui et universarum amore ardet et ad singulas deinceps facile accedit et satiari tractandis illis non potest, *τοῦτον*, ait, *ἐν δὲ καὶ φιλοσοφῶν φιλόσοφος* hunc demum jure philosophum dicimus ⁽²⁾. Sed quamvis ita de universarum studio doctrinarum pronunciaret Plato, haud tamen eas vel simul tractandas, vel ab initio institutionis continuo discentibus apponendas conspiciendasque esse judicavit: ut faciunt fere, qui ab encyclopaedia ordiendum esse censent. Nam haec est puerili aetate ingenii humani conditio, ut rerum addiscendarum universas quasdam, sed non satis distinctas notiones habeat: quas qui vel a principio vel inter docendum identidem explicat, haud frustra sane excitare atque alere cognoscendi ardorem nisus fuerit. Encyclopaediae autem, quae proprie vocatur, haud capax ingenium fit,

an-

(1) *Symp.* 210. D. Cf. Vol. I. p. 188. (2) *De Rep.* V. 475. C.

antequam propius ad maturitatem accesserit, quaeque erant addiscenda, probe didicerit. Et vero quae quis ignorat vel leviter tenet vel nondum satis discernere a similibus coepit, horum quo tandem pacto commune vinculum, quale sit, vel suspicari adeo poterit? Postquam vero artium omnium laudatarum et doctrinarum studiis excultum ingenium fuerit, tum demum licebit juveni et conspicere eas mentis acie universas et fructum hinc capere, qui ad civitatis commodum provehendum uberrimus sit. Quae Platonis sententia, Ciceroni valgo, ut vidimus, tributa, per Ciceronem et celebritatem summam nacta est et incredibilem omni aevo ad recte et philosophandum et artes doctrinasque tractandas per totum orbem eruditorum vim habuit ⁽¹⁾. Sed in ipsius placito Platonis, quod Cicero sive non vidit, sive certe verbis non expressit, vim dialecticae non praetermittamus. Non solum hoc praecipit apud eum Socrates, ut, qui civitatis futuri perfecti magistratus sunt, disciplinarum conspiciant cognationem mutuam, sed vero hoc item, ut perspiciant simul τοῦ δντος naturam. Hoc autem ut fiat, ut non fluctuent custodes opinionibus, sed ad rerum scientiam, imò vero ad τοῦ δντος φύσιν perveniant, arithmetic-

(1) Sententiam Cicero ipse Platoni tribuit de Orat. III. 6. *Est illa Platonis vera vox, omnem doctrinam ingennerum et humanarum artium uno quodam societatis vinculo contineri.*

meticae id quidem caeterisque disciplinis? Plato, sed omnium maxime dialecticae efficiendum tribuit. Tenere hoc illos decebat, qui antiquo maximeque recentiore aevo encyclopaediam conficere studuerunt. Non erat satis, artes doctrinasque singulas in suos locos distribuuisse; sed cuique et arti et doctrinae suam assignare finem et propositum, sed universas sic tradere, ut communem assequerentur finem, veritatis, αὐτοῦ τοῦ ὄντος, in rebus omnibus scientiam, haec demum ratio verissimae encyclopaediae est, quam plene refert, ut monuimus, philosophia Platonica. Per dialecticam maxime ejusque ad veritatem inveniendam tuendamque efficacitatem, παιδεία fit, *institutio hominis*, ἡ ἐγκυκλοπαιδεία. Nec vero hoc etiam in Platónico placito silentio praetermittamus. Φύσιν memorat Socrates διαλεκτικὴν. Ubi τὰ χυδὴν μαθήματα, ait, juvenibus nostris in unum collegerimus, experimentum nobis maxime erit, num φύσιν διαλεκτικὴν habeant. Quod sponte nos cum iis conjungimus, quae ab initio de φύσει φιλοσόφῳ disputata sunt. Scilicet non indolem significat, *acumine* solum et *sagacitate* insignem, quae dotes in dialecticorum disputationibus elucet ferre; sed, ut *philosopham* indolem vocat, quae veri amore cognoscendique studio acerrimo, nihil non quod cognitu dignum est, indesinenter investigat, ita hunc habet φύσει διαλεκτικόν, qui, ut singula cernendo jungendoque rite, sed sparsim, cognovit, ita universa mente complectitur,

P

ur,

tur veritatemque in iis omnibus perspicit. 'Ο μὲν γὰρ συνοπτικός, διαλεκτικός· ὁ δὲ μὴ, οὐ. Haec percipienda Plato arbitratus est e disciplinarum maximeque dialecticae studio: quique sic iis excultus ingenio animoque totus est, hunc e spectabili mundo tamquam ex antro quodam, in mundum νοητὸν, in ipsius veritatis regnum escendere contendit. Quod philosophi effatum non semel jam commemoravimus; hic autem quaerimus, quem intellexerit ille *mundum spectabilem*, τὸ πον δρατὸν quem vocat, quem item νοητὸν voluerit sive τέπον sive *mundum*, tum maxime, quae *hominis* apud eum sit *e spectabili mundo in νοητὸν escensio*: quae ad finem pertinent proprie, philosophiae veri propositum. Illa igitur qualia sint, nunc, age, cum ad finem illum pervenerimus, explicemus.

INITIA
P H I L O S O P H I A E
P L A T O N I C A E.

DE

MUNDO νοητῷ

SIVE

DE VERI, αὐτοῦ τοῦ ὄντος, SCIENTIA.

ἡγουμένης δὲ ἀληθείας, οὐκ
ἐν ποτε, οἶμαι, φαίμεν αὐτῇ
χρόνον κακῶν ἀκολουθήσαι. —
Πῶς γάρ: —

Philosophia ut sibi constet, fructusque profe-
rat ipsius ubertate et amplitudine dignos, finem
habeat cum certum necesse est, tum facultatibus
naturae humanae studiisque consentaneum. Quod
licet nemo unquam mortalium in dubium vocave-
rit, fuerunt tamen omni aevo philosophi, qui vel,
quid ipsi philosophando spectarent, non satis vi-
derentur reputasse, vel illa spectarent, quae men-
tis humanae facultates superarent. Philosophari
scilicet, ipsum per se, dulce est philosophis ne-
gotium, tantamque multorum animis oblectatio-
nem voluptatemque affert, ut nihil requirant prae-

A

ter-

terea. Unde theoreticae, quae vocatur, imprimisque mysticae philosophiae commendatio, quae, praeter hanc mentis animique oblectationem, vix ullum habet propositum. De rebus vero gravissimis earumque causis non inquirere constanter, sed statuere, sed ex tripode pronunciare, id unice audaciae superbiaeque hominum convenit. Quo accidit, ut de rebus divinis philosophi, apud recentiores quidem, crebrius fere ac subtilius copiosiusque, quam de humanis disseruerint ac sententiam dixerint. Sed, ut facultatibus naturae nostrae, ita nostris etiam naturalibus studiis congruere philosophiae finis debet. Veritati studemus naturā, sed non minus virtuti, fierique philosophando non solum acutiores ad discernendum, verum etiam meliores, perfectiores, feliciores studemus. Id vero ut item omnes confessi sunt philosophi agendum nobis philosophando esse, ita qui huc nos adducerent, pauci fere fuerunt. Plurimorum doctrinae ab acumine ingenii sensuumque sublimitate laudem et commendationem habuerunt, ad vitae vero usum, ad naturam nostram perficiendam, ad provehendam generis humani felicitatem veram, parum fuerunt fructuosae.

*Quo spectat maxime
apud Platonem philosophia?*

Plato quid philosophando spectaverit maxime, augurari magnam partem e superioribus disquisitionibus

tionibus licet. Philosophiae apud eum principium summum, ut vidimus, veri amor est: cui principio ut finem respondere par est, ita hunc esse dicamus *verum assequi* sive ipsam *veri scientiam*. Perspicere autem illud magis etiam ex ejus de disciplinis disputatione licet. Trahant hae mentem, ait, ab iis, quae videntur esse quaeque sensibus patent, ad ea quae *sunt* solaque mente et cogitatione percipiuntur. Unde intelligitur, proprium philosophiae Platonicae esse, ut in mundum nos illum, qui soli menti patet, sive *νοῦτον* educat. Sed praeterea, ut philosophia *pulcri* veluti introitus est apud Platonem ad *veri* omninoque ad universam philosophiam, ita hinc maxime de fine et proposito apud Platonem philosophiae existimare licet. In hoc autem introitu in mundum non solum *νοῦτον* educti, sed adducti simul ad ipsam pulcri ideam sumus: et docuit nos Diotime, huc convertendam mentis nostrae aciem esse, si quidem et recte philosophari et honeste vivere et consulere cum hominum societati, tum nobismetipsis velimus. Num Plato id philosophando spectaverit assecutusque fuerit, quod in aliorum doctrinis philosophorum desideramus, nondum ausim dijudicare. Verumtamen colligimus ex his omnibus facile, non temere, non sine consilio certo quodam philosophatum eum esse, itemque explere eundem philosophando studia nostra primaria quaesivisse. Nam sive is pulcrum, sive bonum, sive justum sanctumque respiciebat, *verum*

in his singulis attendebat maxime; sed hoc item animadvertere in ejus philosophiâ licuit, quotiescunque de veritate, de iis quae sunt, *περὶ τῶν ὄντων* ageret, toties eum maxime haec ipsa, *pulcrum, bonum, justum, sanctumque* memorasse: unde efficimus, veri scientiam apud eum ad studia nostra *moralia* exploranda referri inprimis. Quid? quod homini praecepit, ut ad divinam contenderet perfectionem, et, quomodo eo contendendum esset, explorandis studiis nostris naturalibus, significavit? Diximus in ipso hujus operis exordio, philosophiam apud Platonem ad sapientiam tendere. Artes scilicet nos in eâ ad pulcrum, disciplinae ad verum, virtutes ad justum perducunt; nec tamen continetur his philosophia: ut instrumentis haec utitur illis, quibus divinum perficiat propositum suum: est autem illud, ut hominibus ad veritatem, imo ad sapientiam divinaeque naturae imitationem dux sit et magistra.

Sed de sublimibus his argumentis tum nobis agendum erit diligentius, ubi ad *justum*, inprimisque ubi ad *sanctum* pervenerimus. Nunc, quum ad illud accesserimus, quod in *veri* philosophia maximum est et postremum, ut ejus finem summumque propositum assequi nitamur, descendendum nobis continuo in Platonis speluncam erit. Hac Plato imagine in mundum nos *ὁρατὸν, spectabilem*, sensibus patentem, sed ignorantiae gravissimorumque errorum sedem, deducet: quo dilucidius nobis dehinc pateat, quae hominis sit inde
in

in mundum νοητὸν, qui mente duntaxat percipitur, escensio, quibusque veluti gradibus ad lucem veritatis inque ipsum veritatis regnum perveniatur. Quae fuse nos hactenus ille de opinionis et scientiae discrimine, de praestantiâ scientiae, de disciplinarum maximeque dialecticae ad eam obtinendam vi et opportunitate docuit, hac specus imagine mirum in modum illustrabit: aditumque nobis simul praebebit ad omnem, quam tradidit, de ideis, praesertimque de boni ideâ, doctrinam percipiendam interius. Quibus animadversis perspectisque omnibus, quid maxime Plato philosophando spectaverit, facile, opinor, assequemur. Age igitur, ut haec nobis pateant aliquando, speluncam illam Platonis intremus.

*Philosophiae in primis est,
ut ex ὁρατῷ nos mundo in νοητὸν educat:
utriusque mundi imago.*

In sermonibus de indole philosophâ, postquam Socrates accurata disceptatione scientiam ab opinione discernere studuit ⁽¹⁾, nunc, inquit, naturam nostram, παιδείας τε περὶ καὶ ἀπαιδευσίας, *eruditionis et ruditalis* habitâ ratione, huiusmodi negotio compara. Finge animo homines quasi in subterraneo quodam, specus instar, domicilio viventes, quod ad lucem late patentem ha-

beat

(1) De Rep. V. 476 ad finem libri.

beat per universum specum ingressum. In hoc eos finge a pueritiâ inde crura et collum vinctos, ut et maneat illic et solum in ea, quae ipsi obversa sunt, prospiciant; caput autem prae vinculis circumvertere nequeant. Sit item iis post tergum ignis accensi lumen, qui procul superne ardet, ac media inter captivos et ignem via superior quaedam, ad quam murum vide constructum non ita altum, prouti praestigiatoribus tabulata sunt, spectatoribus objecta, supra quae miracula ostendunt. — Vide autem juxta hunc murum homines, in illâ viâ, cum vasa omnis generis, quae supra murum eminent, ferentes, tum statuas hominum et alia tam lapidea, quam lignea animalia, vario modo affabre facta: utque par est, alios horum praetereuntium illaque ferentium hominum loquentes, tacentes alios. Hic Glauco, mirificam narras, inquit, imaginem et captivos mirificos. Socrates autem, nobis vero similes, reponit. Nam primum, aliudne tibi videntur tales homines vel sui ipsorum vel invicem, praeter umbras conspexisse, quae ab igne in adversam speluncae partem cadunt? — Nihil aliud sane, quando nunquam in vitâ movere caput potuerunt. — Quid vero eorum, quae praetervehuntur? Nonne horum item umbras duntaxat? — Quidni? — Si igitur colloqui secum invicem possent, nonne haec, quae vident, appellaturos eos esse iisdem nominibus putas, quibus ea dicuntur quae praetereunt? — Necesse est. — Quodsi echo

ex

ex adversa carceris parte resonaret, ubi praetor-
euntium aliquis loqueretur, putasne illos aliud
quid loqui opinaturos, quam transeuntem um-
bram? — Non profecto per Iovem! — Illi igitur
nihil omnino aliud esse verum existimabunt,
nisi rerum arte factarum umbras. — Nihil omni-
mo ⁽¹⁾. Sic orsus narrare Socrates pulcerrimam fa-
bulam, pergit hinc ad hominum eorum conditio-
nem describendam qualis futura sit, postquam
vinculis erunt soluti atque e carcere escenderint.
Nos vero, priusquam haec persequamur, de ipsâ
hac speluncae imagine nonnihil animadvertamus.

Tribuitur illa Pythagoreis fere: nec sane sine
probabilitatis specie. Similis est in Phaedone com-
paratio illa, quâ animus in hoc corpore dicitur,
tanquam in carcere habitare: quae sententia plane
scholam illam refert ⁽²⁾. Propius etiam ad hanc
speluncae imaginem accedit, quod, teste Porphy-
rio ⁽³⁾, Empedocles enunciavit:

ἡλύθεμεν τὸδ' ὑπ' ἄντρον ὑπόστεγον ⁽⁴⁾.

Videntur vero philosophi illi non id expressisse,
quod Plato voluit, sed carcere illo et antro mun-
dum

(1) De Rep. VII. 514. A. (2) *Phaedone* 82. E. ubi
V. Wytt. Cf. quae monuimus, Vol. I. p. 81. (3) *Por-
phyr. de antro Nymph.* c. 8. (4) *Emped.* va. 9. Ed.
Sturz., ubi V. Sturz. p. 451. De Platonis antro V. Ast.
ad h. l. p. 556.

dum hunc intellexisse, seu vitam hanc nostram terrestrem, cui coelestem vitam opponebant ⁽¹⁾, Plato autem his imaginibus non futuram tantum hominis post mortem, sed praesentem in primis conditionem declarare studuit: quod nobis deinceps, ubi totam legerimus et exposuerimus comparisonem, patebit manifesto. Fecit illud autem tantâ non solum elegantia et festivitate, sed *diligentia* etiam, ut nobis in fabulâ singula singulatim videantur animadvertenda.

Descriptionem hominum haec comparatio continet, qui, ut vulgus assolet, toti in mundo adspectabili vivunt. Dixit de illis, quum de cognoscendi studio ageret: φιλήμοις sunt ἐτ̃ φιλοθεάμονες: persequuntur quae oculis, quae auribus, quae caeteris sensibus percipiunt; non sunt vero φιλοσόφοι ⁽²⁾. Similes nunc eosdem captivis dicit, qui in antro habitant. Nam serviunt illi sensibus suis, ut quae hi annunciarunt ipsis, sola et vera et expetenda existiment: quibus praepjudicatis opinionibus, tanquam vinculis, constringuntur. Mundus autem, in quo vivunt, plane speluncae cujusdam obscuritatem refert, cujus si aditum finxeris apertum et latum, ut eorum, quae supra sunt, umbrae in eâ appareant, plane cernes, qualis eorum et quanta inscitia sit. Simillime enim pro rebus umbras adspi-

(1) Sic versum Emped. interpretatur Porphy. V. Sturz. ad h. l. (2) De Rep. V. 457. D. Cf. supra Vol. II. P. 2. p. 55.

aspiciant, ac de iisdem umbris, acsi res essent, et statuunt et secum invicem contendunt. Sed Plato ut his vulgares homines, quique longe essent a philosophiâ alieni, spectavit, ita exagitavit maxime illos, qui hos ludere falsis imaginibus studerent. Non negligenda scilicet nobis sunt in specus descriptione *tabulata*, *supra quae miracula ostendunt praestigiatores*: τὰ παραφράγματα, ὑπὲρ ὧν τὰ θαύματα δεικνῦσιν ⁽¹⁾. Intelligit pictores, poëtas, musicos, in primis oratores, quos ubivis in scriptis γοητὰς, *praestigiatores* ac *φαντάσματος auctores* appellat, tum vero maxime his nominibus notat, prouti vidimus supra, ubi de veritatis studio agit. Pictores tertio gradu a veritate abesse ait: quippe quae ab artificibus fabricata sunt et proxime ab iis, quae *sunt*, absunt, haec illi simulacra imitantur pingendo. Similiter poëtae: τιθῶμεν, ait, ἀπὸ Ὅμηρου ἀρξάμενοι, πάντας τοὺς ποιητικοὺς μιμητὰς εἰδῶλων ἀρετῆς εἶναι καὶ τῶν ἄλλων περὶ ὧν ποιοῦσι, τῆς δ' ἀληθείας οὐχ ἄπτεσθαι ⁽²⁾. Scilicet, quod in Platonis imagine vix solet attendi, sed est nobis, ad eam plene percipiendam, necessario animadvertendum, non *ferum* umbras adspiciunt captivi, sed τὰς

(1) Sant, opinor, haec παραφράγματα illis, quae nos vulgari nomine *rombos* vocamus, non dissimilia. Pone latet ὁ θαυματοποιός, supra apparent imagunculæ. Vulgus autem his quantopere delectatur, novimus. (2) De Rep. X. 600. E. Cf. nos Vol. I. p. 142.

τῆς τῶν σκευασῶν σκιάς, *eorum umbras, quae arte sunt facta.* Eminent supra murum cum vasa omnis generis, tum statuæ hominum, aliaque tam lapidea, quam lignea animalia, arte facta, quorum formæ in adversâ speluncae parte apparent. Quo hominum significatur, qui toti in mundo spectabili vivunt, abjecta conditio, ut non res ipsas et ne simulacra quidem rerum, sed horum solum simulacrorum umbras adspiciant. Debent has illis *φαντασμάτων* auctoribus, *τοῖς εἰδώλων μιμηταῖς*, quales poëtae sunt praecipue et oratores. Unde intelligitur, quanta sit vulgi *ἀπαιδευσία*, si quidem ab horum ore pendeat, nec quidquam, nisi quod hi ostendunt, verum certumque habeat. Id significasse Plato initio fabulae videtur.

Quodsi jam *παῖδελαν* quaerimus, qua erroribus hisce homines et extremâ stultitia liberentur: huc enim spectat fabula maxime: id efficere difficile omnino negotium est. Nam res illi ipsas se contemplari et putant et asseverant, quippe esse, praeter umbras, alia quaedam ne suspicantes quidem: et vero delectantur iidem his umbris mirifica. Principium quidem justae *παίδεας* hoc est, ut, rejectis poëtis atque oratoribus, ipsa adspectabilis mundi simulacra, quorum umbras viderunt adhuc, respiciant: tum ipsas res extra hunc mundum contemplabuntur. Sed hoc illud est, quod deinceps explicaturus Socrates erat: nunc igitur pergat narrare. Animadvertite jam, inquit, vinculorum solutionem ignorantiaeque curationem, qualis foret,

si

si in hunc modum procederet: ubi quis solutus vinculis derepente cogeretur et collum convertere et progredi et ad ignis lumen oculos attollere: haec autem omnia agens, doleret, nec adspicere prae splendore illa posset, quorum antea umbras viderat, quid eum responsurum autumas, si diceret ipsi aliquis, tum eum nugas vidisse, nunc vero propius ad verum adque ea, quae minus *videntur* esse magisque *sunt*, conversum, rectius spectare? idemque ei unumquemque praetereuntium monstrans, interrogando eum respondere cogeret, quid esset? nonne haesurum putas, quaeque tunc vidit, veriora, quam quae nunc monstrarentur, dicturum? — Et multo quidem veriora. — Quodsi eum adspicere ipsum ignem cogeret, nonne tum et doleret oculis maxime et fugeret et averteret se inde ad illa quae posset conspiciere et haec reapse existimaret illis, quae monstrata essent, clariora? — Sic omnino. ⁽¹⁾

Summae igitur difficultatis justae παιδείας principium est. Sed quamvis ita φιλήκοοι isti et φιλοφάδοι, quique nihil habent verum, nisi quod sensibus perceperunt, *umbras* coeperunt *simulacrorum* contemnere, quibus luserant ipsos poëtae et oratores: manent tamen in mundo adspectabili, ubi, praeter *simulacra*, nihil ipsis conspiciere licet: nam sensibus percipiunt negotia pulchra, bona, justa, quae quidem ipsius pulcri, ipsius boni

(1) *De Rep.* VII. 515. C. D. E.

ni iustique simulacra, sed obscura fere, subinde etiam fallacia simulacra sunt; id autem, quod ipsum per se et *pulcrum* et *bonum* et *justum* est, nondum perceperunt. Priusquam vero haec coeperint animo intueri, quo illi modo de rebus divinis et humanis vere judicabunt? Quomodo, dum ipsum eos *bonum* latebit, res suas publicasque administrare rite aliisque prodesse poterunt? Sedent aeternumque sedebunt quasi in speluncae cujusdam tenebris, ubi quamdiu morantur, tamdiu erunt omnis scientiae veritatisque expertes.

Quaerendum igitur nunc porro est nobis, quid deinceps efficere justa *παίδεια*, quid philosophia debeat, ut ad veritatem ipsam ab his simulacris convertamur. Escendere ex antro nos jubet Socrates, ut opinari desinamus, scire incipiamus, missisque et umbris specierum fallacium et ipsis speciebus, in mundum *νοῦτον*, in ipsum veritatis regnum escendamus. Hoc autem philosophiae munus et grave esse in primis et difficile, ait. Nam si aegre illi ab umbris conversi ad simulacra sunt, quo tandem modo ab his se converti ad res ipsas, ad *τὰ ὄντα* patientur? Sed ipsum denuo audiamus Socratem.

Si vero quis eundem, inquit, per ardua atque aspera sursum traheret violenter, nec remitteret priusquam ad solis lumen extraxisset, nonne vehementer eum, dum sic traheretur, doliturum aegerrimeque laturum existimas, et, postquam ad lumen evectus fuerit, fulgore habentem scilicet

ocu-

oculos repletos, nihil eorum, quae nunc dicuntur vera, conspecturum? — Nequaquam ille sane, continuo quidem. — Consuetudine, opinor, usuque esset opus, ut superiora illa adspiceret. Et primum quidem umbras conspiceret facillime, deinde hominum caeterorumque in aquis simulacra: tum vero ipsa. Hinc autem res, quae in coelo sunt, ipsumque coelum, noctu facilius, astrorum lunaeque lumen adspiciens contemplabitur, quam interdum, solem ejusque lumen intuens. — Quidni? — Postremo autem solem non in aquis aut in aliena quadam regione ejus imagines, sed ipsum per se in ipsius regione cernere, et, qualis sit, contemplari poterit. — Necesse est. — Tum vero demum reputando cognoscet, hunc esse, qui et tempestates anni nobis annosque praebet et omnia in adspectabili mundo regit, eorumque tantum non omnium, quae ante illi viderant, auctor est. — Manifestum est, ad haec eum ab illis progressurum. — Quid vero? Si tunc et primae istius habitationis et sapientiae, quae illic ferebatur, et hominum, quibuscum in vinculis vixerat, recorderetur, nonne semet ipsum putas beatum praedicaturum, illos vero miseraturum? — Et maxime quidem. — Praeterea, si quos honores illic invicem et laudes et praemia tribuissent ei, qui transiuntia quaeque acutissime fuerat conspiciatus, maximeque tenuerat memoriâ, quae prius, quae posterius, quae simul solerent praeterire et hinc potuerat optime augurari, quid jam jam esset adven-

venturum, censesne eum hæc desideratum esse magnopere, beatosque illos, qui apud hos honorantur et dominantur, habiturum? an vero malle, quod apud Homerum de se ait Achilles, ἐκάρουρον ἶδναι. (1)

— θητευέμεν ἄλλω

Ἄνδρ' παρ' ἀκλήρῳ.

in superioribus terris, pauperis hominis mancipium esse, et quidvis pati aliud, quam istis illudi optionibus et istum in modum vivere? — Sic equidem opinor quidvis eum perpessurum esse potius, quam ita victurum. — Tum hoc considera item: si rursus ille eodem descendens, in eandem se de novo sedem dmitteret, nonne caligine haberet oculos repletos, quippe modo huc a sole delatus? — Perquam sane. — Umbras autem istas si rursus deberet conjiciendo dijudicare et certare his studiis cum illis, qui perpetuo manserant vinculis constricti, nonne, quamdiu caecutiret priusquam constitissent oculi: tempus autem ad contrahendam cum praesente conditione consuetudinem non ita breve esset: nonne, inquam, tamdiu risum moveret illis identidem, dicerentque de eo illi, escendisse hunc sursum, corruptis vero oculis rediisse: haud decere propterea ne vel conari etiam escendere, et, si quis ipsos liberare vinculis atque educere tentaret sursum, hunc, manibus modo

(1) *Odys.* XI. v. 488. V. Ast. ad *L. III. de Rep.* p. 446.

do capere possent, occidendum esse? — Occidendum hercle, etiam atque etiam contenderent. ⁽¹⁾

Quid caussae in primis sit, ut raro in hominum genere germani apparuerint philosophi, iidemque, si apparerent subinde, pessime fere ab hominibus habiti sint, his explicare Plato voluit. Sed nobis hoc loco maxime, qualis apud eum mundus *δρατὸς*, qualis item *νοητὸς* sit, exquirendum est. Ex illis id efficitur continuo, quae proxime deinceps Socrates de adhibendâ utrique mundo imagine ait. Hanc igitur imaginem, inquit, suavissime Glauco, totam referre ad ea, quae ante diximus, oportet: *τὴν μὲν δὲ ὕψους φαινομένην ἴδραν τῇ τοῦ δεσμοτηρίου οἰκῇσει ἀφομοιοῦντα, τὸ δὲ τοῦ πυρὸς ἐν αὐτῇ φῶς τῇ τοῦ ἡλίου δυνάμει mundum, qui per oculos apparet nobis, habitationi hominum in carcere, quodque hñc adest ignis lumen, solis efficacitati comparemus: τὴν δὲ ἄνω ἀνάβασιν καὶ θέαν τῶν ἄνω, τὴν εἰς τὸν νοητὸν τόπον τῆς ψυχῆς ἀνοδὸν τιθεῖς, οὐχ ἀμαρτήσεως τῆς γ' ἐμῆς ἐλπίδος, ἐπειδὴ ταύτης ἐπιθυμεῖς ἀκούειν· θεὸς δὲ που οἶδεν εἰ ἀληθὴς οὕσα τυγχάνει, τὰ δ' οὖν ἐμοὶ φαινόμενα οὕτω φαίνεται· ἐν τῇ γνωστῇ τελευταία ἡ τοῦ ἀγαθοῦ ἰδέα καὶ μόγις ὁρᾶσθαι· ὁφθαλμοὶ δὲ, συλλογιστεῖα εἶναι ὥς ἄρα πᾶσι πάντων αὐτῇ ὁρᾶν τε καὶ καλῶν αἰτία, ἐν τε δρατῇ φῶς καὶ τὸν τοῦτου κύριον τεκοῦσα, ἐν τε τῇ νοητῇ αὐτῇ κυρία ἀλήθειαν καὶ νοῦν παρασχομένη· καὶ οὕτως ταύτην ἰδεῖν τὸν μέλλοντα ἐμφρόνως πράξων ὁ*
ἰδία

(1) *De Rep.* VII. 515. E. — 517. A..

ἰδέα ἢ διμυρία· quodsi adscensum ad supera coru-
que quae supra sunt contemplationem, animi esse
dixeris in mundum intelligibilem ascensionem, haud
aberrabis a spe mea et sententia, si hanc qualis
sit, cognoscere cupis. Deus num vera sit novit:
quae vero mihi videntur, huiusmodi sunt: in mun-
do, qui menti ad cognoscendum patet, postremum
conspici et aegre boni ideam; ut autem con-
specta est, hanc unam habendam esse omnibus om-
nium rectorum bonorumque causam, utpote quae
in spectabili mundo lumen ejusque auctorem pepererit,
in mundo autem intelligibili sua ipsa aucto-
ritate veritatem intelligentiamque praebet: eandem
autem hancce adspicere illos decere, quicum-
que sapienter acturi cum privatim, tum publice
erunt. ⁽¹⁾

Est igitur hujuscemodi apud Platonem mundus
adspectabilis. Cavernae isti similis est: quodque
in illa ignis, id in hoc sol efficit. Ut oculis per-
cipiamus quae adsunt, solis lumine opus est, quo
illustrentur: sunt autem plane, ut illic simulacra,
ita hic φαινόμενα, quae esse videntur vera, sed
inani nos saepenumero specie fallunt. Quocirca
opinamur in hoc specu nostro, non scimus. Nox-
tū vero mundi alia ratio est, nec declarari ille
aptius, quam e spectabilium rerum specie, potest.
Quod in his sol est, id illic et est et efficit
ἡ τοῦ ἀγαθοῦ ἰδέα, boni idea, quippe quae sic
ve-

(1) De Rep. VII. 517. A—C.

veritatem *νοητοῖς* omnibus, ut sol rebus adspectabilibus lumen affundit. Itaque, ut opinari desinamus aliquando atque ad rerum scientiam ipsamque veritatem accedamus, huc nobis e specu illo escendendum necessario est. Verum quaenam est illa, quam memoravimus, *boni idea*? Quid universe *ideis* spectavit Plato? Quibus homo *gradibus* ad illas escendit? Qualis haec ipsa hominis est in *νοητὸν* mundum ad ideas spectandas *escensio*? Sunt haec, credo, in philosophiâ Platonis in paucis cum gravissima tum ad interpretandum difficillima. Sed eadem nisi mente perceperimus penitus, nos sane nec assequi philosophiæ Platonicae finem, nec vero fructum capere ad vitae usum e sublimium harum rerum contemplatione poterimus. Percipere autem eo facilius haec licebit, quo plenius quae de disciplinarum vi et proposito supra monuimus, in memoriam revocaverimus. Ordiamur autem a postremo illorum.

*De hominis in mundum νοητὸν
escensione.*

Philosophiæ verissimaeque *παιδείας* princeps est, uti vidimus, officium, ut postquam nos falsis praëjudicatisque opinionibus, quas legendis poetis audiendisque oratoribus a tenerâ inde aetate suscipimus, liberati fuerimus conversique mente ab his umbris simulacrorum ad ipsa simulacra, quae in mundo adspectabili sensibus percipiuntur; tum-

B

nos

nec illa, quod praecipuum est, ex hac errorum sede in mundum *νοητὸν* evēhat. Efficīt autem id illarum potissimum, quas exposuimus, disciplina-
rum ope. Nam propria haec est cum arithmeticae, tum geometriae, tum vero maxime dialecticae vis, ut, quae apud nos deorsum conversa sunt, haec sursum attollat. Non enim in his de simulacris rerum, sed de rebus ipsis agitur. Non quaerimus in arithmetica et geometria tradenda, de numerorum figurarumque formis, quae delineatae pictaeve in tabula exstant oculisque percipiuntur, sed de ipsis numeris eorumque proportionibus, de circulo, de quadrato, de triangulo ipso, quae mente ~~tenemus~~. Quo fit, quod in superioribus animadvertimus, ut qui his disciplinis operam navarunt, ad ceteras item acutiores fiant. Nescisne, inquit Socrates, eos, qui naturā sunt arithmetici, in omnibus, ut ita dicam, disciplinis veloces apparere? quique tardi sunt, si huic se studio naviter dederint, quamvis alium inde fructum nullum capiunt, tamen hoc assequi, ut velociores acutioresque ingenio, quam antea, fiant ⁽¹⁾? De geometria autem, scimus, inquit, ad disciplinas omnes facilius perdiscendas interesse quam maxime, attigeritne geometriam aliquis, necne ⁽²⁾. Sunt scilicet illae, ut item diximus, ipsius veritatis disciplinae: dubitationi non sunt obnoxia, quae per

cas

(1) De Rep. VII. 526. A. B. Cf. supra Vol. II. P. 2. p. 60. (2) Eod. p. 61.

tas inveniuntur, verique amorem in animis, si quid aliud, et excitant maxime et alunt, quippe ipsum aperientes purgantesque, quo veritas cernitur, mentis oculum. Sed ut ἑλκτικαὶ sunt πρὸς ἀληθείαν hae disciplinae, ut trahunt ad veritatem animum, ita dialectica nos altius etiam in mundum νοητὸν educit. Nam, ut illae ὑποθέσεις habent, unde proficiscantur, ita haec ad ἀρχὴν ἀνυπόθετον ducit. Non sunt hīc nobis iteranda, quae ad exponenda illa supra attulimus ⁽¹⁾; animadvertamus verò, instrui iisdem illis studiis juvenili aetate ac praeparari homines, ut, prouti nunc numeros et figuras, ita pariter deinde pulcrum, bonum, justum, sanctum non in rebus, quae inde nomen habent, imperfectaeque sunt et mutabiles, sed ipsa per se mente assequantur, ad eorumque perfectionem atque immutabilem conditionem vitam ipsi suam tam privatim quam publice componant. Haec est, quam Plato voluit atque speluncae imagine illustravit, hominis per disciplinas in mundum intelligibilem escensio. Quod si jam, in hac institutionis optimae disquisitione, de gradibus quaerimus, quorum aliis alia hominum genera subsistere solent, quibusque illos escendere ad summum decet, qui ad veri scientiam tendunt, accurate hos Plato definivit, nos autem facile e dictis efficiemus.

(1) Vol. III. P. 2. p. 75 et 178.

*De gradibus, quibus
in mundum νοητὸν, ad ideas
spectandas ascenditur.*

Quatuor sunt illi apud Platonem, quorum summus νόσις est: unde ἐπιστημὴ, *scientia*, veri, αὐτοῦ τοῦ ὄντος *scientia* existit. Quod ut apte Glauconi demonstret Socrates, quam diligentissime a mundo spectabili intelligibilem distinguit, illi quicquid δόξαν est, huic τὸ γινώσκον tribuens. Sed ipsum illorum sermonem, ut res plene intelligatur, apponamus. Veluti, inquit, acceptā lineā bifariam in aequales partes dissectā, utramque partem, alteram spectabilis generis, intelligibilis alteram, simili ratione rursus dissecā: facile ita in his invicem claritatem et obscuritatem comparabis. In spectabili genere altera pars erunt simulacra: dico autem simulacra, primum umbras, tum quae in aquis apparent, quaeque in rebus quibusque densis, laevibus, lucidis adsunt et quicquid hujusmodi est: tenesne? — Teneo vero. — Alteram partem pone illa negotia continere, quorum haec, quae diximus, simulacra sunt, animalia scilicet, quae apud nos sunt omnesque arborum et plantarum, rerum item arte factarum species. — Pono. — Velisne etiam utramque hanc partem secundum id quod verum est et quod non est verum discernere, ut quemadmodum ea quae opinamur ad ea quae cognovimus se habent, sic simulacra ad illa se habeant, quae referunt? —

Vc.

Velim equidem. — Vide jam intelligibilis generis sectionem, quemadmodum dissecandum sit. — Quā tibi ratione videtur? — Hacce, ut in alterā parte animus illis, quae modo discrevimus, tamquam simulacris utens, inquirere cogatur ab ὑποθέσειν inde, non ad principium, sed ad finem progrediens: in alterā vero parte ad principium ἀνυπόθετον tendat, ex ὑποθέσει escendens, ac sine simulacris, quae huc referuntur, ipsis ideis per hasce ipsas ratione procedens ⁽¹⁾. Quod postquam e geometriae ac dialecticae disciplina declaravit Socrates, Glauco, intelligo, inquit, aegre quidem, nec satis: videris enim mihi grande opus moliri; velle autem te suspicor, clarius esse illud, quod in iis quae sunt et mente percipiuntur, dialecticae scientiā spectatur, quam quod per artes quis assequi studeat, quibus principia ὑποθέσεις sunt: διανοία illi in spectando uti debent, non αἰσθήσεις: διὰ δὲ τὸ μὴ ἐπ' ἀρχὴν ἀνελθόντας σκοπεῖν, ἀλλ' ἐξ ὑποθέσεων, νοῦν οὐκ ἴσχειν περὶ αὐτὰ δοκοῦσί σοι, καί τοι νοητῶν ὄντων μετὰ ἀρχῆς διάνοιαν δὲ καλεῖν μοι δοκεῖς τὴν τῶν γεωμετρικῶν τε καὶ τῶν τοιούτων ἔξιν, ἀλλ' οὖν ⁽²⁾ ὡς μεταξὺ τι δόξης τε

(1) Cf. ad haec explicanda quae supra monuimus Vol. II. P. 2. p. 66, 73, 178. (2) Aegre immuto hocce ἀλλ' οὖν: nam plane haec dictio Platonica est: *saltem, verumtamen, tamen* quo sensu centies occurrit. At sensus loci et allusio ad vocis διάνοια rationem id videtur requirere, quod vertendo expressi. Scripsit, ni fallor, Plato: διάνοιαν δὲ καλεῖν μοι δοκεῖς τὴν — ἀλλ' οὐ νοῦν, ὡς μεταξὺ

οὐ καὶ τοῦ τῇν διδύοιαν ὄραν. Quum vero istam non ad principium ascendant, sed ab inferioribus descendant sapere, τοῦν λοχεῖν tibi in his non videntur, quatenus ea ab ipso principio mente percipiuntur. Ergo διδύοιαν vocare mihi geometricarum similiumque rationem videris, non vero τοῦν, quippe cum διδύοιαν medium teneat inter opinionem et τοῦν locum. — Plenissime haec percepisti; accipe autem insuper ad quatuor illas sectiones quatuor haecce, quae in animo sunt: πρώτην ad supremam, ad secundam διδύοιαν: tertiae πλεῖν tribue, infimae autem εἰκασίαν: haec pro mutua ratione et proportionem ordina, ut, quatenus participia esse veritatis possunt, eatenus esse existimes claritatis participia. — Jam intelligo, tibi quoque assentior et ordino, ut dixisti ⁽¹⁾.

Hujusmodi est igitur et his gradibus procedit hominis in mundum intelligibilem iter. Significari autem iisdem his gradibus duplex *ταῖδελος* genus, quorum alterum altero illustratur, nemo est, qui sponte videat. Infimum vulgaribus hominibus convenit, qui unice delectari inanibus speciebus, illis maxime, quae ipsis poëtae atque oratores proposuerint, solent. Hanc Plato εἰκασίαν appellat, δύο-

οὐ δεῖς; οὐ καὶ τοῦ τῇν διδύοιαν ὄραν. Legimus ita Ficinus videtur. Videris autem mihi geometricarum et similium rerum habitum cogitationem potius appellare, quam intellectum, quasi — (1) De Rep. VI. 509. D. — 511. E.

ducto ab imaginibus nomine, quae in umbris, in aquis, in speculis apparent. Convertendi igitur continuo ab his speciebus ad ea sunt, quibus similes sunt: quo nondum quidem ad scientiam, veruntamen ad *πίστιν* adducuntur, quippe manentes in mundo spectabili, in quo quamdiu versantur, opinantur homines, non ad scientiam et veritatem accedunt. Alterum *παιδείας* genus illis adhibendum Plato censet, qui, missis mundi spectabilis et simulacris et umbris simulacrorum, altius ascendere atque ipsas cernere ideas cupiunt. Ut illi a speciebus ad ea, quibus hae similes sunt, convertantur, ita hi per ipsius veritatis disciplinas a formis numerorum figurarumque mathematicarum ad ipsos numeros ipsasque figuras educendi sunt: quo *διδασκάν* assequuntur. Idem vero, ut, repudiatis formis istis, missis item, quae his disciplinis propriae sunt, *ὑποθέσεις*, ad *νόησιν*, ad ipsarum per hancce idearum contemplationem, ad rerum scientiam perveniant, dialecticae tandem ope, toti penitusque ad veritatem convertendi sunt. Sic autem iis tandem eo accedere licebit, quo maxime contendendum philosopho est, ut illud, quod *bonum* est, *τὴν τοῦ ἀγαθοῦ ἰδέαν*, idearum omnium principem, mentis oculo assequantur. Sed haec ut intelligamus, de *ideis* nobis agendum universe est, loco in Platonis philosophia sane quam et gravissimo et latissime patente.

D e

*De ideis
in philosophia Platonis.*

Verecunde prudenterque Plato, ut vidimus, hanc hominis in mundum intelligibilem escensionem declarare instituit. Θεός δέ που οἶδεν, ait, εἰ ἀληθὴς οὖσα τυγχάνει· τὰ δ' οὖν ἐμοὶ φαινόμενα οὕτω φαίνεται ⁽¹⁾. Quam prudentiam nisi pariter cum his explicandis, tum in primis idearum perquisitioni adhibuerit interpretes, longe is profecto a Platonis mente et consilio aberrabit. Quaesiverunt omni aevo philosophi de ideis Platonis, quaenam maxime essent, ipsine essent homini propriae innataeque, an extra eum positae: si extra eum essent, ubi tandem locorum conspicerentur, similia alia: quae sic explicare multi studuerunt, quasi ipse ea Plato et plane habuisset perspecta et plene explicare potuisset. Id si potuisset, non sane usus ille imaginibus, ut haec est speluncae imago, in iis explicandis fuisset, sed paucis ea verbis, sine ullis ambagibus, declarasset. Ille vero de rebus hisce sublimibus, quae optimi cujusque philosophi ratio est, suspicari multa et quasi augurari, vaticinari solebat, quae argumentando demonstrari, ut mathematicorum inventa, nullo modo possent. In his cum caetera omnia censenda sunt, quae de mundo νοητῷ mente complexus est, tum maxime, quae ideas spectant.

Ve-

(1) De Rep. VII. 517. B.

Veritati studens unice, quum in his rebus, quae sensibus percipiuntur, quod vere esset pulcrum, bonum, justum, omninoque quod *verum* esset, non reperiret, vulgo relinquendum adspectabilem mundum duxit: sibi vero omnibusque quotquot rite navare philosophiae operam cuperent, alium mente et cogitatione mundum aperuit, in quo id, quod flagrante studio appetebat, invenisse sibi et contemplari videbatur. In quibus fingendis describendisque modum, fateor, subinde, quem ratio definit, excessit, subinde etiam, quod non immerito carpit Aristoteles, poëseos magis sublimitatem consecratus, quam subtilitatem philosophiae secutus est ⁽¹⁾. Verum idem hocce tum demum jure carpendum nobisque cavendum esset, si quidem poëtica illa, ut fecit Aristoteles, ad demonstrationis mathematicae leges adstringenda et hunc in modum interpretanda viderentur. Noluit illud vetuitque ipse philosophus, quippe qui quoties de rebus hisce sublimibus et divinis erat acturus, auditores monebat, ut reputarent et eum qui diceret et ipsos qui audirent, mortales esse ⁽²⁾: scientiam harum rerum Deo esse propriam, hominis vero esse inquirere inquirendoque ad scientiam, quoad ejus fieri possit, accedere: Deum novisse iccirco, num, quae esset dicturus, vera essent, se vero, quae ipsi viderentur vera, pro-

la-

(1) Aristotel. Metaph. I. p. 23. de ideis Platonis: *κινε-
λογεῖν ἐστὶ καὶ μεταφορὰς λέγειν ποιητικὰς*. (2) Tim. 29. C.

laturum esse. Quamobrem nobis, si quidem recte velimus Platonis placita interpretari, ab omni datâ operâ argumentatione, quae vulgo intelligitur, abstinendum, minusque, quales sint apud Platonem idææ, quam, quo hæc spectet philosophi doctrina, quaerendum videtur; cavendum autem maxime erit, ne, quo commendantur illa apud Platonem sublimis poëseos colore, hunc arguendo corrumpamus.

*Quo maxime spectat
omnis apud Platonem de idæis
disquisitio?*

Ἰδεαὶ apud Platonem usurpatur de *rebus* universe sive de rerum generibus, ut in his: ὅτι ἡμῶν ἐν ἐκάστῳ δύο τινὲ ἐσὶν ἰδεαὶ ἄρχοντε καὶ ἄγοντε ⁽¹⁾. Intelliguntur res, negotia universe, non definitæ significationis: vertendum, *duo nobis insunt, quae imperant et ducunt*. Proprie autem notiones exprimuntur hac voce qualitatis, quantitatis, magnitudinis ⁽²⁾. In Phaedone ἰδεαὶ sive εἰδῆ dicuntur τὸ ἰσὸν, τὸ καλὸν, τὸ ἀγαθὸν, τὸ ὅσιον ⁽³⁾. *Notiones* igitur *universae* sunt, quas nisi ad cogitandum judicandumque adhibuerit mens nostra, cogi-

(1) Phaedr. 257. D. Pariter de Rep. V. 507. E. (2) V. disp. Socratis in Phaedone 100. B. — 105. (3) Phaedone 74. A. et 75. item 100. B. καὶ εἴμι πάλιν ἐπ' ἐκείναις τὰ πολυτρόλλα, καὶ ἔρχομαι ἐπ' αὐτῶν, ὑποθέμενος εἰς αὐτὰ καλὸν καὶ τὸ καλὸν καὶ ἀγαθὸν καὶ μέγα καὶ τῶλλα πρῶτα.

gitare illa aut judicare non potest. Sed aliud etiam eadem voce intelligitur notionum genus, earum videlicet quae ad faciendum quid sive informandum necessaria sunt. Hujusmodi *lectus*, *mensa*, similia dicuntur in libris de republica, ubi pictor, ut memoravimus, tertio dicitur loco a veritate abesse: nam lectum v. c. pingens, id pingit, quod faber fecit: faber autem ad divinum lecti exemplum lectum informat. Exemplum illud Plato εἶδος sive ἰδέαν, *speciem*, *formam* vocat ⁽¹⁾. Οὐκοῦν καὶ εἰώθαμεν λέγειν, ὅτι ὁ δημιουργὸς ἐκατέρου τοῦ σκεύους πρὸς τὴν ἰδέαν βλέπων, οὕτω ποιεῖ, ὁ μὲν τὰς κλίνας, ὁ δὲ τὰς τραπέζας, αἷς ἡμεῖς χρῶμεθα καὶ τᾶλλα κατὰ ταυτά· οὐ γὰρ ποῦ πῇ γε ἰδέαν αὐτὴν δημιουργεῖ οὐδεὶς τῶν δημιουργῶν· πῶς γάρ; — Οὐδαμῶς. Dicere solemus, *artificem* *utriusque rei ideam intuentem*, sic facere hunc *lectos*, illum *mensas*, quibus nos utimur, et caetera similiter: nam ipsam quidem ideam nullus fabricat artifex: quo enim modo id faceret? — Nullo. Has rerum formas, ut Ciceronis verbis utar, appellat *ideas* ille non intelligendi solum, sed etiam dicendi gravissimus auctor et magister, Plato ⁽²⁾. Nec vero temere ille: nam naturam expressit hoc vocabulo, ut linguae, nostra certe Belgica, docent, in quibus illae notiones *denkbeelden*, *formas* seu *imagines cogitandi*, hae *voorbeelden*, *imagines*, quae imitando exprimum.

(1) De Rep. X. 596. B. — 598. D. (2) Cic. Orat. a. 5.

muntur, vocari solent. Τύπους item appellat subinde Plato hoc alterum notionum genus i. e. *formas, imagines*, ductâ metaphorâ a signis, quorum imagines in cerâ exprimuntur ⁽¹⁾. Easdem autem hasce rerum formas, ut pergit eodem loco Cicero, *gigni negat Plato et ait semper esse ac ratione et intelligentiâ contineri: caetera nasci, occidere, fluere, labi, nec diutius esse uno et eodem statu* ⁽²⁾. Scilicet eo pertinet maxime tota Platonis de ideis doctrina, ut in hac rerum omnium et opinionum fluctuatione haberet, quod certum esset nec mutationi obnoxium. Res *magnae* quae ita dicuntur ubi cum parvis comparantur, si cum maioribus comparantur, *parvae* apparent: similiter negotia pulcra, bona, justa quae existimantur, aliis temporibus locisque tætra, mala, injusta apparent ⁽³⁾. Quae incerta et contraria de rebus iudicia adspectabilis mundi conditioni tribuebat Plato, in quo sensibus unice homo fidem habet, fallacibus nunciis. Quapropter, ne decipi nos pateremur falsis imaginibus, ideas nos intueri iussit in mundo νοητῶ i. e. ipsum illud quod *magnum*, quod *aequale*, quod *pulcrum* est. Haec aeterna sunt, ait, et immutabilia: caetera nascuntur, occidunt, fluunt, labuntur. *Veritatem* igitur spectavit Plato, quum de ideis philosopharetur. Ideae apud eum τὰ ὄντα sunt, quae *sunt*, non

(1) V. c. de Rep. III. (2) Cic. l. I. (3) V. Phaedone 102. A. B.

non esse *videntur*. Cernimus autem, non tantum hanc doctrinam cum justo *disciplinarum* proposito convenire, quarum est, ut ad rerum scientiam, ad τὰ βυττα nos educant; sed eandem etiam ad *artes* recte tractandas unice esse aptam et accommodatam. Ciceronis de Phidiae signis sententiam supra apposuimus, ubi de artibus agebamus ⁽¹⁾, sed ut vere est Platonica ac Platonis de ideis doctrinam plane exprimit, hinc eam denuo describere juvat. *Sed ego sic statuo, nihil esse in ullo genere tam pulcrum, quo non pulcrius id sit, unde illud, ut ex ore aliquo, quasi imago exprimatur, quod neque oculis neque auribus neque ullo sensu percipi potest: cogitatione tantum et mente complectimur. Itaque et Phidiae simulacris, quibus nihil in illo genere perfectius videmus et his picturis, quas nominavi, cogitare tamen possumus pulcriora. Nec vero ille artifex, cum faceret Jovis formam aut Minervae, contemplabatur aliquem, e quo similitudinem duceret; sed ipsius in mente insidebat species pulcritudinis extrema quaedam, quam intuens, in eaque defixus, ad illius similitudinem artem et manum dirigebat* ⁽²⁾. Quod recte idem in eloquentiam perfectam adhibet. Ut igitur in formis et figuris est aliquid perfectum et excellens, cujus ad cogitatam speciem imitando referuntur ea, quae sub oculos ipsa cadunt: sic perfectae eloquentiae speciem ani-

mo

(1) Vol. I. p. 161. (2) Cic. Orat. c. 2.

non videmus, effigiem auribus quaerimus ⁽¹⁾. In his autem *ideae* cum dictae a Platone, tum a Cicerone acceptae de formis sunt perfectis, quas nos appellare *idealibus* solemus.

Sed sunt nobis alia item et longe etiam graviora de ideis Platonis animadvertenda. *Vitae usum* spectat in primis haec philosophi doctrina. Ut notiones expressit ille hac voce, quae cum ad cogitandum, tum ad arte quid informandum recte, necessariae sunt, ita in ideis praecipuas habuit, in nullisque non scriptis ubivis memoravit τὸ καλόν, τὸ ἀγαθόν, τὸ δίκαιον, τὸ ὅσιον. Quaerere solebat Socrates, quod aliquoties jam memoravimus, quid pulcrum esset quid turpe, quid bonum quid malum, quid justum quid injustum ⁽²⁾. Haec Plato, quippe Socraticus et instar magistri de rebus ad vitam recte agendam necessariis sollicitus, quaeritabat; sed idem, altius quam magister escendens, non de *rebus* pulcris et bonis, sed de *ipsa* et pulcro, et bono et justo et sancto agendum sibi ratus est. Itaque, ut res civitatis administrarentur recte, leges censuit, ut Socrates, optimas condendas esse, sed legislatores item ipsam intueri justae ideam jussit, ut ab ejus similitudine leges ducerent. Id nisi facerent, οὐκ οὐκ ἴσως appellabat. Ἡ οὖν δοκοῦσι σοι τυφλῶν διαφέρειν οἱ τῷ ὄντι τοῦ ὄντος ἀνάσσειν ἐκτερημένοι τῇ γνώσει, καὶ μηδὲν ἀναγὰς ἐν τῇ ψυχῇ ἔχοντες παρὰ

(1) Id. eod. c. 2. (2) Xenoph. Mem. II c.

αἰδεῖνμα, μὴδε δυνάμενοι, ὥςπερ γραφεῖς, εἰς τὰ ἀληθέστατον ἀποβλέποντες, καὶ κεῖσε αἰετὰ ἀναφεροντίε, τε καὶ θεώμενοι ὡς ρῖόν τε ἀκριβέστατα (1), οὕτω δὴ καὶ τὰ ἐνθάδε νόμιμα καλῶν τε πέρι καὶ δικαίων καὶ ἀγαθῶν τίθεσθαι τε, ἐὰν δὲ τίθεσθαι, καὶ τὰ κείμενα φυλάττοντες, σώζειν; — Οὐ μὰ τὸν Δία, οὐ πολὺ τι διαφέρει. *Videntur tibi a coecis differre, qui cognitione ejus quod est te vera, destituti, nullumque in animo clarum habentes veri exemplar, neque possunt, ut pictores, ad illud quod verissimum est respicientes, referentesque se illuc semper, idque accuratissime contemplantes, ita demum leges hic ferre de pulcris, justis, bonis, si ferre oporteat, et latas vindicare ac servare?* — *Non longe, per Jovem, a coecis differunt* (2). Contra, qui ideam justitiae ipsam intuerentur, indeque, pictorum instar, in civitatem, tamquam in tabulam, legum descriptionem ducebant, hos et philosophos politicosque germanos et *pictores* vocabat τῷ θεῷ παραδείγματι χρωμένους, qui divino uterentur exemplo (3). Et hinc quidem, quid de artificibus, de poetis, de oratoribus, de politicis viris existimaverit Plato, perspicuum fit. Videri possit ipsas has artes male habuisse, quippe qui in principes earum auctores, in Homerum adeo et Periclem invectus est. Et
sane

(1) Haec plane expressit Cicero in his, quae modo adscripsimus: ipsius in mente inhaerebat species, cast. (2) De Rep. VI. 484. C. D. (3) De Rep. VI. 500. E.

sane non res illos, sed simulacra, imo non nisi umbras simulacrorum hominibus proposuisse, in speluncae descriptione significavit. At vero, ut diximus ante, et nunc nobis optime ex idearum hac doctrinâ patet, non artes rejecit aut artium auctores, sed perversa earum studia. Uti philosophos laudavit illos unice, qui τῆς ἀληθείας essent φιλοθεάμονες, ita artificibus, poëtis, caeteris omnibus, qui aliquid informando in lucem proferbant, pariter praescripsit, ut veritatem spectarent in operibus excolendis, id, quod *vere* esset pulcrum, bonum, justum, sanctum arte exprimerent. Hos ille non minus quam germanae philosophiae amantes, mundi adspectabilis antro egredi jussit, ut exempla rerum perfecta et intuiti et imitati, sic vere prodesse generi hominum possent. Haec scilicet nova est illa tam artium, quam disciplinarum ipsiusque philosophiae ratio, quam Plato commendavit unice.

Quo referantur potissimum apud Platonem ideae; hinc licet intelligere, sed confuderunt eas multi cum *innatis ideis* Cartesianorum: alii non satis a Kantii ideis Platonicas distinxerunt, unde hae recentiore aetate obscuritatem contraxerunt. Quae quidem principum philosophorum doctrinae nobis hoc loco nec explicandae nec vero dijudicandae sunt. Veruntamen ipsius Platonis causâ, quoque accuratius distinctiusque de ejus ideis judicemus, haud temere nos acturos putamus, si discernere datâ operâ ab his
ejus

ejus placitis similia aliorum placita conemur. Hoc enim argumento ecquod in omni viri philosophia gravius illustriusque est?

*Idaeae in philosophia Platonis
non sunt cum recentiorum innatis ideis
confundendae.*

Non abhorrent quidem a Platonis doctrinā placita Cartesii. Dicit enim Platonicae etiam idaeae, si minus *innatae*, attamen propriae homini possunt. Nam animi humani, ut in *Phaedro* est, nisi ideas ante hanc vitam spectavissent, cogitandi in hoc corpore aut judicandi facultatem non haberent. Πᾶσα ἀνθρώπου ψυχὴ φύσει τεθείαται τὰ ὄντα, ἣ οὐκ ἂν ἦλθεν εἰς τὸδε τὸ ζῶον (1). Referunt adeo quodammodo Platonicas ideas idaeae Cartesianae, quippe quae item sunt et notiones universae et earum rerum notiones, quae animo, non sensibus percipiuntur. Praeterea, ut Plato, sic etiam Cartesius, id summo opere studuit, ut quae mente solā et cogitatione cernimus, numeros v. c. et figuras mathematicas, recte a rebus quae sensibus patent, distingueret (2). Verumtamen, ut his in rebus inter illos convenit, ita in adhibendā ad philosophiam idearum doctrinā atque in ipsā philosophandi methodo usurpandā, prorsus a se invicem

(1) *Phaedr.* 249. E. Cf. Vol. I. p. 89. et Vol. II. P. I. p. 29. (2) *Cartes. Princ. phil.* P. I. §. 12 et 13. Ed. Amstel. 1677.

cem discesserunt. Ideas Cartesius, tamquam notiones verissimas posuit, quibus, ut axiomatibus, ut doctrinae fulcris ac fundamentis decreta deinceps sua superstrueret; Plato vero tamquam formas nobis perfectas, quas in artibus tractandis legibusque condendis imitaremur, proposuit. Cui doctrinae diversitati diversa congrua utriusque fuit disserendi ratio. Syntheticam ille methodum ad probandum condendumque systema usurpavit (1); Plato vero inductione et analytica ratione educere hominem ad perfectiorem conditionem studuit. Ad vindicandam igitur magis veritatem, quam ad excolendum hominem Cartesii doctrina pertinet, quippe nec pulcrum, nec bonum, nec justum sanctumve ideis complexa. Et quod Dei notionem Cartesius summam idearum habebat, non illuc id valebat, ut Deum nobis, tamquam omnis perfectionis exemplum, ad imitandum proponeret; sed huc scilicet, ut notionem, *esse Deum*, sive, ut ipse loquitur, *ens esse summe intelligens, summe potens et summe perfectum*, hanc notionem innatam nobis ideam esse, demonstraret. Considerans, ait, *inter diversas ideas, quas apud se habet homo, unam esse entis summe intelligentis, summe potentis et summe perfecti, quae omnium*

lon-

(1) Invitus eo pervenit vir in paucis maximus. Naturae bonitate ad analyticam rationem pronus erat, ut effici ex libello ejus eximio *de methodo* potest, qui in primis legendus philosophis est. P. I. p. 11-15.

longe praecipua est, agnoscit in ipsa existentiam, non possibilem et contingentem tantum, quemadmodum in ideis aliarum omnium rerum, quas distincte percipit, sed omnino necessariam et aeternam. Atque ex eo, quod, exempli causâ, percipiat in ideâ trianguli necessario contineri, tres ejus angulos aequales esse duobus rectis; ita ex eo solo, quod percipiat, existentiam necessariam et aeternam in entis summe perfecti ideâ contineri, plane concludere debet, ens summe perfectum existere (1). Valebat haec ratio ad vindicandam a scholasticâ barbarie philosophiam, cujus instaurator fuit Cartesius; ad explorandam vero mentis naturam, quod postea Lockius maximeque Kantius instituit, ad hominem, quod antiquitus instituerat Plato, cum erudiendum disciplinis optimis, tum ad Dei similitudinem informandum, non valebat. Sed hac de re infra, postquam Aristotelis metaphysicam cum doctrinâ Platoniciâ comparaverimus: illam magis Cartesius, quam hanc secutus est.

Efficimus hinc sponte, eâdem voce alia omnia declarare Cartesium voluisse, atque illa sunt, quae Plato spectavit. Plato, ut verbo jam monuimus, ideis *species*, *formas*, item *παράδειγματα*, *ideal*ia intelligebat, i. e. exempla rerum perfecta, sive pulcri bonique et justî exemplaria (2); ad horum autem perfectam speciem nos jussit cum nosmet ipsos con-

for-

(1) Cartes. *Princ. phil.* P. I. §. XIV. p. 4. (2) De *ideal*rum et *idealium* discrimine, quae non datâ operâ distinguit, infra erit agendum.

formare, tum res civitatum legesque emendare atque perficere. Illuc respicit apud eum Socrates, ubi hic in *Theaeteto* de injustitiae poenā cum Theodoro disserit. Ignorant, ait, perversi homines *ζημίαν ἀδικίας, ὃ δεῖ ἤκιστα ἀγνοεῖν* οὐ γάρ ἐστιν ἦν δοκοῦσι, *πληγαί τε καὶ θάνατοι*, ὧν ἐνίστε πάσχουσιν οὐδὲν ἀδικοῦντες, ἀλλὰ ἦν ἀδύνατον ἐκφυγεῖν. *Ροσνάμ ἰgnorant inijustitiae, id, quod minime ignorare decet: non est enim, quam orinantur, verbera ac caedes, quibus afficiuntur subinde qui nihil perpetrarunt iniusti; sed quam non potest quis effugere.* Hic Theodorus: quamnam illam? Socrates vero, *Παραδειγμάτων*, inquit, ὦ φίλε, ἐν τῷ ὄντι ἐσώτων, τοῦ μὲν θεοῦ, εὐδαιμονεστάτου, τοῦ δὲ ἀθέου, ἀθλιωτάτου, οὐχ ὁρῶντες ὅτι οὕτως ἔχει, ὑπὸ ἡλιθιότητός τε καὶ τῆς ἐσχάτης ἀνοίας λανθάνουσι τῷ μὲν ὁμοιούμενοι διὰ τὰς ἀδίκους πράξεις, τῷ δὲ ἀνομοιούμενοι οὐ δὴ τίνουσι δικήν, ζῶντες τὸν εἰκότα βίον ὃ ὁμοιοῦνται. *Cum sint, o amice, in eo, quod est, exemplaria duo, divinum, quod beatissimum, alterum vero a Deo alienum, quod miserrimum est, non videntes isti, ita rem se habere, prae stultitia extremaque dementia, huic fiunt inscii per iniquas actiones similes, illi vero dissimiles: cuius delicti hoc ipso luunt poenas, quod temere vitam, cui similes effecti sunt, ducunt* (1). Quod autem diximus, Platonem legibus praesertim condendis hanc de ideis doctrinam adhibuisse, ut legislatores, pictorum instar, perfectas, quoad ejus fieri pos-

(1) *Theat.* 176. D. E.

sit, scriberent, e loco id non minus illustri et sublimi, qui est in sexto *de Republica*, efficimus et explicamus. Vulgares homines, ait Socrates cum Adimanto colloquens, contemnunt philosophos et legistatores germanos, quia, quid moliantur et quemadmodum ipsis prodesse nitantur, ignorant. Conformant autem illi ad id quod perfectum est et semet ipsos et res civitatis suae. Scilicet cum divino et honesto consuescens philosophus, honestus ac divinus, quoad homini licet, fit; calumnia autem in omnibus frequens. — Sic est omnino. — Quodsi necessitate aliqua adducatur, ut ea, quae illic intuetur, ad mores hominum privatim publiceque transferat, nec semet tantum ipsum, sed et alios informet: numquid inertem temperantiae justitiaeque et universae popularis virtutis opificem ipsum fore existimas? — Minime. — Vulgus autem si sentiret, vere nos de eo dicere, succensurum philosophis censes, nobisque fidem non habiturum, ubi dicimus, beatam nullo modo civitatem fore, *εἰ μὴ αὐτὴν διαγράψειαν οἱ τῷ θεῷ παραδείγματι χρώμενοι ζωγράφοι*; nisi delineent eam ordinantque, qui divina utantur exemplo, pictores? Negat hic Adimantus, succensurum esse vulgus; sed de hoc quaerit pingendi modo: quem, inquit, dicis *τῆς διαγραφῆς τρόπον*; Cui Socrates, postquam sumserint, inquit, civitatem moresque hominum, tamquam tabulam quandam, primum eam efficient puram: quod non est facile; nescisne vero, hoc illos caeteris praestit-

stitutos, quod nec hominem privatum nec civitatem tangere nec leges condere velint, antequam haec vel pura acceperint vel ipsi purgaverint? — Et recte quidem. — Nonne describere eos post haec putas civitatis formam? — Quidhī? — Ἐπειτα, οἶμαι, ἀπεργαζόμενοι πυκνὰ ἂν ἐκατέρωσε ἀποβλέποιεν πρὸς τε τὸ φύσει δίκαιον καὶ καλὸν καὶ σὺφρον καὶ πάντα τὰ τοιαῦτα, καὶ πρὸς ἐκεῖνο αὖ ὃ ἐν τοῖς ἀνθρώποις ἐμποιοῦεν, ξυμμιγνύντες τε καὶ περαννύντες ἐκ τῶν ἐπιτηδευμάτων, τὸ ἀνδρείκελον, ἀπ' ἐκείνου τεκμαιρόμενοι, ὃ δὴ καὶ Ὅμηρος ἐκάλεσεν ἐν τοῖς ἀνθρώποις ἐγγιγνόμενον, θεοειδὲς τε καὶ θεοεικελον. — Ὅρθως. *Deinde in opere perficiendo frequenter, credo, ad utraque respicient, ad id, quod natura justum, pulcrum, temperatum et quicquid hujusmodi est, tum rursus ad illud, quod sumtum ex vitae officiis studiisque, miscendo indere hominibus cupiant, τὸ ἀνδρείκελον videlicet, ducta ab eo conjectura, quod hominibus inditum Homerus appellavit θεοειδὲς et θεοεικελον. — Recte. — Καὶ τὸ μὲν ἂν, οἶμαι, ἐξαλείφοιεν, τὸ δὲ πάλιν ἐγγράφοιεν, ἕως ἂν ὅτι μάλιστα ἀνθρώπεια ἦβη εἰς ὅσον ἐνδέχεται θεοφιλεῖ ποιήσειαν. — Καλλίστη γοῦν ἂν ἡ γραφὴ γένοιτο. Et modo, opinor, deleant quae pinxerint, modo pingant rursus, usque dum mores hominum, quoad ejus fieri potest, Deo congruos amicosque reddiderint. — Pulcherrima haec sane pictura esset. (1).*

Di.

(1) De Rep. VI. 505. D. — 501. C. Cf. Hom. II. 4. 74. 134.

Dixisse satis de ideis Platonis videmur, ut, quo spectet in primis haec philosophi doctrina, intelligatur. Pergendum igitur nobis ad *boni* ideam est, quam idearum omnium principem Plato appellavit. Sed quo facilius escendamus illuc, quoque universae hujus doctrinae rationem perspiciamus plenius, ut modo a Cartesianis, ita nunc a Kantianis ideis Platonicas juvat distinguere.

*Distinguere item recte
a Kantii ideis Platonicas
oportet.*

Kantius vulgo ab ipsis Germanis *Germaniae Aristoteles* dicitur, quippe qui, antiqui instar Aristotelis, naturam et facultates mentis humanae indagavit exploravitque sagacissime. Mihi fere ejus doctrina Platoniam magis, quam Aristotelicam philosophiam referre visa est. Haud fuit enim in recentioribus philosophis, qui accuratius, quam Kantius, res sensibus percipiendas ab iis, quae unâ mente et cogitatione cognoscuntur, discerneret: id autem Plato unice, ut vidimus, et egit et agendum esse philosopho arbitratus est. Idearum autem doctrinam, cujus auctor Plato habetur, rejecit Aristoteles, Kantius vero tanto studio tractavit elaboravitque, ut hunc locum in critica philosophiâ in primis gravem existimasse videatur. Effecit adeo, ut sublimia illa Platonis de hoc argumento placita, quae Wolfii disciplina obscuraverat plane, in lucem revocarentur denuo multo-
rum-

rumque studiis scriptisque frequentarentur ac celebrarentur. Nec vero profecit tantum ille e philosophia Platonis: idem hanc antiqui philosophi doctrinam, quod recentiorum philosophum decet, crisi subiecit, miroque acumine et studio ideas ex ipsius mentis nostrae naturae et facultatibus duxit. Quo vero ille propius ad Platonem accessit, eo magis nobis discernendis utriusque placitis, antiqui philosophi sententiam assequi licebit.

In doctrina Kantii de formis intuitionis, de categoriis, de transcendentali philosophandi ratione, inprimisque de ideis, placitum dominatur, quod plane nobis Platonem refert: hoc dico, non sensibus omnia debere hominem, sed puras ipsius intellectui inesse notiones, quae, per sensus excitatae, a ratione ad cogitandum ac iudicandum adhibentur (1): unde *puram*, quam dicere consuevimus, geometriam ac mechanicam et ducit et explicat. Sed notiones hasce et ideas, ut *objective* Plato, quod vocant, ita Kantius *subjective* consideravit. Non finxit animos hominum, antequam in haec corpora migraverint, vidisse rerum species puras et integras, quarum nunc recordatione discerent; sed inesse statuit homini puras integrasque et notiones et ideas, quae nisi ipsi

es-

(1) *Wenn aber gleich alle unsere Erkenntniss mit der Erfahrung anhebt, so entspringt sie darum doch nicht eben alle aus der Erfahrung. Critik der r. V. Einl. p. 1.*

essent naturā propriae, cogitare, ratiocinari, concludere nullo modo posset. Quae philosophandi ratio habet sane, quo nobis perquam placeat: et verò, quamvis poëticā Platonis sublimitate destituta, haud caret tamen sublimitate. Nam ut repetit Kantius ideas ex ipso hominis intellectu, ita hominem, ait, secundum eas tamquam normas, tamquam *regulativa principia*, quae vocat, et cogitare et vero agere. Virtutem puram sapientiamque in ideis censet; nec vero idealia rejicit, quae sibi informat homo, ut v. c. perfectam sapientis speciem, modo congruat imago purae ideae rationis purae (1): unde moralis illa philosophi nata doctrina est, quam alii aliter judicarunt, omnes vero et puritate et sublimitate excellere confessi sunt. Talis igitur cum Kantianae doctrinae ratio sit, dicere haud inepte videamur, poëticas imagines Platonis a Kantio ad diligentiam et severitatem philosophiae revocatas esse. Cavendum vero maxime est, ne placita utriusque philosophi confundamus temere.

Nam quod Kantius virtutem et sapientiam in ideis censet, Plato quidem *φρόνησιν* dixit, si conspici a mortalibus posset, admirabiles sui amores excitaturam esse, sed nec *φρόνησιν*, nec quam proprie nós vel virtutem vel sapientiam dicimus, ideas

(1) Kant l. l. p. 368 et 595; quibus locis de ipsis Platonis ideis iudicium profert. Cf. ejus disquisitio *von dem Ideal des höchsten Guts*, p. 852. Ed. II. Rigae, 1787.

ideas esse perhibuit. Porro ideae apud Kantium tres sunt transcendentales, psychologicae, cosmologicae, theologicae, quarum psychologicae nos ad psychologiam transcendentalem, cosmologicae ad cosmologiam transcendentalem, theologicae ad theologiam transcendentalem ducunt (1). Nihil horum apud Platonem. Ideam ille simpliciter vocat id quod pulcrum per se, quod bonum, quod justum, quod sanctum est. Haec intueri hominem jussit, si quidem de animo, de mundo, de Dei naturâ sive judicare sive suspicari nonnihil velit: ad horum dicit perfectam speciem si conformat se homo, sic eum demum ad *Φρόνησιν*, ad virtutem et sapientiam perventurum. Caeterum sublimem esse fateor tam Kantii quam Platonis de ideis ac morum disciplinâ doctrinam; verum, ut praestaret illi sublimitate Plato, non poëticis tribuendum comparationibus est, quibus identidem est usus: factum id multo magis cum totâ philosophiae, quam prodidit, formâ et ratione est, tum placitis maxime de *pulcri verique amore*, quae proxime sunt, ut docuit nos Diotime, cum idearum doctrinâ conjunctâ. Horum rursus apud Kantium nihil; apud Platonem vero idem hoc *amoris* principium, ut dominatur in ejus de *pulcro bonoque* placitis, ita sublimitatis illius et poëticarum imaginum fons est praecipuus.

De

(1) *Critick d. r. V.* 591 et 592.

*De boni idea,
idearum omnium principis. Estne
Deus illa apud Platonem?*

Quo magis ab aliis philosophis Platonem distinguimus, eo procedimus simul magis in ejus doctrinā explicandā. Et sic quidem sponte jam ad τὴν τοῦ ἀγαθοῦ ἰδέαν, ad ipsum *bonum* escendimus, cujus maxime causā omnis haec nobis suscepta est de ideis disquisitio. Sed hic inprimis, in argumento tam illustri ac sublimi, ipsum Platonem ducem sequamur. Postquam Socrates apud eum in iisdem *de Republica* libris de specie et veritate, de opinione et scientiā multum disseruerat, τόνον se daturum *boni* dicit. Ipsum *bonum*, inquit, quid sit, nunc quidem mittamus. Majus enim esse videtur, quam quod praesenti disputatione assequar. Boni vero proles, patri simillima, quatenus esse videatur, si vobis placet, dicam, sin minus, dimittam. — Tu vero dic, quaeso: alio tempore patris solves descriptionem. — Vellem equidem, ut eam ipsam possem tradere vosque accipere, non, ut nunc, prolem tantum; sed foetum jam ipsius boni prolemque accipite: cavete autem, ne vos invitus decipiam, falsam vobis filii descriptionem exhibens. — Cavebimus pro viribus; verum dic modo. — Faciam, ubi primum vobis in memoriam revocavero, vosque probaveritis mecum, quae et in superioribus et alias saepenumero dicta sunt. — Quatenus illa? — Pulchra multa, multa item bona et

et singula ita et dicimus et sermone definimus. — Dicimus sane. — Atqui et ipsum pulcrum et bonum ipsum et omnia, quae tunc ut multa diximus, rursus ad unam ideam referentes, id, quod unumquodque est, appellamus: et illa quidem cerni dicimus, non intelligi, ideas vero intelligi, non cerni. — Omnino. — Quo igitur eorum, quae habemus, adspectabilia cernimus? — Visu. — Nonne et auditu, quae audiuntur et caeteris sensibus singula, quae ipsis percipiuntur? — Quidni? — Numquid animadvertisti, quam eximie prae caeteris sensibus sensuum auctor vim videnti, quaque res videntur, perfecerit? — Non equidem magnopere. — Sic vero considera: estne auditui ac voci alio genere opus ad hoc, ut ille audiat, haec audiatur: quo tertio absente, ille non audiet, haec non audietur? — Non est opus. — Credo, aliis item sensibus multis, ne dicam omnibus, nullo huiusmodi genere opus esse. Tibine vero succurrit? — Non succurrit. — Vim autem audiendi, quaque res visibiles videntur, nonne eo indigere animadvertisti? — Quo pacto? — Praesente oculis visu, ipsisque ad videndum intensis, praesente item colore, nisi adsit et genus tertium, proprie ad hoc ipsum naturam aptum, scis sane, nec visum visurum quidquam esse et colores futuros invisibiles? — Quidnam id esse dicis? — Quod tu lucem vocas. — Vera loqueris. — Res igitur non contemnendae, videndi sensus et vis quae visibiles fiunt res, ju-

go quodam, aliarum omnium conjunctionum honoratiore, junctae sunt: nisi contemnenda res lux sit. — Atqui multum abest, ut res sit contemnenda. — Quem vero potissimum Deorum coelestium hujus rei causam putas, cujus lumen efficit, ut et visus noster quam optime videat et oculis objecta cernantur? — Quem et tu putas et caeteri: solem scilicet dicis. — Nonne sic ad hunc Deum visus se habet? — Quomodo? — Visus nec ipse, nec id, cui inest, quod oculum vocamus, ἥλιος est. — Non est. — Sed esse visum credo prae caeteris sensibus ἡλιοειδέσσαν. — Et maxime quidem. — Nonne et vim, quam habet, ex eo depromptam et quasi derivatam habet? — Prorsus. — Nonne sol etiam visus quidem non est, sed, cum causa ejus sit, ab eo ipso conspicitur? — Sic plane. — Τοῦτον τοίνυν φάναι με λέγειν τὸν τοῦ ἀγαθοῦ ἔκγονον, ὃν τᾷγαθῷ ἐγέννησεν ἀνάλογον ἑαυτῷ, ὃ, τιπερ αὐτὸ ἐν τῷ νοητῷ τόπῳ πρὸς τε νοῦν καὶ τὰ νοούμενα, τοῦτο τοῦτον ἐν τῷ ἑρμῆτι πρὸς τε ὄψιν καὶ τὰ δρώμενα. Hunc igitur me vocare boni filium dicito, quem bonum progenuerit consimilem sibi hac ratione, ut, quod ipsum est in mundo intelligibili ad intellectum et intelligibilia, id ille sit in spectabili mundo ad visum et spectabilia. — Quo pacto? planius id explica. — Oculi, ut novisti, ubi quis eos non ad ea converterit, quorum colores diurna lux illustrat, sed ad illa, quibus affusa nocti similis lux est, coecutiunt ac coeci fere esse videntur,

tur, acsi visus ipsis purus non inesset. — Sic accidit. — Quodsi, credo, ad ea sunt conversi, quibus sol lumen affundit, clare cernunt, iisdemque illis inesse videtur visus. — Quidni? — Sic item de mente cogita: ubi ad illud, quod veritas et τὸ ὄν illustrat, intenta fuerit, intelligit cognoscitque id et νοῦν ἔχειν videtur; sin vero ad ea spectat, quae tenebris mixta sunt, quae fiunt atque intereunt; opinatur ac coecutit, nunc huc, nunc illuc opiniones versans, similisque rursus νοῦν οὐκ ἔχοντι est. — Videtur omnino. — Τοῦτο τοίνυν τὸ τὴν ἀληθείαν παρέχον τοῖς γινωσκομένοις καὶ τῷ γινώσκοντι τὴν δύναμιν ἀποδίδον, τὴν τοῦ ἀγαθοῦ ἰδέαν φᾶθι εἶναι, ὡς γινωσκομένην μὲν διὰ νοῦ, αἰτίαν δ' ἐπισήμης οὔσαν καὶ ἀληθείας (1). Hoc igitur, quod iis quae cognoscuntur veritatem et ei qui cognoscit cognoscendi facultatem praebet, boni esse id eam dicito, quippe quae intellectu cognoscitur, causa autem ipsa scientiae et veritatis est. Sic autem cum pulchra haec ambo sint, cognitio et

(1) Locus in Codd. sic legitur — φᾶθι εἶναι, αἰτίαν δ' ἐπισήμης οὔσαν καὶ ἀληθείας, ὡς γινωσκομένης μὲν διὰ νοῦ. Cui, utpote manifesto corrupto, medelam adhibiturus Stephanus, μὲν tollendum, Astius autem expungendam totam sententiam αἰτίαν — διὰ νοῦ censuit. Neutrum placet: nam ἀντίστροφος sententia iis est, quae de sole ac visu rebusque spectabilibus paullo ante dicta sunt: ἃ οὖν οὐ καὶ ὁ ἥλιος ὄψις μὲν οὐκ ἐστιν, αἴτιος δ' ἐν αὐτῇς, δρᾶται ὑπ' αὐτῆς ταύτης; Transpositione mihi videor locum integritati restituisse.

et veritas, aliud id esse et pulcrius, etiam existimans, recte existimaveris. Scientiam vero et veritatem, ut illic visum et lucem ἡλιοειδῆ vocare, recte, ἥλιον vocare, non recte se habebat; ita hic ambo haecce ἀγαθοειδῆ appellare oportet, ἀγαθὸν vero appellare alterutrum, non oportet, sed majore etiam honore celebrare boni vim decet. — Immensam pulcritudinem narras, si scientiam et veritatem praebet, ipsum vero hisce pulcritudine praestat. Non profecto tu illud *voluptatem* dixeris. — Bona verba, quaeso. (1)

Sublimia haec sane sunt, ut aegre Socratem assequatur Glauco. Ille vero altius etiam ascendit. Sic autem potius, inquit, *boni* imaginem considera. Solem adspectabilibus rebus, credo, non solum vim ut cernantur praebere dixeris, sed generationem etiam et incrementa et nutritionem; quum tamen ipse non sit generatio. — Quo enim pacto id sit? — Sic intelligibiles res dicito non solum hoc a *bono* percipere, ut intelligantur, sed etiam, ut *sint*: οὐσίαν iis inde accedere: quamquam non οὐσία est *bonum*, sed hoc illi vi et nobilitate longe longeque praecellit. Hic Glauco, ridiculum in modum exclamans, Ἀπολλων, inquit, δαιμονίας ὑπερβολῆς! Cui Socrates, tu vero, inquit, in culpa es, qui me coëgeris, ut, quae videbantur mihi, dicerem (2).

Ita

(1) De Rep. VI. 506. D. — 509. A. (2) Eod. p. 509. B. C.

Ita illi. Nobis autem, ut haec, quamvis excelsa et sublimia, qualicunque ratione assequamur, idem de *bono* exquirendum singulatim videtur, quod de ideis universe quaesivimus, quo maxime hoc placitum Platonis pertineat. Intelligi id quodammodo ex historia philosophiae poterit. Nam persecuti posterius videntur, quod primum in his aggressus Plato est, quum de *finibus bonorum et malorum* sive de *summo bono* inquirerent. Sed rem a principio, ab ipso Socrate repetamus.

Duo haec fuerunt, quae frequentissime parens philosophiae in philosophando usurparet, τὸ καλὸν τε καὶ ἀγαθόν, *pulcrum* et *bonum*, in primis vero *bonum*. Operam dare discipulos suos etiam atque etiam jubebat, ut de rebus pulcris et turpibus, maximeque de bonis et malis quaerent: qui autem ad vitae honestatem virtutemque hoc ipso studio pervenerant, illos fere appellare καλοῦς τε καὶ ἀγαθοῦς solebat. Enarrarunt id nobis Socratici, Xenophon in *Memorabilibus*, in plerisque dialogis Plato, diligentissime autem studio-sissimeque Xenophon, qui ipse nobis in scriptis omnibus germani Socratici, imo ἀνδρὸς καλοῦ τε καὶ ἀγαθοῦ expressa imago est. Itaque philosophi illi tam in hominibus laudandis, quos admirabantur, quam in commendandis studiis rebusque optimis, utrumque illud, et *pulcrum* et vero *bonum* celebrabant. Agatho apud Platonem, ubi amorem, qualis sit, exquisiturus discripturusque est, *pulcerrimum* eum et *optimum* esse, continu-

dicat. Φημι οὖν ἐγὼ, πάντων θεῶν εὐδαιμόνων ὄντων, Ἐρωτα (εἰ θέμις καὶ ἀνεμέσσητον εἰπεῖν) εὐδαιμονέστατον εἶναι αὐτῶν, κάλλιστον ὄντα καὶ ἄριστον. Tum, specie laudatâ Dei, ad ejus virtutem procedit: περὶ μὲν οὖν κάλλους τοῦ θεοῦ καὶ ταῦτα ἱκανὰ, καὶ ἔτι πολλὰ λείπεται· περὶ δὲ ἀρετῆς Ἐρωτος μετὰ ταῦτα λεκτέον. Celebrans autem Amorem ut non *pulcerrimum* tantum Deorum, sed *optimimum* etiam, virtutes ei principes tribuit: quae concludit hunc in modum: οὕτως ἐμοὶ δοκεῖ Ἐρωτος, πρῶτον αὐτὸς ὢν κάλλιστος καὶ ἄριστος, μετὰ τοῦτο τοῖς ἄλλοις ἄλλων τοιούτων αἴτιος εἶναι. (1) Poëtica haec quidem Agatho, ut tum animadvertimus, quum in philosophiâ pulcri versabamur, ipsiusque *pulcri* naturam explorabamus (2); veruntamen ita laudat celebratque in his Amorem, ut, quid *bonum* Socratici, et quanto id *pulcro* praestantius habuerint, intelligatur: ipsam eo *virtutem* expresserunt. Sed vis et natura τοῦ ἀγαθοῦ deinde apparuit maxime, postquam id Cynici, tandemque Stoici a pulcro et decoro exemplo ipsi suo, vivendi philosophandique ratione disjuxerunt. Nam apud germanos Socraticos sic illa conjuncta fuerant, ut nec pulcrum aestimarent, nisi quod bonum, nec bonum, nisi quod idem pulcrum esset. Unde virtutem vocare amabant καλοκαγαθίαν. Sed Aristippus et Cyrenaicὶ τὸ καλὸν, Antisthenes et Cynici, e quorum secta Stoici

(1) Sympos. 195. A. — 197. C. (2) Vol. I. p. 163 et 164.

ci exstiterunt, τὸ ἀγαθὸν unice, certe maxime prosecuti sunt: quod utrique et habitu moribusque et vero placitis prodiderunt: Cynici vero ac Stoici hoc ipso et prodiderunt et probarunt, quae esset τοῦ ἀγαθοῦ cum virtutibus, quas Agatho celebravit, maximis, cum sapientia, fortitudine, temperantia, justitia, omninoque cum morali i. e. summâ hominis perfectione conjunctio et quasi cognatio. Factum ita est, ut *bonum* illa secta, nec vero illa tantum, sed Academici pariter et Peripatetici, imo vero Epicurei, qui e Cyrenaicis fluxerunt, omnes igitur sectae τὸ ἀγαθὸν, *bonum*, quod *summum bonum* appellabant, philosophiae argumentum omnium gravissimum haberent. Haec ubi reputaverimus, non mirabimur, credo, Platonem hoc loco τὸ ἀγαθὸν, quid esset, tanto studio et ardore quaesivisse, eundemque quum id *summum* in philosophiâ habitum sit deinceps, effectus ejus, quos τέχνους vocat, non vero ipsum describere sustinuisse. Sed pertinent haec eo, ut, quid spectaverit maxime sublimi hac disquisitione Plato, autememus quodammodo et praesagiamus, ad declarandam eam haec teneantur.

Quaerentes Socratici de pulcro et bono, moribus solebant, magistri sui instar, prospicere, ut et suos emendarent et aliorum ipsiusque civitatis tam mores quam leges ad honestatis virtutisque ac justitiae normam componerent. Similiter Plato; sed is quum philosophando verum respiceret continuo et hoc homini in omni vitae negotio propri-

primendum esse in primis censeret, utrumque nobis illud, τὸ καλὸν τε καὶ ἀγαθόν, tamquam exempla ἐν τῷ ὄντι, in mundo νοητῷ proposuit, ad quorum speciem perfectam et artes tractaremus et vero totam effingeremus vitae tam privatae quam publicae rationem. Porro, ut aequales ejus multi et posterius deinceps, ita ipse *bonum* longe majore loco, quam pulcrum habebat: disserens autem de boni praestantiâ, et summam rursus habuit veritatis rationem, et *boni ideam* idearum esse principem dixit: quod quemadmodum accipiendum sit, in eadem disputatione nos docet Socrates. Μέγιστον μάθημα esse ait τὴν ἀγαθοῦ ἰδέαν, cujus quippe communione et justa et caetera omnia *utilia* fiunt. Hac neglectâ, inquit, etiamsi vel maxime caetera ceneremus, scis sane nullam nos inde utilitatem capturos esse: sicut si possideremus aliquid, huic autem *bonum* non esset adjunctum. An vero prodesse nobis putas, omnia possidere, non vero bona: vel omnia mente tenere, nihil vero, quod pulcrum bonumque esset? — Non profecto equidem. (1) — Quid? nonne hoc manifestum, justa ac pulchra multos, quae viderentur, etiamsi non essent, tamen lubenter et facturos esse et possessuros; bona vero possidere, quae viderentur duntaxat, nemini sufficere, sed quae reapse sunt bona omnes quaerere: speciem in his contemnere unumquemque solere? — Et maxime sane. — Quod igitur con-

(1) De Rep. VI. 505. A. B.

consectatur animo omnis homo, cujusque causa agit omnia, augurans, esse illud aliquid, dubitat autem nec tenet satis, quid sit, ac propterea de caeteris non assequitur, num quid utilitatis praebeant: de hoc igitur negotio, quod tale est tantumque, caecutire oportebit optimos illos in civitate viros, quibus omnia sumus commissuri? — Minime. — Reor equidem, custodi, qui justa et pulcra teneat, ignoret vero, quâ ratione haec *bona* sint, non multi faciendam eorum cognitionem esse: si adeo, qui hoc ignorat, tenere illa possit; ego vero neminem auguror, hujus ignarum, illa assecuturum esse. — Et recte quidem auguraris. — Ergo tum demum perfectum in modum ordinabitur respublica, quum hujusmodi ei prospecturus custos sit, qui horum omnium teneat scientiam. — Ita necesse est. ⁽¹⁾ Patet ex hoc Socratis sermone, quare tam diligenter Plato tantâque sublimitate de eo, quod *bonum* est, de hoc *maximo*, quod vocat, *μαθήματι*, egerit. Ad rationem autem declarandam, singularem illam fere, qua de eo egit, totam hîc animo philosophi de pulcro et bono doctrinam recolamus.

Haec ille rerum exempla prae caeteris omnibus in scriptis suis celebravit maxime: *pulcrum* in Phaedro et Symposio, in his de Republica libris et in Timaeo *bonum*; utrumque autem dispari ratione. Nam illud ita laudavit, ut, prouti supra nobis patuit, poësin ora-

(1) De Rep. VI. 505. D. — 506. A.

oratio referret; hoc vero, quemadmodum nunc videmus, ita, ut imagines pariter, nec minus sublimes illas, a poësi duceret, verum summam disquisitioni adhiberet disserendi diligentiam. Nec profecto mirum. Etenim ad *pulcrum* percipiendum animo, hominem censebat a tenerâ inde aetate per artes elegantiores, per musicam maxime et poësin informandum esse. Spirare igitur oratio ipsam poëseos sublimitatem debebat. Ad boni vero ideam aliam nobis monstravit viam, quaeque juvenibus ineunda tum esset, postquam artibus essent exculi satis: illa erat, quae accuratioribus tractandis disciplinis, maximeque dialecticae studio conficeretur. Ad hanc autem describendam ipsarum requirebatur disciplinarum diligentia. Sed quamvis diversae sint apud Platonem de utraq̃ue ideâ disceptationes, par est in utrisque, ut monuimus, sublimitas. Ad illud enim referuntur pariter, quod in omni philosophiâ summum maximeque sublime est, ut veritatem assequamur. Per artes apud eum homo ad pulcri scientiam educitur, sed eo hoc valet, ut pulcri amore captus incensusque, eodem ardore caeteras ideas, et una cum iis, quod continent omnes, *verum* assequatur: disciplinis autem hoc ipsum munus tribuit Plato, ut ad verum, imo, quod maximum esse *καθῆμα* in veri disciplinâ dixit, ad *bonum* nos ducerent. Verum sublimitas disputationis Platonicae de hoc argumento ab imaginum non tantum splendore, sed multo etiam magis ab ipsius diligentia repetenda est. Explicatio hacc eorum

rum est, quae supra de mundi adspectabilis et νοητοῦ discrimine diximus. Illum speluncae comparavit, hunc ut qualis esset significaret, ab eodem adspectabili mundo formam et colorem duxit. Nunc *bonum* declaraturus, quā sit in rebus νοηταῖς excellentiā, similiter et comparando utroque mundo et vero justo ordine procedit. Non accedit ad bonum, antequam accurate cum visui, quo cernimus omnia, τὸν νοῦν, tum rebus adspectabilibus, quas visu percipimus, τὰ νοητὰ, tum etiam luci, sine qua cerni adspectabilia non possunt, τῇ ἀληθείᾳ atque ἐπιστημῇ contulit. Sic demum, explicitis illis, lucis genitori, soli huic nostro, ideā boni, quam spectabat maxime, comparatā, hujus quae sit praestantia, augurandum nobis reliquit.

Juvabat ita ex ipso ducere Socratico fonte sublimem hanc Platonis de *bono* doctrinam, ipsumque ex auctoris mente et consilio explicare; sed restat nobis declarandum, quid illud sit, quod statuit, boni ideam, solis instar, caeteris ideis veritatem, tamquam lucem, affundere. Nam dicat forte aliquis, veritatem apud Platonem summo esse loco: hanc igitur esse, quae efficiat, ut pulcrum, justum ipsumque bonum id fiant quod sunt et veri lumine luceant; non vero contra, boni ideam veritatis effectricem esse. Nec vero deerunt, credo, qui veritatis cum luce comparisonem posin magis, quam philosophiam decere contendant. Iterandum hic nobis est, quod supra diximus,

ve-

verum a Platone non ideis accenseri, acsi ita a pulcro et bono et justo distinguendum esset, ut haec a se invicem distinguuntur (1). Veritatem igitur ideas ipsumque bonum illustrare, dicere non poterat philosophus. Sed addendum his illud est, quod in totâ hac veri disciplinâ gravissimum videtur. Quod omni aeo quaesiverunt philosophi, quid *veritas* sit, comparando patefecit Plato. Opposuit ei id, quod *videretur*, non *esset*; quod vero *esset*, nec esse *videretur*, hoc verum dixit: qua in re, si non philosophorum sententiam, at hominum usum et quasi vocem assentientem sibi habebat, qua apud Graecos id, quod *reverd* pulcrum est, τῷ ὄντι καλόν (*wezenlijk schoon* nos dicimus) appellare solebant. Itaque ideas ille, verissima rerum exemplaria, τὰ ὄντα universe, singulatimque pulcrum et bonum, τὸ ὄντως ὄν καλόν τε καὶ ἀγαθόν, quod τῷ ὄντι pulcrum aut bonum esset, vocavit. Effectrix igitur idearum non est veritas, sed ideae, quippe quae continent verum, veritatis nobis effectrices sunt. Quae cum ita sint, non mirabimur, opinor, luci Platonem, quae a sole diffunditur, veritatem, ipsique soli τὴν τοῦ ἀγαθοῦ ἰδέαν, idearum omnium summam, comparasse. Intelligimus hinc item, quare ὑπερουράνιος ille in Phaedro τοπὸς *veritatis campus* vocetur (2): idearum scilicet, imo

ver-

(1) Supra Vol. II. P. I. p. 36. (2) Phaedr. 248. B. C.

veritatis, quae inde diffunditur, splendore lucet mundus ille. Quod autem procedit altius etiam philosophus, dixitque, prouti sol in mundo spectabili non solum ut cernantur, sed etiam ut fiant omnia, ut increcant, ut vigeant auctor est, ita in *νοητῷ* mundo boni ideam efficere, ut sint omnia, ut *ὁυαίαν* habeant: poëtica haec sunt atque ex ardente philosophi veri bonique amore profecta; veruntamen abest longe, ut pulcra sit et elegans, sed inanis sententia. Si verum universis ideis commune est et sic quidem singulis *Φύσει* proprium, ut, hoc demtῳ, ipsae evanescant: si continent verum ideae verique luce mundum *νοητὸν* illustrent; verum autem nil aliud est, nisi quod *εἶναι*: quidni eas dicemus, inprimisque summam omnium, *τὴν τοῦ ἀγαθοῦ ἰδέαν*, id impertiri nobis, ut *ᾖναι*? Quodsi hoc tenemus praeterea, res omnes sive pulcras sive justas, ut statuit Socrates, nisi *bonae* sint, nullam magnopere nobis utilitatem praebere, quidni item de eadem illa *τοῦ ἀγαθοῦ ἰδέα* dicamus, solis illam instar cum caeteris ideis lumen affundere, tum omnibus omnino rebus non solum ut *sint*, sed ut *augeantur* in usum nostrum, ut *crecant*, ut *vigcant*, causas esse et effectrices? Talis igitur Platonis est, et sic ut videtur explicanda de *bono* sententia: cuius ideae quod nobis effectus, tamquam *τόκου* tradidit, ipsam tradere non ausus est, admiramur in eo philosophi verecundiam; sed eo minus committendum es-

esse nobis censemus, ut summum illud in mundo νοητῶ, acsi ipsi teneremus, interius etiam, quam voluit Plato, inquirere conemur. Ipse scilicet de eo, quo nobis majus diviniusque appareret, tacere, quam parum dicere maluit.

Tantae non sunt profecto sublimitatis, quae post Platonem philosophi, Socratica illa et Platonica persecuti, de *summo bono*, sive, ut vocabant, *de finibus bonorum et malorum* prodiderunt. Quorum sententias Cicero diligenter diserteque, nec tamen Platonicae hujus disputationis, ut videtur, memor exposuit. Nam idem in hisce Platonem, quod Stoicos et Epicureos postea, spectasse, iisdem illis Socratis apud eum sermonibus patet. Hoc autem, inquit, novisti sane, vulgaribus hominibus *bonum ἡδονήν*, elegantioribus *φρόνησιν* videri esse. — Quidni? — Tum etiam hosce, qui sic existimant de eo, declarare non posse, quae sit *φρόνησις*, sed cogi tandem fateri, τοῦ ἀγαθοῦ *φρόνησιν* esse. — Et perquam sane ridicule. — Quidni vero ridicule? quum vituperantes nos, quod ignoremus *bonum*, de *bono* rursus nobiscum, tamquam intelligentibus illud, loquantur? Ajunt enim *bonum* esse *φρόνησιν ἀγαθοῦ*: quasi noverimus, quid ipsi dicant cum τοῦ ἀγαθοῦ nomen pronunciant. — Vera loqueris. — Quid vero? qui *bonum ἡδονήν* esse definiunt, numquid minus, quam illi, errant? nonne et hi coguntur fateri, *voluptates* esse malas? — Coguntur prorsus. — Evenit iis, credo, ut eadem et bona et ma-

males esse fateantur: nonne? — Quidni? — Magnas igitur de iis multasque controversias esse, constat? — Constat (1).

Nolim ad hoc Platonis iudicium sectarum, quae post eum exstiterunt, ipsiusque Ciceronis de summo bono placita quaerendique de hoc argumento rationem exigere: quamquam me fateor in disceptationibus illis, quas protulit Cicero, Platonis ἀκριβелей verique studium et ardorem desiderare. Veruntamen quamvis idearum doctrinam negligerent illi, id tamen spectarunt, quod conveniret cum illa, perfectum verumque bonum, id, quod, ut Cicero ait, *extremum et ultimum esset bonorum*. Tale id esse debere, secundum omnium philosophorum sententiam, idem dicit, *ut ad id omnia referre oporteat, ipsum autem nusquam* (2). Et vero Zeno sic descripsit bonum illud summum, sic certe Cicero eum induxit describentem, ut cogitasse Platonis ideam atque expressisse Platonicum εἰληκρινὲς καὶ μονοειδὲς videatur. Sic enim Cicero: *Zeno summum bonum appellabat honestum, quod esset simplex quoddam et solum et unum bonum* (3). Philosophi scilicet omnis deinceps aetatis, licet sublimia haec Platonis placita, sive improbantes ea, sive negligentes, sive non intelligentes satis, non adsciscerent philosophando, nihilominus exprimere Platonem qualicumque ratione conati sunt.

Bo-

(1) De Rep. VI. 505. B. C. (2) Cic. de Fin. I. 10. 9.

(3) Cic. Acad. Quaest. I. 30.

Bonum dixerunt fere, plane ut Plato, rerum omnium optimarum fontem unicum: alii, quod τοῦ ἀγαθοῦ ἰδέα tribuerat Plato, id ipsi Deo tribuerunt, quum Deum celebrarent universitatis auctorem et altorem, cui omnia, ut essent, ut incrascerent, ut vigerent, deberent unice: vere quidem hi justeque et debite Deum celebrantes, sed Platonis de bono sententiam interpretantes perverse. Non magis hi Platonis de Deo, quam illi ejusdem de vero placita assecuti sunt: quippe in boni ideā *veritatem* ille, in Deo *ipsum veritatis παράδειγμα*, sive, quod nos appellamus, *ideale* agnovit adoravitque maxime. Quorum illud, quale sit, jam percepimus, ni fallor, satis: hoc, utpote argumentum argumentorum omnium summum et gravissimum, tum demum nobis, postquam ab aliorum sententiis Platonicas segregaverimus, datā operā explicandum erit.

Nam vereor, ut quæ hactenus de mundo *νοητῇ* ex ipsius philosophi scriptis attulimus, eo valeant satis, ut, quod maxime spectamus, evidens nobis plane et clara ejus doctrina sit: non quasi ipsa hæc doctrina obscura sit: mihi nihil esse simplicius evidentiusve videtur: nam continet simpliciter veri et falsi, certi et probabilis, scientiæ et opinionis discrimen; sed propterea, quod conturbata Platónis philosophia immixtis dissimilibus aliorum placitis est. Existit post Platonem philosophus, Aristotelem dico, qui *sapientiam* doceret, doctrinam *supra naturam*, ὑπὲρ τὰ φύσιν,

εἰς, escendentem (1): *metaphysicam* vocarunt posterī: quae antiquo, sed multo magis etiam recentiore aevo invaluit: sic autem invaluit tantamque nacta auctoritatem est, ut *ipsa* diceretur *philosophia* esse, ad ejusque principia et rationem nullius non philosophi, paullo quidem sublimioris, doctrina exigeretur, ac Plato una cum caeteris in metaphysicis censeretur. Id, si quid aliud, philosophiam Platoniam, quamvis perspicuam et simplicem, obscuram reddidit, effecitque ut doctrina philosophi de mundo *νοητῶ*, de ideis, de hac in primis boni ideā, aegre nobis etiam nunc, quippe nondum satis, quicquid Kantius molitus est, a philosophia metaphysicam distinguantibus, intelligatur. Nos, quo magis placita Platonis de ideis lectoribus pura et integra proponeremus, a Cartesianis illa placitis, quin etiam a Kantianis, quibuscum conveniunt maxime, discrevimus. Quodsi ejusdem universam de mundo *νοητῶ* doctrinam animo nostro pariter puram et integram repraesentare velimus, pari hanc diligentiam ab Aristotelis metaphysicā discernere oportebit. Sic demum sublimem Platonis de Deo sententiam intelligemus recte, tum hoc item, ad quod modo accessimus, non Deum apud eum boni ideam esse, sed ad hanc ideam Deum mundum formas-

Dis-

(1) Aristot. *Metaph.* III. 3. p. 55.

*Discernere haec placita
Platonis ab Aristotelis metaphysica
oportet.*

Altius evolare hominem, quam ipsius fert natura, vetus est nec injusta prorsus, a poëtis non minus, quam a philosophis frequentata querela:

*Nil mortalibus arduum est:
Coelum ipsum petimus stultitia (1).*

Et constat, rerum exquirendarum difficultate non tantum non absterritum fuisse omni aëvo, sed excitatum adeo ingenium humanum, ut, quo quid esset excelsius, quo item ad rite cognoscendum difficilius, eo magis adverteret humani generis studia. Cujus rei documentum est insigne eadem illa, quam memoravimus modo, *metaphysica*, causarum, ut vulgo habita est, scientia, qua tractandâ sic homo se annisus est in altum extollere, sic sibi summum attigisse visus est, ut, repertis, quas somniabat, rerum omnium caussis, esse negaret mundi opificem divinum, ipse fingeret ingenio componeretque mundum. Qua sane vanitate nil fuit umquam, nil esse potuit, quod philosophiae existimationi ipsiusque studiis obsesset magis. Quid hac in caussa de Platone affirmandum sit, multi pronunciarunt, nobis vero haud facile videtur

(1) Horat. Od. I. 3. 37.

tur dijudicatu. Socratis fuit discipulus, nec sub-
 titate eum solummodo, sed modestia etiam, ma-
 gistrum retulisse, ipsi vidimus; sed vidimus item,
 haud facile potuisse philosophum altiora petere.
 Placitis his ipsis de ideis praecipueque de *bono*,
 quid unquam philosophi sublimius excelsiusque
 prodiderunt? Aberat idem longe ab eorum sen-
 tentia, qui deos esse divinamque providentiam ne-
 garent: quantum abfuerit, testes sunt ipsius dia-
 logi, *Politia*, *Leges*, in primis *Timaeus*: sed hoc
 dialogo, ipso *Timaeo*, sic Deum videri possit in-
 formasse, ut per hanc causam, ipsius ingenio
 descriptam, ipse ordinaret omnia: qualem fuisse
 novimus plerorumque recentiore aetate philosopho-
 rum metaphysicam. Caeterum tametsi ille in scrip-
 tis suis nec *metaphysicam* nec *causarum sufficien-
 tiam*, quam vocant, *scientiam* memoraverit, ve-
 rumtamen in mundum escendit *νοῦρον*, quod item
 fecerunt Aristoteles et metaphysici, viderique ic-
 circo possit, si minus nomine, reapse metaphy-
 sicam tradidisse. Quid igitur? Altiusne item Pla-
 tonem, quam philosophum decebat, evolasse di-
 camus? Digna res profecto diligentiore discepta-
 tione est: nec solum ad doctrinam Platonis de
 mundo *νοῦρον* deque ideis a metaphysicorum de-
 cretis distinguendam, sed hujus item quaestionis
 gravissimae causam, Aristotelis hic nobis doctrina
 exponenda videtur. Quod autem supra *dialecticae*
Platonicae causam fecimus, quum apponeremus ei
 Aristotelis syllogisticam, id aunt, age, denuo; ad
 uni-

universam *veri philosophiam* Platonis declarandam, instituamus. Apponamus ei, quo propria ipsius virtus elucescat magis, metaphysicam Aristotelis.

*De metaphysicis apud Graecos
originibus.*

Latuerunt hae diu in Ionicorum aliorumque philosophorum studiis ac doctrinis. Quaesiverunt illi fere de rebus physicis, studioseque earum causas remotissimas primasque explorarunt. Nam innatum hominis animo studium exquirendi est, unde nam quae videt, quae audit, quae percipit omnino sensibus, exstiterint: quod in parvulis patet, singula, cur ita se habeant, sic acciderint, sciscitantibus: sed philosophi illi, quippe *philosophi*, imo *sapientes*, altius spectantes, considerantesque et siderum motus et solis lunaeque cursum et rerum universarum vicissitudines ac naturam, horum omnium ultimas causas investigarunt. Quod apud antiquos jam Phoenices aliosque orientis populos factitaverant sapientes: unde *θεογονίαι* et *κοσμοποιίαι* exstiterunt. Graeci autem in ipsa rerum natura causas omnium indagantes, vel *στοιχεῖα*, elementa naturae quae vocantur, attenderunt maxime, quorum aliud alii causam rerum naturalium primariam habuerunt: vel *ἀτομὸς*, ut Leucippus et Democritus finxerunt. Exstabant igitur in his quodammodo metaphysicae origines: quamquam latebant adhuc, necdum ipsa metaphysica exstiterat. Pro-
pius

pius ad eam processit Ionicorum princeps, idemque Socratis si non praeceptor, dux certe ad sublimiora, Anaxagoras, qui supra naturam sese resque adspectabiles erigens, νοῦν frequentaret sermonibus scriptisque suis, diceretque primum πάντα ὁμοῦ fuisse, tum vero νοῦν prodiisse atque ordinasse omnia. Πάντα χρήματα ἦν ὁμοῦ, εἴτα νοῦς ἐλθὼν, αὐτὰ διεκόσμησε (1). Verumtamen in placitis illis cunctis, in ipsius Anaxagorae sublimi hoc effato, initia video metaphysicae, ipsam doctrinam, quae deinde hoc nomine celebrata est, nondum video. Multis demum annis post, quum Socrates et Plato novam philosophandi rationem induxissent, profectus e Platonis schola Aristoteles, ejusdemque cum placitis imbutus de rebus νοηταῖς, tum dialecticā exercitatus, caussarum investigationem ad disciplinae normam adegit atque ad mentem retulit hominis. Sic demum prodit apud Graecos proprie sic dicta *metaphysica*. Nam priores illi, quod ipse ait disciplinae auctor, dialecticam tenebant nondum. Οἱ γὰρ πρότεροι διαλεκτικῆς οὐ μετεῖχον (2). Scilicet, ut idem judicat, balbutiebat adhuc philosophia: ψελλιζομένη γὰρ ἔοικεν ἢ πρώτη φιλοσοφία περὶ πάντων, ἅτε νέα τε καὶ κατ' ἀρχὰς οὔσα (3). Erant quidem, ait, qui, ut Anaxagoras maxime, eximia proderent placita, sed

(1) Diog. Laërt. II. 6. Plato Phaedon. 97. C. Cf. Valck. Diatr. p. 40. (2) Arist. Metaph. I. p. 16. Ed. Sylb. (3) Id. cod. I. p. 26.

sed casu illi vel ingenii impetu, non ratione dis-
serendique diligentia eo pervenerant. Comparat
eos militibus, qui, nondum exercitati gymnastica
aut armis, recte subinde hostem feriunt. Faciunt,
ait, οἷον ἐν ταῖς μάχαις οἱ ἀγύμναστοι ποιοῦσι· καὶ
γὰρ ἐκεῖνοι περιφερόμενοι τύπτουσι πολλάκις καλὰς
πληγὰς· ἀλλ' οὔτε ἐκεῖνοι ἀπὸ ἐπιστήμης, οὔτε οὗτοι
εὐκασιν εἰδῶσι λέγειν ἢ λέγουσι (1). Quod in Ana-
xagoram adhibet, quem parum sibi constituisse di-
cīt: μηχανῇ χρῆται τῷ νῷ πρὸς τὴν κοσμοποιῖαν· καὶ
ὅταν ἀπορήσῃ, διὰ τίν' αἰτίαν ἐξ ἀνάγκης ἐστὶ, τότε
ἔλκει αὐτόν· ἐν δὲ τοῖς ἄλλοις πάντα μᾶλλον αἰτιῶ-
ται τῶν γινομένων ἢ νοῦν (2).

*Quid Platoni debuisset
Aristoteles, ad metaphysicam tradendam,
videtur?*

Etsi vērō hae sunt habendae metaphysices apud
Graecos origines, minus tamen Aristoteles ad eam
explicandam Ionicis philosophis debuisset, quam
Socrati et Platoni videtur. Debuīt his dialecti-
cam, sine qua, quod ipse affirmat, tractari illa
recte non poterat. Plato autem viam ipsi praeive-
rāt, ut per dialecticam in mundum νοητὸν, quin
etiam ad principia ἀνυποθετὰ escenderet. Quid?
quod et Socrates et Plato de caussis sive princi-
piis rerum diligenter quaesiverant et Anaxagorae
pla-

(1) Arist. Metaph. I. p. 10. (2) Id. eod.

placita exploraverant studiose? Narrat id de sese apud Platonem Socrates in Phaedone: unde ipsius Platonis studium patet. Ἐγὼ γὰρ, inquit, ὦ Κέβης, ἔσοι ὢν, θαυμάσιως ὥς ἐπεθύμησα ταύτης τῆς σοφίας, ἣν δὴ καλοῦσι περὶ φύσεως ἱστορίαν· ὑπερήφανον γὰρ μοι ἰδοῦναι εἶναι εἰδέναι τὰς αἰτίας ἐκάστου, διὰ τί γίγνεται ἕκαστον καὶ διὰ τί ἀπόλλυται καὶ διὰ τί ἐστὶ. *Equidem, o Cebes, cum essem juvenis, mēdā quādam ejus sapientiae cupiditate flagrabam, quam naturae vocant historiam: praeclarum enim esse censebam, causas intelligere, quibus et fierent singula et interirent et essent* (1). Sic exorsus, quemadmodum ipsi hoc studium cesserit, enarrat. Tum pergit: sed cum audissem aliquando quemdam ex libro, ut agebat, Anaxagoras legentem sententiam hancce, ὥς ἄρα νοῦς ἐστὶν ὁ διακοσμῶν τε καὶ πάντων αἴτιος, mentem esse, quae ordinasset omnia omniumque esset causa, hac ego causa vehementer sum delectatus, visumque mihi est, recte se id quodammodo habere, mentem rerum omnium causam esse: arbitrabar autem, si ita se res haberet, ut mens ordinans ordinaret omnia, singula etiam eandem sic disponere, ut optime se haberent. Quamobrem, ubi vellet aliquis causam invenire, quā singula fiant aut pereant aut sint, hoc ipsum esse invenendum, quā ratione optimum sit unicuique aut esse aut facere quodvis aut pati: hoc autem pacto nil aliud

(1) Phaedon. 98. A.

aliud hominem considerare nec de se nec de aliis oportere, nisi quod potissimum sit et optimum: caeterum eundem item pejus cognovisse: hujus enim eandem scientiam esse. Haec igitur reputans mecum, gaudebam, invenisse ratus magistrum, qui mihi caussas τῶν ὄντων e sententia, κατὰ νοῦν traderet, Anaxagoram (1). Quibus enarratis, pulcherrima spe lapsus se esse fatetur. Ἀπὸ δὲ θαυμασῆς, ὃ ἑταῖρε, ἐλπίδος ψυχρόμην φερόμενος, ἐπειδὴ προῖον καὶ ἀναγινώσκων, ὁρῶ ἄνδρα τῷ μὲν νῷ οὐδὲν χρώμενον, οὐδέ τινος αἰτίας ἐπαιτιώμενον εἰς τὸ διακοσμεῖν τὰ πράγματα, αἴρας δὲ καὶ αἰθέρας καὶ ὕδατα αἰτιώμενον καὶ ἄλλα πολλὰ καὶ ἄτοκα (2). *Admirabili autem spe lapsus sum, amice, quum pergens legendo vitum viderem mente nullo modo uti nec caussis menti congruis ad res ordinandas, sed aëre, aethere, aquis, aliisque multis et ineptis.* (3).

Perlecto memorabili hoc Platonis in Phaedone loco, existimet forte aliquis, quod Anaxagoras philosophando spectavit nec perfecit, id persecutos deinceps Socratem ac Platonem fuisse, Aristotelem vero demum, metaphysicā tradendā, perfecisse. Et sane idem hic, quod illi, in Anaxagorā reprehendit, ut ex ipsius sententiā, modo allatā, patet. Qua factum opinione est, ut, si

(1) Eod. 97. B. C. D. (2) Duxit inde verbotenus sua de eadem re Arist. loco, quem modo descripsimus.

(3) Phaedon. 98. B. C.

minus Socrates, Plato certe omni aevō in metaphysicis philosophis habitus sit. Nos igitur, ut rem recte aliquando dijudicemus, qualis illa tandem Aristotelis metaphysica sit, in ipsius scriptis exploremus.

De metaphysica Aristotelis.

Perfecit Aristoteles, non quod spectaverint ac persequi studuerint Socrates ac Plato, sed illud scilicet, quod Anaxagoras inchoaverat, illi vero improbaverant. Quam nobis descriptam reliquit doctrinarum principem, *investigatio illa caussarum est, quibus et facta sint omnia et fiant perpetuo.* Simplici nos illuc et ferme dixerim Socraticā ratione ducit. Omnes homines, ait, *φύσει ὀρέγονται τοῦ εἰδέναι*, *natura avent cognoscere*: quod in brutis adeo animantibus patet. Sensibus ad cognoscendum utuntur: avent degustare aliquid, audire, videre: visu autem ut valent maxime, ita maxime oblectantur. Sed homo his praestat memoriā: unde experientia: praestat in primis cum *arte*, quae experientiae proles est: *ἡ μὲν γὰρ ἐμπειρία τέχνην ἐποίησεν*, ut recte pronunciat Polus, *ἡ δὲ ἀπειρία τύχην*: tum etiam, et maxime quidem, *ratione et scientiā*: idem vero in omni cognoscendi studio id exquirat praesertim, unde res existerint singulae, sive, quae caussae, quae principia rerum sint. Hac autem in re potissimum homo homini praestat. Peperit scilicet admiratio phi-

philosophiam, philosophia autem efficit, ut mirari desinamus: quod caussarum scientiae debemus (1). Hac nos facili ac perspicua ratione Aristoteles, cujus nativam simplicitatem Sócrati ac Platoni debuit, ad sublimia illa et summa adducit, quae cognoscenda esse philosopho statuit, ut idem dici σοφός possit, i. e. ad rerum omnium, tam divinarum quam humanarum τὰς ἀρχὰς καὶ τὰς αἰτίας ἀκροτάτας perveniat, e quibus sibi res ipsas singulas singulatim explicet. Verum princeps haec doctrina qualis tandem est? unde in primis hanc praestantiam habet? quo est proposito tractanda? Id e *theoreticarum* apud Aristotelem, quas vocat, doctrinarum naturam declarandum est.

Nam duplex est apud eum doctrinarum genus, quarum alterum continet quotquot praeparant ad veritatem et scientiam: organicae appellantur vulgo, in quibus sunt dialectica, rhetorica, poësis: tractantur illae ἀπλῶς, ἐνδοξῶς, πιθανῶς, κοινῶς; alterum vero genus majores illas, τὰς θεωρητικὰς complectitur: in his ἀκριβῶς, κατ' ἀλήθειαν, κατὰ φύσιν, θεολογικῶς agitur (2). Sunt autem illae tres, quarum haec, quam quaerimus, caussarum scientia, summa est. Ὡς τε τρεῖς ἂν εἶεν φιλοσοφίαι θεωρητικαί, μαθηματικὴ, φυσικὴ, θεολογικὴ.

(1) Arist. *Metaph.* I. init. (2) Loca Aristotelis, quibus haec occurrunt, notavit Buhl. *de libris Arist. exot. et acroam.* in Ed. Vol. I. p. 142 et 143.

κῆ (1), *Theologicam* vocat, quod ad divina refer-
tur maxime, quippe omne quod primum et sum-
mum est exquirens. Καὶ γὰρ καθάπερ ἐν τοῖς ἐγ-
κυκλίοις φιλοσοφήμασιν περὶ τὰ θεῖα πολλάκις προ-
φαίνεται τοῖς λόγοις, ὅτι τὸ θεῖον ἀμετάβλητον ἀνγκυ-
καῖον εἶναι πᾶν τὸ πρῶτον καὶ ἀκρότατον (2). Tum
vero hoc nomine propterea eam vocat, quod ho-
noratissimum omnium est. Οὐ γὰρ ἄδηλον, ὅτι,
εἴπου τὸ θεῖον ὑπάρχει, ἐν τῇ τοιαύτῃ φύσει ὑπάρ-
χει· καὶ τὴν τιμιωτάτην δεῖ περὶ τὸ τιμιώτατον γέ-
νος εἶναι· αἱ μὲν οὖν θεωρητικαὶ τῶν ἄλλων ἐπιστημῶν
αἰρετώτεραι, αὕτη δὲ τῶν θεωρητικῶν (3). Posteri
hanc μεταφυσικὴν appellarunt, quod μετὰ τὰ φυ-
σικὰ tractatur, imo ὑπὲρ τὰ φυσικὰ (4). Ἐστὶ γὰρ
ἔτι τοῦ φυσικοῦ τι ἀνωτέρω (5). Aristoteles autem
eam, ut θεολογικὴν, ita proprie τὴν πρώτην φιλο-
σοφίαν vocavit: quod cujusmodi sit, ex ipsis phi-
losophi verbis efficiendum est nobis. Ἀπαρήσεις
γὰρ ἂν τις, πότερόν ποθ' ἢ πρώτη φιλοσοφία καθό-
λου ἐστίν, ἢ περὶ γένος καὶ φύσιν μίαν· οὐ γὰρ ὁ
αὐτὸς τρόπος, οὐδ' ἐν ταῖς μαθηματικαῖς, ἀλλ' ἢ
μὲν γεωμετρία καὶ ἀστρολογία περὶ τινὰ φύσιν ἰδίαν
εἰσὶν, ἐκεῖνη δὲ καθόλου πασῶν κοινή· εἰ μὲν οὖν μὴ
ἐστὶ τις ἑτέρα οὐσία παρὰ τὰς φύσει συνεσηκωμένης, ἢ
φυσικῆς ἂν εἴη πρώτη ἐπιστήμη· εἰ δὲ ἐστὶ τις οὐσία
ἀκίνητος, αὕτη προτέρα καὶ φιλοσοφία πρῶ-
τη

(1) Arist. Metaph. V. p. 99 et 100. (2) Id. De Cae-
lo. I. p. 24. (3) Id. Metaph. V. p. 100. (4) V. Wy-
tomb. Instit. Metaph. p. 5. (5) Arist. Metaph. III. p. 55.

τη (1). Talis igitur illa summa scientia est, quam identidem, nec immerito σοφίαν, *sapientiam ipsam* appellat. Quodsi usus ejus ac propositum quaeritur, θεωρητικὴ est et θεωρητικῶν adeo φιλοσοφῶν princeps: quocirca usum et utilitatem non magnopere spectat aut requirit: hinc autem in primis praestantiam habet. Quod item nobis ille Socraticā et Platoniciā ratione explicabit.

Studium illud cognoscendi, ait, tam brutis animalibus, quam homini naturā inditum, ejusmodi est, ut non quaerat utilitatem, semet ipsum contentum sit. Χωρίς τῆς χρηλᾶς animalia omnia audire quid et videre gestiunt: pariter homo; sapiens vero, missā omni utilitatis spe, rerum scientiam *ipsius scientiae* causa appetit. Id scilicet sapientiae proprium est. Τὸ γὰρ αἰσθάνεσθαι, πάντων κοινόν διδ ῥᾶδιον, καὶ οὐδὲν σοφόν. Ἐπὶ τὸν ἀκριβέστερον καὶ τὸν διδασκαλικώτερον τῶν αἰτίων, σοφώτερον εἶναι περὶ πᾶσαν ἐπιστήμην καὶ τῶν ἐπιστημῶν δὲ τὴν αὐτῆς ἕνεκεν καὶ τοῦ εἰδέναι χάριν αἰρετὴν οὔσαν, μᾶλλον εἶναι σοφίαν ἢ τὴν τῶν ἀποβαινόντων ἕνεκεν (2). Itaque postquam artes omnes ad vitam utiles et necessariae inventae sunt, tandem excoli doctrinae coeperunt: quae eo majore habitae loco sunt, quo minus spectabant utilitatem, iisque in regionibus excultae sunt maxime, in quibus otium erant nacti sapientes. Idcirco in Aegypto mathematicae artes constiterunt:

(1) Arist. Metaph. V. p. 100. (2) Arist. I. p. 4.

ruht: illic enim otiari licebat sacerdotum genti (1). Nec vero mirum. Illa enim magis sapientia habenda est, quae imperat ipsa, quam quae aliis obtemperat: non oportet ἐπιτάττεσθαι τὸν σοφὸν, ἀλλ' ἐπιτάττειν, καὶ οὐ τοῦτον ἐτέρῳ πείθεσθαι, ἀλλὰ τούτῳ τὸν ἥττον σοφὸν (2). Patet igitur, ὡς δι' οὐδεμίαν αὐτὴν ζητοῦμεν χρεῖαν ἐτέραν, ἀλλ' ὥςπερ ἄνθρωπος φαμεν ἐλεύθερος ὁ αὐτοῦ ἕνεκα καὶ μὴ ἄλλου, οὕτως καὶ αὐτὴ μόνῃ ἐλευθέρα οὔσα τῶν ἐπιστημῶν· μόνῃ γὰρ αὕτῃ αὐτῆς ἕνεκεν ἐστὶ (3). Ergo recte quis in hominem non cadere ejus possessionem dixerit: πολλαχῇ γὰρ ἡ φύσις δούλῃ τῶν ἀνθρώπων ἐστίν· verumtamen non invidet hominibus Deus, nec aliam nos decet majore honore habere: ἡ γὰρ θειοτάτῃ καὶ τιμιωτάτῃ (4). Sed de naturâ et excellentiâ divinae hujus scientiae diximus: de ejus fine sic disserit auctor.

Per admirationem homines et nunc et primum philosophari coeperunt: a principio quidem admirando quae obvia sunt: deinde paulatim ulterius procedentes, de majoribus dubitant, veluti de vicissitudinibus lunae, solis, stellarum, deque universi generatione. Qui vero dubitat atque admiratur, putat se ignorare: quare philosophus quodammodo φιλόμυθος est: μῦθος enim mirabilibus constat. Quocirca si propter fugam ignorantiae

(1) Eod. p. 3. (2) Eod. p. 4. (3) Arist. Metaph. I. p. 5.
(4) Metaph. I. 5 et 6.

tiae philosophati sunt homines, patet, cognoscendi eos causâ scientiam prosecutos (1). Et sic quidem peperit philosophiam admiratio. Ut vero in omni disquisitione id nobis extremum est, quod ipsius est initiis contrarium, ita philosophia efficit, ut ne quid miremur: quod caussarum scientiae debemus. In physicis, cur sol convertatur, in mathematicis, cur metiri diametrum non possimus, admiramur continuo; exploratâ autem e coeli et circuli ratione utriusque rei causâ, nil admiraremur magis, quam, si nec converteretur sol et metiri diametrum possemus. Pariter in rebus ludicris. Imagunculas, quae sponte moventur, spectans vulgus obstupescit: non ita is, qui motuum causas ex arte mechanica tenet: hic contra, si non moverentur illae sponte, tum demum admiraretur et obstupesceret. Ex hac Aristotelis disputatione, quo valeat illa caussarum scientia, intelligitur. Stoici inde celebratissimum illud *nil admirari* duxerunt: unde Horatius:

*Nil admirari, prope res est una, Numiot,
Solaque quae possit facere et servare beatum* (2).

sed hi illud ad vitae virtutisque constantiam retulerunt; Aristoteles vero ipsam plane spectasse Dei sapientiam censendus est.

Summae profecto est et divinae adeo sublimita-

(1) Metaph. I. 5. (2) Horat. Ep. I. 6. 1.

tatis haec Aristotelis doctrina: cuius auctoritati consentanea plane est, quam in dialecticis exposuit, συλλογιστική, probandi asseverandique ratio. Verumtamen, quod de hac diximus in superioribus (1), idem nunc animadvertendum de divinâ illâ scientiâ est, adumbrasse eam auctorem, ejusque naturam et propositum indicasse ac descripsisse, non vero ad philosophiam colendam usurpasse. Id post eum Scholastici fecerunt philosophi, qui cum theologiâ philosophiam confunde-
bant: fecerunt item, qui instaurare recentiore aetate philosophiam studuerunt: ipsam hi philosophiam *causarum sufficientium scientiam* vel *scientiam rerum possibilium* appellarunt; non fecit Aristoteles. Opus, quo hanc doctrinam tradidit, illic explicit, ubi usurpaturus eam ad tractandam philosophiam auctor videtur. Quod mirati multi sunt recentiore aetate (2); non vero erat, cur mirarentur. Nam quamvis et syllogisticae caset et metaphysicae auctor Aristoteles, e Platonis prodierat schola, ubi adhibere ad recte excolendam philosophiam resque naturales explicandas analyticam rationem didicerat. Quam ille methodum in scriptis fere suis de rerum naturâ secutus est, nec vero tum neglexit, quam hanc proponere cum dialecticâ novam, tum causarum scientiam studeret. Quod autem hanc ipsam scientiam

(1) V. supra Vol. II. P. 2. p. 97. (2) V. Fulleborn *Beiträge zur Gesch. der Philos.* V. p. 215.

tiam attinet, quaesivit, quid in veritatis studio summum esset, abest vero multum, ut illud sibi attigisse visus sit. Ut eam ab initio adumbravit universam, subjicit: τίς μὲν οὖν ἡ φύσις τῆς ζητουμένης ἐπιστήμης, εἰρηται. (1) *Quaerebat* scientiam illam, non tractabat. Fecit omnino, quod item Socratici, quod Xenophon et Plato fecerant, quum perfectam hi monarchiam ac rempublicam describerent: sic ille scientiam, quae mathematicae, quae physicae, quae caeteris praestaret omnibus cum quaesivit, tum in opere περὶ τῶν μετὰ τὰ φυσικὰ adumbravit ac descripsit.

Sed quamvis ab usurpandâ tractandâque hac divinâ scientiâ abstinuerit Aristoteles, sic ipse ejus splendore captus et occoecatus ferme est, ut ullius vix philosophi de rebus intelligibilibus sententiam perspiceret recte, placita certe cum caeterorum, tum ipsius adeo magistri sui ad hujus scientiae normam interpretaretur. Nam idem caussarum exquirendarum studium, quod Ionicis philosophis ac Leucippo et Democrito attribuerat, Pythagoreis pariter atque Eleaticis, imo Platoni obtrusit: quasi *numeris* illi placitisque de eo quod *est*, et quasi *ideis* Plato rerum caussas significasset: quod demonstrare accurate, adductis ex ipso Platone locis, in eodem hoc de *Metaphysicâ* opere conatus est (2). Simile quodammodo ante Aristotelem Protagorae negotium fuerat, qui sic

So-

(1) Arist. Metaph. I. 6. (2) L. I. p. 10. 12. 15.

Sophisticae parens, ut is metaphysicae dictus habitusque est. Antiquam hic artem sophisticam dixerat, nec solum a philosophis, sed a poëtis, ab Homero, ab Hesiodo, a Simonide, quin etiam ab Orpheo et Musaeo, pariterque a musices et gymnastices magistris, ad generis humani cultum adhibitam esse (1). Sic Aristoteles, quo ipse tendebat unice, eodem omnes ante ipsum philosophos contendisse, quodque invenerat ipse vel invenisse sibi videbatur, id omnes quaesivisse omni aevo, opinabatur. Nocuit autem ita veterum philosophorum interpretationi vehementer, tum vero, ut aegre a posteris fereque perversum in modum acciperentur Platonis placita, is effecit maxime. Quo magis sic nobis, ut fecimus, tota proponenda ejus metaphysica videbatur, ut recte ab illa Platonica philosophiam distingueremus.

*Doctrinae Platonicae et Aristotelicae
discrimen.*

Juvenis omnino Socrates, ut de sese apud Platonem fatetur, admiratus Anaxagorae doctrinam est, quaeque inde de *mente* perceperat et tum amplexus avidè est et probavit postea; caussarum vero illam et disquisitionem et explicationem non probavit. Nec aliter visum Platoni fuisse, ipse in eodem illo Socratis sermone enarrando, declara-

(1) V. Plato Protag. 516. D.

ravit satis. Nam quod de caussis illic quaerentem Socratem inducit, τύπους rerum, non, ut Aristoteli placuit, rerum proprie sic dictas causas intellexit. Sed ipsum audiamus Socratem. Lapsus igitur, inquit, mirificā illa spe, rejectaque Anaxagorae de caussis doctrinā, ad illa me denuo τὰ πολυθρύλλητα converti, esse statuens pulcrum quid ipsum per se et bonum et magnum, indeque τῆς αἰτίας τὸ εἶδος, ὃ πεπραγμάτευμαι, *quales* causas intelligam, assequeris. Vide igitur, o Cebes, consequentia, num de his consentias mecum. Φαίνεται γάρ μοι, εἴ τί ἐστιν ἄλλο καλὸν πλὴν αὐτὸ τὸ καλὸν, οὐδὲ δι' ἐν ἄλλο καλὸν εἶναι, ἢ διότι μετέχει ἐκείνου τοῦ καλοῦ· καὶ πάντα δὴ οὕτω λέγω. Τῇ τοιαύτῃ αἰτίᾳ συγχωρεῖς; — Συγχωρῶ. *Videtur enim mihi, si quid aliud pulcrum est praeter ipsum pulcrum, non propter aliam causam quamlibet pulcrum esse, quam propterea, quod illius pulcri particeps est, atque idem de caeteris omnibus dico. Hujuscemodi autem causam probas? — Probo equidem.* Reliquas causas, quas crepant sapientes, nondum capio nec possum cognoscere; sed, ubi quis pulcrum quid esse dixit, si quod sive colorem habet sive formam elegantem sive aliud quodvis talium, valere haec jubeo: perturbor enim in hisce; τοῦτο δὲ ἀπλῶς καὶ ἀτεχνῶς (1) καὶ ἴσως εὐήθως ἔχω παρ' ἑμαυτῷ, ὅτι οὐκ ἄλλό τι ποιεῖ αὐτὸ καλὸν ἢ ἐκείνου τοῦ καλοῦ εἴτε παρουσία

(1) Legatum ἀτέχνως, quod unice vocibus ἀπλῶς et εὐήθως convenit.

εἴτε κοινωνία εἴτε ὅκη δὴ καὶ ὅπως προγενομένη· οὐ γὰρ ἐστὶ τοῦτο διίσχυρίζομαι, ἀλλ' ὅτι τῷ καλῷ πάντα τὰ καλὰ γίνεται καλὰ· id vero simpliciter, ingenue et forte imperite teneo, nihil aliud rem ullam pulcram efficere, nisi ipsius pulcri sive praesentiam sive communionem sive ubicumque et quomodocunque illud accesserit, hoc non discerno; sed, pulcro pulcra omnia pulcra fieri, contendo. (1) Hinc orsus Socrates, ut hactenus de pulcro, ita deinceps de magnitudine, de qualitate et quantitate disserit. Pariter ab his, ait, a speciebus perfectis, res magnae et parvae, quaeque par et imparis sunt numeri, nomen habent, quippe specierum illarum participes. Τύποι igitur rerum, ut modo diximus, hae apud Platonem sive caussae sive ideae sunt. Quod hinc intelligitur maxime. Carmina is in civitatem perfectam illa duntaxat admisit, quae τύπον haberent boni et justi. (2) In his bonum et justum non ita proprie, ut accepit Aristoteles, caussae sunt, quibus efficiatur, ut optima sint in civitate carmina, sed ideae, sed exempla perfecta sunt, quae intuentes poëtae imitando studuerint exprimere. Participia omnino boni justique carmina sic erunt, ut expressae in cerā imagines τοῦ τύπου sunt participes, qui in signo est, unde sunt expressae. Quae recte discrevisse, non levis certe momenti res est. Causas ita rerum non in rebus, sed in homine quae-

(1) Phaedon. 100 C. D. (2) De Rep. II. 380. C. 383. A.

quaerimus. Pulcerrimae exstiterunt Phidiae statu-
tuae, non quia in rerum naturâ perfecta sunt pulcri
exempla, sed hanc propter causam, quod *intuens il-
la exempla artifex ad eorum perfectam speciem
manum ac artem direxerat*. Id melius Cicero,
cujus haec sunt verba, (1) quam Aristoteles per-
spexit. (2) Sed Cicero scilicet non scientiam caus-
arum habebat, quam tueretur ac commendaret
unice.

Intelligere hinc magnam partem licet Platonicae
doctrinae et Aristoteleae discrimen; sed, quo ma-
gis comparando ipsius assequamur Platonis de mun-
do *νοητῷ* deque ideis sententiam, hoc animadver-
tendum deinceps est. Mundum adaspectabilem si-
ve physicum Aristoteles in *νοητὸν* mundum trans-
tulit. Plato contra in hunc traduxit philosophum,
ut de rebus adspectabilibus et physicis judicaret
recte. Nam persequens Aristoteles, quod inchoa-
verant Ionici, rebus exploratis physicis, ad ea
processit, quae supra naturam, *ὑπὲρ τὰ φυσικὰ*
essent. Unde non inepte ejus de scientiâ summâ
opus continere dicitur *τὰ μετὰ τὰ φυσικὰ*: ipsum
inde nomen scientiae, *metaphysica*, ortum est.
Itaque, uti in rebus physicis, ita in ipso *νοητῷ*
mun-

(1) Orat. c. 5. (2) Vidit quidem Aristoteles, recte-
que dixit, *κατὰ μετέξιν εἶναι τὰ πολλὰ τῶν συναν-
των δμῶνμα τοῖς εἶδεσσι*. *Metaph. I. p. 16*. Sed haecit
fere in hisce: non formas, non exempla, non *παρδείγματα*,
quae nos imitemur, ideis intellexit.

mundo non nisi *causas* studuit exquirere. Platonis vero contraria fuit in philosophando via. Nempe in eâ progressus est, quam primum aperuerat Socrates, ut, missis sublimibus istis Ionicorum disquisitionibus, a quibus difficulter quis ad se rediret, a semet ipso, ab hominis animo philosophiae duceret initium, indeque ad rerum naturam et mundi conditorem, Deum, escenderet. Ionicos illos, ipsumque Anaxagoram respiciens Cicero, de Socrate dixit, hunc fuisse, qui a coelo avocaret philosophiam. Sic enim ille nobilissimo loco in Tusculanis quaestionibus. *Ab antiquâ philosophiâ usque ad Socratem, qui Archelaum, Anaxagorae discipulum, audieras, numeri motusque tractabantur et unde omnia orirentur, quoque reciderent: studioseque ab his siderum magnitudines, intervalla, cursus anquirebantur et cuncta coelestia. Socrates autem primus philosophiam de vocavit e coelo et in urbibus collocavit et in domos etiam introduxit et coëgit de vita et moribus rebusque bonis et malis quaerere.* (1) Quam eandem sententiam Cicero iisdem propemodum verbis saepius usurpavit, ut in Academicis Quaestionibus. *Socrates mihi videtur, id quod constat inter omnes, primus a rebus occultis et ab ipsâ naturâ involutis, in quibus omnes ante eum philosophi occupati fuerant, avocavisse philosophiam et ad vitam communem adduxisse: et de virtutibus et*

(1) *Tusc. Quaest. V. 4.*

vitiis, omninoque de bonis rebus et malis quæderet, coelestia autem vel procul esse a nostrâ cognitione censeret, vel, si maxime cognita essent, nihil tamen ad bene vivendum conferre. (1) In Bruto, ubi de aetate Socratis agit: *primumque tum philosophia, non illa de naturâ, quæ fuerat antiquior, sed hæc, in qua de bonis rebus et malis deque hominum vita et moribus disputatur, inventa dicitur.* (2) Iterumque in Tusculanis: *a Socrate omnis, quæ est de vita et de moribus, philosophia manavit.* (3). Itaque adverterat animum Socratis, quod apud Anaxagoram de mente legerat: quo excitatus de suâ ipse mente cogitare diligenter et explorare semet ipsum resque humanas omnes, maximeque, quod ait Cicero, *de rebus bonis et malis* quaerere coepit. Plato autem, hinc profectus maxime, non solum ad magistri exemplum τὸν νοῦν, sed τὰ νοητὰ item, quæ nos unâ mente et cogitatione assequimur, attendit, distinctisque illis accurate a rebus adspectabilibus omnibus, rationem cum invenit, tum demonstravit, qua in mundum νοητὸν escendens homo, vere de rebus adspectabilibus judicâre et sic demum sapere, νοῦν ἔχειν inciperet. Hac via Plato, quæ Aristoteleæ rationi plane erat contraria, non metaphysicam tradit, non causas unice in mundo νοητῷ, nec vero principem quandam causam, à qua omnia ducerentur, quaesivit; sed hominem docuit

(1) Acad. 2. l. 4. (2) Bruto 6. 8. (3) Tusc. 2. lll. 4.

cuit mentem ad aeterna veri in mundo *νοητῶ* exempla, imprimisque ad id, quod *bonum* est, convertere ac bene ita cum vivere tum res suas publice privatinque administrare.

Quo magis ita a metaphysicâ Aristotelis Platonis philosophiam distinxerimus, eo nobis hujus de ideis doctrina patebit dilucidius. Sed de *boni ideâ* quaesivimus modo, quam ut Plato tamquam optimarum quarumque rerum causam celebravit, ita fuerunt, qui accipiendam esse de *Deo* arbitrantur. Ducta haec opinio ex eadem illâ Aristotelis doctrinâ videtur, certe quadrat in eam mirifice. Nam in causis principisque summis τῷ ἀγαθῷ Aristoteles primum locum dedit (1); idemque per eandem illam primam, quam dixit, philosophiam ad Deum, ut causarum principem accessit: unde quaerere ἐκ τῶν ὑπαρχόντων, e principis rerum ultimis, apud eum ἐπισκοπεῖν θεολογικῶς, hoc ipsum quaerere et philosophari θεολογικῶς dicitur. (2) Enata inde sublimis de divinitatē est, a Cleanthe aliisque Stoicis celebrata, quam ipse tradidisse metaphysicae auctor, quum περὶ τοῦ κόσμου ad Alexandrum scriberet, fertur. Sed sive ab ipso haec scriptio est sive a posterioris aetatis, quod credibile videtur, metaphysico prodita, consequens viri philosophiae est, nobisque hoc loco non praetermittenda silentio videtur. Continet metaphysicorum veterum, tam

poë-

(1) *Arist. Metaph. L. V. p. 1.*

(2) *Ibid. loc. cit. L.*

poëtarum, quam philosophorum de Deo placita, quae comparasse cum Platonis de *boni idē* sententiā non pigebit.

Metaphysicorum veterum de Deo philosophandi ratiō.

Sic igitur continuo scriptionis illius auctor. Λοιπὸν δὴ περὶ τῆς τῶν ὄλων συνεκτικῆς αἰτίας κεφαλαιωδῶς εἰπεῖν· πλημμελὲς γὰρ, περὶ κόσμου λέγοντας, τὸ τοῦ κόσμου κυριώτατον παραλιπεῖν. *Restat igitur, ut de causā quae universas res continet, summam dicamus: incongruum enim sit, ubi de mundo agimus, id quod in mundo summum est praetermittere.* Et primum quidem poëtarum de Deo effata memorat. *Vetus igitur sermo est, a maioribusque proditus inter omnes homines, ὡς ἐκ θεοῦ τὰ πάντα καὶ διὰ θεοῦ ἡμῖν συνέστηκεν, e Deo esse omnia ac per Deum constituta nobis: nullamque naturam ipsam per se sibi sufficientem esse, quae citra Dei praesidium suae ipsa tutelae permissa sit.* Quoties veterum nonnulli eo proveciunt, ut haec omnia dicitarent Deorum plena esse. Deinde sedem describit Dei. *Summam igitur et primam sedem mundi sortitus ὕπατος hanc ob causam appellatus est, atque ut ait Homerus, in summo culmine universi coeli solum habet ipse domicilium situm et collocatum. Maxime vero vim ejus sentit, numineque ejus in primis fratur id corpus quod proxime eum situm est,*

*tautē quod secundum ab hoc locum habet, ut unum-
quodque deinceps, prout situm ordo ad nostrum
usque locum naturā constitutum est. Hinc re-
giam celebrat Dei majestatem, ductā a Persa-
rum rege comparatione. Quibus subjicit: νο-
μισέον δὴ τὴν τοῦ μεγάλου βασιλέως ὑπεροχὴν, πρὸς
τὴν τοῦ τὸν κόσμον ἐπέχοντος θεοῦ, τοσοῦτον κατα-
δεεσέραν, ὅσον τῆς ἐκείνου, τὴν τοῦ Φαυλοτάτου τε
καὶ ἀσθενεστάτου ζωῆς. Atqui statuere nos oportet,
magni regis fastigium, si cum excellentia compa-
ratur Dei, qui mundum tenet, tanto esse infe-
rius, quanto hoc ipso inferior est vilissimī cu-
jusque atque infirmissimi animantis conditio. Sed
loca attendamus maxime, quibus Deum ut caus-
sam rerum omnium effectricem laudat. Admira-
tur in eo facilitatem praesertim: οὐδὲν γὰρ ἐπιτεχ-
νήσεως αὐτῷ δεῖ καὶ ὑπηρεσίας τῆς πρὸ ἑτέρων, ἀλ-
λὰ τοῦτο ἦν τὸ θειότατον, τὸ μετὰ βασιλείας καὶ ἀπλῆς
κινήσεως παντοδαπὰς ἀποτελεῖν ἰδέας. Non illi opus
est artificiosā molitione, aut alieno ministerio: il-
lud autem maxime divinitati consentaneum est, ut
formas rerum omnium citra difficultatem simplici-
que motu absolvat: non secus atque illi machina-
tores solent, qui instrumento uno usurpando mul-
tos et varios effectus edunt, aut, illi ut faciunt,
qui νευροσπάται vocantur: uno attracto funiculo
efficiunt, ut imaguncularum sive cervix sive ma-
nus sive humerus sive oculus sive omnia simul mem-
bra cum decori specie quadam moveantur. Οὐ-
τως οὖν καὶ ἡ θεία Φύσις ἀπὸ τινος ἀπλῆς κινήσεως
τοῦ*

τοῦ πρώτου, τὴν δύναμιν εἰς τὰ συνεχῆ δίδωσι καὶ ἀπ' ἐκείνων πάλιν εἰς τὰ ποβωτέρω, μέχρις ἂν διὰ τοῦ παντὸς διεξέλθῃ. Hoc igitur modo natura divina ab uno eodemque simplici motu primo vim suam immittit in ea, quae sunt primo continentia, ab illisque subinde in ea quae longius atque longius absunt, quoad permeaverit per universa. Quippe aliterum ab alio motum, rursus ipsum quoque aliud movet: quum unumquodque interim agat convenienter conditioni suae, nec tamen eadem sit via omnibus, sed diversa, nonnullis etiam contraria: tametsi primus motionis veluti impulsus unus fuerit: veluti si quis ex eodem vase simul jaciatur globum, cubum, conum et cylindrum: nempe unumquodque eorum accommodata suae formae movebitur. Eadem ratio in mundo est: siquidem ab una coeli universi conversione, quae nocte dieque absolvitur, diversi omnium cursus fiunt. Ad mechanicas haec pertinent naturae leges explicandas; facile autem hinc, ut recentiorum nos docuit metaphysicorum exemplum, *machinae* similem rerum universitatem fingamus, cujus motrix causa Deus sit. Veruntamen non ita dure, ut illi, magnificae hujus descriptionis auctor: pulcerrime is, sicuti antiquitus Pythagorei, mundum *choro*, *choro* rego Deum comparavit. Quemadmodum in *choro*, ut inchoavit coryphaeus, accinit continuo omnis virorum mulierumve chorus, diversi sonis, gravibus et acutis, unam rite temperatam harmoniam miscentium, οὕτως ἔχει καὶ ἐπὶ τοῦ τὰ ἀστρο-

ταυ

παν διέκοντας θεοῦ· κατὰ γὰρ τὸ ἔκθετον ἰδόμενος
 ὑπὸ τοῦ Φερωνύμου ἀν πορυφαίου προεγορευθέντος,
 κινεῖται μὲν σὰ ἄστρα ἀεὶ καὶ ὁ σύμπας οὐρανός· eadem
 Dei ratio est in regenda moderandaque universi-
 tate: et sidera enim semper et totum ipsum coelum
 eos ad numeros moventur, quos Deus sursum au-
 spicando praecinendoque emodulatur, quem a si-
 militudine sane congrua coriphaeum mundi
 recte appellaveris. Tum vim divinam in mundo
 regendo auctoritatemque imperatoris comparatione
 exprimit. Namque statim ut classicum exaudiri
 in exercitu coeptum est, alios videas scuta sibi
 aptantes, loriceam alios induentes, alios ocreas vel
 galeam sumere, vel balteo se cingere festinantes:
 rursus videas qui frenatos equos admittant, alios
 qui currus conscendant, illos item qui tesseram
 per explicatam aciem prodant: tum manipuli duc-
 tor ad manipulum, centurio excurrit ad centu-
 riam: postremo equites ad cornu, velites ad sta-
 tionem quisque suam festinant: cum interim sub
 uno ductore omnia moveantur, qui imperio et ip-
 se significanda accepit ab eo, penes quem sum-
 ma est imperii: οὕτω γὰρ καὶ περὶ σύμπαντας
 φρονεῖν· ὑπὸ γὰρ μιᾶς βολῆς ὁρτυρομένων ἀπάντων,
 γίγνεται τὰ εὐεχέα. Eodem nos, modo censere de
 universo decet: quum enim ab una vi impulsio-
 cieantur omnia, fit utique quod cuique commodum
 est et conveniens, (1)

Su-

(1) Arist. de Mundo c. 6. p. 15. De libelli auctori-

te

Sublimia haec esse et magnifica de Dei naturâ effata, quis negaverit? Nec vero erit, qui indigna eadem esse Platonicae philosophiae sublimitate putet. Sint forte adeo, qui hisce illustrari illa existimant, quae de *boni idea* Plato disse-ruit. Nam hanc ille ideam et rerum quarumque optimarum causam esse dixit, et soli adeo comparavit. Verum alias Platonem intellexisse, quam antea Anaxagoram, postea Aristotelem, causas, jam demonstravimus superiore disputatione, et vero *ideam* vocare proprie sic dictam causam, absurdum est. Nemo facile gravissimae huic disquisitioni criticam adhibuerit, quin, consentaneae esse effata illa de Deo metaphysicae Aristotelicae, a Platonis vero de *idea boni* doctrinâ abhorre viderit. Anaxagoram in illis magis, quam Socratem aut Platonem agnoscimus: et vel fallor equidem, vel, si non sublimior etiam illis placitis Platonis doctrina est, hominî haec certe, ut ad divinam escendat perfectionem, aptior multo est atque efficacior.

Non

te variae omni aeo fuerunt eruditorum sententiae, quas recensuit Fabric. *Bibl. Gr.* L. III. c. 6. p. 127. Hic quidem germanum Aristotelis scriptum esse contendit; negarunt vero principes Critici, Muretus, Scaliger, Casaubonus, Salmasius, Vossius alii. Sane et ratio libelli et oratio seriores aetatem refert. Miscuit fere auctor cum Aristotelis metaphysicâ Platonis placita. Est autem praetantissimum antiquitatis monumentum. Lipsius *aureum libellum* vocat, de *Constantia* I. 18. V. Meiners de vero Deo p. 454.

*Non Deus est apud Platonem
idea boni, sed ad hanc ideam Deus
mundum formavit.*

De divinâ naturâ nondum nobis inquirendum est. Nisi de *justo* praecipueque de *sapientia* diligentius egerimus, argumentum hoc, omnium argumentorum summum et gravissimum, non licebit tractare. Sed detulit nos illuc Platonis haec de boni ideâ doctrina, quippe quae, ut ex ipsius *Timaeo* patet, quam proxime est cum rebus divinis conjuncta. Deum enim illic ad hanc ipsam ideam mundum formantem proposuit. Quod cujusmodi sit, princeps nobis dialogi persona, *Timaeus*, demonstrabit.

Primum ille, de tantâ scilicet re dicturus, Deorum opem implorat. Nam Plato, qua simplicitate et verecundiâ in *Politia* de boni ideâ Socratem, eâdem et majore etiam in hoc dialogo *Timaeum* de Deo dicentem induxit. „ Omnes, ait, o Socrates, quotquot quoque tandem modo modestiae participes sunt, in omni suscipiendo et parvo et magno negotio, Deum invocant semper: nos autem, de universitate, genita sit nec ne, verba facturos, Deos oportet et Deas invocantes precari omnes, ut ipsis e sententia maxime, nobis autem congruenter convenienterque dicamus. ” (1) Tum sic ingreditur disputationem, duc-

(1) *Timaeo*. 27. C.

ducto initio a rerum intelligibilibus et adspectabilium discrimine. „ Principio igitur sic mihi distinguendum videtur. Τί τὸ ἐν μὲν αὖτε, γένεσθαι δὲ οὐκ ἔχον; καὶ τί τὸ γιγνόμενον μὲν, ὃν δὲ οὐδέποτε; τὸ μὲν δὴ νοήσῃ μετὰ λόγου περιληπτὸν, αὖτε καὶ κατὰ ταυτὰ ὅν· τὸ δ' αὖ δόξῃ μετ' αἰσθήσεως ἀλόγου, δοξαστὸν, γιγνόμενον καὶ ἀπολλύμενον. ἔντως δὲ οὐδέποτε ἔσθ'. *Quid est, quod semper sit neque ullum habeat ortum? quid illud, quod gignatur nec umquam sit? Alterum intelligentiā et ratione comprehenditur, quod unum semper et idem est: alterum, quod affert opinionem per sensus rationis expertes, totum opinabile est, et gignitur et interit nec umquam esse vere potest* (1). Omne autem quod gignitur, ex aliqua causa gigni necesse est: nullius enim rei, causa remota, reperiri origo potest. Quocirca si is, qui aliquid munus efficere molitur, eam speciem, quam semper est eadem, intuebitur atque eam sibi proponet exemplar, praeclarum opus efficiat necesse est; sin autem illam, quae gignitur, numquam illam, quam expetet, pulcritudinem consequetur. Omne igitur coelum sive mundus sive quovis alio vocabulo gaudet, hoc a nobis nuncupatus sit. De quo id primum consideremus, quod principio est in omni quaestione considerandum, semperne fuerit, nullo generatus ortu, an ortus sit
ab

(1) Recti ita corruptam Ciceronis versionem emendat Lambinus et Schützius videntur.

ab aliquo temporis principatu. Ortus est: quandoquidem cernitur et tangitur et est undique corporatus. Omnia autem talia sensum movent: sensusque moventia quae sunt, eadem in opinione considunt, quae ortum habere gignique diximus, nihil autem gigni posse sine caussa. Atque illum quidem quasi parentem hujus universitatis invenire, difficile: et, cum jam inveneris, indicare in vulgus, nefas. Τόδε δ' αὖ πάλιν ἐπισκεπτέον περὶ αὐτοῦ, πρὸς πότερον τῶν παραδειγμάτων ὁ τεκταίνόμενος αὐτὸν ἀπειργάζετο, πότερον πρὸς τὸ κατὰ ταυτὰ καὶ ὡσαύτως ἔχον, ἢ πρὸς τὸ γεγονός. *Rursus igitur videndum, ille fabricator tanti operis utrum sit imitatus exemplar, idne, quod semper unum et idem et sui simile, an id, quod generatum ortumque dicimus.* Atqui si pulcer est hic mundus, si probus (1) ejus artifex, profecto speciem aeternitatis imitari maluit, sin secus, quod ne dictu quidem fas est, generatum exemplum est pro aeterno secutus. Non igitur dubium, quin aeternitatem maluerit exsequi, quandoquidem neque mundo quidquam pulcrius neque ejus aedificatore praestantius. Sic ergo generatus, ad id est effectus, quod ratione sapientiaque comprehenditur atque immutabili aeternitate continetur. Τούτων δὲ ὑπαρχόντων αὖ, καὶ πᾶσα ἀναγ-

μή

(1) Apud Plat. ἀγαθός ac paulo post ὁ δ' ἄριστος τῶν αἰνίων. Quod moneo, ut, expressisse auctorem τὸ καλὸν τε καὶ ἀγαθόν, animadvertamus.

κὴ τόνδε τὸν κόσμον εἰκόνα τινὸς εἶναι. *Ex qua efficitur, ut sit necesse, hunc, quem cernimus, mundum, simulacrum aeternum esse alicujus aeterni.* Difficillimum autem est in omni conquisitione rationis, exordium. De iis igitur, quae diximus, haec sit prima distinctio. Omni orationi cum iis rebus, de quibus explicandum est, videtur esse cognatio. Itaque cum de re stabili et immutabili disputatur, oratio talis sit, qualis sit illa, quae neque redargui neque convinci possit. Cum autem ingressa est imitata et efficta simulacra, bene agi putet, si similitudinem veri consequatur: ὅ, τι γὰρ πρὸς γένεσιν οὐσία, τοῦτο πρὸς πλείν ἀληθές· *quantum enim ad id, quod ortum est, aeternitas valet, tantum ad fidem veritas.* Quocirca si forte de Deorum naturā, ortuque mundi disserentea, minus id, quod habemus animo, consequimur, ut tota dilucide et plane exornata oratio sibi constet et ex omni parte secum ipsa consentiat, haud sane erit mirum: contentique esse debebitis, si probabilia dicentur. Aequum est enim meminisse, et me qui disseram hominem esse, et vos qui judicetis: ut, si probabilia dicentur, nil ultra requiratis (1). Hic Socrates, optime, inquit, o Timae: prorsusque nos ita, ut jubes, agendum putamus: exordium hoc orationis mirifice probavimus, ipsam autem orationem nunc porro persequere. Tum per-

(1) *Tim.* 27. D. — 29. D.

pergit Timaeus: quaeramus igitur causam, inquit, quae eum impulerit, qui haec machinatus sit, ut originem rerum et molitionem novam quaereret. Ἀγαθὸς ἦν, ἀγαθῷ δὲ οὐδεὶς περὶ οὐδενος οὐδέποτε ἐγγίγνεται φθόνος· τούτου δ' ἐκτὸς ὦν, πάντα ὅτι μάλιστα ἐβουλήθη γενέσθαι παραπλήσια αὐτῷ. Bonus erat ille: bonus autem invidet nemini. Itaque omnia sibi similia generavit (1). Haec nimirum gignendi mundi causa justissima; βουληθεὶς γὰρ ὁ θεὸς ἀγαθὰ μὲν πάντα, φλαύρον δὲ μηδὲν εἶναι κατὰ δύναμιν, οὕτω πᾶν ὅσον ἦν ὁρατὸν παραλαβὼν, οὐχ ἡσυχίαν ἄγον, ἀλλὰ κινούμενον πλημμελῶς καὶ ἀτάκτως, εἰς τάξιν αὐτὸ ἤγαγεν ἐκ τῆς ἀταξίας, ἡγησάμενος ἐκείνο τούτου πάντως ἄμεινον θέμις δὲ οὐτ' ἦν οὐτ' ἔστι τῷ ἀρίστῳ ὄρεῖν ἄλλο πλὴν τὸ κάλλιστον. Nam cum constituisset Deus bonis omnibus explere mundum, mali nihil admiscere, quoad natura pateretur: quidquid erat, quod in cernendi sensum caderet, id sibi assumisit, non tranquillum et quietum, sed immoderate agitatam et fluctuans, idque ex inordinato in ordinem adduxit: hoc enim judicabat esse melius; fas autem nec est nec unquam fuit, quidquam nisi pulcerrimum facere cum, qui esset optimus. Cum rationem igitur habuisset, reperiebat nihil esse eorum, quae naturā cernerentur, non intel-

ligens.

(1) Hic discedere nos a Ciceronis versione ipsa ratio philosophiae Plat. jussit. Sic ille: Probitate videlicet praestabat: probus autem invidet nemini. Atqui Plato in his omnibus pulcri, imprimisque boni ideam spectavit.

lignens, intelligente, in toto genere, *melius*; intelligentiam autem ulli rei adjunctam esse, sine animo, nefas esse. Quocirca intelligentiam in animo, animum conclusit in corpore. Sic ratus est opus illud effectum esse ὅτι κάλλιστον κατὰ φύσιν ἄριστόν τε, *pulcherrimum* naturā et *optimum* (1).

Quatenus haec Pythagoreis Plato ipsique Timaeo debuerit, tum explorabimus, ubi acturi de divīnā naturā sumus. Hic de ideis ac de mundo νοητῷ agimus. Efficimus autem e sublimi hac Timaei oratione, distingui a Platone Deum cum a boni, quam celebravit, ideā, tum vero ab ipsa materiā. Non procreat apud eum Deus, sed fingit, informat, componit mundum, ductā ab artifice, proprieque a figulo imagine, qui materiem, quae adest, sed informi est specie, arte fingit et excolit: facit hoc autem ad perfecti speciem, quam menti habet propositam. Similiter pictor apud Platonem pulcrum, quod mente intuetur, imitando exprimere in tabulā dicitur: unde pulcherrima illa, quam supra attendimus, legislatoris descriptio, qui, pictoris instar, id intuens constanter, quod vetissime bonum justumque est, ad hujus perfectam speciem et leges condit et res civitatis ordinat (2). Sic Deum fingit Plato ad divinum pulcri, bonique exemplar materiem, quae in perpetuo motu esset, ordinasse, ut pul-

cer-

(1) *Tim.* c. 9. D. — 50. B. (2) V, supra p. 50. 51. 52. 53.

ecceimus inde optimusque, quem nunc admiramur, mundus exortus sit. Quibus perspectis, quis Deus esse apud Platonem boni ideam arbitrabitur, aut ipsum Platonem in metaphysicis censebit philosophis? Platonicae de ideis doctrinae et metaphysicae Aristoteleae hinc potissimum discrimen intelligitur. Nam ita se profecto res habet. Posteaquam scriptis omnibus Plato ideas celebraverat, scribendo hoc tandem primario dialogo, doctrinam ille suam illustri, imo divino, ipso Dei exemplo illustravit. De bono non minus Aristoteles et metaphysici, quam Plato, ut vidimus, quaesiverunt (1). Sed hi ad inveniendum illud et declarandum moverunt multum, promoverunt parum; Plato simpliciter *ideam* esse pronunciat, perfecti speciem, *τύπον* quendam, cujus omnia, quae nobis bona apparent, participia sint. Metaphysici, quod de sophistis pronunciat Plato, in obscuro latuerunt (2); Plato vero, quod nobis licet de ipso pronunciare, et ipse in lucem prodiiit et hominem protraxit, praecipiens mortalibus, ut in mundum *νοῦρον* prodirent atque ad perfectam idearum imprimisque *boni* speciem agerent viverentque; Deum autem homini exemplum, quod imitaretur in hisce, proponit. Sed de mundo *νοῦρον* praesertim diversam Platónis et Aristotelis philosophandi rationem hinc perspicimus. Aristoteles,

(1) Arist. *Metaph.* I. 1. p. 5. (2) *Sophist.* 234. A. Cf. Vol. II. P. II. p. 138.

les, ut item vidimus, mundum adspectabilem in νοητὸν traducebat (1), unde universi species efflata est machinae cujusdam ingentis instar: ut patet ex iisdem illis de Deo effatis et ex tota recentiorum metaphysicorum, a Cartesio inde, de universo doctrinâ. Plato contra νοητὸν mundum in adspectabilem adhibuit: id autem in primis hac ipsius Dei imagine illustravit. Nam Deum finxit rudem indigestamque materiem i. e. res sensibus patentes, quae fluerant nulloque ordine moverentur, ad idearum speciem, quae in mundo νοητῷ lucent, fingentem, componentem, ordinantem.

*Platonicae de ideis doctrinae
sublimitas. Altiusne Plato, quam
hominem decebat, evolavit?*

Talis autem cum Platonicae doctrinae ratio sit, quid dicamus de illâ tandem? Altiusne Plato, quam hominem, quam philosophum decebat, evolavit? de Aristotele id affirmare et metaphysicis recentioribus non dubitaverim equidem. Divina res, non humana est caussarum, quam spectarunt, scientia. Mechanicae convenit nostrae, indeque ad mechanicas mundi leges transfertur recte; sed, quod illi contendendum philosopho esse statuunt, ut, caussis rerum omnium et principiis exploratis inventisque, res nobis omnes divinas huma-

(1) V. suprà p. 79.

nasque explicarent, id scilicet humanae cognitionis fines longe longeque superat. Tam alte non evolasse Platonem, e totâ hac nostrâ disquisitione patet. Non, quin contenderit subinde illuc: id effici ex ipso hoc *Timaeo* multis locis potest; sed de philosophiâ viri, de ipsâ ejus philosophandi ratione agimus: est autem haec Socraticae plane cum simplicitatis, tum modestiae plena. In semet ipsum redire philosophum jubet, ut studiis suis pulcri, boni, justî, sancti exploratis diligenter, convertat ea ad perfecta horum exemplaria: sic autem cum perficiat sese, tum ad divinae naturae perfectionem accedat. Simplicitissima haec sane praecepta sunt: idem enim nos sponte nostrâ et nobis et aliis praecipimus: conveniunt autem illis prorsus, quae de divinâ naturâ disseruit. Non eam, tamquam causam rerum omnium, describens, ipse per hanc causam, qui metaphysicorum mos est, procreat et moderatur omnia. Materiem assumit, quae unde extiterit, non quaerit; sed Deum nobis eam sic formantem ad boni ideam proponit, ut nobismet ipsis in eo extet, quod ad recte agendum imitemur, exemplum perfectum. Quod autem *sublimitatem* attinet Platonicae doctrinae, ad hanc percipiendam plene, effatum Platonis de mundo, quod inductum est, consideremus praesertim: *esse hunc mundum adspectabilem intelligibilis Dei imaginem*. Nam elegans sane est celebratissimus ille Socratis apud Xenophontem de Diis sermo, quo Deos

esse

esse et providentiam divinam, ex his, quae in rerum naturâ cernimus, per inductionem efficit (1): unde profecit Aristoteles praeclaro loco, quem nobis e deperdito opere servavit Cicero. *Praeclare Aristoteles, si essent, inquit, qui sub terrâ semper habitavissent bonis et illustribus domiciliis, quae essent ornata signis atque picturis, instructaque rebus his omnibus, quibus abundant hi qui beati putantur, nec tamen exissent unquam supra terram: accepissent autem famâ et auditione, esse quoddam numen et vim Deorum: deinde aliquo tempore, patefactis terrae faucibus, ex illis abditis sedibus evadere in haec loca, quae nos incolimus atque exire potuissent: cum repente terram et maria coelumque vidissent, nubium magnitudinem ventorumque vim cognovissent; adspexissentque solem, ejusque tum magnitudinem pulcritudinemque, tum etiam efficientiam cognovissent, quod is diem efficeret, toto coelo luce diffusâ: cum autem terras nox opacasset, tum coelum totum cernerent astris distinctum et ornatum, lunaeque luminum varietatem tum crescentis, tum senescentis, eorumque omnium ortus et occasus atque in omni aeternitate ratos immutabilesque cursus, haec cum viderent, profecto et esse Deos et haec tanta opera Deorum esse arbitrantur (2).* Praeclare pro-

(1) Xenoph. Memor. I. C. (2) Cic. de Nat. Deor. II. 37. ubi V. Davis.

profecto Aristoteles, nec quempiam facile haec te-
gentem fugiat, ductum in his colorem esse a
speluncae imagine, qua mundum adspectabilem et
intelligibilem expressit Plato. Solis pariter et
pulcritudo et vero *efficientia*, quod is diem efficiat,
toto coelo luce diffusâ, celebratur (1). Ex his
autem comparando efficere Platonicae doctrinae sub-
limitatem licet. Aristoteles atque ante eum So-
crates et Socratici e pulcritudine mundi Deos
esse probarunt (2); sed Plato, altius etiam illis
escendens, unde illa pulcritudo exstiterit, hac de
ideis doctrinâ demonstravit. Nam, cum Deum
nobis proponeret ad aeternum boni exemplar re-
rum universitatem fingentem informantemque,
quidni nos inde concludamus, *εἰκόνα*, imo *ἔγχαλ-
μα* Dei mundum hunc esse (3)? Quo profecto
nil dici sublimius magnificentiusque potest. Ex-
plicatur autem simul inde et sermo ille Socratis
elegantissimus et praeclara haec Aristotelis sen-
tentia. Nam propterea, quod Deum refert mun-
dus hicce, ut opus quodlibet arte confectum et
auctorem solet, et, quod is intuitus est exem-
plar perfectum, referre, hanc ipsam propter caus-
sam dicemus, mortalibus licere, e mundi specie,
qualis Deus sit, sive existimare sive augurari.
Quid?

(1) Cf. Plato de Rep. VII. 516. B. et supra p. 15.

(2) Unde Ciceronis sententia de Divin. II. c. 72.

(3) V. praeclara Ruhnkenii de hoc effato animadvertens
ad Tim. v. ἔγχαλμα.

Quid? quod ipsius Platonis hinc intelligitur plane de vero assequendo sententia? Nam haec cum ita sint, e spectabili mundo nobis, quippe *Del imagine*, conjecturam capere ad percipiendum intelligibilem conceditur, cernimusque in sole hocce nostro illam ideam, quae illic illustrat alitque omnia, ipsum *bonum*.

*Ad erudiendum perficiendumque
hominem tota haec composita est doctrina
Platonis.*

Quo accuratius a metaphysicâ Aristotelis Platonis philosophiam distinguimus, eo sublimior haec videtur nobis; sed eo magis ejusdem perspicimus ad vitae usum, ad hominem erudiendum et perficiendum vim et opportunitatem. Aristoteles in tradendâ *primâ* illâ, quam appellabat, *philosophiâ* utilitatis docebat nullam esse rationem habendam. Inde adeo philosophiae hujus praestantiam ducebat, quod, cum caeterae doctrinae ad vitae usum referrentur, haec una sua ipsius causâ tractaretur. Itaque theoretica erat plane, imo sapientibus, qui culmen sapientiae attigissent, indeque, Dei instar, universum mundum resque omnes divinas et humanas contemplarentur, conveniebat; philosophis vero, qui contenderent ad sapientiam, non conveniebat. Plato contra, Socraticâ usus cum prudentiâ tum veracundâ, vitae usum in philosophando praecipuit,

optimamque erudiendi perficiendique hominis rationem spectavit; huic autem unice proposito explenda idearum doctrinam adhibuit. Nam eo haec pertinet, ut semper homo ad sapientiam progrediatur, numquam sibi summe sapiens videatur. Ideae enim apud eum perfecta exempla sunt, quae imitemur agendo, non assequamur: *τύποι* sunt, quos exprimamus agendo vivendoque, non aequemus vel superemus: id si fieret, esse illae sive ideae sive *τύποι* desinerent. Et vero homines nos sumus, infinitumque interval- lum est, quo a rebus divinis humanae, ab in- telligibilibus spectabiles separantur. Quamobrem Deus a Platone, tametsi et ipse *νοητός* et in *νοητῷ* loco versatus, *τὴν ὕλην*, spectabilem mundum non perfectum, non optimum ut nihil adesset mali, sed quatenus ὕλη ferret, pulcherrimum optimum- que effinxit (1). Itaque in uno Deo perfectio summa est: licetque homini ad illam in infinitum procedere, attingere eam licebit nunquam. Si qua unquam a philosopho excogitata ratio est, qua optime et erudiretur homo et ad veritatem addu- ceretur, philosophia est Platonis et haec praecipue in ea de ideis doctrina. Ad sempiternam illam progressionem tota spectat, quam ex ipsius scrip- tis exposuimus, de artium disciplinarumque stu- diis disquisitio. Per artes nos ille ad pulcrum, per

(1) Βουλευθεὶς γὰρ ὁ θεὸς ἀγαθὰ μὲν πάντα, φλαυρὸν δὲ μηδὲν εἶναι κατὰ δύναμιν. *Tim.* 50. A.

per disciplinas ad veritatem, ad illud, quod ipsum per se vereque et pulcrum et bonum et iustum sanctumque est, duxit, ut ad horum exempla perfecta quidquid cogitamus, quidquid agimus, quidquid perficimus, informaremus. In hoc ipso ad veritatem itinere non ad sapientiae nos fastigium, ut Aristoteles, extemplo evexit: gradus distinxit progressionis, ut ab *εἰκασίῃ* ad *πίστιν*, hinc ad *διάνοιαν*, tum ad *νόησιν* procederemus, et sic quidem sensim placideque ad veri, *αὐτοῦ τοῦ ὄντος* scientiam, escenderemus; pervenientibus autem nobis ad summum eorum, ad *νόησιν*, non mundum nobis omniumque rerum causas contemplandas perspicendasque dedit, sed ideas proposuit, quibus contemplandis vere de rebus pulcris bonisque existimaremus, nosque ipsi pulcre beneque et juste vivere et agere disceremus. Sapienti, divinā fruendi contemplandi voluptate, otioso esse licet: ast Plato philosophum, qui non esset sapiens, sed ad sapientiam tenderet, indesinenter iussit ad perfecta exempla et semet ipsum et res suas et vero generis humani negotia gravissima perficere: Deum adeo ipsum mortalium generi, quamvis perfectum, quamvis omnis perfectionis exemplar summum, non otiose contemplantem ipsum mundum, sed agentem pariter in mundo hoc cum formando, tum moderando, spectandum imitandumque exhibuit.

Quid

*Quid caussae esse dicamus,
cur fere haec Platonis de ideis doctrina
multorum in reprehensionem
incurrerit?*

Considerantibus nobis hanc doctrinae illius cum sublimitatem, tum ad res perficiendas humanas viam atque opportunitatem, mirum accidat necesse est, rejecisse eam Aristotelem, omnique deinceps aetate plures fuisse philosophos, qui hujus doctrinam, quam qui Platonis sequerentur. Sed hoc quidem explicandum forte e levitate generis nostri est, altius fere evolare, quam ipsius natura fert, gestientis; illud vero magis etiam mirandum et vix explicari posse videatur, inanum somniorum plenam habitam fuisse fere Platonis philosophiam, Platonis, inquam, cujus omne studium unice ad falsa et inania a veris certisque distinguenda pertinuit. Sic autem judicari vulgo de philosophorum principe, quis est, qui ignoret? Nil enim exagitari crebrius ab omni hominum genere audimus, quam fictiones Platonicas, Platonicas respublicas, vana Platonis de perfectis hominibus, legibus, civitatibus, mundis commenta. Repetendus hominum error est a sequioris aevi Platonis, qui vel placita obtruserunt Platoni ab ipsius philosophia aliena, vel ipsius placita interpretati perverse sunt. Quodsi de his ipsis quaerimus, quid caussae videatur esse, ut a via Platonis aberraverint, Plato ipse eorum caeterorum

rumque erroribus opportunitatem praebuisse dicendus est. Nam primum *poësin* refert, ut ab initio inde identidem animadvertimus, philosophia Platonis. Id vulgaribus philosophis, quorum industria omnisque philosophia ratiocinando, probando, demonstrando concludendoque procederet unice, ansam dedit, ut poëtarum fictionibus placita Platonis annumerarent, et, qua contumaciâ in poëtas, eâdem in Platonem despicerent (1). Porro iisdem subinde vocibus Plato, qui poëtarum mos est, res diversas significavit. *Ἔδος* et *Ἰδέα*, quae distinguit nonnunquam, fere promiscue usurpat (2): *παράδειγματα* similiter, quae qualia sint e Timaeo intelleximus, de ideis accipit item (3). Hinc, inprimisque ipsâ philosophandi sublimitate factum, ut multi Platonem et perperam interpretarentur, et vix possent assequi. Cujus rei exempla afferri innumera possint, nos unum e Senecae epistolis afferamus, quod idem nobis admonitionis vim habebit, ne similiter erremus. Agit cum amico auctor de verborum generibus Graecorum, quae non ita facile Latine vertuntur. *Tertium genus est eorum, quae proprie sunt: innumerabilia haec sunt, sed extra nostrum*
po-

(1) *In ihm sprach sich der poetische Character der Griechen philosophisch aus.* Sic paucis verbis Heerenus non totam, ut solet, exprimit. *Ideen* III. 1. p. 451.

(2) V. Wyttenb. ad *Phaedon*. p. 270. 274. 275. (3) *Theaet.* 176. E. Cf. supra p. 35.

posita conspectum. Quae sunt, interrogas? propria Platonis supellex est. Ideas vocat, ex quibus omnia, quaecunque videmus, fiunt, et ad quas cuncta formantur. Hae immortales, immutabiles, inviolabiles sunt. Quid sit idea, id est, quid Platoni esse videatur, audi. Idea est eorum, quae naturam fiunt, exemplar aeternum. Adjiciam definitioni interpretationem, quo tibi res apertior fiat. Volo imaginem tuam facere: exemplar picturae te habeo ex quo capis aliquem habitum mens, quem operi suo imponat. Ita illa quae me docet et instruit facies, a qua petitur imitatio, idea est. Talia ergo exemplaria infinita habet natura rerum, hominum, piscium, arborum: ad quae, quodcunque fieri ab illa debet, exprimitur. Quartum locum habet εἶδος. Quid sit hoc εἶδος, attendas oportet: et Platoni imputes, non mihi, hanc rerum difficultatem: nulla est autem sine difficultate subtilitas. Paulo ante pictoris imagine utebar. Ille quum reddere Virgilium coloribus vellet, ipsum intuebatur: idea erat Virgilii facies futuri operis exemplar: ex hac quod artifex trahit et operi suo imposuit, εἶδος est. Quid intersit, quaeris? Alium exemplar est, alterum forma ab exemplari sumpta et operi imposita. Alteram artifex imitatur, alteram facit. Habet aliquam faciem exemplar ipsum, quod intuens opifex statuam figuravit: haec idea est. Etiam nunc aliam desideras distinctionem? Idos in opere est: idea extra opus; nec tantum extra opus est, sed ante opus.

opus. (1) Acute quidem Seneca ἰδέειν et εἶδος distinguunt, sed nullam habet παραδείγματος rationem, quippe quod cum *idea* confundit. Plato, ubi ideas respiciens de pictoribus vel artificibus agit, excellentes intelligit, qui nova omnia fingerent ingenio, non eos, quotquot rem vel hominem, uti sunt, imitarentur unice et exprimerent. Respicit ideas ipsas, quas recte Seneca *immortales, inmutabiles, inviolabiles* appellat: παραδείγματα respicit, eaque talium artificum ingenio tribuit, ad quorum speciem perfectam manum dirigant. Quam philosophi sublimitatem non assequeretur Seneca, quum *vultum* hominis *ideam* vocaret, imo hunc ipsum vultum pictori esse *παραδειγμα*, quod imitaretur, diceret, divini vero Platonici παραδείγματος ullam vix duceret rationem. Propius ad Platonis sublimitatem Cicero accessit, quum Zeuxidis artem in libris *de Inventione* admirabili elegantia exprimeret. *Crotoniatae quondam, quum florent omnibus copiis, et in Italia cum primis beati numerarentur, templum Junonis, quod religiosissime colebant, egregiis picturis locupletare voluerunt. Itaque Heracleotem Zeuxin, qui tum longe caeteris excellere pictoribus existimabatur, magno pretio conductum adhibuerunt. Is et caeteras complures tabulas pinxit, quarum nonnulla pars usque ad nostram memoriam propter fanam religionem remansit, et, ut excellentem muliebris formae*

(1) Seneca Epist. 58. §. 15-18.

formae pulcritudinem muta in sese imago contineret, Helenae se pingere simulacrum velle dixit, quod Crotoniatae, qui cum muliebri in corpore pingendo plurimum aliis praestare saepe accepissent, libenter audierunt. Putaverunt enim, si, quo in genere plurimum posset, in eo magnopere elaborasset, egregium sibi opus illo in fano relicturum. Neque tum eos opinio fefellit. Nam Zeuxis ilico quaesivit ab iis, quasnam virgines formosas haberent. Illi autem statim hominem deduxerunt in palaestram, atque ei pueros ostenderunt multos, magnâ praeditos dignitate. Etenim quodam tempore Cronotiatae multum omnibus corporum viribus et dignitatibus antestiterunt, atque honestissimas ex gymnico certamine victorias domum cum maxima laude retulerunt. Quum puerorum igitur corpora et formas magno hic opere miraretur, horum, inquit illi, sorores sunt apud nos virgines. Quare, qua sint illae dignitate, potes ex his suspicari. Praebete igitur mihi, quaeso, inquit, ex istis virginibus formosissimas, dum pingo id, quod pollicitus sum vobis, ut mutum in simulacrum ex animali exemplo veritas transferatur. Tum Cronotiatae, publico de consilio, virgines unum in locum conduxerunt, et pictori quas vellet eligendi potestatem dederunt. Ille autem quinque delegit: quarum nomina multi poëtae memoriae tradiderunt, quod ejus essent judicio probatae, qui verissimum pulcritudinis habere judicium debuisset. Neque enim putavit, omnia, quae quae-

ra.

reret ad venustatem, uno in corpore se reperire posse: ideo quod nihil simplici in genere, omnibus ex partibus perfectum natura expolivit. Itaque tamquam caeteris non sit habitura quod largiatur, si uni cuncta concesserit, aliud alii commodi, aliquo adjuncto incommodo, muneratur. (1) Praeclare ille et elegantissime: quamquam *πρᾶξις* Platonis, quod ipsi tribuendum ingenio artificis est, in venustissima descriptione desideramus. Tum demum idem Cicero Platoniam sublimitatem, ut supra vidimus, expressit plene, quum ipse postea perfectam Oratoris speciem, *qualis nunquam fuisset*, pictoris aut statuarii instar informaturus erat. Tum de Phidia usurpavit illud: *non contemplabatur artifex ille, e quo similitudinem duceret, sed ipsius in mente insidebat species pulchritudinis eximia quaedam, quam intuens, in eaque defixus, ad illius similitudinem artem et manum dirigebat.* (2) Ingenio plane opus erat, quale Ciceronis fuit, ad recte percipiendam Platonis de ideis sententiam: quod eo fuit omni tempore difficilius, quo sublimior haec est, quoque frequenter Plato ipse hisdem vocibus alia longeque diversa significavit: itaque nec recte intellecta ab omnibus ejus sententia est et multis displicuit.

Sed praeterea in ipsis subinde philosophi scriptis loca de ideis occurrunt, quae, nisi ex ipsa auctoris mente explicentur, inepta, ne dicam absurd-

(1) Cic. de Invent. II. 1.

(2) Cic. Orat. c. 2.

surda continere videantur. In quibus ille praesertim locus censendus est, quem supra memoravimus, ubi lectus et mensa *ideae* dicuntur, *quarum Deus sit auctor*. (1) Ineptum id, fateor, sit, et vero ipsi Platonis doctrinae repugnēt, si quidem sic accipiatur, ut his verbis enunciatur illic, non ex universae sententiae ratione, apteque *idea* a *παράδειγματι* distinctā, declaretur. *Παράδειγματι* scilicet eo loco spectavit Plato, quae nos vocare *ideal*ia solemus, non *ideas* proprie sic dictas. De pictoribus sermo est, qui, quantum a veritate absint, hinc docetur, quod rem a fabris factam, veluti lectum vel mensam, imitantur, fabri autem in his fabricandis divinum mensae ac lecti exemplum respexerunt: unde tertio illos loco a veritate abesse efficitur. Et sic quidem nobis sententiam illius loco interpretantibus, minus illa inepta vel absurda videtur; sed instant isti. Sive *idearum* illic, inquit, sive *παράδειγμάτων* sive *idealium* mentio fit, rerum istarum auctor Deus dicitur: quo nil est absurdus. Cérminus, quam facile ipse nos Plato, nisi philosophiam ejus et interius perspexerimus et e poëtica dicendi ratione explicuerimus, in errorem possit ducere. Nam facere *ideas*, ineptum est: quod ipse ait eodem loco: οὐ γὰρ που τὴν γε ἰδέαν αὐτὴν δημιουργεῖ οὐδὲ τῶν δημιουργῶν (2). *Ideal*ia etiam facere, minus apte dicatur. Ille vero Deum dixit, quum con-

de-

(1) *De Rep.* X. 596. Cf. *supra* p. 27. (2) *De Rep.* X. 596, B.

deret mundum, mundi cujusdam perfecti *παράδειγμα* menti habuisse propositum, ad cujus formam effingeret omnia. Id similiter nos de humanis fabris et artificibus usurpamus: usurpavit de Phidīa Cicero; nec tamen quisquam artificem *facere* ideas vel idealia dixerit. Poëtice autem Plato divinum *παράδειγμα* continuisse omnia perfectā specie finxit, quae complexurus aliquando adspectabilis mundus foret. Verum enim vero non argutandum nobis de his est, ut item fecerunt alii, qui quaererent, ipsine Deo apud Platonem ideae vel formae rerum praestarent, quippe quas Deus intuitus fingitur. Quasi scilicet ideae vel formae rerum, quas concipit mens, non a mente distinguendae, sed separandae essent prorsus: aut quasi haec omnia essent ad dialecticae leges exigenda atque a dialecticorum captiunculis vindicanda.

Verum ut hae videntur caussae opportunitatesque fuisse, quibus accideret, ut multorum in reprehensionem doctrina de ideis Platonica incurreret, ita praecipuam omnium commemoremus tandem. Est illa non ab interpretum vitiis, sed ab ipsius Platonis sive audacia sive temeritate repetenda. Dei instar philosophus rerum humanarum perfectā *παράδειγματα* et mente concepit et nos jussit ad eorum perfectionem res nostras componere. Hoc, si quid aliud, audax negotium fuit et jure reprehendendum.

*Παραδείγματα apud Platonem
sive de idealibus.*

Nam habuit id Plato cum caeteris Socraticis commune, ut libenter scribendo veluti pingeret res hominesque perfecta specie. Socrates quid pulcrum, quid bonum, quid justum esset, quæsiverat maxime: quod item quaerentes discipuli viri, homines et sibi met ipsis et lectoribus repraesentare conati sunt, in quibus et inessent illa et apparent: quod in primis et utile erat et laudabile consilium. Quid enim nobis utilius atque ad virtutem honestatemque efficacius est, quam exempla habere, quae imitemur perfecta? Inde characterismi in Xenophontis operibus Proxeni, Cyri minoris, divina praecipue perfecti regis in ejusdem Cyropaedia effigies: deinde apud Platonem et Phaedrus ille *ὁ φιλόκαλος* et Theaetetus *ὁ φιλομαθής καὶ φύσει φιλόσοφος* et vero Socrates in ejus Phaedone *ὁ δίκαιος*. Imagines hae sunt juvenum *καλῶν τε καὶ ἀγαθῶν*, tum virorum excellentium perfectae: quibus Plato maxime fingendis ipsum pulcrum bonumque, tum justum exprimere studuit. Et vero Cicero, Socraticos illos principes imitatus, quippe qui esse haberi-que Socraticus et Platonicus voluit, pariter perfecti nobis oratoris effigiem repraesentavit scribendo. Optime profecto illi: nec reprehendendus in eo Plato est, quod, ut regem perfectum Xenophon, ita perfectos ipse reipublicae gubernatores

de-

descripserit: laudandum contra ejus propositum est vehementerque probandum, quum in descriptione illa optimae nobis institutionis normam, quae optimi in civitate custodes atque magistratus, imo veri informarentur philosophi, traderet, unde omnis aetas profecit mirabiliter. Sed non substitit hic Plato: non *hominum* solum exempla perfecta, sed *rerum* item effinxit: quod Deo tribuit, habuisse illum, cum mundum conderet, atque ordinaret, perfectum mundi *παράδειγμα* animo praesens, id, quasi ipsi contigisset, quasi similiter perfectae civitatis exemplar mente intueretur perfectum, ad ejus speciem condere rempublicam sustinet. Hoc autem humani excedit ingenii facultatem. Nam homines nobis licet ad idearum speciem perfectos fingere: perfectio scilicet illa, quae ingenii animique cultu cernitur, omnibus locis et temporibus convenit; sed res, sed leges, sed civitatum formae, sed ipsae civitates non omnibus locis temporibusque eadem, sed aliis aliae maximeque diversae conveniunt. Quae Atheniensibus erant aptae, non adhibendae Corinthiis, Lacedaemoniis, Thebanis, quae Graecorum congruebant indoli, non Romanis, non Germanicis gentibus adhibendae adaptandaeque erant. Quamobrem, ut hominis, ita reipublicae *παράδειγμα* perfectum vel ingenio concipere vel scribendo exprimere, magis negotium est, quam quod homo perficiat. Etenim forte in eo tentando recte quis procedat, ut, quae omnibus omnino civitatibus esse propria debent,

bent, sicuti v. c. boni justique stulti, iisque adaptata puerorum institutio, ac vita civium, haec igitur indicet: et sane pervenit eatenus Plato. Sed, quod item tentavit, ut civitatem ingenio talem fingeret, qualem omnes imitari civitates deceret unice, id nec perfecit nec homini perficiendum Deus concessit. Accidit autem ita, ut poëticis fabulis multi rempublicam illam Platonis accenserent, indeque conjecturâ ductâ, totam Platonis de ideis doctrinam contemnerent prorsus. Nobis vero, si recte interpretari doctrinam illam, indeque ad usum ipsi nostrum proficere velimus, a placitis quibusdam ac conatibus philosophi ipsa ejus philosophia diligenter distinguenda est: quod, age, in fine hujus de ideis disquisitionis illustri exemplo declaremus.

*Deus homini est, secundum
Platonicae hujus doctrinae rationem,
ipsius veritatis παράδειγμα.*

Aggressus scribendo Plato est, quae hominis facultatem superarent: qua in re idem, quod post eum Aristoteles, egit; verum Aristoteles eo, philosophiae ipse suae ratione, ducebatur; Platonis autem philosophia, quippe quae non sapientia, ut illius, sed φιλοσοφία i. e. *studium sapientiae* est, quamvis sublimis, accommodata tamen captui nostro est et facultatibus humanis. Ipsa haec idearum doctrina, si recte a commentis
phi-

philosophi discernitur, tantum abest, ut vana et inania proferat, ut contra nos in nullarum non rerum, in divinarum adeo, in ipsius divinae naturae disquisitionibus ad veritatem adducat. Nam ipsius veritatis in eâ τύποι, ut aliquoties monuimus, ideae sunt. Iubens nos igitur illa ideas unice in agendo vivendoque intueri, referre nos eadem, factisque et moribus prodere, *veritatem* jubet. Deus in eâ fingitur ad τύπους illos veritatis rerum universitatem fingens: quod reputans quis est, quin *veritatis* studium in Deo cum agnoscat maxime, tum ad ipsam Dei naturam referat? Sed hoc animadvertamus potissimum. De Deo rebusque divinis non licet mortali homini, nisi per metaphoras et imagines loqui vel existimare. Quamobrem ἰδέαι hoc nomine, a sensibus ducto, tamquam *formae* dicuntur, et Deus ipse mundum informans similiter ποιητὴς τοῦ κόσμου ac δημιουργὸς appellatur. (1) Sed proprie, secundum ipsam Platonicae philosophiae rationem, ideae sunt τὰ ὄντως ὄντα; Deus autem νοητὸς est atque ἐν τῷ ὄντι ad illa ὄντως ὄντα cum παράδειγμα illud rerum, quae aliquando futurae essent, concepit τῷ νῷ, tum ad ejusdem similitudinem mundum ὄντων informavit. Hunc igitur in modum cum existimare nos de ideis ac de divina natura doceat philosophia Platonis, quidni nos divinae naturae non solum attribuamus veritatem, sed ipsam cum

ve-

(1) *Timaeo*. 28. C.

veritate constare dicamus? Haec scilicet una
dominatur in illis : nam veritatem quid esse
aliud putamus , quam illud , quod *est* , non fit
ac nascitur , non alio tempore aliud vel est vel
videtur esse , sed idem est perpetuo ? Id autem
ipsum , quod ita nobis ē sublimi hac philo-
sophia sublimis philosophus percipiendum , cer-
te augurandum praebuit , admirabile est , ut ex-
primere omni aevo mortales conati sint. Ce-
lebratissima est Aegyptiaci templi inscriptio , a
Plutarcho nobis servata : Ἐγώ εἰμι πᾶν τὸ γεγὼς
καὶ ὃν καὶ ἐσόμενον καὶ τὸν ἐμὸν πέπλον οὐδεὶς πω
θνήσκων ἀπεκάλυψεν. (1) Quid ? quod nostris nos
linguis τὸ ὄν , τὴν οὐσίαν , *veritatem sempiternam*
Deo adscribimus , et hac constare supremum nu-
men dicimus , essentiam supremam , *être suprême* ,
anoque nomine *ορρετρωζεν* , Deum , quem
colimus , appellantes ? Quod item de ideis , ut
paullo ante monui , usurpamus , quoties αὐτὸ τὸ
πᾶν Graece τῷ ὄντι καλὸν , Belgice *wezzen-
sij k schoon* vocamus . Sic sponte ipsi nostrā hac
veritatis notione quasi repraesentare animis nos-
tris et Deum et res intelligibiles consuevimus .
Quae cum ita sint , quidni et naturae convenire
philosophiam Platoniam , et Deum ex hujus prin-
cipis philosophiae ipsius *veritatis ideale nostram*
ἢ *παράδειγμα* dicendum habendumque arbitre-
mur ? Philosophi post Platonem fere , auctore

ma-

(1) Plutarch. de Iside et Osiride 364.C.

maxime Aristotele, quo magis caussarum assequerentur scientiam, interius hanc principem, hanc divinam causam, ejusque naturam indagare nisi sunt: peplum illud, quod in antiqua inscriptione memoratur, quamvis mortales ipsi, detectum iverunt. Unde *ontologiae* disciplina existit, ab Aristotele jam prodita in libris de metaphysica, (1) verbis vero illa verborumque definitionibus magis, quam rebus constans. Praestabat ignorantiam in his nostram confiteri, vel Deum simpliciter ex usu linguarum ipsam *veritatem* appellare, vel, si Platonica exprimere imagine notionem nostram naturalem vellemus, secundum ejusdem de ideis doctrinam sic pronunciare: *esse Deum mortalibus ipsius veritatis, i. e. omnium quae sunt, ipsius pulcri, boni, justī, sancti summum, quod imitentur*, παράδειγμα.

Ipsius haec ita adumbravimus philosophiae Platonicae causa; valent autem, ni fallimur, item ad sublimia sanctae doctrinae nostrae effata sive explicanda quodammodo sive interius perspicienda. Dicitur in ea ὁ ὢν τοῦ θεοῦ divinae ὑποστάσεως χαρακτήρ (2); ipsam se esse *veritatem* profiteretur: ἐγὼ εἰμι ἡ ὁδὸς καὶ ἡ ἀλήθεια καὶ ἡ ζωὴ. (3) Idemque hinc discessurus, discipulis se suis dixit absentiae suae consolatorem relicturum τὸ πνεῦ-

(1) L. praecipue V.

(2) Ep. ad Hebr. I. 3.

μα

(3) Joann. XIV. 6. Deum non semel antiqui Hebraeorum prophetae *veritatem* appellarunt. Vid. Deut. XXXII. 4. et Jer. X. 10.

μα τῆς ἀληθείας, ὃ δ κόσμος οὐ δύναται λα-
βεῖν, ὅτι οὐ θεωρεῖ αὐτὸ οὐδὲ γινώσκει αὐτὸ· ὑμεῖς
δὲ, inquit, γινώσκετε αὐτὸ, ὅτι παρ' ὑμῶν μένει καὶ
ἐν ὑμῶν ἔσται (1). Nam ita se profecto res habet. Quo
magis in integritatem suam restituerimus philoso-
phiam Platonis, eo plenius percepturi inde reli-
gionis nostrae vim omnem et sublimitatem sumus.
Nec vero mirum. Verissimae enim religioni non
potest non verissima philosophia cum convenire,
tum lucem affundere.

De hominis ad veritatem
περιαγωγῇ. Quid proprie est apud Plato-
nem mundus νοητός?

Introduxit nos Plato per disciplinarum disqui-
sitionem, tum maxime speluncae adhibitâ imagine
in mundum νοητὸν: quo nos translatos sublimis
haec ejusdem de ideis et idealibus doctrina ad
summa omnia et divina eduxit. Non quaerendum
nobis magnopere hic est, quod in aliorum doc-
trinis philosophorum persequendis quaerere sole-
mus subinde nec perspicere, cur hoc iter subli-
me et quo proposito instituerimus. Nam homi-
nis in his omnibus maxime rationem habuimus:
ad erudiendum perficiendumque hominem valere

Pla-

(1) Joann. XIV. 17.

Platonis doctrinam vidimus: hominis omnino humanarumque rerum provehendarum causâ veritatem assequi cum Platone studuimus. Sed de hoc ipso quaerimus, in quo tamdiu jam versati sumus, *mundo νοητῷ*, quid proprie apud Platonem sit. Nam in eundem nos mundum et Aristoteles duxit et quotquot philosophi rem a specie, verum a falso distinguere nos docuerunt: quotquot item recentiore aevo de *substantiis*, de *monadibus*, de *essentiis*, quotquot tandem de ipsis *νοούμεναις* et *φαινόμεναις* egerunt; nec tamen horum omnium philosophia, quamvis videatur Platonicae similis, convenit cum illa, imo longe a Platonico philosophandi proposito recedit. Quamobrem, nisi quis, missis plane placitis his recentioris philosophiae, integro animo de Platone judicare studuerit, quid apud eum mundus *νοητός* sit, intelligere non poterit. Quo vero id rectius perspexerimus, eo plenius cum alia multa assequemur, tum etiam quid illud sit, quod in omni hac disputatione identidem et saepius nos monuit philosophus, *converti* nos mente animoque totos ad veritatem debere. Opus igitur denuo nobis discernendi diligentia erit, fructumque ex hac nova disquisitione, si quid video, hunc sumus capturi, ut, prouti hactenus admirati *sublimitatem* Platonicae philosophiae sumus, ita nunc ejusdem *simplicitatem*, sine qua vera sublimitas nulla est, agnoscamus et amemus.

Dis.

*Discernenda accurate sunt
a recentiorum substantiis, monadibus,
essentiis, νοούμενοις, τὰ νοητὰ
Platonis.*

Dici omnino Platonica voce νοητὰ possunt quae a recentioribus philosophis variis, quae memoravimus, nominibus vocantur. Nam non nisi ipsa mente, αὐτῷ τῷ νῷ, intelligi *substantiae, monades*, similia possunt. Videantur adeo philosophi illi, prorsus Platonis instar, mundum νοητὸν spectabili mundo opposuisse, ut non miraremur magnopere, si quis eorum placitis Platonici specus imaginem adhiberet. Rerum scilicet substantiam ab ea, quae nobis apparet, specie discreverunt; ut autem haec nobis species apparet, ita substantiam sive essentiam contenderunt soli Deo patere. Unde efficiamus facile, latere in his plane Platonikum illud, quod fertur, umbras nos rerum cernere, res ipsas nec cernere nec cogitare. Leibnitzius adeo de his substantiis vocabulum Graecum, non quidem Platonikum, sed Pythagoreum tamen, neque iccirco a Platonis philosophia alienum usurpavit, quum *monades* eas appellaret. Sed multo propius etiam ad antiquam illam rationem Kantius et Hensterhusius accesserunt. Kantius res sensibus percipiendas diligentissime, ut animadvertimus (1), a rebus νοηταῖς distinguens, plane Plato-

(1) V. supra. p. 39.

nica ratione illas τὰ φαινόμενα, has τὰ νοούμενα vocavit, idemque, si non speluncam Platonis ad haec distinguenda, ejusmodi certe imaginem usurpavit, quae videri a Platonis philosophia non aliena possit. Mundum adspectabilem insulae esse similem dixit, vasto oceano circumdatae: licere homini in hac insula, sensuum inprimisque purae rationis ope, singula quae adsunt, cognoscere: quae vero extra eam sunt, nec sensibus posse nec purae sive theoreticae, sed unae practicae ratione, quae ad τὰ νοούμενα conversa est, percipi: quodsi quis ea sensibus velit assequi, quod plerique studuerunt metaphysici, huic verendum magnopere esse, ne, pariter atque illi, in isto metaphysicae oceano naufragium patiatur, sed ipsa philosophi verba apponamus. In prooemio disquisitionis de *phaenomenorum*, quae vocat et *noumenorum* discrimine sic pronunciat. *Wir haben jetzt das Land des reinen Verstandes nicht allein durchreiset, und jeden Theil davon sorgfältig in Augenschein genommen; sondern es auch durchmessen, und jedem dinge auf demselben seine Stelle bestimmt. Dieses Land aber ist eine Insel, und durch die Natur selbst in unveränderliche Grenzen eingeschlossen. Es ist das Land der wahrheit (ein reizender Name), umgeben vom einem weiten und stürmischen Oceane, dem eigentlichen Sitze des Scheins, wo manche Nebelbank, und manches bald wegschmelzende Eis neue Länder lügt, und indem es den auf Entdeckungen her-*
um-

umschwärmenden Seefahrer unaufhörlich mit leeren Hoffnungen täuscht, ihn in Abenteuer verflechtet, von denen er niemals ablassen, und sie doch auch niemals zu Ende bringen kann. (1) Dicamus, expressum plane a Kantio Platonem esse, qui similiter nos opinari et errare dixit, si quidem sensibus percipere, quae iis percipi non possunt, velimus. Idem dicendum de Hemsterhusio videatur. De materia is statuit nos pauca novisse, nec nisi partem illam, quae sensibus nostris convenit: caeterum praeter materiam sive physicum hunc mundum alium esse, *moralem* videlicet, prorsusque a materie diversum alienumque, quem ita nobis percipere *organo morali* licere, ut sensibus externis mundum physicum percipimus. Rem ille monumenti sive lapidis comparatione illustrabat, cujus in quatuor lateribus diversarum linguarum inscriptiones exstarent. In eodem monumento, ait, alii aliud longeque diversum, pro linguarum quas tenent diversitate, animadvertent. Eadem universi ratio est: infinitas numero et varietate partes ipsius essentia habet, quarum alias aliae naturae pro facultatum diversitate animadvertere et cognoscere possunt. Nobis, qui his quinque sensibus externis et interno praeterea sive morali sensu praediti sumus, partes ejus his sensibus facultatibusque nostris patentes exquirere et cognoscere licet,

(1) Kant *Critik der r. R.* p. 294. Ed. Riga 1787.

et, cæteras omnes non licet. Verum et hujus philosophi ipsa adscribamus verba. *Supposons, sic Euthyphron apud eum in pulcerrimo dialogo de philosophiâ, supposons un bloc de marbre, sur lequel il y auroit quatre inscriptions différentes, en grec, en arabe, en latin, en françois. Moi, qui ne sais que ma langue, je vous dirai le fait que ce monument me révèle. Mais écoutez le Grec; il vous dira : cette pièce me dit bien des choses sur le siège de Troie. L'Arabe dira: ce marbre donne de grandes lumières sur l'histoire de la chevalerie de Saladin. Le Romain: je ne savois pas que Sestius étoit l'affranchi de Pompée. Vous voyez que ces gens ne sauroient juger que sur ce qui est tourné de leur côté, sur ce qui est compréhensible pour eux: et il en est de même des essences. (1)*

*Ad hominem refertur
unice, non ad res, philosophia
Platonis.*

Non parum his placitis cum philosophiâ Platonis similitudinis intercedere, lectores vident. Nobis, quo hanc accuratius et secernamus ab illis et ipsam definiamus, hoc¹ notandum, *res* in primis et *rerum* naturam respexisse philosophos illos, cum Platonis doctrina ad ipsum hominem referatur unice. Uti speluncae apud eum imago, ita ejus philo-

(1) Hemst. *Oeuvres philos.* Vol. 1. 281 et 282. Ed. Paris. 1792.

philosophia *παιδείων*, maxime et *ἀπαιδευσίας* declaranda
 causâ prodita est. Sunt in pulcherrimâ illâ
 comparatione multa, quibus declarare *substantias*
 illas, *monades*, *essentias* liceat. Fingere et illi po-
 tuissent philosophi, nos in cavernâ habitare, in
 quâ umbras rerum, non res, spectemus, quippe
 sensibus non ad ipsas rerum substantias, ad inte-
 riorem earum naturam, quod uni Deo licet, pene-
 trantes. Veruntamen ad hominis *παιδευσιν* non
 continuo, non proprie hae doctrinae pertinent.
 Magis huc valent quae ab aliis de *ratione practi-
 câ*, de *moralis organo* et *mundo morali* prodita
 sunt: hi nos e specu in alium mundum, atque il-
 le est, quem sensibus percipimus, transferunt,
 et propius, ut vidimus, ad Platonicam philoso-
 phiam accedunt. Verum, quemadmodum homo a
 mundi spectabilis umbris totus converti ad τὰ
 νοητὰ debeat, ut puram intaminatamque verita-
 tem mente videat, id nemo philosophorum, quos
 nos cognovimus, tam studiose, tam apte, tam
 plene, quam hac imagine Plato, demonstravit. Sed
 illud animadvertamus praesertim. Haec ipsa, quae
 Plato νοητὰ appellat, extra mundum adspectabi-
 lem, extra materiem, quam fere vocare philoso-
 phi solent, adsunt. Censet in illis, ut vidimus,
 τὸ ἴσθαι, τὸ μέγεθος. *notiones* omnino, quae ad
 cogitandum et iudicandum necessariae nobis sunt,
 tum *ideas* proprie sic dictas, ut τὸ καλόν, τὸ
 ἀγαθόν, τὸ δίκαιον. Esse haec autem ab eo extra
 mundum adspectabilem ficta, e Phaedro, e Timaeo
 aliis

aliisque ejus dialogis didicimus. In Timaeo prorsus ideas, ut animadvertimus modo, a *materia* distinguit. Nam Deus illic ad ideam boni materiem format. Referuntur igitur apud eum τὰ νοητὰ ad mentem unice, certe non, ut Kantii νοούμενα aliorumque substantiae et monades, ad materiem item, cui haec subesse dicuntur. Sic autem Plato ad mentem proprie τὰ νοητὰ referens, παιδευσιν esse dixit *hominis ad τὰ νοητὰ, τὰ ὄντα, ad veritatem conversionem*, deque homine erudiendo effatum protulit, quo nullum facile ad usum vitae accommodatius efficaciusque est, hujusmodi illud: minus esse hominis ignorantiam tenuitati facultatum, quibus praeditus est, aut rerum, quas cognoscere studet, conditioni tribuendum, quam perver-sae rationi, quā utitur facultatibus suis: sive, ut rectius illud, ut Platonice enunciemus, *iccirco nos opinari fere, non vero scire, quia non illuc, quo oportet, mentis oculum conversum habemus.*

Nihil nos detrahimus excellentium, quos diximus, philosophorum laudibus. Fatemur ingenue, mirifice nobis placuisse fere cum Kantii illam insulam, quacum purae rationis fines comparavit, tum magis etiam monumentum cum inscriptionibus Hemsterhusianum, quo is praesentem nostram cognoscendi facultatem determinavit. Quodsi utilitas agitur, quae ad vitae usum, ad rite excolendum hominem e philosophiā capienda est, majorem equidem uberio-remque e philosophiā Platonis, quam ex his illorum, philosophorum placitis, percipi dixerim. Nam
uti-

utile omnino negotium est, quid cognoscere possimus, quid non possimus, describere accurate, quo magis ab affirmandi statuendique temeritate, quae fere est philosophorum propria, abstineamus, sed demonstrare, quid causae sit, ut quae possunt cognoscere mortales, non exquirant, tum etiam, quemadmodum ea facillima ratione cum exquirere iisdem liceat tum invenire, id, inquam, demonstrare viamque quâ eo perveniatur ostendere, majoris etiam esse et summae utilitatis videtur. Utrumque autem illud praestitit nobis Plato. Non res ille, quum de mundo *νοητῶ* ageret, ut alii, respexit. Non finxit in speluncâ homines, qui caliginis causâ vix quidquam conspicerent: quod in aliorum quadrat philosophorum placita, qui rerum conditioni obscurae et reconditae, non hominis torpori, ignorantiam tribuunt humanam. In fabula Platonis ignis adest continuo, adest lu-
cetque sol: finguntur vero captivi nec ad ignem nec ad solem oculis conversi, quippe captivi et vinculis cohibiti, quo minus ab umbris se ad ignem convertant escendantque e carceris tenebris ad ipsum solem adspiciendum. Plane id convenit philosophiae Platonicae. Opinamur de Platonis sententiâ et erramus, non quia fato nobis destinatae tenebrae sunt, vel propterea, quod ipsi videre non possumus; sed hac de causâ maxime, quoniam oculos habemus non ad lucem, quae adest, i. e. mundum versus *νοητὸν*, ad ideas, sed ad tenebras incertasque umbras conversos, umbrasque istas

et

et tenebras luci anteponimus. — Id supra nos docuit Plato (1), nunc demum, ni fallor, intelligimus. Nam disertis id verbis in ipsâ oculorum et mentis comparatione significavit: quod lubenter, hic, credo, iterum legemus. Ὁφθαλμοί, inquit illic Socrates, οἶσθ' ὅτι ὅτ' ἂν μηκέτι ἐπ' ἐκείνα τις αὐτοὺς τρέπη, ὥν ἂν τὰς χρόας τὸ ἡμερὸν φῶς ἐπέχη, ἀλλ' ὥν νυκτερινὰ φέγγη, ἀμβλυώτουςί τε καὶ ἑγγύς φαίνονται τυφλῶν, ὥσπερ οὐκ ἐνούσης καθαρᾶς ὕψεως; — Καὶ μάλα. — Ὅταν δέ γ', οἶμαι, ὥν ὁ ἥλιος καταλάμπει, σαφῶς ὀρῶσι, καὶ τοῖς αὐτοῖς τούτοις ὀφθαλμοῖς ἐνούσα φαίνεται. — Τί μὴν; — Οὕτω τοίνυν καὶ τὸ τῆς ψυχῆς ὡς νοεῖ ὅταν μὲν οὐ καταλάμπει ἀλήθειά τε καὶ τὸ ἐν, εἰς τοῦτο ἀπερείσθεται, ἐνόησέ τε καὶ ἔγνω αὐτὸ, καὶ νοῦν ἔχειν φαίνεται ὅταν δὲ εἰς τὸ τῷ σκότῳ κεκραμένον, τὸ γιγνόμενόν τε καὶ ἀπολλύμενον, δοξάζει τε καὶ ἀμβλυώττει, ἄνω καὶ κάτω τὰς δόξας μεταβάλλον καὶ ἵοικεν αὐτὸς νοῦν οὐκ ἔχοντι. *Oculi, ut novissimi, ubi quis eos non ad ea converterit, quorum colores diurna lux illustrat, sed ad illa, quibus affusa nocti similis lux est, coecutiunt ac coeci fore esse videntur, ac si visus ipsis purus non inesset. — Sic accidit. — Quodsi, credo, ad ea sunt conversi, quibus sol lumen affundit, clare cernunt, eisdemque illis inesse videtur visus. — Quidni? — Sic item de mente cogita: ubi ad illud, quod veritas et τὸ ἐν illustrat, intenta fuerit, intelligit*

608-

(1) V. p. 45 et 46.

cognoscitque id et sapere videtur ; sin vero ad ea spectat, quae tenebris mixta sunt, quae fiunt atque intereunt, optatur ac coecutit, nunc huc, nunc illuc opiniones versans, similisque rursus insipienti est. (1)

Itaque, ut in cavernae descriptione, sic in ipsâ philosophiâ Platonis mira simplicitas rationis est, qua homo ad veritatem cognoscendam accedit. Non tenebris istis loci subterranei lumen adhibetur, quo diffundantur; sed ipsi captivi, vinculis solutis, ad ignem illum, qui adest, convertuntur simpliciter. Eadem manet antri, quae fuit antea, conditio; sed illi egrediuntur ex illo et ipsi solem, qui lucet, adspiciunt. Pari simplicitate Plato de homine nostrisque ad veritatem progressibus philosophatur. Misera est profecto, ait, praesens animi humani conditio: sensibus ferre fidem habemus, atque ita pro veritate simulacra et simulacrorum adeo umbras conspiciamus: unde infiniti errores nostri et ignorantia summa. Sed malorum ipsi suorum mortales auctores sunt. Licet nobis veritatem in hac ipsâ conditione nostrâ, qualicumque tandem illâ, conspiciere, modo sensuum ac praëjudicatarum opinionum vinculis solvi nos et converti ab umbris ad simulacra et ipsas res siverimus. Mundi adspectabilis, ut cavernae, talis manet, qualis est, ratio; sed nobis opera danda est, ut disciplinarum ope illarum, quae

(1) *De Rep. VI. 528. C. D.*

quae a sensibus nos revocant, ac trahunt nos ad τὰ ὄντα, harum igitur nos ope e spectabili mundo in alterum illum, τὸν νοητὸν, in quo lucent ideae, escendamus. — Haec item nos docuit in superioribus Plato, quum optimam nobis traderet philosophi institutionem. Nunc, quo dilucidius nobis Platonicae doctrinae vis pateat, iterum commemorare praeclaras ejus sententias juvat.

*Quae vis proprie est
Platonici placiti de hominis ad
veritatem περιαγωγῆς?*

Non puerile negotium est, ait Plato, non ἐσράκου ἂν εἴη περιστροφὴ animi illa circumversio; verum ipsius est mentis a die qui noctem refert ad verum diem ἐπάνοδος: eandemque illam ἐπάνοδον veram appellare philosophiam licet. (1) Sed locum in primis apud Platonem attendamus, quo et divinam hanc sententiam explicuit plane et summum nobis tradidit philosophiae officium. Ut recte, ait, philosophos instituamus, qui civitati aliquando nostrae praefuturi sunt, τὴν παιδείαν existimemus non talem esse, qualem vulgo putant. Φασὶ δὲ πού, οὐκ ἐνούσης ἐν τῇ ψυχῇ ἐπιστήμης, σφεῖς ἐντιθέσθαι, οἷον τυφλοῖς ὀφθαλμοῖς ὄψιν ἐντιθέντες. Ὅ δὲ γε νῦν λόγος σημαίνει, ταύτην τὴν ἐνούσαν ἐκάστου δύναμιν ἐν τῇ ψυχῇ καὶ τὸ ὄργανον ᾧ καταμανθάνει
ἐκεί-

(1) Rep. VII. 521. C. Cf. Vol. I. p. 56.

ἕκαστος, οἷον εἰ ὄμμα μὴ δυνατόν ἦν ἄλλως ἢ ξὺν ὄλῳ τῷ σώματι ἐρέφειν πρὸς τὸ φανὸν ἐκ τοῦ σκοτώδους, οὕτω ξὺν ὄλῳ τῇ ψυχῇ ἐκ τοῦ γιγνόμενου περιακτέον εἶναι, ἕως ἂν εἰς τὸ ὄν καὶ τοῦ ὄντος τὸ φαινώτατον δυνατόν γένηται ἀνασχέσθαι θεωμένη· τοῦτο δ' εἶναι φημὲν τὰγαθόν. *Dicunt fere, cum non sit in animo scientia, se imposituros, ac si coecis oculis visum imponerent. Praesens autem haec nostra disputatio ostendit, vim hancce, quae cujusque in animo inest et organum, quo discit quisque, perinde ac si oculum quis non posset aliter, quam una cum toto corpore ab obseuro loco ad lucidum convertere, sic illa ab iis quae fiunt et pereunt una cum toto animo circumvertenda esse, donec ad illud quod est, eorumque quae sunt, lucidissimum, aciem intendere sustinuerit: id autem esse ipsum bonum diximus. Hinc unice ars intelligitur institutionis verae. Τούτου τοίνυν αὐτοῦ τέχνη ἂν εἴη τῆς περιαγωγῆς, τίνα τρόπον ὡς ῥᾶπᾶ τε καὶ ἀνυσιμώτατα μεταστραφῆσεται· οὐ τοῦ ἐμποιῆσαι αὐτῷ τὸ ὄρᾶν, ἀλλ' ὡς ἔχοντι μὲν αὐτὸ, οὐκ ὁρθῶς δὲ τετραμμένῳ, οὔδε βλέποντι οἱ ἔδει, τοῦτο διαμηνῆσθαι. Hujus igitur ipsius organi circumvertendi ars institutio justa sit, quemadmodum et facillime et efficacissime convertatur: non, ut ingeneretur ei videndi facultas, sed, cum habeat hancce, non recte vero conversum sit, nec quo decet spectet, ut convertatur apte, efficiatur. Est scilicet in homine divinum quid, quod confundi cum ceteris ejus virtutibus non debet: id autem eo con-*
ver-

versum, quo non oportet, ad pessima cum rapit. Nam sic se omnino res habet: non mentis facultatibus constat praestantia hominis, sed ipsius mentis ad optima quaeque conversione. Αἱ μὲν τοίνυν ἄλλαι ἀρεταὶ καλούμεναι ψυχῆς κινδυνεύουσιν ἑγγύς τι εἶναι τῶν τοῦ σώματος· — τῷ ὄντι γὰρ οὐκ ἐνοῦσαι πρότερον, ὕστερον ἐμποιεῖσθαι ἔθεσί τε καὶ ἀσκήσεσιν· — ἡ δὲ τοῦ φρονῆσαι πάντος μᾶλλον θειοτέρου τινὸς τυγχάνει, ὡς ἔοικεν, οὕσα, ὃ τὴν μὲν δύναμιν οὐδέποτε ἀπόλλυσιν, ὑπὸ δὲ τῆς περιαγωγῆς χρησίμῳ τε καὶ ὠφέλιμον, καὶ ἀχρηστον αὐτὴν καὶ βλαβερὸν γίνεται· ἢ οὕτω ἐννεόηκας, τῶν λεγομένων ποιητῶν μὲν, σοφῶν δὲ, ὡς δριμύ μὲν βλέπει τὸ ψυχάριον, καὶ δεξιῶς διορᾷ πάντα ἐφ' ἃ τέτραπται, ὡς οὐ φάυλῃν ἔχον τὴν ὄψιν, κακίᾳ δ' ἐνγκυκλισμένον ὑπηρετεῖν; ὥς ὅσῃ ἂν δεξιότερον βλέπῃ, τοσοῦτῃ πλείω κακὰ ἐργαζομένην· *caeterae enim animi quae dicuntur virtutes, similes quodammodo esse corporis virtutibus videntur: nam cum non insint ei reapse primum, postea consuetudine et exercitationibus adsciscuntur; cogitandi vero virtus diviniore cuiusdam, ut videtur, naturae est, quae vim suam amittit numquam, conversione vero utilis et salutaris ac noxia fit. Nondumne animadvertisti, maiorum hominum, sed sollertium quam acute cernat animula, quanique celeriter omnia, ad quae est conversa, perspiciat, quippe visum non malum habens, sed pravitati servire coacta, ut quo acutius cernit, eo plus mali perficiat?* Sursum igitur mens hominis a tenera inde aetate erigenda con-

vertendaque ad veritatem est. Τοῦτο μέντοι τὸ τῆς τοιαύτης φύσεως, εἰ ἐκ παιδὸς εὐθὺς κοπτόμενον, περιεκόπη τὰ τῆς γενέσεως ξυγγενῇ, ὥςπερ μολυβδίνης, αἱ δὲ ἐδωδαῖς τε καὶ τῶν τοιούτων ἡδοναῖς τε καὶ λιχνείαις προσφυσῖς γιγνόμεναι, περὶ τὰ κάτω ἐρέφουσι τὴν τῆς ψυχῆς ὄψιν· ὣν εἰ ἀπαλλαγέν περὶ ἐσρέφετο εἰς τᾶληθῇ, καὶ ἐκεῖνα αὖ τὸ αὐτὸ τοῦτο τῶν αὐτῶν ἀνθρώπων δξύτατα ἑώρα, ὥςπερ καὶ ἐφ' αὐτῶν τέτταται. *Hujuscemodi natura, sollers quidem illa, sed ad prava conversa, si a tenerd continuo aetate sic fuisset culta, ut amputatae in ea essent naturae affines cupiditates, quae commestitionibus similibusque voluptatibus ac libidinibus ipsi adhaeserunt et tamquam plumbea pondera deorsum eam premunt, ejusque aciem ad inferiora vertunt: his igitur liberata si ad vera converteretur, illa rursus eadem acutissime perspiceret, sicuti nunc perspicit, ad quae nunc est conversa.* Sic autem eruditi civitatis nostrae gubernatores, sic ad veritatem, ad ipsum *bonum* conversi, administrabunt eam recte. Quamobrem ἡμέτερον δὲ ἔργον τῶν οἰκιστῶν, τὰς τε βελτίστας φύσεις ἀναγκάσαι ἀφικέσθαι πρὸς τὸ μέθημα ὃ ἐν τῷ ἔμπροσθεν ἔφαμεν εἶναι μέγιστον, ἰδεῖν τε τὸ ἀγαθόν, καὶ ἀναβῆναι ἐκείνην τὴν ἀνάβασιν. *Nostrum igitur, qui condidimus civitatem, officium erit, ut optimas quasque naturas et pervenire cogamus ad eam, quam esse maximam diximus, disciplinam et bonum cernere et illum in modum ad superiora ascendere.*

Quid spectaverit maxime Plato quum converteret

nos

nos ad veritatem oportere statueret, hinc, credo, intelligere coepimus; sed quaerendo discernendoque pergamus, totamque hanc philosophi doctrinam e Socraticae philosophiae principiis illustremus.

*Socraticam refert rationem
tota haec Platonis cum de mundo
νοητῷ deque ideis, tum de hominis ad
veritatem περὶ αὐτῆς doctrina.*

Confunditur fere cum Aristotelis metaphysico, qui inepte sic vocatur, mundo mundus Platonis νοητὸς. Quo fit, ut Plato dicatur subinde cognitionis humanae fines migrasse. Fecit id, ut vidimus, Aristoteles. Ὑπερ τὰ φυσικά se erigens causas exquisivit rerum omnium, ut hinc res divinas omnes et humanas explicaret. Quod Humio primum, tum Kantio, uti novimus, itemque Hemsterhusio opportunitatem dedit, ut cognitionis humanae fines ponerent. Plato, fateor, non posuit illos; veruntamen migrasse eosdem nullo jure dicitur. Duxerit is Aristotelem, quod animadvertimus, ad metaphysicam tradendam; sed νοητὸς ejus mundus a metaphysico illo Aristotelis longe diversus est. Non enim escensio hominis ex antro eo valet apud Platonem, ut e superioribus regionibus causas rerum omnium peteret, sed eo simpliciter, ut, quae quis illic vidit, hic ad res nostras recte componendas adhiberet. Vidit autem

illic τὰ νοητὰ, quae nisi percepisset animo intuitusque fuisset, nec recte cogitare de rebus nostris aut judicare, nec vero perficere quod vere sit pulcrum et bonum possit. Alte evolarunt metaphysici fere, ut in sublime elati mitterent plane mundum adspectabilem; sed apud Platonem redeunt in antrum qui escenderant, et, licet huc reversi displiceant hominibus, qui etiamnunc pulcri bonique falsis speciebus tenentur unice, consulere tamen eorum rebus, vindicare eorum libertatem, evehere eos et convertere ad veritatem non cessant. Ἀναγκὴ ἐκ τῶν προειρημένων, αἰτ, μήτε τοὺς ἀπαιδεύτους καὶ ἀληθείας ἀπείρους ἱκανῶς ἂν ποτε πόλιν ἐπιτροπεῦσαι· μήτε τοὺς ἐν παιδείᾳ ἐωμένους διατρίβειν διὰ τέλους· τοὺς μὲν, ὅτι σκόπον ἐν τῷ βίῳ οὐκ ἔχουσιν ἓνα, οὗ σοχαζομένους δεῖ ἅπαντα πράττειν ἃ ἂν πράττωσιν, ἰδίᾳ τε καὶ δημοσίᾳ· τοὺς δὲ, ὅτι ἐκόντες εἶναι οὐ πράξουσιν, ἡγούμενοι ἐν μακάρων νήσοις ζῶντες ἔτι ἀπῤκίσθχι. *E dictis necessario consequitur, nec rudes homines veritatisque ignaros civitatem administrare recte posse, nec veto eos, qui perpetuo doctrinae studiis operam navare pergunt: illos, quia non unum habent in vita, quo omnia privatim publiceque referant, propositum, hos, quia sponte ipsi sud nihil sunt peracturi, existimantes, vivos jam sese in beatorum insulis degere.* (1) Ergo, ut escenderint ex antro et singula viderint, non cedendum

(1) *De Rep.* VII. 519. B. C.

dum nostris philosophis est, quod nunc iis cedi solet, τὸ αὐτοῦ καταμένειν καὶ μὴ ἐθέλειν πάλιν καταβαίνειν παρ' ἐκείνους τοὺς δεσμώτας, μήδε μετέχειν τῶν παρ' ἐκείνοις πόνων τε καὶ τιμῶν, εἴτε Φαυλότεραι, εἴτε σπουδαϊότεραι· ut illic maneant nec descendere denuo ad illos captivos velint nec laborum istorum honorumque, siue viliores sint siue honoratiores, participes esse. (1) Socraticus nempe philosophus Plato fuit, quod identidem in his disquisitionibus et saepenumero animadvertimus, et quamvis ipse subinde altius tendere, quam Socratica ratio ferret, videretur, tamen, si philosophiam viri, si id quod constanter et perpetuo secutus est, si ipsam hanc mundi νοητοῦ apud eum descriptionem spectamus, non magnopere nobis discessisse a magistri sententiā ac proposito videbitur. Refert planē haec descriptio philosophiam Socraticam. Nam abest tantum, ut quae prodidit in illa auctor de mundo νοητῷ, metaphysicorum somniis adscribenda sint, ut ad tuendam veritatem optimamque institutionem commendandam unice pertineant; Socrates autem quid egit per totam vitam magis constantiusque, quam ut utramque proveheret? Vel fallor equidem, vel in ipsā hac descriptione Plato Socratis sui meminit, ubi de philosophis narrat, qui in antrum reversi ac solvere captivos et educere inde conati, sic displicent captivis, ut hi illos, εἴπως ἐν ταῖς χειρσὶ δύναι-

(1) Eodem 519. D.

ἵκνιντο λαβεῖν, si manibus possent comprehendere, (1) occiderent. Simplicissimum omnino negotium mundus νοητός est, si a metaphysico illo Aristotelis distinguitur diligenter. Ipse Socrates, quod Plato hoc loco significasse videtur, in eum educere cives suos studuerat, quum quaereret semper, quid pulcrum, quid justum, quid bonum esset. E mundo adspectabili haec discere non poterant, quippe qui ipsum pulcrum, ipsum justum bonumque non sensibus percipiendum praeberet: quaerendo igitur educere eos illuc conabatur, ubi non corporis, sed mentis oculo veritatem assequerentur. Imaginibus haec Plato fingendoque mundo νοητῷ, τόπῳ ὑπερουρανιῷ, veritatis praeclaro, hoc ipso specu declarare studuit; sed res ipsa simplicissima naturaeque convenientissima est. Usurpare autem ille imagines istas debuit, quia non tantum ipse illuc, ut Socrates, evehere discipulos suos conabatur, sed idem, quā quis ratione et ipse ad veritatem per philosophiam perveniret et alios educeret, describendum suscepit.

*Quid maxime effecisse
difficilem doctrinae hujus Platonicae
interpretationem videtur?*

Sed ut difficilis quodammodo haec res, quamvis simplex et naturae consentanea, recentioris actantia

(1) *De Rep.* VII. 517. A.

tis hominibus esset, metaphysicā non tantum Aristotelis, sed multo magis etiam placitis effectum philosophorum est, quibus illustrari Plato videbatur, quum essent reapse ab ejus philosophiā aliena; accessit autem sacrae doctrinae nostrae auctoritas. In morum disciplinā tractandā *mundum moralem* memorarunt fere recentiores. Distinguere hunc a *physico mundo* non minore diligentia Hemsterhusius studuit, quam Plato ab *δρατῶ* mundo *τὸν νοητὸν* distinxerat: similiterque is in homine organum exploravit, quo res morales, ut oculo physicas, percipit. (1) Et vero pariter nos jussit, si quid justum sit, quid bonum, quid pulcrum, vellemus explorare, relicto spectabili mundo, in moralem illum escendere. (2) Conjecturam hinc capere in promptu erat, quemadmodum et *τόπον* illum apud Platonem *νοητὸν* et vero *δργανον τῆς ψυχῆς*, quod memorat, interpretari nos oporteret. Et fateor, juvenem me cum aliorum philosophorum, tum Hemsterhusii in his placitis exponendis subtilitate abreptum, ad eorum sententiam Platonice doctrinam accommodatum ivisse. Postea, ut e scriptis unice Platonis ipsius placita explicare conatus sum, erroris me mei poenituit: distinguere a recentioribus his philosophis antiquum illum didici, visusque mihi sum perspicere, recte Platonem ad veritatem verique studium retulisse omnia. Nam sensus moralis nisi idem

vi-

(1) Hemsterh. *Oeuvres phil.* Vol. I. 177. (2) Id. Vol. II. 50.

veri sensus sit, fallere nos non minus, quam *visus*, *auditus*, caeteri sensus potest, et magis adeo de rebus bonis et malis, justis et injustis discescunt omni aevo a se invicem hominum sententiae, quam de physicis, quae dicuntur, rebus: mundus autem moralis, nisi *veritas* in eo dominatur, reapse, qualis sit, intelligi nullo modo potest. Simplicius igitur Plato rectiusque, ut videtur, *veri* unice laudavit *sensum*, *ὄργανον* illud scilicet τῆς ψυχῆς, μυριάων ὁμμάτων κρείττον, ὃ γε μανῶ ἀλήθεια ὁρᾶται: mundumque νοητὸν huic fecit sive sensui sive *ὄργανῳ* sive ψυχῆς ὁμμάτι responsive. *Verum* scilicet illud est, quod unum spectare hominem omni in causâ oportet, nec ulla dici recte morum disciplina potest, nisi quae eadem ipsius sit *veritatis* disciplina. Quod autem memoravi *sacrae* doctrinae nostrae auctoritatem, factum in primis ejus *sublimitate* est, ut animi apud Platonem in mundum νοητὸν escensio vulgo acciperetur perperam. Nam regnum veritatis, quod Plato spectat, in quo βασιλεύει ἡ τοῦ ἀγαθοῦ ἰδέα, (1) in eâ vocari *coeleste regnum* solet, quippe *coelum* licet non unice, praecipue tamen spectans: cui dicendi rationi vulgo homines à teneris assueti, facile hanc ipsam in Platonis philosophiam transtulerunt, ut ὁρατῷ mundo *terrestrem* hanc vitam nostram, νοητῷ vero *coelestem* intelligerent. Perperam profecto illi. Nam Plato licet futuram

ani-

(1) *De Rep.* VI. 509. D. Cf. VII. 516. B. et 517. B. C.

animi conditionem negligeret minime, praecipue tamen, quemadmodum *in his terris* erudiremur recte ac per disciplinas ad veri scientiam perveniremus quaesivit: *παιδείας* unice, ut ipse ait, atque *ἀπαιδευσίας* gratiâ totam hanc de mundo νοητῶ disquisitionem instituit. (1) Non confundenda igitur erant, quae naturâ sunt distincta. Praestabat a divinis humana discernere, atque ad assequendam divinae illius doctrinae sublimitatem, humanam hanc adhibere. Nam pariter illa ipsis his verbis continet *hominis ad lucem et veritatem conversionem*. (2) In illâ pariter atque apud Platonem non rebus, sed ipsis hominibus hominum ignorantia tribuitur: ἡγάπησαν οἱ ἄνθρωποι μᾶλλον τὸ σκότος, ἢ τὸ φῶς. (3) Quod in Hemsterhusii ac plerorumque philosophorum morali disciplinâ desideramus, veritatis dico studium, id tam religio nobis nostra, quam Platonis philosophia, praestat, quippe quae et spirat veritatem pariter et hominem non ad virtutem, ut fere philosophorum doctrinae, nec ad vitae sanctitatem, ut caeterae fere religiones, sed ad *veritatem* ducit: ὁ δὲ ποιῶν

(1) Eod. l. (2) Luc. Act. Ap. XXVI. 18. Frequenter imprimis homines ad Deum ἐπιστρέφειν dicuntur, ut Ep. ad Cor. II. c. 3. §. 16. Ep. Petri I. c. 2. §. 25. Ep. ad Thess. I. c. I. §. 9. Cave autem, ne loca huc referas, quae μετάνοιας, non ἐπιστροφῆς notionem habent, uti Marc. Euang. I. 4. et infinite alia: quamquam vertendo fere interpretes has notiones confuderunt. (3) Joann. Euang. III. 19.

ποιῶν τὴν ἀλήθειαν, ἔρχεται πρὸς τὸ φῶς. (1) Pariter adeo eadem non lumen admovendum tenebris, unde nil quicquam percipere utilitatis coeci mortales possent, sed ipsos horum oculos aperiendos esse ac convertendos ad lucem praecipit: ἀνοίξαι ὀφθαλμούςς gentium, τοῦ ἐπιστρέψαι ἀπὸ σκο-
τους εἰς φῶς. (2) Quid? quod πνεῦμα in eadem doctrinā illā τῆς ἀληθείας, pariter atque ipsa veritas apud Platonem, capi a vulgo propterea non posse dicitur, quia non *conspicit* illud, esse vero illud *in homine*? ὑμεῖς δὲ γινώσκετε αὐτὸ, ὅτι παρ' ὑμῶν μένει καὶ ἐν ὑμῶν ἔσται. (3) Quae singula omnibus nota, sed a paucis explorata satis, eo profecto facilius percipiemus, eoque magis quam sint sublimia, quam unice vera ac naturae humanae congruentia, assequemur, quo omnem hanc Platonis de *veri amore*, de *disciplinis*, de *mundo intelligibili*. de *ideis et idealibus*, de *hac item potissimum hominis ad veritatem conversione doctrinam* perspexerimus interius.

*De veri apud Platonem sive
τοῦ ὄντος scientiā.*

Sic autem secretis a philosophiā Platonis simillimis quibusque cum philosophorum placitis, tum ef-
fa-

(1) Id. eod. §. 21. (2) Luc. Act. Apost. XXVI. 18.

(3) Joann. Evang. XV. 17. Cf. supra p. 116.

tis etiam divinis, quis ejus *finis* sit maxime, paterere nobis quodammodo incipit: videorque mihi cernere, *hominis* eam proprie esse *ad veritatis scientiam institutionem*. Nam ad *hominem* refertur tota, ut haec omnis nos docuit disquisitio nostra: in explorando autem homine nil magis spectat, quam, ut erudiat nos, ut perficiat, in ipsum nos ducat veritatis regnum. Quaerendum igitur nunc nobis porro de hac ipsâ veritatis, τοῦ ὄντος, αὐτοῦ τοῦ ὄντος, *scientia*, quid tandem sit, videtur, ut de fine Platonicæ philosophiæ constet nobis aliquando. Quodsi talem hunc compererimus, qualem nunc esse auguramur, videbimus profecto, hoc proposito praeclaro philosophiam illam cum distingui maxime ab illorum doctrinis quibus caussarum scientia unicus finis est, tum proxime ad divina praecepta accedere.

Sed huc progredientibus tandem, in mentem nobis sophistarum istorum et oratorum venit, qui in ipso itineris nostri ingressu (*) inania nos agere, si veritatem et scientiam quaereremus, clamabant, veritatem esse nullam contententes, unam in rebus humanis *opinionem* dominari. In quibus erant qui de hac ipsâ re, de *opinionem*, satis acute, partim etiam vere, dicerent: in primis Protagoras, qui illud crepabat, *omnium rerum hominem esse mensuram*. Nos tum quidem illos non morati sumus. Flagrantes ipsi veri amore, hoc summum

(*) Vol. II. P. II. p. 76. Cf. p. 161.

num philosophiae principium in ipso homine explorare gestiebamus. Nunc vero, postquam et hoc philosophiae principium et disciplinas, quibus haec nos ad veri scientiam ducit, et exploravimus et declaravimus, cumque jam simus de ipso philosophiae fine acturi, nunc, inquam, non tantum non rejiciendi illi nobis sunt, sed in consilium adeo adhibendi videntur. Nam quamvis apud nos de insito illo nobis veri amore deque disciplinarum vi et efficacitate ad alendum huncce, hominemque in mundum νοητὸν, in regnum veritatis evehendum constet, si nec scientia ulla est nec veritas cum scientiâ conjuncta, irrita nobis erunt, quae tam studiose, tam longo itinere persecuti sumus. Assequemur enim pro scientiâ, quam jam jam nobis attigisse videbamus, opinionem scilicet, veram forte illam, ut perhibent illi, certe probabilem et veri simillimam, sed *opinionem* tamen, quae item esse falsa potest. Redeamus igitur in hoc exitu disquisitionis nostrae ad sophistarum illorum similiumque philosophorum doctrinas. Si probabiliter non tantum, sed vere de opinione dixisse videbuntur, assentiemur iis: nam quod videtur verissimum tum quidem, si scientia nulla sit, unice amplexendum erit; sin vero sententiam nobis suam non persuaserint, id lucrabimur, ut scientiam ab opinione, quod nobis nunc potissimum agendum esse duximus, recte didicerimus distinguere: tum vero nobismet ipsis persuaserimus plene, unum esse philosophiae, eundemque

que certum et immutabilem finem, veri sive τοῦ ὄντος scientiam.

*Comparantur cum universa hac Platonis doctrina sophistarum prae-
corumque philosophorum de opinione
placita.*

Ut orsi hanc totam de philosophia veri disquisitionem a *Theaeteto* Platonis sumus, ita ad postremum jam argumenti locum accedentibus idem nobis dialogus prae caeteris attendendus erit. Socratis enim in eo cum *Theaeteto* adolescente et *Theodoro* sermones ἐπισημὴν, ipsam de qua nunc agimus scientiam, materiam habent. Sed tum consideravimus puerum hunc praesertim, τὸν εὐμαθῆ, τὸν φιλομαθῆ, τὸν φύσει φιλοσοφόν, quo magis in veri explorando amore insitam illam homini philosophiam hoc exemplo declararemus. Nunc ipsum nobis dialogi argumentum considerandum proprie erit. Nam pertinet quidem maxime disputatio illa ad μαιευτικὴν Socraticam dramatice, ut animadvertimus, lectoribus proponendam: definitiones argumenti, quas profert *Theaetetus*, a *Socrate* explorantur et confutantur; sed quamvis iccirco magis in dialogo hocce, quid non sit scientia, quam quid sit, ostendatur, hoc ipsum, quid non sit, vidisse, magni nobis ad scientiam assequendam momenti erit, ut secernamus ab ea continuo, quae falso hoc praeclaro nomine dicuntur.

tur. Sed hac de re postea: nunc, quod nobis proximum est, ipsas sophistarum ac priscorum philosophorum de opinione sententias e dicto dialogo proferamus.

Protagorae effatum:

ἅπαντων χρημάτων μέτρον ἄνθρωπος.

Celebratissimum in illis sententiis hoc Protagorae effatum est, quod accuratissime exposuit Plato. Nam ubi interrogatus apud eum de scientiâ Theaetetus, αἴσθησιν, *sensum*, eam esse dixit, Socrates, videris sane, inquit, sententiam de scientiâ haud abjectam excitasse, sed quam Protagoras item dixit: quamquam eadem ille aliâ quadam ratione pronuntiavit. Dixit enim, πάντων χρημάτων μέτρον ἄνθρωπον εἶναι· τῶν μὲν ὄντων, ὡς ἔστι· τῶν δὲ μὴ ὄντων, ὡς οὐκ ἔστιν· *omnium rerum mensuram hominem esse, earum, quae sunt, ut sint, quae non sunt, ut non sint*: legistine aliquando? — Et saepius quidem legi. — Nonne sic fere ait: ὡς οἷα μὲν ἕκαστα ἐμοὶ φαίνεται, τοιαῦτα μὲν ἔστιν ἐμοὶ· οἷα δὲ σοὶ, τοιαῦτα αὖ σοὶ ἄνθρωπος δὲ σύ τε καὶ γώ; *qualia singula mihi videntur, talia mihi sunt: qualia vero tibi, talia tibi rursus: homines autem ambo sumus*? — Vero: sic ait. — Probabile autem est, sapientem virum non nugari: quocirca sequamur illum. Nonne saepenumero, vento flante eodem, alius nostrum riget, alius minime? Alius item leniter, vehementer ve-

ro

ro alius? — Procul dubio. — Utrum igitur ventum ipsum per se et frigidum esse et non frigidum dicemus, an Protagorae fidem habebimus dicenti, rigenti eum frigidum esse, non rigenti non frigidum? — Sic videtur. — Numquid ita utrique φαίνεται? — Ita omnino. — Φαίνεται autem illud αἰσθάνεσθαι est? — Est. — Φαντασία igitur et αἴσθησις in calidis omnibusque hujuscemodi negotiis idem est: qualia enim sentit quisque, talia cuique videntur esse. — Omnino. — Αἴσθησις igitur semper ejus est, quod *est*, nec falsa est, quippe quae *scientia* est. — Apparet. — Nonne, per Gratias, viro- rum sapientissimus Protagoras erat, et haec nobis, de plebe homunculis, obscure significavit, disci- pulis vero in arcano veritatem aperuit? — Quo id pacto, o Socrates, ais? — Dicam, nec con- temnenda sane sententia est: nihil ipsum per se *unum* esse nec recte appellari *quid*, aut *quale*; sed, si magnum appellaveris, parvum item, si grave, leve item appariturum, atque ita omnia; nihil enim omnino vel unum esse vel quid vel quale; ἐκ δὲ δὴ φορᾶς τε καὶ κινήσεως καὶ κρή- σεως, πρὸς ἄλληλα γίγνεται πάντα, ἃ δὴ φαμέν εἶναι, οὐκ ὁρθῶς προσαγορεύοντες· ἐγὼ μὲν γὰρ οὐδέ- ποτ' οὐδέν, αἰεὶ δὲ γίγνεται *omnia vero agitatio- ne, motu et commixtione mutua fieri, quae esse dicimus, non recte dicentes: nihil enim om- nino est, sed fit semper.* (1)

Con-

(1) Theaet. 151. E. — 152. D.

Conjunctum illud Protagorae effatum, ut hinc colligimus, quam proxime est cum philosophorum sententiis, qui labi ac mutari omnia contendebant. De his fuse deinceps Socrates.

*Sententiae philosophorum,
quos Plato τοὺς βεδντας φιλοσόφους
appellat.*

In hoc autem omnes deinceps sapientes, inquit, excepto Parmenide, consenserunt, Protagoras, Heraclitus, Empedocles, et poetarum etiam in utraque poësi principes, in comoedia Epicharmus, in tragoedia Homerus, qui cum diceret: Ὀκεανὸν τε θεῶν γένεσιν καὶ μητέρα Τηθύν, (1) omnia dixit e fluxu motuque nata: nonne id dicere videtur? — Mihi quidem. — Quis ergo adversus tantum exercitum, ejusque ducem Homerum pugnare audeat, quin ridiculus habeatur? — Non facile id, o Socrates, est. — Non est profecto, Theaetete: praesertim cum haec sint illi sententiae idonea argumenta, quod, ut quid esse videatur et fiat, motus, ut non esse videatur et intereat, quies efficit. Ignis enim calorque, qui caetera gignit ac regit, ipse agitatione et frictione fit: id autem motus est: nonne haec ignis origo? — Est omnino. — Quin etiam animalium genus ex iisdem nascitur. — Quidni? — Quid
cor-

(1) Hom. II. ξ. 201.

corporum habitus? nonne otio et torpore corrumpitur, exercitatione vero motuque plurimum conservatur? — Certe. — Animi quoque habitus disciplinâ et meditatione, quæ motus sunt, doctrinas consequitur, servaturque et perficitur; quiete vero, id est, negligentia et pigritia, nec discit quidquam, et si quid didicit, obliviscitur? — Et maxime quidem. — Bonum igitur tam in animo quam in corpore motus est, malum vero contrarium? — Videtur. — Praeterea in iis, quæ serenitates coeli tranquillitatesque vocantur et his sunt similia, id assero, quietem res putrefacere ac perdere, motum vero conservare: et vero colophonem his addens evincam, auream catenam nihil aliud quam solem dici ab Homero (1) ac declarari, quousque circumvertitur cum coelo sol, esse omnia et servari apud Deos hominesque; sin autem universum quasi ligatum staret, res omnes corruptum iri eventurumque, quod dicitur, sursum deorsumque cuncta. — Mihi vero item videntur, o Socrates, quæ dicis his declarari (2).

Distant sane toto, quod ajunt, coelo hæc placita a philosophia Platonis. Deprehendisse nobis modo, quod certum et immutabile esset, visum sumus; nunc contra nihil esse certum, omnia mutari atque in perpetuâ esse fluctuatione dicamus. Sed veritatem quaerimus unice, quæ etiamsi nulla sit, sed esse duntaxat *videatur*, id ipsum exist-

(1) *Iliad.* 6. 17. . (2) *Theæst.* 152. D. — 153. D.

timabimus verum esse. Age igitur, hanc quaecunque tandem sit, veritatem e recondita istorum hominum sapientiâ expromat nobis Socrates. Sic ille porro: tune vero intelligis, inquit, Theaetete, quare haec secundum Protagorae, quam memoravimus, sententiam, talia sint? — Nondum equidem. — Gratiam igitur mihi habebis, si tibi viri, imo virorum celeberrimorum abditam sententiae veritatem (1) investigavero. — Quidni habeam et magnam quidem? — Vide igitur et circumspice, ne quis ea profanus audiat. Sunt autem illi, qui nihil aliud esse putant, nisi quod manibus firmiter possunt comprehendere; actiones vero generationesque et quidquid cerni non potest in eorum numero, quae sunt, non habent. — Duros, o Socrates, et asperos homines memoras. — Sunt enim, o puer, a Musis admodum alieni: illi vero multo elegantiores, quorum tibi traditurus mysteria sum. Principium, unde et ea, quae hactenus dixi, omnia pendent, hoc illis est, ὡς τὸ πᾶν κίνησις ἦν καὶ ἄλλο παρὰ τοῦτο οὐδὲν. *universum hocce motum et aliud praeter motum nihil esse*: motus autem duo esse genera, utrumque multitudine infinitum, vim vero alterum habens agendi, alterum patiendi: ex horum autem congressu et frictione mutuâ nasci numero infinita, specie bina, alterum αἰσθητόν, αἰσθη-

(1) Protagorae antiquitas liber existit Ἀληθεία inscriptus. V. Green. *Prosopogr. Plat.* p. 80.

θῆσιν alterum, quorum hoc cum illo convenire et generari: caeterum αἰσθησις his apud nos nominibus appellari, visus, auditus, olfactus, gustus, sensusque frigidi et calidi, quique voluptates et dolores, appetitus et timores vocantur: aliosque affectus, innumeros qui nomine carent, nominatos quam plurimos; αἰσθητὸν autem genus his singulis esse cognatum, visibus omnigenis omnigenos colores: auditibus itidem voces: caeteris αἰσθησεὶ caetera αἰσθητὰ. (1)

Hunc in modum Socrates sophistarum illorum et philosophorum placita exponit: illustrat autem singula cum aliis exemplis, tum hoc, ab oculis et coloribus ducto. Quod colorem vocas album, inquit, id nec aliud quidquam extra oculos tuos esse, nec in oculis, existimes: neque illi tu locum cum certum tribuas: jam enim maneret alicubi ordine nec fieret generatione. — Quomodo igitur illud se habet? — Sequamur sermonem superiorem, quum nihil per se ipsum unum esse poneremus: atque ita nobis niger albusque et quivis alius color ex oculorum ad convenientem ipsis rerum motum applicatione exstitisse videbitur, et quodcumque coloris nomine vocamus, nec quod applicat erit, nec quod applicatur, sed intermedium quidam cuique proprius affectus. An vero asseverare aosis, qualis tibi unusquisque color apparet, talem canibus etiam singulisque animalibus

(1) *Theaet.* 155. D. — 156. C.

bas apparere? — Non ego, per Jovem. — Quid autem? alteri homini et tibi num quidquam apparere simile, firmiter contendas? an vero multo magis, ne tibi ipsi etiam idem apparere, quoniam nunquam tibi ipsi similiter te habes? — Hoc magis, quam illud mihi videtur. — Ergo si id quod metimur vel attingimus, magnum reapse vel album vel calidum esset, nunquam id alteri accidens, aliud fieret, nisi mutaretur: sin autem rursus id quod metitur vel attingit, horum quid esset reapse, non sane altero accidente vel quid patiente, aliud fieret, si ipsum nihil pateretur (1). Efficit hinc Socrates, album colorem nec oculo spectantis nec rei, quae spectatur, inesse: unde vero existat, ex motu illo rerum omnium, quem loquuntur sapientes isti, explicat, demonstratque simul, nihil esse ipsum per se unum vel quid vel quale. Nam cum sensibus, ut diximus, inquit, res, quae iis percipiuntur, respondeant, in motu illo perpetuo conveniens cum re cognata oculus gignit colorem album. Sic nobis album apparet sive lignum sive saxum et caetera pariter negotia, durum et calidum: ipsum per se nihil est, sed per motum, mutuo congressu, fiunt omnia et omnigena: quandoquidem tam agens quam patiens unum aliquid esse per se, haud firmiter, ut ajunt, cogitare licet. Neque enim agens quidquam est prius, quam patienti con-

(1) *Theaet.* 153. D. — 154. B.

congregiatur: neque patiens prius quam agenti. Quod enim congregitur alicui et vim efficiendi habet, ubi in aliud inciderit, ibi tum primum patiens apparet (1). E quibus omnibus consequitur, quod ab initio diximus, nihil esse ipsum per se unum, sed aliquo semper fieri: *esse* autem omni e negotio tollendum esse; quamquam nos in superioribus consuetudine atque inscitia uti illo saepius coacti fuerimus. Non decet illud vero, ut sapientum fert sententia, nec admittere *quid* vel *cujus* vel *mei* vel *hoc* vel *illud* vel aliud quodcunque nomen, quod statuatur, oportet; sed secundum naturam nomina pronuncianda, quae *fieri*, *confici*, *interire*, *mutari* notant. Nam si quid quis dicendo statuit, facile redarguitur. Hunc autem in modum et singulatim de singulis loqui oportet et de multis in unum collectis: in quibus hominem censent et lapidem atque animal unumquodque et genus. Placentne tibi haec, Theaetete? (2)

Ironiae plena sunt fere, quae apud Platonem Socrates in sophistas dicit. Quo fit, ut multis hi homines non magnopere solertes, imo ridiculi videantur. Perperam nos autem inde hoc iudicium petamus. Nam eadem de causâ pariter et poëtas tantum non omnes, qui a Platone memorantur, et ipsum adeo divinum Homerum, rid-

(1) Illustrat haec Socrates deinceps, ubi eadem ad gustum refert 159. C. D. (2) *Theaet.* 155. D. — 157. C.

diculos et contemnendos judicemus. Haec eadem sophistarum inprimisque Protagorae placita qui non miri esse acuminis, non summae sagacitatis dicit, hunc ipsum vel praejudicatis occoecatam opinionibus, vel non magnopere solertem esse suspicemur. Plato vero ipse videtur de sophistis, certe de Protagorâ aliter existimasse. Reprehendit in illo sententiam hanc de veritate multoque etiam magis, quod de Diis pronunciavit, essent ne illi, nec ne, se nec scire nec quaerere. Verum idem Plato, nisi legendis viri scriptis admiratus ejus ingenium fuisset, non profecto ex illis praeclarissimum placitum de institutione et de republica (1), non fabulam illam de Prometheo et Epimetheo, qua nullam antiqua philosophia elegantiore magisque philosopham tulit, in sua ipse scripta suscepisset (2). Dicitur adeo, nec temere profecto, cum *Politiâ* scriberet, e Protagorae *Politiâ* multum profecisse (3). Sed hoc ipsum principis sophistae placitum πάντων χρημάτων μέτρον εἶναι ἄνθρωπον, si futile prorsusque rejiciendum putasset, non ita diligenter nec tantâ probabilitatis specie nobis proposuisset. Scilicet, ut Socrates, ita germanus Socratis discipulus Plato,

ic

(1) *Protag.* 325. et 326. (2) *Eod.* 320. C. — 322. D. V. Intpp. praecipue autem *Ekkeri* disputatio in *Protagorae* apud *Platonem* fabulam de *Prometheo*, *Traj.* ad *Rh.* 1822. (3) *V. Diog. Laert.* III. S. 57. p. 186. Cf. id. p. 577.

iccirco ironice nec sine contemptu exagitabat sophistas tum poëtas plerosque et oratores, quod virtutis iustitiaeque vix ullam habere rationem videbantur: idque ipsum in scriptis suis reprehendit maxime; caeterum vero eorundem in literas, in ipsam philosophiam merita non reticuit. Quae ratio aliorum etiam Socraticorum fuit. Nam ut Plato Protagorae, quam modo laudavi, ita Xenophon Prodicj fabulam, eximiam illam et philosopham de Hercule in scribendis *Socratis Memorabilibus* commendavit (1). Nec vero prorsus abhorrebant a Socratica et Platonica philosophia sophistarum placita, uti e fabulis illis, sed praeterea ex his ipsis eorum de perpetua omnium rerum fluctuatione sententiis patet.

*Placita illa de opinione non
prorsus rejecit Plato.*

Convenire cum illis aliqua certe parte philosophiam Platonis, inde suspicamur continuo, quod Academici aliquando plane eadem ratione de rebus omnibus dubitarunt. Sed Plato ipse, in perpetua mutatione omnia esse, quae sensibus percipiuntur, non diffitetur: ubivis memorat τὰ ὄντα, quae *sunt*, opponit autem illis τὰ γινόμενα καὶ ἀπολλύμενα, quae ad sensus refert. Si quis alius apud Platonem sermo ipsius sententiam declarat, est

(1) L. II. 1. §. 21.

est certa ille, quem Diotimæ tribuit in symposio: illic autem mulier sic loquitur de rerum omnium mutatione, ut unum ex Heracliteis istis et sophistis audire nobis videamur. Dicitur, ait, unumquodque animalium vivere idemque esse, veluti a puero quis idem esse, donec senex fuerit, dicitur: is vero numquam eadem habens, idem tamen vocatur: fit scilicet novus identidem ac vetera exuit, quod et crines et carnem et ossa et sanguinem et totum omnino corpus attinet. Nec corporis tantum, sed animi etiam ratione habita, sic sese homo habet. Mores, consuetudines, opiniones, cupiditates, voluptates, dolores, timores, horum singula nunquam eadem unicuique adsunt, ἀλλὰ τὰ μὲν γίγνεται, τὰ δὲ ἀπέρχονται: *alia vero nascuntur nobis, pereunt alia*. Imo vero, quod multo mirabilius etiam est, scientiæ adeo non solum cum nascuntur nobis, tum pereunt, ut earum etiam ratione habitâ nunquam iidem simus; sed uniuscujusque adeo scientiæ eadem conditio est. Id enim, quod *meditari* appellamus, quasi exierit scientia, dicitur: oblitio enim scientiæ exitus est, meditatio vero novam memoriam semper abeuntis loco restituens, scientiam servat, ut esse eadem videatur (1). Haec Diotime in Symposio: quae si attendimus, non sane videatur Plato τῶν βέοντων φιλοσόφων placita rejecisse. Quod autem Protagoræ dictum attinet, id cui-

(1) *Symp.* 207. D. — 208. A.

cuique verum esse, quod sensibus apparet, non comprobavit illud, fateor: imo datâ operâ refutavit. Cujus refutationis cum alia prodidit argumenta, tum hocce: vera esse hominibus futura etiam, quae non apparent sensibus; quae autem in somniis apparent v. c. homines volantes, haec non iis vera esse (1). At vero id, quo spectat placitum proprie, sensibus non esse fidem habendam, si quidem quod verum per se, si scientiam quaerimus, id ipsum Platicum est, ut e tota Socratis in carcere disputatione (2), tum hercle! ex ipsa speluncae cum mundo adspectabili comparatione intelligitur.

Partim igitur consentiebat cum sophistis istis et philosophis Plato. Quocirca, si confectâ comparatione rejecerimus forte ejus de scientiâ sententiam, non tota haec nobis improbanda erit. Academici recentioris aetatis hanc partem philosophiae Platonicae comprobarunt maxime: sic adeo eam exposuerunt, ut Platonem, imo ipsum adeo Socratem sophistis illis simillimum facerent. Cujus rei auctor Cicero est, qui ipse dictus habitusque Academicus fuit. *Arcesilas primum ex variis Platonis libris sermonibusque Socraticis hoc maxime arripuit, nihil esse certi, quod aut sensibus aut animo percipi possit: quem ferunt eximio quodam usum lepore dicendi, aspernatum esse omne animi sensusque iudicium, primumque instituisse, (quamquam id fuit*

(1) *Theaet.* 178. B. (2) *Phaedon.* 65. et passim.

fuit Socraticum maxime,) non quid ipse sentiret, ostendere, sed contra id, quod quisque se sentire dixisset, disputare. Hinc haec recentior Academia emanavit (1). Illi igitur e dictis sententiisque Socratis et Platonis sententiam ipsi suam hac gravissimorum auctoritate philosophorum commendare et confirmare solebant. Et sane rota eorum philosophia sententiam Platonis de sensibus, vix nullam iis fidem habendam esse, referebat: quamquam augebant omnia, qui imitatorum fere mos est et nihil esse verum contendebant. Itaque Arcesilas, ut alio loco idem dicit Cicero, negabas esse quidquam, quod sciri posset, ne illud quidem ipsum, quod Socrates sibi reliquisset. Sic omnia latere censebat in occulto, neque esse quidquam, quod cerni aut intelligi possit: quibus de causis nihil oportere neque profiteri, neque affirmare quicquam, neque assensione approbare: cohibereque semper, et ab omni lapsu continere temeritatem: quae tum esset insignis, cum aut falsa aut incognita res approbaretur: neque hoc quidquam esse turpius, quam cognitioni et perceptioni assensionem approbationemque praecurrere. Huic rationi quod erat consentaneum, faciebat, ut contra omnium sententias dies jam plerosque deduceret, ut, cum in eadem re paria contrariis in partibus momenta rationum invenirentur, facilius ab utraque parte assensio sustineretur. — Hanc Aca-
de

(1) Cic. de Orat. III. 18.

demiam novam appellant: quae mihi vetus videtur: si quidem Platonem ex illa vetere numeramus: cujus in libris nihil affirmatur et in utramque partem multa disseruntur, de omnibus quaeritur, nihil certi dicitur (1); sed tamen illa quam exposui, vetus: haec, nova nominetur: quae usque ad Carneadem perducta, qui quartus ab Arcesila fuit, in eadem Arcesilae ratione permansit (2).

Indicare nobis de Protagorae similiumque sive sophistarum sive philosophorum placitis tum deum licebit, postquam his Platonis sententiam de veri, de αὐτοῦ τοῦ ὄντος scientiā apposuerimus. Videntur autem illi arctis sane finibus doctrinam suam descripsisse, referentes quippe eam ad solum mundum adspectabilem; ut conferat quis forte eos cum speluncae Platonicae incolis, qui praeter umbras simulacrorum, quas oculis cernebant, nihil esse verum arbitrabantur: hac tamen exceptione, ut nonnulli horum philosophorum, quippe captivis illis longe sapientiores, nihil omnino esse verum certumque, ne illud adeo ipsum, quod Socrates sibi reliquisset, nihil se scire, decreverint. Quodsi haec est istorum philosophorum conditio, non erit facile, qui non escendere cum Platone in mundum νοητὸν, in sedem veritatis, quam delitescere cum illis in errorum sede malit. Sed persequamur comparisonem nostram.

Quod

(1) Veluti in Theaeteto de scientia: de ideis h. l. non cogitavit Cicero. (2) Cic. Acad. Q. I. 12.

Quod primum nobis erat in conferendo cum sophistis priscisque philosophis Platone agendum, ut, quae in eorum doctrinis similia essent, exquireremus, perfecimus. Nunc ad gravissimam comparisonis partem accedimus. Quaerimus, quibus in rebus discesserit ab illis Plato. Quae disquisitio nos sponte ducit ad Eleaticorum placita philosophorum. Nam his ille debuisse maxime videretur, quae περὶ τοῦ ὄντος, de eo quod est, de rebus firmis et immutabilibus philosophatus est.

*Eleaticorum περὶ τοῦ ὄντος
effata. Quid in his probavit Plato?*

Ut, non prorsus rejecit philosophorum, qui πάντα κινεῖσθαι dicebant, doctrinam, ita habuerunt Eleaticorum placita, qui τὸ πᾶν ἰσάναι contende-
bant, quod admiraretur probaretque vehementer. Quod enim hi de immutabili τοῦ ὄντος conditio-
ne asseveraverant, id cum studio veri, quo ipse ardebat, congruebat mirifice: et vero, quamvis sen-
tentia eorum, nil mutari, sed stare omnia, ab-
surda ipsi videretur, tamen acerbius eos repre-
hendere, Parmenidis maxime caussa, principis in
illâ sectâ philosophi, verecundabatur. Quod e
proximis in Theaeteto locis intelligitur. Nam
postquam illic Protagorae dictum, omnium rerum
hominem mensuram esse, sub Socratis personâ
explicuit, ad Eleaticos deinceps transgrediens sic
facit eundem Socratem de his et Parmenide di-
centem. Μέλισσον μὲν καὶ τοὺς ἄλλους οἱ ἐν ἑσῶς
cen-

λέγουσι τὸ πᾶν, αἰσχυρόμενος μὴ Φορτικῶς σκώπτω-
μεν, ἥττον αἰσχύνομαι, ἢ ἓνα ὄντα Παρμενίδην. Παρ-
μενίδης δὲ μοι φαίνεται τὸ τοῦ Ὀμήρου αἰδοῖός
τέ μοι ἄμα δεινός τε· συμπροσέμιξα γὰρ δὴ τῷ
ἀνδρὶ, πάνυ νέος, πάνυ πρεσβύτερ· καὶ μοι ἐφάνη
βάθος τί ἔχειν παντάπασι γενναῖον (1). Quibus
dictis disputatio subsequitur Socratis cum Theae-
teto, e qua intelligi optime posse videtur, cum
quid in Eleaticis probaverit Plato, tum vero maxi-
me, quid ipse de scientiā ac de eo, quod est,
περὶ τοῦ ὄντος, existimaverit. Hoc autem, inquit,
Theaetete, de dictis insuper considera: sensum es-
se scientiam dixisti, nonne? — Dixi. — Si quis
igitur ex te quaereret, quonam alba et nigra ho-
mo videat, quove acuta et gravia audiat, oculis
ut arbitror, et auribus, responderes. — Equi-
dem. — Uti negligentius nominibus verbisque,
nec nimis ea curiose exquirere, saepenumero ge-
nerosi animi est, contrarium autem illiberalis:
nonnunquam tamen necessarium est; veluti nunc
id quod respondisti reprehendere cogimur, qua
in parte non recte se habet. Attende enim:
utrum rectius respondeatur: ὃ ὁρῶμεν, τοῦτο εἶναι
ὁφθαλμοῦς, ἢ δι' οὗ ὁρῶμεν. καὶ ὃ ἀκούομεν, ὅτι,
ἢ δι' οὗ ἀκούομεν· *quod videmus, hoc esse oculos,*
an per quod videmus, quod audimus, hoc esse au-
res, an per quod audimus? — Potius mihi, *per*
quas

(1) *Theaet.* 185. E. De Eleaticis nuper palmarum, ut
auguramur, operis initium prodiit: *Karsteni philas,*
peterson reliquiae. Vol. I. Bruz, 1830.

quae singula sentimus, quam quibus sentimus respondendum videtur. — Iccirco ista tecum diligenter perquiro, ut videamus, num uno quodam eodemque, quod insit nobis, per oculos alba et nigra, per alios autem sensus alia quaedam percipiamus: possis-que interrogatus ad corpus singula referre. Sed praestat te singulatim de his respondere, quam aegre me tui vices gerere. Dic igitur: ea, per quae sentis calida, sicca, levia, dulcia, nonne corporis sensus singula existimas? an vero alterius cujusdam? — Nullius alterius. — Numquid fateberis, quae per alium sensum sentis, per alium sentire non posse? veluti quae per auditum, non eadem per visum: et contra, quae per visum, non eadem per auditum? — Quidni fatear? — Quodsi de ambobus cogitas, non sentis id per hunc alterumque sensum. — Non certe. — De voce igitur et colore hoc ipsum de ambobus cogitas, esse ambo. — Cogito. — Tum alterutrum ab alterutro diversum esse et sibi met ipsum. — Quidni? — Et ambo esse duo, alterutrum vero unum. — Hoc item. — Potes insuper, utrum similia inter se, an dissimilia sint, judicare. — Forte. — Haec autem omnia per quod potissimum de illis existimas? Nec enim per auditum nec per visum fieri potest, ut quod commune illis est percipiatur. Hinc praeterea quod dicimus conjicere licet. Si de ambobus judicari posset, salsa-ne sint nec ne, posses procul dubio declarare, quo judicares: idque non visum, non auditum, sed aliud

aliud quid esse constat. — Quidni? linguae id vis esset. — Scite loqueris. Cujusnam vero rei vis id declaret, quod omnibus et his commune est, cui tamquam nomen tribuis τὸ ἕς, et τὸ οὐκ ἕς, et quae paullo ante de iis quaerebamus? His omnibus quales assignaveris sensus, per quos singula percipiat sentiendi facultas nostra? — *Essentiam* ais et ipsum *non esse*, *similitudinemque* et *dissimilitudinem* atque *idem* et *alterum* itemque *unum* et caeteros numeros, praeterea *par* et *impar* et quaecunque his sunt congrua, haec quaeris per quem tandem corporis sensum animo percipiamus. — Optime omnium, o Theaetete, assequeris, et haec ea ipsa sunt, de quibus quaero. — Ego vero per Jovem, o Socrates, quid dicam ignoro, πλὴν γ' ὅτι μοι δοκεῖ τὴν ἀρχὴν οὐδ' εἶναι τοιοῦτον οὐδὲν τούτοις ὄργανον ἴδιον, ὥς περ ἐκείνοις, ἀλλ' αὐτὴ δὲ αὐτῆς ἡ ψυχὴ τὰ κοινὰ μοι φαίνεται περὶ πάντων ἐπισκοπεῖν· nisi ab initio mihi visum esse, nullum hujusmodi proprium sensum his esse, ut illis, accommodatum, sed ipsum per se animum communia illa de omnibus considerare. — Pulcer es, o Theaetete, nec, ut aiebat Theodorus, deformis: nam qui pulcre loquitur, pulcer est et bonus. Praeterea recte fecisti, qui me longo sermone liberaveris, si quidem videtur tibi animus alia ipse per se, alia per corporis facultates percipere et considerare: id enim erat, quod mihi item videbatur: volebam autem tibi esse persuasum. — Mihi vero persuasum est. —

Utro-

Utrorumne igitur in numero essentiam censes? Hoc enim nunc maxime illis omnibus consequens est. — Eorum, quae animus ipse per se appetit. — Non item simile et dissimile, idem et alterum? — Haec item. — Quid vero? pulcrum et tætrum, bonum et malum? — Et horum quidem omnium maxime videtur animus essentiam comparando considerare, reputans secum praeterita praesentiaque et cum futuris conferens. — Adverte et hoc: rei durae duritiem per tactum sentiet et mollis similiter mollitiem? — Ita sane. — Essentiam autem et quid ambo sint mutuamque contrarietatem et ipsius contrarietatis essentiam ipse animus explorans et comparans invicem, judicare conatur? — Omnino. — Nonne hominibus brutisque animalibus naturā datum est, ut quaecumque *παθήματα* per corpus ad animum tendunt, statim atque in lucem prodierunt, sentiant: ratiocinari vero de eorum essentia et utilitate, id vix tandem longo temporis intervallo frequentique studio ac disciplinā illis contingit, quibus quidem contingat? — Ita prorsus. — Fierine potest, ut veritatem assequatur, qui non assecutus essentiam est? — Non potest. — Cujus autem rei quis veritatem non assequitur, hujus unquam scientiam habebit. — Quo id fieri pacto possit? — In iis quae cui accidunt, *ἐν τοῖς παθήμασι*, non est scientia; est vero in ratiocinatione de illis. Hic enim ut par est, essentiam assequi et veritatem licet, vi illis non licet. — Sic videtur. —

Num

Num idem illud et hoc vocas, cum adeo sint a se invicem diversa? — Haud sane deceret. — Quod igitur illi attribuis nomen, ipsi dico videre, audire, odorari, frigesieri, calefieri? — *Sentire* equidem: quid enim aliud tribuam? — Universum igitur hoc *sensum* vocas? — Necesse. — Huic convenire veritatis perceptionem negavimus, quippe essentiae non particeps est. — Sic est. — Neque scientiae igitur compos erit. — Non sane. — Iccirco, o Theaetete, sensus et scientia non idem esse potest. — Non videtur. (1)

Stare omnia, quod unice placebat Eleaticis, non probabat Plato, sed admirabatur amabatque in philosophis illis veri ardorem, qui in eorum carminibus scriptisque omnibus, in totâ eorum philosophiâ dominabatur. Quod autem iidem, hoc ducti ardore, τὸ ὄν celebraverant ac rebus quae esse viderentur opposuerant, laudabat vehementer. Hinc adeo profectus, quod illi neglexerant, perfecit. Nam praeclaras quidem pronunciaverant de veritate sententiâs, quibus mortales monuerant, ne fidem haberent sensibus, sed id, quod *esset*, persequerentur, ut Parmenides ille αἰδοῖός τε ἅμα δεινός τε in his:

— Χρὲν δὲ σε πάντα πυθέσθαι,
ἢ μὲν ἀληθείης εὐπειθέος ἀτρεκέως ἦτορ,
ἢ δὲ βροτῶν δόξας, ταῖς οὐκ ἐνὶ πίστις ἀληθῆς*
ἀλλὰ σὺ τῆσδ' ἀφ' ὁδοῦ διζήσιος ἔργα νύμην. (2)

Sed,

(1) *Theaet.* 184. B. — 186. E. (2) Apud *Steph.* in *poiesi philosophica* p. 42. Cf. *Fülleborn Beiträge* P. 6. p. 43.

Sed, quid sensibus tribuendum esset, quid non tribuendum, quid opinio, quid scientia, quid τῶν ὄντων scientia esset, nec Parmenides, ut videtur, nec ullus Eleaticorum datā operā et dialecticā ratione exposuerat. Id igitur fecit Plato, et quo id modo fecerit, cum ex hac ejus, quam descripsimus, in Theaeteto disputatione, tum ex iis, quae illie proxime consequuntur, efficere licet.

*Quid sensibus tribuit
Plato? quid tribuendum esse negavit?*

Non leviter Plato, quid sensibus debeamus, quid non debeamus, inquisivit. Huc autem maxime ejus sententia redit: affici per eos animum rebus externis, indeque ejus παθήματα quaedam exsistere; esse autem haec παθήματα scientiae quidem expertia, at necessaria tamen, ut mens iis adhibeat deinceps, quae ipsa per se percepit, i. e. τὰ νοητὰ, τὰ ὄντα. Id comparando subinde illustrat, ut in eodem hoc Theaeteto, ubi opiniones exquirat veras et falsas. Ceterae confert animum, quae aliunde signa, quae ipsi imprimuntur, accipit. Sic animum ait per sensus rerum externarum sive signa sive fornas sive imagines suscipere. Sed comparatio tantopere ipsi mentis naturae et conditioni, quam linguae referunt, convenit, ut tota hoc loco apponenda videatur. Finge mihi, ait Socrates, rei declarandae causā, ἐν ταῖς ψυχαῖς ἡμῶν ἐν κήρινον ἐκμαγεῖον τῷ

τῷ μὲν, μᾶλλον, τῷ δὲ, ἑλαττον· καὶ τῷ μὲν καθύπερθε κρηττόν, τῷ δὲ, κοπρωδεστέρον καὶ σκληροτέρον· ἐνίοις δὲ ὑγροτέρον· ἔστι δ' οἷς μετρίως ἔχοντος· *In animis nostris finge effigiem ceream* (1): *in hoc majorem, minorem in illa: in hoc purioris cereae, sordidioris puriorisve in alio; in quibusdam potest Moris, in nonnullis etiam medicæ.* Donum hoc igitur esse dicamus Musarum matris, Mnemosynæ, καὶ ἐς τοῦτο, ὅ, τι ἂν βουλευθῶμεν μνημονεύσαι ἂν ἂν ἴδωμεν ἢ ἀκούσωμεν ἢ αὐτοὶ ἐννοήσωμεν, ὑπέχοντες ἀπὸ ταις αἰσθήσεσι καὶ ἐννοαίαις, ἀποτυποῦσθαι, ὥς περ δακτυλίῳ σήματα ἐνσημαινομένους· καὶ ὃ μὲν ἂν ἐκμαγῇ, μνημονεύειν τε καὶ ἐπίστασθαι, ἕως ἂν ἐνῇ τὸ εἶδωκεν αὐτοῦ· ὅταν δὲ ἐξαλειφῇ, ἢ μὴ οἶόν τε γένηται ἐκμαγῆναι, ἐπιλαλήσθαι τε καὶ μὴ ἐπίστασθαι· *nosque in illo, quidquid eorum, quæ vel videmus vel audimus vel ipsi excogitamus, sensibus notionibusque susceptum, meminisse cupimus; effingere ac tanquam annulorum signa imprimere: quodque signatum fuerit, meminisse nos et scire; quoad forma permanet; at, cum aboletur aut imprimi nequit, oblivisci ac nescire.* (2)

Habemus hic plane quasi oculis nostris propositam mentis ejusque per sensus παθημάτων imaginem, quam referunt, ut dixi, linguæ, in primis recentiores. Frequens in iis et vulgaris usus vocis

(1) Non expressi vertendo ἔν, quia melius abest: forte οἷον scripsit auctor.

(2) Theast. 191. C. D.

cis *imaginatio*, *verbeelding*, *verbeeldingskracht*: tum dicere consuevimus *indruk van iets krijgen*: *iemand iets inprenten*. Sed utitur imagine Plato non tantum, ut, quemadmodum per sensus rerum externarum notiones accipiamus, manifestum fieret, sed in primis ad distinguendas opiniones veras et falsas atque utrarumque caussas perspicendas. Inde haec repetit deinde Socrates: ὅταν μὲν ὁ κηρός του ἐν τῇ ψυχῇ βαθύς τε καὶ πολὺς καὶ λεῖος καὶ μετρίως ὠργασμένος ᾖ, τὰ ἰόντα διὰ τῶν αἰσθήσεων, ἐνσημαινόμενα εἰς τοῦτο τὸ τῆς ψυχῆς κέαρ (ὃ ἔφη Ὅμηρος, αἰνιττόμενος τὴν τοῦ κηροῦ ὁμοιότητα) τότε μὲν καὶ τούτοις καθαρὰ τὰ σημεῖα ἐγγιγνόμενα, καὶ ἱκανῶς τοῦ βάθους ἔχοντα, πολυχρόνιά τε γίνεται καὶ εἰσιν οἱ τοιοῦτοι, πρῶτον μὲν εὐμαθεῖς, ἔπειτα μνήμονες, εἴτα οὐ παραλλάττουσι τῶν αἰσθήσεων τὰ σημεῖα, ἀλλὰ δοξάζουσιν ἀληθῆ· σαφῇ γὰρ καὶ ἐν εὐρυχωρίᾳ ὄντα, τάχῃ διανέμουσιν ἐπὶ τὰ αὐτῶν ἕκαστα ἐκμαγεῖα, ἃ δὲ ὄντα καλεῖται καὶ σοφοὶ δὲ οὗτοι καλοῦνται· *ubi cera in cuius animo profunda, copiosa, laevis recteque subacta est, his tum hominibus signa, quae per sensus ad hoc processerunt animi κέαρ, quod vocat Homerus* (1), *obscure τοῦ κηροῦ similitudinem significans, in eoque expressa exstant, et pura sunt et satis habent profunditatis et diuturna fiunt: suntque illi primum dociles, tum memores, tum etiam non permutant sensuum signa, sed vera opinantur.*

Nam

(1) *Batrachom.* V. 208.

Nam, cum clara haec sint atque in ampla regione, singula celeriter in suas quaeque effigies distribuunt, quae ὄντα vocantur. Et hi quidem sapientes appellantur (1). Quibus in dictis Socratis postremum hoc potissimum attendendum est. Ab iis scilicet, quae per sensus percipimus, τὰ ὄντα distinguit, quae ipsi menti debemus ac visis auditisque judicandis adhibemus. Sed pergat Socrates. Ὅταν τοίνυν λάσιόν του τὸ κέαρ ᾗ, ὃ δὴ ἐπὶ νῆσεν ὁ πάντα σοφὸς ποιητής, ἢ ὅταν κοπρῶδες καὶ μὴ καθαροῦ τοῦ κηροῦ, ἢ ὑγρὸν σφόδρα ἢ σκληρόν· ὦν μὲν ὑγρὸν, εὐμαθεῖς μὲν, ἐπιλήσμονες δὲ γίνονται· ὦν δὲ σκληρόν, τάναντία· οἱ δὲ δὴ λάσιον καὶ τραχὺ, λιθῶδες τι ἢ γῆς ἢ κόπρου συμμιγείσης ἔμπλεων, ἔχοντες, ἀσαφῆ τὰ ἐκμαγεῖα ἴσχουσιν· ἀσαφῆ δὲ καὶ οἱ τὰ σκληρά· βάθος γὰρ οὐκ ἔνι· ἀσαφῆ δὲ καὶ οἱ τὰ ὑγρά· ὑπὸ γὰρ τοῦ συγχεῖσθαι τραχὺ γίνε-ται ἀμυδρά· ἔάν δὲ πρὸς πᾶσι τούτοις ἐπ' ἀλλή-λων συμπεπτακότα ἢ ὑπὸ στενοψωρίας, ἔάν του σμικρὸν ἢ τὸ ψυχάριον, ἔτι ἀσαφέστερα ἐκείνων. Πάν-τες οὖν οὗτοι γίνονται οἱ δοξάζειν ψευδῆ. Quod- si densum cuius κέαρ est, quod laudavit ille om- nium rerum peritus poëta, vel lutulentum nec pu- rae cerae, vel molle nimis vel durum: quibus qui- dem molle nimis est, dociles hi quidem sed obliuiosi fiunt, quibus vero nimis durum, tardi contra: qui porro densum habent atque asperum, lapideum quoddam vel terrae sordiumque plenum, obscuras rerum effigies accipiunt: obscuras item, qui du-

(1) Theaet. 191. C. D.

rum: non profunditas ideest: obscuras partes, qui molle habent: confusione enim evanescent facile: quodsi praeterea propter loci angustiam, si cui exigua sit animula, in unum conciderint signa, hi obscuriores etiam illis effigies accipiunt. Omnes hi igitur falsa opinantur fere (1). Quam- tam iocirco sensibus Plato, ad rerum scientiam vim tribuerit, hinc intelligitur. Veruntamen non esse apud eum mentem, ut apud vetères ac recentiores quam plurimos ipsosque fere sophistas, *tabulam rasam* (2), quae extrinsecus tantum rerum formas et imagines susciperet, e praecclaris ejus, quae supra adduximus, in Theaeteto locis patet. Per sensus, ait, rebus externis afficiuntur; attamen nec τοῦ ὅρου in hisce perceptio ulla est, nec scientiae quae proprie vocatur. Ut haec assequamur, quaenam sint, primum rectius nos loqui, quam multi solent, oportet. Non enim cernimus oculis, ut loquuntur, sed *per* oculos: non auribus audimus, sed *per* aures: non sensibus omnino, sed *per* sensus res percipimus. Homo scilicet ipse sive mens hominis per sensus, tanquam ὄργανα, singula assequitur. Miserum enim esset, (praeclaram sententiam et tūc usurpavimus, quum de insito nobis veri amore agebamus (3)) miserum esset enim, si multi nobis sensus, quemadmodum ligneis equis, insiderent, non

(1) *Theaet.* 194. C — 195 A. (2) De Stoicis V. Plat. de *plac. phil.* IV. c. 11. (3) *Theaet.* 184. D. Cf. Vol. II. L. p. 45.

non vero haec omnia in unam quoddam negotium, sive id animus sive quocunque tandem nomine dicendum sit, una contenderent, quo, per sensus hosce, tamquam organa, sentiremus quaecumque sensu percipiuntur. Tum hoc animadvertendum. Mente percipimus, quae percipi per sensus non possunt. Nam ut per oculos aliud, aliud per aures assequimur, ita *ambo* haec dicimus et utrumque *unum*; hoc autem ipsum *ambo* et *unum* et universe numeros non per sensus, sed *una* mente percipimus. Eadem ratio similitudinis et dissimilitudinis est, eadem illorum, quibus loquendo tribuere *est* vel *non est* solemus. In omnibus haec sermone usurpantur, quippe communia omnibus. Haec igitur imprimisque ideae proprie si dictae, *τὰ βυτὰ* sunt, quae mens nostra ipsa per sese, sine sensuum ope, percipit; adhibet autem cognoscendis iudicandisque rebus, quas per sensus perceperit. Id illud est, quod in elegantissimâ animi cum cereo ἐκπαγγελίῳ comparatione de sapientibus dixit, nosque attendendum in primis duximus. Vulgaribus hominibus, inquit, vel densum τὸ χέαρ est vel lutulentum vel molle nimis vel durum, ut sensuum in eo signa obscura sint; sapientes vero, cum clara haec ipsis sint et in ampla regione, singula celeriter in suas quaeque effigies distribuunt, quae βυτὰ vocantur (1).

Hunc igitur in modum Plato, ab Eleaticorum
pro-

(1) Theaet. 194. D.

profectus περὶ τοῦ ὁρθοῦ placitis, eo pervenit, ut non, prouti illi, vix ullam haberet sensuum rationem, nec, hercle! ut sophistis placebat, omnia iis tribueret, sed suam sensibus vim concedens, summam tribueret menti ad veri scientiam auctoritatem. Quibus expositis, quaerat hic forte aliquis, utri philosophorum generi Plato, sceptico an dogmatico, accensendus sit. Nam recentiores Academicos vidimus, quamvis non minus quam veteres in Platonis successoribus numerandos, prorsus fuisse ad scepticorum rationem pronos: haec autem Platonis de mente et scientiâ doctrina dogmaticorum videatur rationem referre. Quo plenius aliquando Platonis absolvamus cum sophistis priscisque philosophis comparisonem, operae pretium videtur in hanc rem inquirere.

*Scepticisne philosophis
Plato, an dogmaticis accensendus
est?*

Mihi quidem proprie neutris esse accensendus videtur. Confuderunt Platonem ipsumque adeo Socratem Arcesilas ejusque sectatores cum philosophis, qui asseverare nihil, de omnibus dubitare solebant. Nam quo certius persuaderent discipulis placita sua, auctoritatem iis conciliare a tantorum philosophorum nominibus studebant. Nec vero id temere agere videbantur. Celebratissimum iis temporibus erat, ut hodieque est, Socratis effatum, *nihil se scire*. Quod sic interpretabantur, qua-

quasi parens philosophiae incerta esse omnia contendisset nec homini iccirco quidquam affirmare licere. Plato autem cum in scriptis suis haec usurpantem Socratem induxisset (1), atque ipse inquirere res omnes magis, quam de iis statuere videretur, hunc pariter nec minore, ut arbitrabantur, jure scepticis annumerabant. Socrates vero illud per ironiam dixerat, Sophistis adhibens, qui omnia se scire profitebantur: quo scilicet facilius certiusque illuc eos interrogando adduceret, ut ipsi, se nihil scire, confiterentur (2). Caeterum conveniebat apprimè hoc dictum Socratis cum ipsius tum Platonis in disserendo rationi. Syllogistica ratio theses ponit, quas confirmet atque a dissentientium argumentationibus defendat; sed *ἐπαγωγή* Socratis, pariterque Platonis analysis, quae cum *ἐπαγωγή* quam proxime, ut vidimus, conjuncta est, ad quaerendum invenendumque tota pertinet. Consentanea igitur *nescientibus*, non scientibus erat: ecquis enim quaerit invenitve quod scit vel scire se ait? Sed illud praeterea de utroque philosopho tenendum. Quum quaererent de eo, quod verum justumque esset, tamquam nescientes prorsus, quid illud esset, non dubitabant de eo, num esset: si dubitassent, non quaesivissent: imo vero hoc ipso, quod quaerebant, palam faciebant omnibus, se esse il-

(1) v. c. in *Apol. Socr.* 20. D. 21. D. (2) Sic Cicero accepit *Bruto* c. 85. *Acad.* I. 4. II. 5. 23. *de Off.* I. 30. *de Orat.* II. 67.

illud pro certo habere; scepticis vero, quales Arcesilas ejusque discipuli fuerunt, id proprium fuit, ut, quod Cicero testatur, *nihil esse certi, quod aut sensibus aut animo percipi posset*, statuerent (1). Uti vero Plato una cum magistro probe a scepticis distinguendus est, ita cavendum etiam, ne cum cum dogmaticis confundamus: quod ipsius nos facile adducere philosophia possit, quippe ad illud, quod certum et immutabile est, tota spectans. Fatemur, id subinde Platonem in scriptis suis commisisse, quod dogmaticorum proprium putatur, ut nobis placita sua, adductis undique argumentis, probare ac persuadere conaretur; sed fecit id, ut suo loco demonstravimus, quaerendo, interrogando, Socratica et analytica ratione, non, ut dogmatici, statuendo ac tanquam ex tripode pronunciando. Quod vero de ipsa viri philosophia dicitur, ad illud eam spectare unice, quod constans, certum, immutabile est, id vero nec reprehendendum nos, nec solis esse dogmaticis adscribendum hominibus existimamus. Quis enim reprehendat, ubi philosophus, ut unusquisque integri animi iudiciiue homo, de pulero, de bono, de justo, de veritate quaerit, et haec esse immutabilia contendit? Plato autem, in his praesertim indagandis explorandisque, optima, quam diximus, methodo, inductione et analysi usus est.

Dog.

(1) *Cic. de Orat.* III. 18.

*Dogmaticae rationis, quam
Stoici usurpârunt et Platonicae
diversitas.*

Nec scepticis igitur philosophis Plato, nec dogmaticis accensendus videtur. Sed fuerunt in dogmaticis Stoici, quorum de sensibus atque opinione, imo vero de scientiâ placita proxime accedere ad Platonis doctrinam viderentur: quamquam philosophandi de his rationem a Platonica diversissimam usurparunt. Quam rationis notassè diversitatem, ut sophistis tandem scepticisque et toti fluitantium philosophorum genti recte aliquando Platonem, dijudicandi causa, apponamus, non poenitebit. Audiamus Ciceronem Stoicam doctrinam veteris Academiae disciplinae opponentem. *Plurima, ait, Zeno in parte philosophiae, quae erat in ratione et disserendo mutavit: in qua primum de sensibus ipsis quaedam dixit nova (1): quos cunctos (2) esse censuit a quadam quasi impulsione oblata extrinsecus: quam ille Φαντασµα, nos visum appellemus licet: et teneamus hoc verbum quidem: erit enim utendum in reliquo sermone saepius; sed ad haec quae visa sunt et quasi accepta sensibus, assensionem adjungit animorum: quam*

(1) Acute Ernest. conjicit *nove*: novis enim verbis utebatur fere Zeno; sed in proximis occurrit: *plurimisque idem novis verbis (nova enim dicebat) usus est.*

(2) Sic Ern. emendat: *vulgo junctos.*

quam esse vult in nobis positam et voluntariam. Visis non omnibus adjuugebat fidem, sed iis solum, quae propriam quandam haberent declarationem earum rerum, quae viderentur: id autem visum cum ipsum per se cerneretur, comprehensibile. Feretis haec? — Nos vero, inquit: quonam enim modo κατάληπτον diceres? — Sed, cum acceptum jam et approbatum esset, comprehensionem appellabat, similem iis rebus, quae manu prenderentur: ex quo etiam nomen hoc duxerat, cum eo verbo ante nemo tali in re usus esset: plurimisque idem novis verbis (novae enim dicebat) usus est. Quod autem erat sensus comprehensum, id ipsum sensum appellabat, et, si ita erat comprehensum, ut convelli ratione non posset, scientiam: sin aliter, inscientiam nominabat: ex qua existeret etiam opinio, quae esset imbecilla et cum falso incognitoque communis; sed inter scientiam et incientiam comprehensionem illam, quam dixi, collocabat, quam eamque neque in pravis numerabat, sed soli credendum esset dicebat ⁽¹⁾. Id ille, quod ut item testatur Cicero, gestu conficiebat. Nam, quum extensis digitis, ait, adversam manum ostenderat, visum, inquebat, huiusmodi est: deinde, cum paullum digitos constrinxerat, assensus huiusmodi: tum, cum plane compresserat pugnumque fecerat, comprehensionem illam esse dicebat:

qua

(1) Cic. Acad. Quaest. I. c. 11. Cf. Plut. de plac. phil. IV. 8.

quæ ex similitudine etiam nomen ei rei, quod ante non fuerat, κατάληψιν imposuit: cum autem laevam manum admovebat et illum pugnum arcte vehementerque compresserat, scientiam talem esse dicebat, cuius compotem, nisi sapientem, esse neminem (1). Agnoscimus in his multa, quæ Platoniam doctrinam referant. Similiter progressio occurrit hominis ad scientiam, similiter in hac progressionem *opinionem* opponitur *scientia*, studium apparet similiter *scientiae* et *veritatis*. Et quod κατάληψιν, *comprehensionem* similem iis rebus dixit, quæ manu prenderentur, id dixit, quod recentiores linguae verbis exprimunt, ut hisce v. c. *comprendre*, *vatten*, *bevatten*, *begrijpen*, *begrijpen krijgen*, nec vero abhorret idem ab aviario Platonis. Nam ut hic in Theaeteto, quod exposuimus, κήρινόν τι ἐν ταῖς ψυχαῖς οὐκ οἶδ' ὅ τι πλάσσει (2) effinxerat, ita deinceps in eodem dialogo animum hominis, scientiae declarandae causa, aviario comparavit. Quaeritur illic, quemadmodum nos scientiam nacti et habere eam et non habere dici possimus: quod exemplo illustrat hominis, qui vestem emit ac possidet, non vero gerit. Sed vide, inquit Socrates, num hunc in modum fieri possit, ut scientiam nacti non tamen habeamus eam atque aberremus, veluti, si quis sylvestres aves, columbas sive aliud quid venatus, aviario domi constructo, alat, quodammodo

(1) Cic. cod. L. IV. c. 47. (2) Theaet. 197. D.

do habere eas semper dicitur, quod possidet, quodammodo vero nullam habere, sed facultatem ipsi in eas esse, ut, quamcunque voluerit, capiat habeatque, rursusque dimittat; et hoc ipsi licere facere, quotiescunque libuerit (1). Hinc duplicem esse efficit scientiae veluti venationem, alteram possidendi causam, antequam quis nactus fuerit, alteram, postquam fuerit nactus, τοῦ λαβεῖν καὶ ἔχειν ἐν ταῖς χερσὶν ἢ πάλαι ἐπέκρητο, ut capiat manibusque teneat, quas antea fuit nactus ac possidet (2). Ingeniose haec Plato longeque festivius, quam Stoicus ille; at pariter ambo naturalem mentis, quam linguae produnt, agendi rationem expresserunt. Sed quamvis Stoica illa de opinione et scientia placita et convenire cum Platonicis nec vero rejicienda philosophis videantur, cavendum, ne Zenonis philosophandi rationem cum illa confundamus, quam Plato usurpavit. Dogmaticus ille erat: quaerebat quidem, quemadmodum per sensus animus rerum notiones susceperet, quidque agendum esset homini, ut scientiam et veritatem assequeretur; sed eo spectabat proprie viri studium, ut quod ipsi verum certumque visum esset, id firmiter tenere atque ab Arcesilae scepticorumque dubitationibus vindicare posset. Itaque, ut ait Cicero, *quod erat sensu comprehensum, id ipsum sensum appellabat, et, si ita erat comprehensum, ut*

con-

(1) Theaet. 197. C.

(2) Eod. 198. D.

concelli ratione non posset, scientiam.
Plato vero scientiam et veritatem non ad placita
et doctrinas, sed ad ipsas mentis notiones retule-
rat, quibus et placita et doctrinas ipsa mens di-
judicaret.

*Mediamne igitur Plato
inter scepticos et dogmaticos viam
tenuit?*

Discreto ita a scepticis et dogmaticis Platone,
susplicemur forte, mediam illum inter utrosque
viam tenuisse: quod de illis fere dictum Acade-
micis est, qui, a dubitando pariter ac statuendo
abstinentes, probabilia, simillima veri, sequeban-
tur. Sic enim de iis Cicero: *proprium est Aca-*
demiae, iudicium suum nullum interponere: ea
probare, quae simillima veri videantur: conferre
causas et quid in quamque sententiam dici pos-
sit, exprimere (1). Quam philosophandi rationem
eo quis probabilius tribuere Platoni videatur, cum
idem ille Cicero, qui et Socraticus et Platonius
haberi voluit (2), hanc se esse potissimum se-
cutum saepius profiteatur. *Defendat, ait, quod*
quisque sentit: nos institutum tenebimus, nullius-
que unius disciplinae legibus adstricti, quibus in
philosophia necessario pareamus, quid sit in qua-
que re maxime probabile, requiremus (3). Quid?
quod

(1) Cic. de Div. II. 72.

(2) Id. de Off. I. 1.

(3) Tusc. Q. IV. 5.

quod Socratem antiqui, ipsum Platonis magistrum, hujus fuisse rationis auctorem dixerunt? Quod Cicerō testatur. *Haec in philosophia ratio, contra omnia disserendi nullamque rem aperte dijudicandi, profecta a Socrate, repetita ab Arcesila, confirmata a Carneade, ad nostram viguit aetatem: quam nunc propemodum orbem esse in ipsa Graecia intelligo: quod non Academiae vitio, sed tarditate hominum arbitror contigisse* (1). E. quā Ciceronis sententiā, quanto ipse loco hanc philosophandi rationem habuerit, efficiamus. Et sane principum scepticorum, qui non dubitarunt, ut caeteri, de rebus omnibus, sed jure ἀπὸ τοῦ σκέπτεσθαι nomen habuerunt deque philosophiā excellenter sunt meriti, horum igitur disquisitiones palmariae ex hac potissimum Academicorum ratione et doctrina fluxerunt (2). Quid igitur? Illisne nos philosophis annumerandum esse Platonem censebimus? Equidem non existimem.

Nam elegans haec quidem est et homini liberaliter instituto convenientissima philosophandi ratio. *Philosophiam nos adjuvemus*, ait Cicerō, *nosque ipsos redargui refellique patiamur: quod ii ferunt animo iniquo, qui certis quibusdam destinatisque sententiis quasi addicti et consecrati sunt, eaque necessitate constricti ut etiam quae non probare soleant, ea cogantur constantiae causa de-*
fen-

(1) De Nat. Deor. I. 5. (2) V. praestantissimum de his opus Stäudlini *Geschichte und Geist des Scepticismus*. Lips. 1794.

fendere. Nos, qui sequimur probabilia, nec ultra id quod verisimile occurrerit, progredi possumus, et refellere sine pertinacia et refelli sine iracundia parati sumus (1). Praebet item haec ratio uberrimam cum cognoscendi tum disputandi materiam, quippe non coërcita dogmaticorum angustiis, sed libere in omnes partes inquirens: quo nomine se item commendabat Ciceroni, quamquam ipsum rei difficultas non latebat. *Nam si singulas disciplinas, ait, percipere magnum est, quanto majus omnes quod facere illis necesse est, quibus propositum est, veri reperiendi causam et contra omnes philosophos et pro omnibus dicere; cuius rei tantae tamque difficilis facultatem consecutum esse me non profiteor, secutum esse prae me fero* (2). Verum eadem haecce via, quamvis omnium; ut videtur, in philosophando tutissima, proclivis tamen ad dubitandum est. Quod ex Arcesilae recentiorumque Academicorum exemplo intelligitur, qui hinc profecti, in extremam lapsi dubitandi audaciam ac temeritatem fuerunt. *O volaticam Academiam!* exclamat Cicero, ad Atticum scribens, *modo huc modo illuc* (3). Et in libris de Finibus, cum Academicis, ait, *incerta luctatio est, qui nihil affirmant et quasi desperatam cognitione certant, id volunt, quodcunque verisimile videtur* (4). Et licet quis caute hac ratione philosophetur, ut

Ci.

(1) Cic. Tusc. Quaest. II. 2. (2) Id. de Nat. Deor. I. 5. (3) Id. ad Attic. XIII. 25. (4) De Fin. II. 14.

Cicero scepticorumque optimi sapientissimique fecerunt; non tamen habent probabilia illa et similia veri, quo germani philosophi animum expleant. Ergo nec Socrati satisfacere haec ratio, nec vero Platoni potuit; uterque certa, Plato vero quae perfecta, quae immutabilia, quae aeterna essent, quaeerebat. Quamobrem quae de Socrate feruntur et ipse de se professus Cicero est, non hanc apud nos vim debent habere, ut inter scepticam et dogmaticam rationem mediam fuisse Platoniam putemus. Imo vero, ut Socrates, ita Plato suam sibi patefecit, qua in philosophia progredere, viam, eamque Cicero unice admiratus est.

*Propria Platonis de
opinatione et scientia philosophandi
ratio.*

Si propriam hanc assequi Platonis rationem velimus, non solum non, ut fecerunt quam plurimi, e Stoicorum philosophia interpretari illam, nedum e recentioris Academiae placitis debemus; sed accuratissime nobis Plato ab his philosophis distinguendus est. Vixerunt scilicet illi non antea, sed ista videlicet philosophiae Graecae aetate, qua nativa philosophandi facultate Graeci et vigore illo suo destitui coeperant. Itaque novitii Academici id crepabant unice, quod apud Platonem reperiebant, sensibus non fidem esse habendam;

dam; Stipici contrariam ponebant; quod item continebat philosophia Platonis, esse homini scientiam et veritatem vindicandam maxime; neutri vero *idearum* doctrinam, quae princeps est in philosophia Platonis, assequerantur; disquisitionibus certe de opinione et scientia non adhibebant satis: quod item in optimorum quorumque sequioris aevi Academicorum, in ipsius adeo Ciceronis placitis desideramus: quamquam hic insito Platonis amore proptus ad eum accessit. Id vero veteres Academici fecerunt, germani illi Platonis discipuli, itemque Peripatetici; et nobis quidem, ut propriam percipiamus philosophi de hoc argumento et philosophandi rationem et sententiam, horum in primis ratio, ut a Cicero ne tradita est, attendenda videtur. Platonis illi rationem, ait, sequebantur fere. *Definitiones rerum probabant et has ad omnia, de quibus disceptabatur, adhibebant: verborum etiam explicatio probabatur, id est, qua de causis quaeque essent ita nominata: quam etymologiam appellabant: post argumentis, et quasi rerum notis ductibus utebantur ad probandum et ad concludendum id, quod explanari volebant: in quo tradebatur omnis dialecticae disciplina, id est, orationis ratione conclusae: huic, quasi ex altera parte (1)*
ora-

(1) Interpretatur Ern: *graece, ἐκ παραλλήλου*; sed Aristoteli cogitante Cicero videtur, qui dialecticae rationem *ἐκ παραλλήλου* dixit. Rhod. L. L. c. 4.

oratoria ut dicendi adhibebatur, explicatrix orationis perpetuae ad persuadendum accommodatae. Haec erant illis prima a Platone tradita (1). Sed in his primis alia etiam Cicero longeque graviora memorat, veluti praeclaram sententiam: quamquam oriretur a sensibus (2), tamen non esse iudicium veritatis in sensibus: mentem volebant rerum esse iudicem: solam censebant idoneam, cui crederetur, quia sola cerneret id, quod semper esset (3) simplex et uniusmodi et tale, quale esset: hanc illi ideam appellabant, jam a Platone ita nominatam: nos recte speciem possumus dicere. — Sensus autem omnes hebetes et tardos esse arbitrabantur, nec percipere ullo modo res eas, quae subjectae sensibus viderentur: quae essent aut ita parvae, ut sub sensum cadere non possent, aut ita mobiles et concitatae, ut nihil umquam unum esset (4) constans; ne idem quidem, quia continenter laberentur et fluere omnia. Itaque hanc omnem partem rerum opinabilem appellabant; scientiam autem nusquam esse censebant, nisi in animi notionibus atque rationibus (5). Haec Cicero de ipsius Pla-

(1) Cic. Acad. Quaest. I. 8. (2) Nec iudicium intelligendum, ut Lambino, nec veritas vel iudicium veritatis, ut Ernesto placuit, sed ipsum e proximis iudicium veritatis. (3) Inserendum puto et, ut vim habeat semper, quod fere in his addit Plato: quod semper esset et simplex. (4) Et hic inserendum et puto: unum esset et constans, ne idem quidem. (5) Acad. Q. I. 8.

Platonis discipulis, qui et proxime ab integro doctrinae fonte aberant et hunc referebant maxime. Sic autem cum philosophantes illi, ex ipso hominis animo potissimum repeterent omnia, ac, secundum *idearum* doctrinam, unice spectandum homini contenderent, quid pulcrum, quid bonum, quid justum, omninoque, quid verum esset, fructus eorum philosophia, ut ante Platonica, ad artium literarumque, ad ipsius adeo sapientiae studium provehendum, uberrimos tulit. Quocirca captus Cicero hac veteris Academiae ac Platonis sui praestantia, Pisonem inducit generosum adolescentem sic adhortantem: *Ad veteres igitur Academicos et Peripateticos converte te, quaesō. Ex eorum enim scriptis et institutis cum omnis doctrina liberalis, omnis historia, omnis sermo elegans sumi potest; tum varietas est tanta artium, ut nemo sine eo instrumento ad ullam rem illustriorem satis ornatus possit accedere* (1). Si quo alio ex loco veterum, ex his potissimum Ciceronis sententiis, quae propria Platonis fuerit de opinione et scientia philosophandi ratio, quamque vim illa et efficacitatem ad optima hominum studia alenda habuerit, intelligere licet. Et sic quidem nos tandem, comparatis cum Platonis doctrina sophistarum priscorumque philosophorum placitis, ipsoque Platone a variis et scepticorum et dogmaticorum generibus distincto, talem philosophum
sum-

{1} Cic. de Fin. V. c. 3.

supremum et apposuimus sophistis istis et lictoribus
judicandi causas proposuimus, qualis respe-
xisse nobis, imo Ciceroni, visus est. Nunc lecto-
ribus ad iudicandum accedendum est.

*De aestimandis recte
Protagorae similiumque sophistarum
ac philosophorum decretis.*

Integrum cuiusvis homini iudicium relinquimus,
sophistisne malit, an Platoni assentiri. Ut autem
vere justeque iudicemus, recte sophistae nobis suo-
que pretio aestimandi sunt. Nam molestum hi-
quidem hominum genus illis sunt, qui veri ar-
dent amore; veruntamen non tales sunt habendi
vel eum in modum Platoni oppositi, ut odisse
eos debeat, quicumque Platonis fuerit amore cap-
tus. Admirati in his disquisitionibus saepenumero
eorum acumen et sagacitatem sumus, nec temere
nobis affirmasse videmur, profecisse ex eorum
doctrina multum Platonem. Tantum autem abest,
ut Platonicae philosophiae philosophandique ratio-
ni contraria eorum ratio fuerit, ut similiter ho-
minem explorare diligentissime niterentur, nec re-
jecerit adeo Plato, quae, priscorum instar philo-
sophorum, de sensibus, de opinione, de rerum
motu et fluctuatione philosophati fuerunt. Ergo
non contemnendi nobis sophistae sunt, nec vero
isti etiam repudiandi prorsus, quos imitati mag-
nam partem fuerunt, fluitantes quos vocavimus phi-

philosophos. Horum, fateor, in philosophando consuetudo inepta ac ridicula fuit. Colloqui cum his non magis, ait Socrates, quam cum furentibus licet. Referunt adeo ipsi disserendo scribendoque motum illum rerum omnium, quem loquuntur, et agitationem: plane sic fluctuant et agitantur eorum scripta; persistere autem in sermone et quaestionibus ac placide vicissim respondere et quaerere, minus iis est, quam nihil: superat etiam nihil illud, quod iis est: adeo parum viris istis tranquillitatis est; sed si quem eorum interrogaveris, statim veluti e pharetra obscura verba depromentes tanquam sagittando emittunt: et horum si rationem queras, altero ferieris dicto, nove conficto: nunquam autem quidquam apud hos perficies neque ipsi etiam secum invicem; sed scite admodum id caverit, ne quidquam maneat sive in sermone sive in ipsorum animis stabile: existimantes, ut arbitror, id ipsum unum esse stabile (1). Sed esto: fuerint isti homines omnium mortalium ineptissimi molestissimique; si mundum visibilem, qui sensibus patet, cognoscere velimus, non solum non repudiandi nobis sunt, sed in consilium adeo adhibendi. Debuisset illis Diotime, mulierum sapientissima videtur, quae Socratem ipsa docuit de perpetua rerum omnium, quae sensibus percipiuntur

(1) *Theaet.* 179 E. — 180. A. B.

pſuntur, commutatione (1). Quamquam latuit forte eos, quod item divina mulier, in iisdem cum Socrate sermonibus, de altero illo mundo, qui non patet sensibus, de rebus *νοητάς*, de ideis, quae *immutabiles* sunt, pronunciavit. Illud vero omnes omnis aevi philosophos ac sophistas et latuit et debuit latere, quotquot quidem in homine nihil, nisi externos sensus, explorarunt. Hac vero in re non laudandi illi nobis magnopere, imo reprehendendi videntur. Nam partem tractare philosophiae, alteram vero partem, quae longe difficillima gravissimaeque est, ignorare, saltem negligere, ecquis decere philosophum dixerit? Quocirca non inepte nobis supra suspicati videmur, esse illos quodammodo specus Platonici incolis similes, qui pariter alterius cujusdam mundi, quem non videbant, ignari, ea tantum, quae videbant, sermonibus disputationibusque usurpabant. At vero sunt iidem, quod non est nobis silentio praetermittendum, hac in caussa dissimiles illorum, quod longe ipsorum major miseria est. Captivi enim delectabantur iis, quae videbant, mirifice, ne suspicati quidem, umbras haec esse rerum, quas non videbant; illi ipsas res esse umbras contendunt. Quod monendi lectores, ad recte eos aestimandos, videbantur, ne forte imprudenter iis assensi, hujus fierent miserae conditionis participes. Quodsi iidem nos rogant, quid ipsis suadea-

(1) *Symp.* 207 et 208.

deamus, iteramus quod diximus, suum nos cui-
vis iudicium relinquere; verum sic nobis acturi
aptissime videmur, ut, si *opinio* quaeritur, a so-
phistis eorumque similibus philosophis proficia-
mus. Nam instar eorum, quos Plato *Φιληκοῦς*
et *Φιλοθεάμονας* vocat, rerum videntur peritissimi,
quae videndo audiendoque percipiuntur, ipsique
nobis documento erunt, quam parum sit et sensi-
bus et talibus hominibus ad vera assequenda fi-
dei tribuendum. Sin *scientiam* et *veritatem* quae-
rimus, non audiendos illos putemus: sunt enim
harum rerum ignari plane. Imo manebunt isti
in specu illo suo; nos vero cum Platone in al-
terum illum mundum, ipsius veritatis regnum,
scientiae et veritatis assequendae caussa, escen-
demus.

Quodsi hunc in modum aestimandum nobis de
illis est, qui ab initio disputationis nostrae oc-
cludere nobis aditum ad veri philosophiam stu-
duerunt (1), non video, quid obsint nobis eorum
cavillationes, quominus iter nostrum ad veri, *αὐ-
τοῦ τοῦ ὄντος* scientiam, quod magnam partem con-
fecimus, persequamur. Quin etiam profuisse no-
bis illi ad assequendam eam ac percipiendam mi-
rifice videntur. Nam dubitationibus eorum acu-
tisque sententiis hanc totam debemus de opinione
et scientia disquisitionem, ut nunc apud nos
constet, quid sensibus tribuendum de Platonis
sci-

(1) Vol. II. P. I. p. 13. et supra p. 139.

sententiâ sit, quid negandum, quid inter opinionem, quam sensibus, et scientiam, quam ipsi menti debemus, discriminis apud eum sit, quae item scepticorum, quae dogmaticorum sit conditio et quantum horum de scientiâ philosophandi rationi ratio Platonis praestet. Tum vero, si Platonicae philosophiae studium hanc apud nos vim habere debet, ut ipsi philosophari recte discamus, proficere nobis ex eadem hac disquisitione ad recentioris etiam aevi sophistas dijudicandos licebit. Minus hi quidem ingeniose, quam antiqui illi, sed tamen haud dissimili ratione ab *αἰσθησι*, a sensibus externis omnem repeterunt et cognitionem et scientiam nostram (1), ut pariter usurparent Protagorae effatum, *omnium rerum hominem mensuram esse*; Platoniam autem sententiam, ex interiore naturae humanae cognitione ductam, *Deum esse mortalibus omnium rerum mensuram*, non respicerent ac rejicerent adeo. Nec vero hi etiam repudiandi nobis prorsus sunt. Acutis eorum accuratisque de physica, quam vocant, hominis conditione disquisitionibus, ad hominem cognoscendum multum debemus; veruntamen usurpandum paritur de
iis.

(1) Helvetius v. c. duas homini ad cogitandum facultates tribuit, quarum alteram *sensibilitatem physicam*, alteram *memoriam* vocat: utramque autem proprie unam eandemque esse contendit: *la sensibilité seule produit toutes nos idées*. *De l'Esprit. Disc. I. C. L. p. 24 et p.*

iisdem Platonicum est, *δοξολογίας* eos magis, quam *φιλοσόφους*, i. e. *τῆς ἀληθείας, αὐτοῦ τοῦ ὄντος, φιλοβαδμονίας* esse. Et sane, quod modo animadvertimus, quo jure censi in philosophorum choro ii possunt, qui partem philosophiae longe gravissimam difficillimamque, quae interiore indaganda hominis naturā continetur, neglexerunt? Sed ut de antiquis, ita de his etiam sophistis, utrum assentiendum sit, an Platonis philosophia praefenda, penes lectores judicium esto. Nos, cunctis illis in mundo visibili, errorum sede, relictis, iter nostrum in regno veritatis persequamur porro, ut, quid tandem scientia, *αὐτοῦ τοῦ ὄντος* scientia sit, percipere nobis liceat.

*Qualis est Platonis,
quae vulgo appellari hoc nomine
solet, metaphysica?*

Et superiores disputationes nostrae de mundo *νοῦ-
τῷ*, de Ideis, de hominis ad veritatem conversione, et haec ipsa, quam modo de opinione et scientiā instituimus, disceptatio, eo tetenderunt fere, ut gravissimum hunc in Platonicā philosophiā locum, qui est de scientiā, explicaremus aliquando plene. Idearum autem disquisitio, in qua Aristotelis metaphysicam cum Platonicā ratione contulimus, proxime nos illuc adduxisse videtur. Nam associati comparando hoc sumus, non cadere in hominem metaphysicam sive causarum scientiam
Aris-

Aristotelis; Platonem vero praecepisse hominibus, ut τὰ νοητὰ, τὰ ὄντα, ut ideas, pulcrum, bonum, justum, caeteras cogitando. agendoque spectarent: harum autem rite diligenterque explorandarum studium et cadere in humanae naturae facultates et esse adeo homini ad recte cogitandum. agendumque necessarium. Sed quaerimus hīc, qualis nobis tandem Platonis sive metaphysica sit quae vulgo appellatur, sive doctrina veri quocunque tandem nomine nuncupanda, qua ad assequenda illa, ad veri, τοῦ ὄντος, αὐτοῦ τοῦ ὄντος scientiam perveniamus. Ut hoc inveniamus, dialogorum nobis Platoniorum, qui metaphysici appellari solent, in primis Parmenidis et Philebi, ratio erit habenda. Sed primum consideremus de-nuo metaphysicam Aristotelis.

Superat haec omnino naturae nostrae facultatem: sic supra eam est, ut Protagorae doctrina infra esse dignitatem nostram videtur. Nam est quidem, ut ait ille (1), hominis ingenio insitum, ut in causas rerum inquirat. Faciunt parvuli, ubi cogitare et ratiocinari coeperunt: omni aetate homo, et sollertissimus quisque maxime, id summā ope nititur constanter: debemus adeo studio huic nostro quam plurima gravissimaque in rebus mechanicis et astronomicis inventa. Nec repudiandus magnopere est; si quis e mundi conditione et pulcritudine conjecturam

Ca.

(1) Aristotel. Metaph. initio. Cf. supra. p. 68.

aspere ad assequendam harum rerum causam i. e. divinam mentem et sapientiam velit. Fecit Socrates (1), ac probarunt ejus studium optimi quique philosophi. Sed hunc in modum de philosophia pronunciare, esse eam causarum scientiam, quibus omnia, quae sunt ac fuerunt, exstiterunt, id vero reprehendendum est. Non quin pulcrum videatur: imo divinum est negotium scientia illa et divinae sapientiae proprium; sed propterea, ut diximus, supra facultatem humanae naturae est. Quamobrem aptissime hanc scientiam ipse Aristoteles et *sapientiam* appellavit et destinavit *sapientibus*.

Nec vero aliter existimasse Plato de hac sive doctrinā sive scientiā sive sapientiā videtur. In Phaedone, ut vidimus, Socratem induxit simillimae et exquirentem causas rerum et Anaxagorae studium dijudicantem. Juvenis, inquit, dici non potest, quanto studio τῆς φύσεως ἰσοπλαν persecutus sim: ὑπερήφανον γὰρ μοι ἔδοκει εἶναι εἰδέναι τὰς αἰτίας ἑκάστου, διὰ τί γίγνεται ἕκαστον καὶ διὰ τί ἀπόλλυται καὶ διὰ τί ἐστὶ magnificum enim mihi esse videbatur, causas uniuscujusque negotii scire, quod quid fieret, quo periret, quo esset: et saepenumero me sursum deorsumque jactavi, considerans primum, num, postquam calida et frigida putredinem susceperunt, ut dixerunt nonnulli, tunc alantur animalia: deinde, sanguisne sit quo sapi-

mus,

(1) Xenoph. Mem. I. 4. §. 2.

mus; an aër, an ignis, an vero horum nihil, sed cerebrum sit, quod sensus praebeat audiendi, videndi, olfaciendi: ex his autem memoria fiat et opinio: ex memoriâ vero et opinione recte temperatâ, eâdem ratione scientia fiat. Sed exitus horum studiorum hujusmodi fuit, ut tandem mihimet ipsi ad ea sic hebes viderer, ut nihil magis (1). Deinde vero placuit mihi unice Anaxagoreum illud, *ὅτι ἅπαντα οὐκ ἔστιν ὁ διανοούμενος τὰ πάντα κινεῖται ἄλλως, μέγιστον ἔσθαι τὸ διανέμεν*, mentem esse, quae ordinasset omnia omniumque esset causa. Arbitrabar enim, si ita se res haberet, ut mens ordinans ordinaret omnia, singula etiam eandem sic disponere, ut optimo se haberent. Quamobrem si vellet aliquis causam invenire, qua singula aut fiant aut pereant aut sint, hoc ipsum esse inveniendum, quâ ratione *optimum* sit unicuique aut esse aut facere quodvis aut pati: hoc autem pacto nil aliud hominem considerare nec de se nec de aliis oportere, nisi quod *possimum* sit et *optimum*: ceterum eundem item *peius* cognovisse: hujus enim eandem scientiam esse (2). E qua Socraticâ apud Platonem disputatione efficimus, non abhorruisse ab illâ scientiâ auctorem, sed supra nostram facultatem positam esse existimasse: intelligimus autem simul, id illum maxime spectasse, ut haberet, *secundum quod* de rebus omnibus gravissimis

(1) *Phaedon* 96. A. B. Cf. supra p. 66. (2) *Phaedon* 97. B. C. D.

nis existimaret recte. Et hoc, quod spectavit, ni fallimur, illud est, quod in dialogis plerisque, praesertim in metaphysicis, quos diximus, exploravit; nos autem appellare *metaphysicam* Platonis *doctrinam* solemus.

Animadvertere hoc omnes decuerat, quicumque interpretari Platonis metaphysicam aggressi sunt. Ineptum hoc nomen est, quo philosophi doctrinam appellarunt: ipsi adeo Aristoteleae doctrinae non convenit. Vocavit is eam, ut vidimus, τὴν πρώτην φιλοσοφίαν, statuit eam ipsam θεολογικὴν dixit (1); metaphysicae nomen in scriptis usurpavit nusquam. Usu autem invaluit postea, ut nomen illud scholasticorum in primis doctrinae, quae medio aevo exstitit, tribueretur. Quo accidit, ut, quod supra monuimus, horum argutiae et perversa philosophandi ratio Aristoteli, tanquam doctrinae auctori, imo vero divino Platoni obtruderetur. Nobis iccirco caute, si doctrinam Platonis recte interpretari velimus, metaphysicae nomen usurpandum est. Relinquamus illud scholasticis, iisque philosophis, qui ab eorum sordibus purgare metaphysicam instituerunt; de Aristotele autem et Platone, ut vero nomine utriusque doctrinam philosophandique rationem significemus atque exprimamus, sic pronunciandum: Platonem *philosophatum* simpliciter esse, ut a magistro, phi-

(1) Aristot. *Metaph.* V. 1,

philosophiae parente, didicerat, quaesivisse, quid pulcrum, quid bonum, quid justum, quid omnino verum esset, rectâ autem de his ratione quaesivisse, ut disquisitioni adhiberet dialecticam: iccirco simplici φιλοσοφίας nomine ejus studium ac doctrinam appellari oportere; Aristotelem vero altius spectantem et caussarum adeo scientiam philosophiae vindicantem, πρῶτην quandam excogitasse φιλοσοφίαν, quamquam proprie non esset φιλοσοφία, sed σοφία ipsa, imo vero θεολογία quaedam.

Sed invenimus jam, ut nobis visi sumus, quid proprie sit metaphysicâ Platonis intelligendum. Misso igitur Scholasticis hoc nomine, vel, si cum maxime adhibendum philosophiae Platonicae videatur, rectâ accepto sententiâ, ex ipsis jam porro Platonis scriptis, qualis haec doctrina sit quoque tractanda modo, exquiramus.

*Qua ratione hanc Plato
sive metaphysicam sive veri doctrinam
tractavit?*

Est elegans sane philosophandi ratio, qua nos e linguis solemus proprias mentis et nativas notions ducere, ut ipsius sic naturae viam in colendâ verâ philosophiâ inveniamus et teneamus. Haud inepte haec ratio *philosophia linguarum* vocatur: a qua profecto non alienus Plato fuit. Sermo apud eum est, ut animadvertimus, colloqui

quii interni, quo homo secum ipse agit, efflu-
vium, scriptio autem, hujus effluviî imago (1);
unde sponte efficimus, nomina et verba ipsius
mentis cogitationisque veluti expressa esse simu-
lacia, ex iisque nobis licere, notiones mentis hu-
manae proprias, quae unice verae sunt, quippe
naturam referentes, explorare et cognoscere. Et
vero Plato, ubi vel Socratem vel alium quemcum-
que placita sua enunciantem inducit, nullâ non
opportunitate eosdem e loquendi consuetudine sen-
tentiam suam probantem fecit. Abest autem mul-
tum, ut haec sit ratio, quâ tractandam esse veri
doctrinam existimaverit: non quin convenerit ip-
sius philosophiae: quae ipse subinde verba e sua
linguâ excitavit, ut *excribare, vannare, carmina-*
re, similia, (2) vidimus, quam apte illa ipsius
dialecticae, quae *discernendo* in primis procedit,
convenient; et sane nos in his disquisitionibus
omnibus de philosophiâ Platoniciâ, explicare eam
ferme totam e veterum recentiorumque loquendi
consuetudine, e propriâ verborum significatione,
non sine fructu, ut nobis videtur, studuimus.
Sed fuerunt Platonis aetate, qui perverse id age-
rent, sophistae in primis quos diximus et Hera-
clitei philosophi. Hi miro acumine, sed inepte
haec studia persequentes, non e verbis et nomini-
bus ducere nativas mentis humanae notiones, sed
in

(1) *Phaedr.* 276. A. Cf. Vol. II. P. I. p. 123 et 124. et P. II.
p. 201. (2) *Sophist.* 226 et 227. Cf. Vol. II. P. II. p. 120.

in Verba et nomina sua ipsi decreta transferre, et sic ea probare nitebantur. Id displicebat Platoni. Cratylum hinc adeo, qui totus his in studiis fuit versatus, puer audiverat, quum is fluitantium philosophorum doctrinae vindicandae hanc verborum interpretationem adhiberet. (1) Hoc vero minus etiam ferre poterat. Ineptâ hac igitur perversaque philosophandi ratione factum videtur, ut non solum a justo et philosopho linguae studio deduceretur, sed etymologiae isti, quam vocabant, suam ipse opponeret cum philosophandi rationem, tum veri doctrinam. Rem intelligere recte ex ejus dialogo, qui *Cratylus* inscribitur, licet.

*De Cratylō Platonis,
sive de linguarum, quam nos vocamus,
philosophia.*

Quum comparabamus modo cum Protagora similibusque sophistis et philosophis Platonem, duplex memoravimus philosophorum genus, quorum pars *κινεῖσθαι* omnia, altera autem pars contrarium, omnia *ἰστέοναι*, contendebant. Utriusque sententiam Plato, hoc scribendo dialogo, hunc in modum

(1) Arist. Metaph. I. 6. *ἐκ νέου τε γὰρ συγγενόμενος πρῶτον Κρατύλῳ καὶ ταῖς Ἡρακλείτειαις δόξαις, ὥς πάντων τῶν αἰσθητῶν ἀπὸ βέντων καὶ ἐπιστήμης περὶ αὐτῶν οὐκ οὐσης* — quamquam hinc non efficiendum esse, sic primum Platonem Cratylum, ut postea Socratem, praecipuorem fuisse, recte statuit Arist. *Platon's Leben* p. 19.

dum et exposuit et per ironiam exagitavit atque explosit, ut simul etymologiae istius perversitatem demonstraret. Inducuntur hac de re secum invicem colloquentes Hermogenes et Cratylus, quorum hic e verborum significatione omnia fluere contendit. Socrates in utramque partem disputat; verumtamen, quod nobis minime est negligendum, illuc, si minus pervenit, contendit tamen constanter, ut rei recte dijudicandae rationem inveniat. Itaque, cum philosophi fere ac sophistae sonum unice verborum attenderent, ex eoque quicquid luberet efficere conarentur, Socrates, ut in omni disquisitione, ita in hac *dialecticam* potissimum *rationem* usurpandam statuit. Prima vero nomina, ait, quibus alia non praecedunt, quo pacto quam maxime res ipsas nobis ostendent? Ad hoc autem mihi responde. Si nec vocem nec linguam habuissemus, voluissemus autem res invicem declarare, nonne perinde ac nunc muti, manibus capiteque ac caeteris membris significare tentavissemus? — Quo enim alio; o Socrates, modo? — Si supernum quippiam, credo, vel leve declarare voluissemus, coelum versus manum extulissemus, ipsam rei naturam imitantes; inferiora vero et gravia significaturi, demissemus terram versus manum. Equum item currentem vel aliud quodvis animalium si voluissemus indicare, corpus quisque suum gestusque et figuras iis simillime composuisset. — Necesse est. — Hunc in modum, ut arbitror, corpus significasset singula,

la, illud imitans scilicet quod vellet declarare. — Omnino. — Cum vero voce, lingua et ore velimus significare quaeque, nonne per haec declarabimus, ubi per ea imitati res fuerimus? — Necesse esse mihi videtur. — Nomen autem est, ut apparet, imitatio vocis, qua quicunque aliquid imitatur, per vocem imitatur et nominat. (1) Veruntamen in his alia quaedam imitatio est, quam quae per musicam fit vel picturam. Id enim, quod est, sive οὐσίας est particeps, exprimendum. Ἀλλὰ τίς ἂν εἴη ὁ τρόπος τῆς διχιρέσεως, ὅθεν ἄρχεται μιμῆσθαι ὁ μιμούμενος; ἄρα οὐκ ἐπέπερ συλλαβαῖς τε καὶ γράμμασιν ἢ μίμησις τυγχάνει οὐσα τῆς οὐσίας, ὁρθότατόν ἐστι διελέσθαι τὰ στοιχεῖα πρῶτον; ὥς περ οἱ ἐπιχειροῦντες τοῖς ῥυθμοῖς, τῶν στοιχείων πρῶτον τὰς δυνάμεις διείλοντες, ἔπειτα τῶν συλλαβῶν καὶ οὕτως ἤδη ἔρχονται ἐπὶ τοὺς ῥυθμοὺς ὁψόμενοι, πρότερον δ' οὐ. Quis vero sit discretionis modus? Nonne, quandoquidem syllabis et literis essentiae fit imitatio, primum praestat elementa distinguere? Quotadmodum qui rhythmis dant operam, elementorum primum vim discernunt, tum syllabarum: sic tandem ipsos aggrediuntur rhythmos, non vero prius. (2) Non est, quod haec porro persequamur. Dialectica Platonis ratio, quae cernendo, ut vidimus, ad inveniendum procedit, in hac Socratica περὶ ὀνομάτων ἀρθήτως disputatione elucet maxime. Sed diximus

μο.

(1) *Cratyl.* 422. E. 423. A. B. (2) *Eod.* 424. B. C.

modo, perversae sophistarum ac philosophorum etymologiae suam Platonem philosophandi rationem verique doctrinam, quam metaphysicam dicunt vulgo, opposuisse. Id e Socratis sub finem dialogi sermone intelligitur. Effecerat in eis ex verborum significatione, vere pariter statuisset videti cum qui moveri, tum qui stare omnia contenderant: quibus subjungit deinceps: tumultuantibus igitur, inquit, nominibus, et asseverantibus aliis, se esse, quae veritati sunt similia, aliis autem se esse, contententibus, cujus ad normam litem dijudicabimus? vel quonam nos tandem convertemus? non enim ad alia nomina confugiemus, quia praeter haec non sunt. Ἀλλὰ δηλονότι· ἀλλ' ἅττα ζητητέα πλὴν ὀνομάτων, ἃ ἡμῖν ἐμφανιεῖ· ἄνευ ὀνομάτων, ὁπότερα τούτων ἐστὶ τῆς ἀληθείας, δείξαντάς· δηλονότι τὴν ἀληθείαν τῶν ὄντων. *Verum alia quaedam praeter nomina quaerenda sunt, quae nobis sine nominibus patefactant, utra istorum vera sint, rerum videlicet veritatem demonstrantia.* Ita mihi videtur. — Si haec ita se habent, Cratyle, possunt, ut videtur, res sine nominibus percipi. — Apparet. — Per quid igitur aliud speras haec percipere, nisi qua ratione iustum et consentaneum sit, ut ex mutuâ eorum cognatione, si quidem cognata sint, discamus, tum etiam ipsa per se? Nam quod ab illis diversum atque aliud est, aliud ac diversum, non illa significaret. — Vera loqui videris. — Dic, obsecro, nonne jam saepe concessimus, nomina, quae recte posita sunt, similia
it-

illorum esse, quorum sunt nomina, rerumque esse
 imagines? — Concessimus. — Εἰ οὖν ἐς μὲν διὰ
 μέγιστα δι' ὀνομάτων τὰ πράγματα μαθάνειν, ἐς δὲ
 καὶ δι' ἐκωτῶν, ποτέρῃ ἂν εἴη καλλίων καὶ σαφετέρα,
 ἢ μάθησις; ἐκ τῆς εἰκόνος μαθάνειν αὐτὴν τε κῆρην,
 εἰ καλῶς εἴκασται, καὶ τὴν ἀληθείαν, ἥς ἦν ἡ εἰκὼν;
 ἢ ἐκ τῆς ἀληθείας αὐτὴν τε αὐτὴν καὶ τὴν
 εἰκὼνα αὐτῆς, εἰ πρεπόντως εἰργασται; — Ἐκ τῆς
 ἀληθείας μοι δοκεῖ ἀνάγκη εἶναι. Si igitur cum
 maxime discere e nominibus res licet, licet autem
 item per se ipsas, utra praestantior dilucidiorque
 discendi ratio erit? ex imagine discere et ipsam,
 si recte expressa sit, et veritatem, cuius est ima-
 go, an vero ex veritate et ipsam et ima-
 ginem ejus, si ei congruenter sit efficta? —
 Ex veritate mihi videtur necesse esse (1).

Haec Socrates in Cratylo Platonis. Assequimur
 autem inde non hoc solum, qualis sit quaque trac-
 tanda ratione metaphysica philosophi, sed, quod-
 nam item apud eum metaphysicum sit, quod nos
 appellare consuevimus, *linguarum studium*. Quod
 paucis demonstrasse, ad ipsam veri, quam spec-
 tavit, doctrinam percipiendam penitus, non medio-
 criter nos juvabit.

De

(1) *Cratyl.* 438. D. — 459. B. Videtur plane Plato pos-
 teris peragendum reliquisse, quod ipse praecepit. Nam vix
 occurrit in toto *Cratylo* caeterisque ejus scriptis nominis
 etymologia, quae ad grammaticae rationem rite sit exacta.
 At hoc ipsum grammaticae studium rite demum post Pla-
 tonem et recentiore aevo excultum est. Cujus historiam,
 quod dolendum, desideramus etiam nunc.

*De metaphysico, quod dicitur,
linguarum studio.*

Sunt nomina et voces, de Platonis sententiâ, uti ex Phaedro didicimus, notionum imagines, quibus mens nostra uti in cogitando, in colloquio illo interno solet. Viderunt hoc, certe suspicati quodammodo illi sunt, qui de verborum origine disquisiverunt; sed non recte inde, ut Plato statuit, disquisitionem instituerunt. Nam ex verbis, tanquam veritatis imaginibus, veritatem, non ex veritate et veritatem ipsam et imagines ejus judicatum iverunt. Hinc diversissima eorum de eo, quod verum est, judicia et errores gravissimi. Nam constare primum de verbis oportebat, esse ea reapse veritatis imagines: id vero incertum. Hoc consideremus, ait Socrates, ne multa hæc nomina in idem tendentia nos decipiant, quique eorum auctores fuerunt, veluti in quandam lapsi vertiginem, et ipsi agitati misere sint et nos in eandem rapientes immergant (1). Id vero non considerarunt fere etymologi: ipsi adeo e nominibus, quae exstabant, quidquid ipsis videbatur verum, ineptissima adeo commenta, commendare et comprobare studuerunt. Præterea, qui etymologorum omni ævo mos fuit, non, rebus perspectis, earum in vocibus imagines attenderunt, sed in voces continuo veluti venationem instituerunt, ut nullam

(1) *Cratyl.* 439. B. C.

lam non obviam et ipsam explicare et inde demonstrare opiniones suas niterentur. Perturbarunt igitur omnia, suscepitque hinc etymologia apud germanos non solum grammaticos, sed philosophos etiam infamiam quandam, cujus ipsa adeo linguarum philosophia particeps fuit. Hoc vero ne committamus, sed contra, elegantissimae disquisitioni suum restituamus honorem, secundum praeceptum Platonis non ex imagine discere et imaginem et veritatem oportet, sed haec longe καλλίων καὶ σαφέστερα ἢ μάθησις est, ἐκ τῆς ἀληθείας αὐτὴν τε αὐτὴν efficere, καὶ τὴν εἰκόνα αὐτῆς, εἰ προκόντας εἰκασαι (1). Rem forte, si etiam nunc nonnullis subobscura est, ipsius illustrare Platonis exemplo liceat. Quum tradere is in scribendo *Sophistæ* verissimam dialecticam, quae cernendo jungendoque constat, instituisset, non continuo verba illa, quae excitat, διηθεῖν, διαττᾶν, βράττειν, διακρίνειν (2), similia, exploravit, ut ex his, tamquam veri imaginibus, cernendi illam artem efficeret, sed ingenio ipse suo excogitaverat hanc artem, tum verum exprimere et declarare, quod excogitaverat, nisus, in his verbis sibi visus est cernendi illam notionem deprehendere. Nec alia ratio eorum esse videtur, qui quamvis non, ut Plato, inveniendi sunt facultate praediti, inventa Platonis interpretari student: quod cujusmodi sit, usu equidem in his conscribendis philosophiae Platonicae initiis saepius

ex-

(1) *Cratyl.* 439. A. (2) *Theaet.* 226. B.

expertus sum. Nam quo magis me insinuare cogitando scribendoque in interiorem hujus philosophiae rationem conabar, eo crebrius mihi vocum in mentem venit, quae in antiquis nec minus in recentioribus linguis id plane videbantur exprimere, quod longa disputatione explicuit Plato. Veluti, ut his utar, sexcenties usurpaveram dicendo scribendoque voces *waarheidsliefde*, *δρῶνα*, *zr-tutgen*, *waarheidszin*, *oordeelen*, *αἰνεῖν*, *cernere*, *putare*, *cogitare*, *onderwijzen*, *enseigner*, similes alias innumeras; usurpaveram autem, ut omnes solent, vim earum propriam non magnopere attendens. Nunc vero Platonis exquirens placita de principio cognitionis philosophiaeque summo, quod veri amor est, de sensibus et quo per eos modos cognoscamus, de sensu interno et quid sit discere, quid judicare, quid item docere, quaenam adeo et quales sint dialecticae methodi primariae, his igitur de rebus placita exquirens tradensque Platonis, attendere nunc demum vim vocum illarum coepi. Sic usu ipse meo didici, quid esset tandem Platonicum illud, non a verbis ad res, sive ab imaginibus ad veritatem, sed contra, a rerum intelligentiâ ad verborum observationem, a veritate perspectâ ad ejus imagines attendendas judicandasque procedendum esse: lectores autem, opinor, quae vera sit habenda linguarum philosophia, et quale sit, quod vulgo dicere consuevimus, *metaphysicum linguarum studium*, hinc optime judicabunt.

Plato ex his studiis, ut monuimus, non multam
pro-

profess. Quae puer a Cratylo didicerat, sic deinceps inepta falsaque judicavit, ut iis veri doctrinam suam opponeret. Abfuit autem tantum, ut ad verissimam etymologiam hanc adhiberet doctrinam constanter, ut identidem in scriptis id ipsum committeret, quod in Cratylo ac Sophistis reprehenderat (1). Tam ardua scilicet res est, philosophiam linguarum recte tractare. Veruntamen nobis quantum proficere ad studia illa naviter apteque persequenda, cum ex illâ philosophi doctrinâ, tum ex totâ ejusdem philosophiâ liceat, dici vix potest. Nam non est, quo hæc magis constantiusque spectet, quam, ut elicere ex ipso animo hominis omnia studeamus. Refertur illuc tota philosophi dialectica, quippe cum *μεγεθυνη* et *ἀναγωγῆ* Socratis, quam usurpavit scribendo, conjuncta: statuit adeo, primas notiones nostras quantitatis et qualitatis, ideas praesertim proprie sic dictas, jam tum perceptas mente nostrâ fuisse, antequam in hoc corpus sensibus instructum migraverat: quod in *Menone*, ut vidimus, pueri exemplo, a Socrate de quadrati dimensione interrogari, demonstravit (2). Huic autem philosophandi rationi quid magis consequens est, quam, ut mirari id desinamus, quod vidimus modo, existare in linguis voces, quibus nativam suam homo cogitandi judicandique rationem expresserit? Nam si in-

(1) v. c. *Phaedro* 236. C. 244. D.

(2) *Cic. Tusc.* I. 24.

inveniunt haec hominum generi naturā, quidpi enun-
ciare ea gentes loquendo sponte sua sint conatae?
Quodsi documenta expetimus, quibus id, quod pro-
babile videtur, pateat nobis, voces illae singulae,
quas in his disquisitionibus attulimus, attendendae
nobis sunt. Non arte sunt a philosophis confic-
tae, sed communi omnium hominum usu teruntur,
ut prorsus naturā videantur exstitisse: et tamen,
quam apte pleneque exprimant, quod longis dis-
putationibus Plato demonstravit, eadem hae disqui-
sitiones nostrae probarunt. Sed vel fallor equidem,
vel insigne omniumque illustrissimum hujus rei do-
cumentum ipsa nobis est philosophia Platonis. Quo
frequentius mihi naturales voces illae in explicando
Platone occurrerunt, eo certius mihi persuasi, si
eas ordine, secundum philosophiae Platonicae pro-
gressionem proponeremus et explicarem, facile
nos ita ipsam simul esse philosophiam hanc traditu-
ros et exposituros. Fateor adeo, eo me accura-
tius mihi visum esse mentis in cogitando, judi-
cando, cognoscendo rationem assequi, quo magis
una cum placitis Platonis linguas attendi, ut pa-
rum absit, quin statuam, linguas nobis ipsam ve-
luti *repraesentare* philosophiam Platonis.

Caeterum, quemadmodum, quod posuit Plato,
a veritate inchoandum sit indeque ad ejus imagi-
nes procedendum, id suo nos philosophus exem-
plo docuit. Thesaurus esse philosophiae locuple-
tissimos linguae, omnes consentiunt, nobisque
in his disputationibus patuit manifestissime. Ille

ve-

vero, quamvis philosophandi, quam usurpavit, ratio nos duxerit illuc, ipsiusque philosophia sic naturae sit consentanea, ut dixeris fere, haustam illam inde esse, minus tamen, quam par erat, e thesauris istis profecit. Nempe de veritate philosophatus continuus est, eamque optimam et indagandi et tradendi viam cum ipse invenire tum nobiscum communicare studuit. Id autem quo aptius perfecit, eo nunc nobis clarius, e veritatis illis, quas dixit, imaginibus, veritas patet. Quod hic duximus monendum esse, quo magis aetatis nostrae philosophi, quibus sane longe majore copia thesauri illi, quam olim Platoni, patent, hoc duce et investigent eos, et, inde ut nos item emolumentum capiamus, operam dent. Nec vero ad linguarum unice philosophiam tractandam salutare hoc philosophi praeceptum est: late patet per gravissimos quosque philosophiae locos: est adeo cum metaphysicâ Platonis sive veri doctrinâ arctissime conjunctum. Nam, quemadmodum ille, quod ajunt metaphysici, *a priori* philosophatus sit, hinc patet maxime.

*Qua praestitit ratione Plato,
quod postulare a philosophis metaphysici
solent, ut a priori philosopharentur?*

Evexit nos Cratylus Platonis et tota haec nostra de linguarum philosophiâ disceptatio ad Platonicae dialecticae fastigium, quod hujusmodi est,
ut

ut non ab hypothésibus descendamus, sed ad principia tendamus *ἀνωκθῆτα*. Id quale sit, e methodo, qua usus philosophus est, supra docuimus (1): nunc quemadmodum ipsi philosophiae, ad veri, *ἀποῦ τοῦ ὅτι* scientiam assequendam, adhibendum sit, exquirere oportet. Nam metaphysici fere, quamvis in caussis exquirendis ad sublimia omnia contenderent, in ipsâ tamen philosophandi ratione ab ultimis principiis descenderunt: quod philosophari *a priori* vocabant (2). In rebus physicis, causâ omnium repertâ, inde ducere ratiocinando omnia solebant. In metaphysicis autem, quae vocabant, tractandis ad Deum fere perveniebant sponte, indeque, a divinae naturae perfectione descendentes, quaecunque exquiri in philosophiâ solent, explicabant. Unde *prima* illa Aristotelis *philosophia* ab ipso jam *theologiae* nomine nuncupata est. Conveniebat haec philosophandi ratio illorum studiis philosophorum, qui, ut Aristoteles, sapientiae doctrinam, imo divinam scientiam traderent; Platoni, qui philosophando, ut Socrates, i. e. quaerendâ sapientiâ contentus erat, non

con-

(1) Vol. II. P. 2. p. 73 et 173.

(2) Aristoteleae studium philosophiae hanc medio aevo protulit barbare sic nuncupatam *a priori philosophiam*. Longe alia est, quae illi eodem nomine successit superiore saeculo, ac Platonicae congruentior. Haec qualis sit, deinceps erit significandum; nunc, ne cum Aristoteleâ eam confunderemus, verbo hoc monuisse sufficiat.

conveniebat. Et vero, quod aliquoties monitus, superat talis doctrina longe facultates hominis: quo factum, ut, qui non tradere eam, sed adeo adhibere ad rerum omnium explicationem nisi sunt, turpiter fere lapsi sint.

Sed dicat hinc aliquis: postulare tantum a philosophis metaphysici solent, ut a priori philosophentur: hoccirca igitur non fecit Plato? Recte, sed alia, quam metaphysici, ratione. Posuerunt illi principium, unde ducerent omnia: veluti divinam naturam, quam nemo confiteri dubitat rerum omnium causam esse principem; sed causam hanc divinam pro mentis humanae modo, cui modus ipsius profecto divinitatis non capax est, informabant: unde qualis quamque deformis profuerit naturae illius sive forma sive descriptio sive definitio, sponte intelligimus. Sic igitur posito principio, quum descendentes inde omnia explicatum irent, humile hoc erat reapse, quamvis sublimè videretur, metaphysicae iter. Non ita Plato. Non descendendum ille ab *ἀρχῇ*, temere, ut fit, positum, sed ascendendum philosopho ad τὰ ἀνώτερα judicabat. Sic autem cum ipse soleret philosophari, a priori philosophatus esse, sed *sua ratione*, dicendus est. Scilicet quae τὰ ἀνώτερα vocat, sunt ea apud illum, ut vidimus, τὰ ἰδέα, ipsae sunt ἰδέαε, pulchram, bonam, justam, sanctam, quas quo quis puriores clarioresque animo teneat, eo hunc rectius dixit de rebus pulchris et turpibus, de bonis et malis, de justis et injustis, de

de divinis omnino humanisque existimare, eoque propius ad divinam sapientiam, cuius nunquam fieri particeps poterit, accedere. Ad hanc scientiam quemadmodum procedamus, *pulcri* exemplo in Symposio nos docuit Plotinus. A rebus pulcris, quae sensibus percipiuntur, ordiendum praecepit, ut per has pulcri imagines, tanquam *ἀναβαθμὸς* quosdam, ad pulcrum ipsum tenderemus. Huc autem postquam pervenerimus, inde nobis praecepit, ut res deinceps pulcras omnes et accuratius attenderemus et diiudicaremus verius (1). Sed de idearum disquisitioni adhibenda dialectica, quae proprie esse Platonis metaphysica videtur, documenta nobis in primis insignia sunt metaphysici, qui vocantur, Platonis dialogi, praecipue *Parmenides* et *Philebus*.

*De metaphysicis Platonis
dialogis, sive de idearum disquisitioni
adhibenda dialectica.*

De his dialogis parum vel nihil adhucdum diximus; nec tamen nihil attulisse ad verum eorum propositum assequendum videmur. Nam dialogorum Platoniorum haec ratio est, ut legi omnino accurate ad auctoris philosophiam percipiendam debeant, intelligi autem tum demum rite, postquam hanc assecuti satis philosophiam fuerimus, possint. Vel.

(1) *Sympos.* 209 et 210. Cf. Vol. I. p. 188.

Veluti Theaetetum, Sophistam, Politicum ubi quæ primum legit, statim arbitrabitur, se inde Platonis de scientiâ, de sophistica, de politicâ sententiam cogniturum: legendo autem, aliud fuisse videbit in scribendis illis auctoris consilium; sed ubi perspexerit idem assiduâ lectione cum dialecticam Platonis, tum rationem, quâ eam adhibere philosophiæ studuit, tum demum et assequi philosophi in scribendis illis consilium et recte eos intelligere incipiet. Similis ratio Parmenidis et Philebi est. Vulgo Platonem existimant in his suam omnem de ideis deque idearum principe, boni ideâ, sententiam exposuisse: quamobrem involare continuo in hos dialogos solent, qui Platonis sublimitatem ex ipsius scriptis percipere cupiunt. Nos autem egimus de ideis Platonis et accurate tradere primarium hunc in ejus philosophiâ locum studuimus: et tamen ullam vix eorum dialogorum mentionem fecimus. Nempe, ut in Theaeteto caeterisque dialecticis sermonibus, ita in his Plato, qui vulgo metaphysici vocantur, id spectavit potissimum, ut adhiberet philosophiæ ipsique, quam tradere studebat, veri doctrinæ dialecticam suam. Quapropter nunc demum, postquam et dialecticam Platonis et veri doctrinam, una cum ejusdem de ideis placitis, perspicere coepimus, nunc demum, inquam, recte nobis intellecturi utrumque illum dialogum videmur.

Nam proprie sunt sermones illi subtilissimæ quaedam sive disquisitiones sive exercitationes
dia-

dialecticæ. Quod ex utriusque prooemio intelligitur. In Parmenide dialogo Parmenides, δεινὸς ἰλλε ἅμα αἰδοῦός τε, postquam ab initio cum Socrate de uno et multis, de ideis earumque in rebus ὁμοιωμάσι agere instituit, admiratus hujus ingenium, καλὴ μὲν οὖν, inquit, καὶ θεία, εὖ ἴσθι, ἡ ὁρμὴ, ἣν ὁρμᾷς ἐπὶ τοὺς λόγους· ἔλκυσσον δὲ σαυτὸν καὶ γύμνασον μᾶλλον διὰ τῆς δοκούσης ἀχρήστου εἶναι καὶ καλουμένης ὑπὸ τῶν πολλῶν ἀδολεσχίας, ἕως ἔτι νῦν εἴ· εἰ δὲ μὴ, διαφεύξεταί σε ἡ ἀλήθεια. *Pulcer est et divinus; mihi crede, impetus ille tuus, quo ad sermones tendis; protrahe te igitur magisque hac te exerce facultate, quæ vulgo inutilis videtur et garrulitas vocatur, dum juvenis es: nam nisi feceris fugiet te veritas* (1). Rogat autem Socrates, quisquam sit exercitationis hujus modus. Tum ille et alia ei præcipit et hocce: χρὴ δὲ καὶ τὸδε ἔτι πρὸς τοῦτῳ ποιεῖν· μὴ μόνον εἰ ἔστιν ἕκαστον ὑποτιθέμενον, σκοπεῖν τὰ συμβαίνοντα ἐκ τῆς ὑποθέσεως, ἀλλὰ καὶ εἰ μὴ ἔστι, τὸ αὐτὸ τοῦτο ὑποτιθεσθαι, εἰ βούλει μᾶλλον γυμνασθῆναι. *Illud præterea faciendum est: non solum, ubi quodque esse suppositum est, explorare, quæ e suppositione consequantur, sed etiam, ubi non esse suppositum est, hoc ipsum supponere, si quidem recte exercitari velis* (2). Similiter in Philebo a dialecticâ ducitur disputationis initium. Continetur adeo ipsum prooemium illius descriptione methodi, quæ cer-

nen-

(1) *Parmen.* 136. D.

(2) *Parmen.* 135. E.

nendo jungendoque instituitur atque unice fuit Platonis propria. Prooemio autem uterque dialogus consequens est: totus uterque dialecticā disceptatione constat. Quod ad Parmenidem praesertim intelligendum recte animadvertendum legentibus est. Disquisitiones enim in hoc dialogo non magis, quam in Theaeteto, ad certam quamdam conclusionem perducuntur. Quocirca mirati id quam plurimum sunt, nonnulli adeo a Platone non adiectum, vel post eum deperditum esse sermonis finem suspicati sunt (1). Verum enim id unice spectavit scribendo sermone Plato, ut, positis sententiis contrariis v. c. *esse unumquodque et non esse*, quid ex utraque consequeretur, dialecticā subtilitate exquireret: sic autem dialecticae de ideis disquisitionis exemplum praeberet legentibus. Nobis vero inde, quod nunc maxime exquirimus, patet, qualis Platonis fuerit maxime, quae appellatur, *a priori* philosophandi ratio. In his omnibus non principium, ut solent metaphysici, posuit, quod geometrarum, ut vocant, more i. e. synthetica ratione demonstraret indeque duceret explicaretque omnia: suū Plato methodo, analyticā illā, usus, ipse ἀναπόδετα i. e. τὰ ὄντα, ideas, inquirendo persecutus est.

Quodsi quaerimus, quam in legendo Parmenide de-

(1) V. Ast *Platonis Leeb.* p. 244 et 250. Cf. Socher *über Plat. Schr.* p. 286.

desideramus, subtilis hujusmodi dialecticae disputationis conclusionem, Philebus nobis non quidem plene, sed tamen multo magis satisfaciet. Ut ad boni ideam explorandam proprie refertur dialogus hicce, ita de voluptate continuo et scientiâ sermo instituitur. Nam Platonis jam aetate philosophi sic a se invicem discedebant, ut essent, qui summum bonum voluptate contineri statuerent, alii ad illud unam sapientiam referrent. Sed ut Epicurei postea et Stoici, ita hi utrique non satis ad dialecticam ἀκριβελαν rem exigere solebant. Plato igitur a dialectica, ut diximus, incipiens, Socratem inducit artem continuo tradentem, qua non ἐν καὶ ἀπειρα, sed ὅποσα exquiruntur. Hujusmodi illa est, inquit, ut de voce v. c. non solum *unum* i. e. ipsam vocem et *infinita* i. e. innumeros sonos, sed etiam *quos* sint numero soni, exploremus. Nos tum haec explicuimus, quum dialecticam Platonis tradebamus, ac, duce Platone, docuimus, quemadmodum hac arte musica et literae sive alphabetica scriptura inventa sint. (1) Hinc Socrates sublime memorat antiquorum effatum: οἱ μὲν παλαιοὶ, κρείττονες ἡμῶν καὶ ἐγγυτέρω θεῶν οἰκοῦντες, ταύτην φήμην παρέδοσαν, ὥς ἐξ ἑνὸς μὲν καὶ πολλῶν ὄντων τῶν ἀεὶ λεγομένων εἶναι, πέρας δὲ καὶ ἀπειραν ἐν ἑαυτοῖς ζύμφυτον ἐχόντων. Nam prius *ti nobis praestantiores* Diisque propinquiores, haec nobis oracula tradiderunt, ex uno et multis con-

sta-

(1) Cf. supra Vol. II. P. II. p. 141.

stare quae semper esse dicuntur; finem autem et infinitatem innatam habere: iccirco nos decere, si ita haec ordinata sint, unum quid in omni re exquirere ac ponere, inventuros enim insitum esse: quod ubi deprehenderimus, post unum duo, si insint, explorare, vel tria vel alium numerum quempiam, ac quodlibet eorum unum diligenter considerare denuo; donec id, quod ab initio unum invenimus, non solum ut unum vel ut multa vel ut infinita, sed ut quot sint numero perspiciamus: sic igitur infinitatem non multitudini esse adhibendam, priusquam numerum quis ejus omnem, qui inter infinitum et unum intermedius sit, perspexerit: tum vero unum quodlibet omnium in infinitum dimittere oportere. Dii ergo, quod dixi, sic nobis praeceperunt, ut res exploremus, disceremus, doceremus; qui autem nunc dicuntur sapientes, unum et multa velocius tardiusve, quam oportet, conficiunt ac post unum continuo in infinita incidunt; media autem, quibus disputandi ratio dialectica a litigiosa discernitur, fugiunt illos (1). Effatum, quod laudatur in hisce, Philolai est, a Diogene Laërtio nobis servatum, a Proclo autem non semel commemoratum. Φύσις δὲ ἐν τῷ κόσμῳ ἀρμόχθη ἐξ ἀπειρων τε καὶ περαίωνων, καὶ ὅλος κόσμος καὶ τὰ ἐν αὐτῷ (1). Quod Platoni non poterat non vehementer arridere, cujus

(1) *Phileb.* 16. C. — 17. A. (2) V. Boeck. in *Philolae* p. 45. et Stallbaum *Proleg. ad Phileb.* p. LX.

jus dialectica ipsaque philosophia discernendo definiendoque fere tota progrediebatur. His igitur duobus positis, *infinitis et definientibus*, tertium addit, *quod ex his temperatur*: τὸν θεὸν ἐλέγομεν που, τὸ μὲν, ἅπειρον δεῖξαι τῶν ὄντων, τὸ δὲ, πέρας· τούτων δὴ τῶν εἰδῶν τὰ δύο τιθώμεθα. τὸ δὲ τρίτον, ἐξ ἀμφοῖν τούτων ἓν τι ξυμμισγόμενον. *Deum diximus ex iis, quae sunt, alterum infinitum, alterum finitum ostendisse: duo igitur haec genera ponamus, tertium autem, quod unum ex utroque illo temperatum est* (1). Tandem quartum his subiungit, *mixtionis causam*: τῆς ξυμμίξεως τούτων πρὸς ἄλληλα αἰτίαν· (2) ac singula deinceps, qualia sint, definit (3). Nunc autem ad ea recte sic posita et definita quaestionem exigit de *bono*, sive de voluptate et sapientiā, utri ad bene beateque vivendum plus sit efficacitatis tribuendum. Nam palmam victoriae mixtae jam vitae concesserat: hanc constare nec voluptate solā, nec sola etiam sapientiā docuerat, sed aptā utriusque temperatione. Quapropter τὰ δευτερεῖα nunc quaerit utri tribuenda viderentur. Itaque ad vitam illam sapientiae plus, quam voluptati, efficacitatis concedit. Etenim ad infinita pertinet voluptas: terminos illa nullos habet; sapientia vero sive νοῦς definiendi ordinandique vim habere putanda est. Πάντες γὰρ συμφωνοῦσιν οἱ σοφοί, ἑαυτοὺς οὕτω σεμνύοντες, ὥς νοῦς ἐστὶ βασιλεὺς ἡμῖν οὐρανοῦ καὶ γῆς·

Om-

(1) *Philos.* 23. C. (2) *Eod.* (3) *Eod.* 24 et 25.

Omnes enim consentiunt sapientes, semetipsos ita exsurgentem, mentem esse coeli ac terrae gubernatricem (1). Et verò, vim quamdam fortuitam et rationis expertem non ἐπιτροπεύειν dicamus omnia haec, quae universum appellamus, sed longe rectius, καθάπερ οἱ πρόσθεν ἡμῶν ἔλεγον, νοῦν καὶ φρόνησιν τινα θαυμαστὴν συντάττουσαν διακυβεύειν· *ut qui ante nos fuerunt dixerunt, mentem atque sapientiam admirabilem quamdam ordinare et gubernare omnia* (2). Unde, quantum voluptati sapientia praestet, intelligitur. Sed his ita exploratis, illud peragendum tandem arbitratur Socrates, quod monuerat in superioribus (3), ut, secretis ab ipsa voluptate et sapientia variis utriusque generibus, ex utraque temperaret recte vitam beatam. Quod ut perfecit, immixta ei veritate, τί δῆτα, quae sit, ἐν τῇ συμμείξει τιμιώτατον ἅμα καὶ μάλιστα αἰτιον εἶναι δόξειεν ἂν ἡμῖν τοῦ πᾶσι γεγονέναι προσφιλοῦς τὴν τοιαύτην διάθεσιν; *quid in commixtione et pretiosissimum est simul et nobis in causa maxime, ut omnibus haec dispositio grata accadat* (4)? Et sic ad quartum illud, quod posuerat, ad causam accedit, eamque esse τὸ ἀγαθὸν invenit. Omnis mixtionis, ait, non difficile est causam reperire, ob quam vel plurimi sit vel minimi facienda. Nam latet neminem, mixtionem quamcunque et qualemcumque, modi aequabilitatisque expertem, et mix-

ta

(1) *Phileb.* 28. C. (2) *Eod.* 28. D. (3) *Eod.* 20. A.
(4) *Eod.* 64. C.

ta necessario et primum semet ipsam perdere. Non enim *κρῆσις*, sed *ἄκρατος* quaedam haec fit hominibus, temere congesta *συμφορά*. Quamobrem effugit nos *bonum*, in pulcri naturam se recipiens. Modus enim et aequabilitas ubivis solet pulcritudo et virtus esse. Veritatem autem diximus una cum illis in temperatione mixtam esse. Οὐκοῦν εἰ μὴ μὴ δυνάμεθα ἰδεῖν τὸ ἀγαθὸν θηρεῦσαι, σὺν τρισὶ λαβόντες, κάλλει καὶ συμμετρίᾳ καὶ ἀληθείᾳ, λέγωμεν ὡς τοῦτο οἶον ἐν ὁρθότητι ἂν αἰτιασάμεθ' ἂν τῶν ἐν τῇ ξυμμίξει· καὶ διὰ τοῦτο ὡς τὸ ἀγαθὸν ὄν, τοιαύτην αὐτὴν γεγονέναι. Quodsi *bonum* non una possimus specie venando assequi, una cum tribus, pulcritudine, aequabilitate et veritate comprehendentes, dicamus, id tamquam unum recte nos habituros esse eorum, quae in commixtione sunt, causam, commixtionemque per hoc, quippe *bonum*, talem fieri ipsam (1).

Talis in Philebo, si quid video, disputationis ratio ac progressio est. Falleremur autem maximo, si hanc nos disputationis conclusionem fundamentum esse habendam philosophiae Platonicae moralis existimarem. Quaesivit dialecticā subtilitate philosophus, quid iudicandum de summo bono sive de vitā optimā videretur. Cujusmodi disquisitionum, si quidem recte hoc nomine *disquisitiones* dicantur, incertus fere eventus est. Itaque in Sophista, ut vidimus, Socrates cum sophis-

(1) *Phileb.* 64. D. — 65. A. Cf. *de Rep.* 486. D.

phistam investigaret, philosophum deprehendit⁽¹⁾. Nam duci se patiebatur auctor, quocumque ipsum, ut ait⁽²⁾, mentis disputationisque impetus, tamquam ventus, ferret. Quamquam constanter, pro talis ingenii imperu, eo tendebat, quod vel verum vel cum vero conjunctum erat. Itaque hic, in summi boni disquisitione, evenit, ut in hujusmodi conclusionem, quae non abhorret quidem ab ejus principiis, nec tamen continet haecce, sub finem dialogi incideret. Exercitationem omnino dialecticam Philebus continet, non ethicae Platonicae sive fundamenta sive doctrinam. Et sic quidem Plato, quod ipsius philosophiae proprium est, in scribendis tam metaphysicis hisce, quam dialecticis dialogis, procedere, appropinquare, accedere ad verum studuit, assecutum se illud esse in subtilibus hujusmodi disputationibus nusquam professus est. Iterum de boni idea, sed alia longeque diversa ratione quaesivit, quum educere ad veri scientiam futuros rei publicae rectores institueret⁽³⁾. Tum vero negavit adeo, ipsum se bonum traditurum esse, contentos nos esse jussit, si *τόνον*, si prolem boni consequeremur. In talibus sive disceptationibus sive exercitationibus dialecticis diversas identidem philosophus quaerendi vias ingressus est, quo propius aliquando ad idearum naturam, ad ipsa *τὰ ὄντα* perveniret. Quod

no.

(1) Vol. II. P. 2. p. 125 et 137.

(2) *Rep.* III. 594. D.

(3) *Ide Rep.* VI. 507. A.

nobis debet sufficere; nam exigere ab homine, quod humani ingenii facultatem superat, non decet: laudandus in his ille maxime est, qui a veritate abest proxime. Rem nobis declarare quodammodo recentiorum philosophorum de *pulcro* disquisitiones possunt. Quorum alii id contineri partium harmoniam, alii varietate summam in summa unitate, alii aliis rebus existimarunt. Nos omnium et studium probamus et conclusiones etiam, quatenus ad sua quaeque pulcri genera referuntur. Quamquam processisse ad *ipsum pulcrum* nobis, non vero, quod fieri non potest, pervenisse videntur. Quo magis autem nos ex variis his omnibus omnis aevi cum de pulcro, tum de bono disquisitionibus profecerimus, eo facilius poterimus longiusque in hoc veritatis itinere progredi. Sed Platonis, quae dicitur, *a priori* philosophandi ratio quam sit ab Aristotelis ratione diversa, hinc intelligitur; ut autem qualis sit et quot quantosque proferat ad veri scientiam fructus, perspiciamus, dictum nobis Socratis in Platonis Parmenide toto animo attendendum recolendumque est. 'Αλλ', ὦ Παρμενίδη, μάλιστα ἔμοιγε καταφαίνεται ὥδε ἔχειν. τὰ μὲν εἶδη ταῦτα, ὥς περ παραδείγματα, ἐσάναι τῇ φύσει, τὰ δὲ ἄλλα τοῦτοις εἰκέναι καὶ εἶναι ὁμοιώματα· καὶ ἡ μέθεξις αὕτη τοῖς ἄλλοις γίγνεσθαι τῶν εἰδῶν οὐκ ἄλλη τις ἢ εἰκασθῆναι αὐτοῖς. *Sed mihi, o Parmenides, sic maxime se res habere videtur: ideas has, tamquam exempla perfecta, naturā ex-*

est

esse neque aliter haec illorum participia esse, nisi quod similia illis sunt (1). Itaque opera danda homini, de Platonis sententiâ, est, ut *παράδειγμα* illa, ut ideas, ipsa τὰ ὄντα cum aliâ quavis, tum dialecticâ praecipue ratione assequatur: nam quo ea rectius pleniusque perceperit, eo rectius perspicere ac dijudicare ipsorum ἀμοιβάματα poterit; sunt autem haec res pulchrae, bonae, justae, similes omnes, de quibus, quippe non cuivis patentibus homini, diversa omni aetate hominum iudicia fuerunt. Id vero ipsum quid aliud est, quam quod in Cratylo, si linguarum philosophiam tractare recte velimus, praecepit nobis Plato, ut non ex imaginibus ipsas et veritatem, sed ex veritate et ipsam et ejus imagines discere conaremur?

Ergo non descendere ab *ὑποθέσει*, quae metaphysicorum consuetudo est, sed ad τὰ ἀνυπόθετα ascendere, ut, illa intuentes cognoscamus recte ac judicemus omnia, haec demum apud Platonem a priori philosophandi ratio est, cujus adjumentum esse efficacissimum dialecticam, quam prodidit, contendit. Et sic quidem tandem eo pervenisse videmur, ut, quid de *veri*, de τοῦ ὄντος, αὐτοῦ τοῦ ὄντος scientiâ existimandum sit, judicare nobis liceat. Quamobrem, age, ex hoc Platonicae tam philosophiae, quam dialecticae fastigio dispiciamus in partes omnes, si forte, quid haec scientia sit, conspiciamus.

Quid

(1) *Parmen.* 152. D.

*Quid tandem existimandum
nobis de veri, αὐτοῦ τοῦ ὄντος, scientiā
videtur?*

Perlustrantibus autem hinc nobis animo omnia philosophiae Platonicae, quem peragravimus, campum, quid non sit scientia, apparere videtur, quid vero sit, vix apparet. Nec αἰσθησιν eam esse, quod Protagorae, nec δοξάν, quod universe fere et sophistis et oratoribus et vero fluitantibus illis philosophis placuit, Theaeteto legendo vidimus; sed, lecto dialogo, quae ipsius fuerit hac de re auctoris sententia, frustra quaesivimus. Adverte-
runt mentem nostram prae omnibus maxime τὰ ὄν-
τα, quae *ideas* itemque παραδείγματα vocat. Ho-
rum scientia apud eum ipsius est veritatis scientia;
et legendis nos ordine deinceps cum dialecticis
ejusdem, tum praecipue metaphysicis dialogis, una
cum auctore dialectico itinere persecuti ea sumus;
assecutos autem nos esse, dicere non ausim. Nam
recedere nobis eo magis visa sunt, quo propius
accederemus: ut confiteremur tandem, quin etiam
ipsius auctoritate ducis nostri affirmaremus, appro-
pinquare ad ea et accedere homini licere, pervenire
non licere. Quid igitur? Effugisse nos veritatem
dicamus, ac penes unum Deum esse? Id vero
non facile dixerim. Nam si *verum* hoc esset et
nos id possemus *vere* contendere, inde pateret
dilucide, non esse extra potestatem nostram *veri-
tatem*. Sed de vero non quaerimus: quod pro-
fec-

fecto si assequi mortales non possent, supra quam dici potest, misera eorum conditio esset: *scientia* agitur, *scientia*, inquam, *veri*: τοῦ ὄντος, αὐτοῦ τοῦ ὄντος *scientia*. Hanc autem ut, qualis sit, sive assequamur sive certe suspicemur tandem quodammodo, opera nobis danda primum est, ut eam recte a veritate distinguamus.

*Quid veritas apud Platonem
est? Quidni scientiam nobis veri-
tatis tradidit?*

Quid veritas sit, quaestio omni aevo a philosophis longe difficillima habita est. Eadem autem apud Platonem vix quidquam esse simplicius atque ad declarandum facilius videtur. Verum vocat τὸ ὄν, *quod est*, atque illi opponit, *quod videtur*. Nos ita opponimus in familiari sermone, *wezen en schijn*, et, si quid asseverare tamquam verissimum, si quid etiam atque etiam alicui affirmare studemus, dicere fere: *het is wezenlijk zoo*, solemus. Disciplinae optima, sed etiam veritatis, qualis sit, declarandae causa, fabulam illam Plato de spelunca narravit; explicuit autem eadem imagine discrimen potissimum, quo id, quod est, ab eo, quod videtur, distingueretur: idem apud eum inter mundum ὄντων et νοητὸν discrimen obtinet. Porro, quae assequimur ipsâ mente, *vera* apud eundem sunt v. c. quaecunque referuntur ad quantitatem, qualitatem, magnitudinem, similitudinem. Ita nobis

his verissimum est, his duo esse quatuor, partem toto minorem esse, similia omnia. Inde veritas in rebus arithmeticiis et geometricis, quae nulli dubitationi obnoxia est: indeque accidit, ut, quae mechanici et astronomi antiquo, inprimisque recentiore aevo reppererunt, adeo sint vera, ut ex iis hodie rerum coelestium constet ratio, et praedicant tuto astronomi, quae ad eclipses solis atque lunae et cometarum reditum pertinent, omnia. Id igitur veritas apud Platonem est. Nec refertur haec solum ad has quantitatis, qualitatis similesque notiones: de rebus bonis et malis, de pulchris et turpibus, de justis et injustis similiter nos vere pronunciare statuit: modo ipsum bonum, ipsum justum pulcrumque, quod uni menti patet, intueri atque ad illud exigere res hasce omnes didicerimus.

Sed aliud est vere de rebus judicare ac pronunciare, aliud, *veritatis* consecutum *scientiam* esse. Confuderunt haec fere philosophi: et inde tanta illa quaestionis, *quid est veritas?* difficultas. Ad *scientiam* siue veri siue τοῦ ὄντος quot et quanta requirantur, enumerari vix possit: homini certe ad eam plene consequendam facultas deest. Requiritur eo, ut has notiones omnes, quas diximus, tam puras perfectasque animo nostro repraesentemus, ut in rebus judicandis falli non possimus. Huc multi contenderunt omni aetate: quod ex industria diligentiaque patet, quā *criterium veri*, itemque pulcri et boni, sed praecipue *veri* assequi sunt

sunt conati (1); recteque monuerunt, si hoc reperire mortalibus liceret, haud facile his obtingere exoptatus utriusque negotium posse: recte adeo fecerunt lidem, qui exquirèrent illud indefesso studio: modo hoc animadvertissent, appropinquare illud homini licere, pervenire non licere. Nam, quod diximus, tam perfectae eo requiruntur veri, ipsius τοῦ ὅτι notionēs, ut falli non possimus: id autem uni Deo est proprium. Sed ad scientiam veri, ut caetera mittam, caussarum praesertim scientia postulatur. Leve id negotium est in rebus physicis et mechanicis. Mechanicus machinae nobis cujuscumque rationem exponit, caussis motum ostendendis apte (2): physicus similiter fulminis et tonitru expositis caussis, res has terribiles, quibus obstupuerunt semper mortales, explicat; at philosophus, cui res item morales ac divinae explorandae sunt, si harum item omnium causas ac remotissimas adeo, exquirere nobisque tradere velit, Deus sit, fere dixerim, necesse est, ut id perficiat.

Talis igitur cum sit *veritatis*, qua late patet, *scientia*, Plato nos eam explorare et persequi jussit, ipse definire nobisque tradere, ut non potuit, ita noluit. Sapientia scilicet ipsa est, quae Deo: non studium sapientiae, non philosophia, quae homini

con-

(1) V. Diog. Laërt. VII. 46. Sext. Emp. *adv. Logicos* I. 15a, 227. Cic. *Acad. Quaest.* IV. 6. (2) Aristot. *Metaph.* I. c. 5. Cf. supra p. 75.

convenit. Hic autem attendendum nobis placitum Platonis est, quo haec maxime commendatur germani philosophi verecundia, *infinitam esse hominis ad veritatem progressionem.*

*Cur scientiae humanae terminos
non posuit Plato?*

Nam metaphysici philosophi, quum a divinae naturae definitione argumentationes ducerent, indeque descenderent ad naturam humanam, illam infinitam continuo, hanc arctissimis finibus circumscriptam exhibitamque dicebant. Plato vero, ad Socrates sui exemplum, ab homine orsus, explorato in nobis infinitae perfectionis studio et ardore, huic studio consentaneam naturam nostram existimabat, pariterque habebat infinitam⁽¹⁾. Quod autem scientiam attinet nostram, in recentioribus philosophis multi, ut vidimus⁽²⁾, substantias, monades, essentias, *νοούμενα* naturis rebusque inesse suspicati sunt, quae Deo paterent, hominibus vero, per sensus fere res cognoscentibus, non paterent. Sic sponte cognitioni scientiaeque humanae terminos ponebant. Sed Plato, quum, ut item vidimus, nil tale de naturis rebusque suspicaretur, sed referret ad ipsum animum τὰ νοούμενα, esse ea

(1) Passim id Plato, praecipue autem in praeclearo de animi naturâ sermone, contendit, *Phaedone* 83 et 84. Cf. *de Rep.* X. 611. et nos Vol. I. p. 86. (2) V. supra p. 118.

ea perhibens, quae mens per se ipsa, oculo illo suo assequeretur, non habebat magnopere, cur terminaret scientiam nostram. Kantii insulam memoravimus in praecedentibus (1). Duas ille menti formas, tempus et spatium, itemque categorias tribuit. Res omnes, aiebat, quas per illas percipit mens, accurate cognoscere homini licet. Sed idem, si fines hos cognitionis humanae migrans, relicta hac veluti insula nostra, alio velit procedere, ne in hoc metaphysicae vulgaris oceano naufragium faciat, verendum est. Quid de hac Kantii doctrina statuendum sit, alii judicabunt. Plato nondum data opera quaesivisse de tempore et spatio videtur, quod fecit Aristoteles (2). Si quaesivisset, notiones haec mentis esse reperisset forte, quas cernendo consequitur. Cum vero harum limitibus formarum non cohiberet cognitionem nostram, talem nobis insulam talibus definitam terminis non designavit (3). Caeterum sensus apud eum, fateor, impedimenta sunt cognitionis nostrae; veruntamen non talia hos esse impedimenta censet, qualia non superare possimus. Imo vero hoc in primis proposito imaginem nobis

(1) V. supra p. 119. (2) περὶ τῶν, rerum in primis physicarum ratione habita, in *Auscultat. Phys.* L. IV. c. 1—5. περὶ χρόνου eod. c. 10. (3) Plenius nobis deum comparare cum Platonica philosophia Kantianam licebit, ubi, in philosophia justi, veritatis et libertatis apud Platonem necessitudinem exploraverimus.

bis speluncae proposuit, ut, quemadmodum nos, mundo *ὑπαρτῶ* relicto, ipsa intuentes *αὐτῶ τῶ νῶ* aeterna veri exemplaria, ad veri scientiam accederemus, doceret. Iccirco non retinebatur magnopere philosophus, quo minus naturae humanae, quam infinitam habebat, congruam esse hominis in veri scientiâ progressionem existimaret. Quin etiam, consentaneum hoc prorsus Platonis philosophiae esse, ex ejus dialecticâ patet. Tota haec, ut vidimus, cernendo jungendoque, imo inveniendo progreditur. Cernendo res declarat, jungendo ad conclusiones et judicia pervenit; sed quae conjunxit identidem, novam habet denuo explorandi cernendique materiem, unde novae item sive conductiones sive conjunctiones oriuntur, ut inveniendi nec modus nec finis appareat (1). In his autem Plato non praesentem tantum hanc eruditionem nostram respexit, sed, cum immortalem esse animum statueret, quod in hoc corpore, per hos sensus, tamquam nuncios, nobis cognoscere non liceret, id futurae vitae destinavit: ut quodammodo quadrare in ejus philosophiam videatur, quod de monumento cum inscriptionibus Hemsterhusiano monuimus (2). Eatenus nunc quidem nos, ut ille ait, de rerum universitate judicare possumus; quatenus nos ejus certiores sensus hi nostri faciunt; ut vero, relicto hoc corpore, animus per alios nuncios alias universitatis partes explo-

(1) Cf. quae de his supra monuimus Vol. II. P. II. p. 163.

(2) V. supra p. 121.

ea perhibens, quae mens per se ipsa, oculo illo suo assequeretur, non habebat magnopere, cur terminaret scientiam nostram. Kantii insulam memoravimus in praecedentibus (1). Duas ille menti formas, tempus et spatium, itemque categorias tribuit. Res omnes, aiebat, quas per illas percipit mens, accurate cognoscere homini licet. Sed idem, si fines hos cognitionis humanae migrans, relictâ hac veluti insulâ nostrâ, alio velit procedere, ne in hoc metaphysicae vulgaris oceano naufragium faciat, verendum est. Quid de hac Kantii doctrinâ statuendum sit, alii judicabunt. Plato nondum data opera quaesivisse de tempore et spatio videtur, quod fecit Aristoteles (2). Si quaesivisset, notiones haec mentis esse reperisset forte, quas cernendo consequitur. Cum vero harum limitibus formarum non cohiberet cognitionem nostram, talem nobis insulam talibus definitam terminis non designavit (3). Caeterum sensus apud eum, fateor, impedimenta sunt cognitionis nostrae; veruntamen non talia hos esse impedimenta censet, qualia non superare possumus. Imo vero hoc in primis proposito imaginem nobis

(1) V. supra p. 119. (2) *περὶ τῶρου*, rerum inprimis physicarum ratione habita, in *Auscultat. Phys.* L. IV. c. 1—5. *περὶ χρόνου* eod. c. 10. (3) Plenius nobis deum comparare cum Platonicâ philosophiâ Kantianam licebit, ubi, in philosophiâ justî, *veritatis et libertatis* apud Platonem *necessitudinem* exploraverimus.

bis speluncae proposuit, ut, quemadmodum nos, mundo ὁρατῶ relicto, ipsa intuentes αὐτῶ τῶ νῶ aeterna veri exemplaria, ad veri scientiam accederemus, doceret. Iccirco non retinebatur magnopere philosophus, quo minus naturae humanae, quam infinitam habebat, congruam esse hominis in veri scientiâ progressionem existimaret. Quin etiam, consentaneum hoc prorsus Platonis philosophiae esse, ex ejus dialecticâ patet. Tota haec, ut vidimus, cernendo jungendoque, imo inveniendo progreditur. Cernendo res declarat, jungendo ad conclusiones et judicia pervenit; sed quae conjuncta identidem, novam habet denuo explorandi cernendique materiem, unde novae item sive conductiones sive conjunctiones oriuntur, ut inveniendi nec modus nec finis appareat (1). In his autem Plato non praesentem tantum hanc eruditionem nostram respexit, sed, cum immortalem esse animum statueret, quod in hoc corpore, per hos sensus, tamquam nuncios, nobis cognoscere non liceret, id futurae vitae destinavit: ut quodammodo quadrare in ejus philosophiam videatur, quod de monumento cum inscriptionibus Hemsterhusiano monuimus (2). Eatenus nunc quidem nos, ut ille ait, de rerum universitate judicare possumus, quatenus nos ejus certiores sensus hi nostri faciunt; ut vero, relicto hoc corpore, animus per alios nuncios alias universitatis partes explo-

(1) Cf. quae de his supra monuimus Vol. II. P. II. p. 163.

(2) V. supra p. 121.

plene coeperit, in aeternum procedere in verum
scientiæ poterit. *Quodammodo* haec dixi in philo-
sophiam Platonis quadrare; nam de partibus mun-
di, etiamnunc non sensuum defectu latentibus, ne
verbum quidem apud veterem philosophum; sed,
quod perpetuam hominis in veri scientiâ progres-
sionem attinet, plane Hemerterhusius Platonem ex-
pressit. Hinc autem iudicare nobis tandem iuste
de verâ philosophi modestiâ licet.

*De modestiâ philosophi,
cum sensu facultatis suae immensae
maximarumque rerum studio
conjuncta.*

Admirata omnis aetas in Socraticâ philosophiâ
verecundiam modestiamque est. Nam cum et phy-
sici et metaphysici causas exquirerent, e quibus
declararent omnia, Socrates satis habebat, si semet
ipse cognosceret. Fuerunt autem, qui suspiceren-
tur inde, magis hanc philosophiam ad retinenda
hominum studia, ne inutilia vel nimis ardua ag-
grederentur, quam ad excitanda alendaque, aptam
fuisse et accommodatam. Verum pro abstrusis li-
tis atque ab ipsâ naturâ involutis, alia quae-
rebat Socrates, quae non curaverant illi: quae-
rebat de virtutibus et vitiis, quid bonum esset, quid mi-
lum, quid justum, quid injustum, quid pium,
quid impium. Quibus quaestionibus alia item,
longeque pulcherrima ac maxima studia in hominum
animis excitabat, ut virtutis amore optimarumque
re-

rerum ardore incalescerent. Quam Socraticae philosophiae rationem et secutus Socraticorum princeps Plato est et perfecit. Quo patuit maxime, non humilem quandam fuisse, quam Socrates commendaverat, philosophi modestiam, ut retineremur a rebus expetendis majoribus. Nam cum Plato perfectioni nostrae morali ipsique scientiae nullos terminos poneret, progressionem homini ad summa omnia infinitam tribuebat. Quodsi scientia quaeritur, adjiciebat idem sublimibus hisce placitis, ut modo monuimus, dialecticam, qua, tamquam instrumento philosophiae, aptum redderet hominem, ut in semet ipso cognoscendo, in rerum universitate exploranda, in exploranda adeo divina naturam in infinitum procederet (1): Tantum abest igitur, ut avertat nos a rerum exquirendarum studio philosophia Platonis, ut modestia apud eum germani philosophi cum sensu facultatis cujusdam immensae maximarumque rerum studio conjuncta sit. Modestiae scilicet fines migrare non eum censet, qui majora cognoscere ac difficiliora cupit, sed illum scilicet, qui quod nescit scire sibi videtur, vel prope se accessisse ad illa putat, a quibus etiam nunc ingenti intervallo abest. Quod animad-

ver-

(1) Lubens hic appono praeclaram Hemsterhusii sententiam, ad explicandum Platonem unice efficacem. *Il est clair, que l'ame desire, par sa nature, une approximation continuelle. C'est l'hyperbole avec son asymptote. Oeuvres phil. Vol. I. p. 64.*

vertisse non pigebit ad divinam quādam Platonis sententiam intelligendam recte.

*De sententia Platonis,
Protagorae placito oppositā, Deum
esse hominibus omnium rerum
mensuram.*

Infra hominis dignitatem Protagorae placitum est: *omnium rerum mensuram hominem esse*. Nam idem dici, ut apud Platonem Socrates ait, de porco posset vel de cynocephalo vel si quid aliud abjectius absurdiusve eorum est, quae sentiunt (1). Quae autem ab Aristotele et metaphysicis celebrata sapientia est, superat illa rursus facultatem hominis, extollens quippe eum supra ipsam naturam divinam, ut hanc, tamquam exploratam satis, definiat, indeque, ut e causā omnium principe, omnia explicet. Quam aliena ab utrāque hac philosophandi ratione Platonica ratio fuerit, e sententiā intelligitur philosophi, quam senex, quum libros *De Legibus* scriberet, pronunciavit, nos autem hīc, ubi de verissima philosophi modestiā agimus, memoramus lubenter. Τίς οὖν δὴ, quaerit, πρᾶξις Φίλη καὶ ἀκόλουθος θεῷ; *quaenam igitur actio Deo accepta atque consentanea est?* Reponit autem continuo: μία, καὶ ἓνα λόγον ἔχουσα, ἄρχαιον, ὅτι τῷ μὲν ὁμοίῳ τὸ ὅμοιον ὄντι μετρίῳ Φίλον ἂν εἴη, τὰ δ' ἄμετρα οὐτ' ἀλλήλοις οὔτε τοῖς ἐμμέτρους.

(1) Theaet. 116. C.

τροις una, unamque habens antiquitus proditam rationem, simile quodque simili, quippe congruo, acceptum amicumque esse; incongrua vero atque immodica nec sibi nec invicem nec modicis congruisque convenire. Quibus subjungit: ὁ δὲ θεὸς ἡμῶν πάντων χρημάτων μέτρον ἂν εἴη μάλιστα, καὶ πολὺ μᾶλλον ἢ τοῦ τινος, ὥς φασιν, ἄνθρωπος. Deus igitur nobis omnium rerum modus mensuraque esse debeat, multoque magis quam homo quis, ut aiunt⁽¹⁾. Consentanea haec illis sunt, quae in superioribus de ideis divinaque naturā diximus: quorum haec fere conclusio fuit: Deum esse mortalibus ipsius veritatis i. e. omnium, quae sunt, ipsius pulcri, boni, justī, sancti, summum, quod imitentur, exemplar. ⁽²⁾ Sed hac nobis, quam nunc excitavimus, sententiā praecipit Plato, quis modus, quae veluti mensura sit, ad quam nostros in veritatis scientiā omnique perfectione progressus et exigamus et quasi metiamur. Divina apud eum sunt pulcra, bona et quidquid hujusmodi est ⁽³⁾: quae Deus intuitus est, quum mundum hunc informaret, et in gubernando illo intueretur imitaturque constanter. Quo igitur ad illa propius accesserimus, eo majores fecerimus in omni virtute ac veri scientiā progressus, eoque proxime ab ipsius divinae naturae perfectā conditione abfuturi sumus: et sic quidem non

(1) De Legg. IV. 716. C.

(2) Supra p. 115.

(3) Phaedr. 246. D.

non homo aliquis, ut foras, sed ipse adeo Deus nobis rerum omnium, quaecunque bonae sunt aut pulchrae aut iustae, quippe *ipsius veritatis exemplar*, mensura est. Quae nobis sententia ex modestiam praecipit, reputantibus quippe, quam longo, quam immenso intervallo a divina perfectione distemus, et vero stimulos adhibet simul, ut ad perfectionem illam indesinenter contendamus. Attingimus sic denuo placitorum Platoniorum longe celebratissimum illud, quod hominis τῷ θεῷ ὁμιλεῖσθαι continetur ac nobis suo loco aliquando dedita opera exponendum erit. (1) Hic autem animadvertere, quam prope ad sanctae doctrinae nostrae effata Platonis accedat philosophia, ne negligamus. Idem in illis rei desideratissimae studium et ardor: τὰ μὲν ὀπίσω ἐπιλανθανόμενος, τοῖς δὲ ἔμπροσθεν ἐπεκτεινόμενος, κατὰ σκοπὸν διώκω ἐπὶ τὸ βραβεῖν τῆς ἑνὸς κλήσεως τοῦ θεοῦ. (2) eadem verecundiae modestiaeque significatio: οὐχ ὅτι ἤδη ἔλαβον ἢ ἤδη τελείωμαι· διώκω δὲ, εἰ καὶ καταλάβω. (3) idem ad recte atque in aeternum progrediendum stimuli: ἔσσεσθε οὖν ὑμεῖς τέλειοι, ὥς περ ὁ πατὴρ ὑμῶν, ὁ ἐν τοῖς οὐρανοῖς, τέλειός ἐστι. (4) Sed et hac de re suus nobis in proximis dicendi erit locus.

Plat.

(1) Platoniciis disquisitionibus de divina natura docta nuper et perquam elaborata accessit Tidemannii disputatio *de Deo Platonis*. Amstel. 1830. (2) *Ep. ad Philipp.* III. § 14. (3) *Eod.* I. § 12. (4) *Matth.* V. §. 48.

*Philosophia apud Platonem,
sive ad pulcrum, sive universe ad verum
refertur, hominis teāpse est ad
veritatem conversio.*

Duplex argumentum, arctissime utrumque conjunctum, in postremis his nostris de veri philosophiā disquisitionibus ad finem disserendo perduximus: alterum *de mundo νοητῷ*, de veri, de τοῦ ὄντος scientiā alterum. Ex omni hac disceptatione id sponte consequitur, παιδείαν potissimum hominis, ejusdemque *ad veritatem conversionem* philosophiam apud Platonem esse. Nam quidquid de escensione animi e mundo ὁρατῷ in τὸν νοητὸν, de gradibus, quibus eo pervenitur, de ideis praecipue, quas qui non intuetur nec cogitare recte nec perficere quidquam potest, itemque de animi ad veritatem *περιαγωγῇ* protulimus, non pertinent haec ad inanes de rerum origine quaestiones, sed hominem ejusque verissimum cultum et perfectionem spectant. Quae autem subjuncta his est de veri, de τοῦ ὄντος scientiā disputatio, quo alio pertinuit, quam, ut Platonis sive metaphysicam sive veri doctrinam exquireremus, qua unice liceret homini ad veri scientiam summamque perfectionem accedere? Nos inchoavimus haecce et philosophis relinquimus aetatis nostrae, ut, misso omni partium, sectarum ac systematum studio,

dio, unam attendentes veritatem, hinc, si libuerit, ad recte philosophandum proficiant. Veruntamen quod in his, duce Platone, de *conversione*, *circumversione*, *περιαγωγή* hominis ad veritatem docuimus, (1) tam simplex haec philosophi hominique salutaris admonitio est, tam eadem per omnem ejus philosophiam, sive ad pulcrum, sive universe ad verum refertur, dominatur plane, tamque efficax simul ad vere excolendum erudiendumque hominem est, ut non committendum videatur nobis, quin hic denuo ad eam attentos faciamus lectores.

Nam omni aetate philosophi vel ita conquesti de hominis imbecillitate sunt, vel tam arduam esse rem philosophiam perhibuerunt, ut philosophia, his auctoribus, plures absterret difficultate suâ, quam praestantiâ atque utilitate alliceret. Neutrum fecit Plato. Monuit simpliciter, illuc fere conversam hominum mentem esse, quo non oporteret: sic autem accidisse, ut sibimet ipsi homo displiceret necessario, nec tantos faceret, quantos posset ac deberet, in rerum disquisitione progressus. Itaque in pulcri tractandâ philosophia, ad *ipsum pulcrum* continuo convertit mentem nostram, artibusque nos jussit elegantioribus, praecipue musicae operam navare, ut his excolendis cum pulcri amorem, insitum nobis naturâ, et excitaremus et aleremus, tum ad ipsum pulcri

πᾶ-

(1) Praecipue supra p.116.

παράδειγμα res omnes pulcras sive sensibus patentes, sive in vitâ agenda, in officiis ac virtutibus obvias exigeremus ac judicaremus recte. Nec alia ratio philosophiae Platonicae est, ubi ad verum refertur universe. Ut illic ad pulcrum continuo, ita hîc, in naturali ipsius progressionem, universe ad verum, sive illud pulcrum, sive bonum, sive justum est, adque veri, τοῦ ὄντος scientiam tendit; ut disciplinis hîc similiter atque illîc artibus maximeque dialecticâ et aleremus amorem veri nostrum et proprium nobis ὄργανον τῆς ψυχῆς, ᾧ μόνῳ ἀληθεία δρᾶται (una id nos voce exprimimus, *onzen waarheidszin*) purgaremus, atque ad illud quod non videtur pulcrum, bonum, justum, sed est, ad τὰ ὄντα, ad ideas, ad aeterna ἐν τῇ φύσει veri παραδείγματα erigeremus mentem nostram: quo pertinuit cum omnis ejus accuratissime instituta de disciplinis ac dialecticâ, tum haec, quam modo tradidimus, de mundo νοητῷ ac veri scientiâ disputatio. Hunc igitur in modum Platō nec de infirmitate facultatum nostrarum nec de philosophiae difficultate questus, simpliciter alio, quam solet, convertendum animum nostrum existimavit: imo vero, quemadmodum eo, quo oportet, convertendus sit, ipsius nobis philosophia illustre documentum est. Miratus equidem saepenumero sum, quid caussae sit, ut non solum parum haec curarint philosophi, sed vix quisquam adeo interpretum Platoniorum ad hanc rationem adhucdum universam exegerit philosophi doc.

doctrinam. Quod non profecto socordiae hominum tribuendae patem: nam, neglecta hac simplici ratione, ipsi sibi difficiliter molestiasque intumeras atque gravissimas projecerunt, quas superare quacunque modo, nisi summam animi intentione ac disserendi subtilitate non potuerunt. Rem equidem malim aliunde repetere. Primum enim recte a sapientibus monitum est, id homini fore ad assequendum difficilissimum esse, quod est simplicissimum: deinde, quod in vitae usu experientia docet, aegre sibi met ipsis imputant mortales, quod in rebus inquirendis perficiendisque arduum existant. Maluerunt igitur philosophi fere rerum explicandarum difficultatem vel ipsis rebus vel naturae humanae imbecillitati, quam suo ipsi vitio quaerendique perversitati adscribere. Cujus ipsi rationis tenaces, vix illud, quod et monnerat Plato et philosophiae ipse suae normam et habitum in omnium veluti conspectu posuerat, attenderunt. Quo magis in id profecto nobis toto pectore incumbendum est, ut assidue, nocturna, ut ille ait, diurna quoque manu Socratica scripta versantes, imbuamur sensim paulatimque Socraticae illius simplicitatis sensu, atque ad hujus rationem divinum praeceptum, a Socraticis unice celebratum, *γυμνὰ σεαυτὸν*, in studia etiam nostra accommodemus.

Quis finis sit philosophiae Platonicae, quem in his disquisitionibus perpetuo quaesivimus, nondum declaravimus satis. Nec tamen exiguum illud est, quod reperimus, tendere eam in omni dis-

cep-

captatione ad τοῦ ὄντος scientiam potissimum, atque esse reapse hominis, si effectum spectamus, ad veritatem conversionem. Quodsi se hoc nomine nobis non mediocriter commendaverit, non minus sane illa praestantiae utilitatisque habet, ubi sic nos mente ad pulcrum verumque conversos in mediam educit hominum societatem, ut intuentes animo verissima illa veri exempla, ad perfectam eorum conditionem res nostras omnes vitamque hominum conformemus recte. Quae iterum progressio Platonicae philosophiae est, quum a pulcro et vero ad *justi* disquisitionem progreditur. Accedendum jam nobis illuc est, eritque *vita optima* sive *beata* nobis, cujus saepenumero in hisce mentionem iniecimus, princeps instantium disquisitionum argumentum. Sed vita illa, qualis sit, ex hacce jam, in quam escendimus, philosophiae Platonicae veluti σκοπία, augurari nobis licet. Purae intaminataeque veritatis contemplatione continetur, quam rebus accommodare humanis studeamus. Vaticinata id nobis Diotime est, quum pulcri philosophiam absolveramus (1): nunc, postquam philosophiam veri item ad finem perduximus, plenius etiam mulieris dicta percipiemus. Ἐνταῦθα τοῦ βίου, ait, ὃ φιλεῖ Σώκρατες, εἰπέρ που ἄλλοι, βιωτὸν ἀνθρώπῳ, θεωμένῳ αὐτὸ τὸ καλόν. Hic, hic, inquam, amice Socrates, si uspiam alibi, vivendum homini est, ipsum spectanti
pul-

(1) V. Vol. I. p. 191.

pulcrum. Quod si quando conspexeris, non ad auri vel vestimentorum vel pulcrorum adolescentum spectem exiges, quorum nunc pulcritudine obstupescis fere. Quid, inquit, existimamus, si cui eveniret, ut ipsum pulcrum intueretur, integrum, purum, simplex, non humanis carnibus, coloribus, non aliis nugis mortalibus contaminatum; sed ipsum divinum pulcrum integrum adspiceret? Putasne, abjectam esse hominis vitam, qui illuc suspicit, et, quo oportet oculo, illud contemplantur ac miscetur cum eo? Nonne reputas, hic unica ei eventurum esse, ut pulcrum spectans eo quo potest perspicere, pariat non simulacra virtutis, quippe non simulacrum, sed vera, quippe verum amplexus? Qui autem virtutem peperit veram partemque aluit, huic sane continget, ut Deo sit carus, et si quis alius hominum, immortalis (1).

(1) Symp. 210 D. — 217. A.

Vol. II. P. I.

p. 16. l. 1	ἑβαλῆς	lege	ἑμβαλῆς
24. l. 6	ipsam	—	ipsum
38. l. 12	ut virtutē	—	et virtutem
43. l. 17	inscriptis	—	in scriptis
54. l. 10	amici	—	amice
69. l. 27	incultioribus	—	in cultioribus
70. l. 16	memoriae	—	memoria
80. l. 21	pervenerit	—	pervenit
86. l. 11	tantum gra- tificaretur	—	tantum non gratificaretur
116. l. 5	vesiti	—	vestiti
118. l. 24	animum	—	animo
123. l. 10	significat omnis	—	significat : omnis
137. l. 8	simul,	—	simul id,
146. l. 2	effiret	—	efficeret



